

12

CURSUS THEOLOGICO-MORALIS

Tomus Prior

Quoad ea, quæ Moralis Theologia disputat
de LEGIBUS, de Præceptis Decalogi,
de Restitutione, & de Contractibus,

Ad usum Tyronum elucubratus,

Et in Quotidianis Praelectionibus

A P. DOMINICO VIVA

SOCIETATIS JESU

SACRÆ THEOLOGIÆ PROFESSORE

Suis Auditoribus Traditus

In Palestra Collegii Neapolitani ejusdem Societatis,

Cupientibus, atque instantibus Moralis Theologiæ Candidatis

IN LUCEM PUBLICAM EDITUS,

AC DICATUS

EXCELLENTISSIMO PRINCIPI

D. MARCO ANTONIO

BORGHESIO

SULMONÆ PRINCIPI, ac ROSSANI,

PROREGI JAM NEAPOLITANO, &c.

PARS TERTIA

DE RESTITUTIONE.



PATAVII, Ex Typographia Seminarii, MDCCXXIII.

Apud Joannem Manfrè.

SUPERIORUM PERMISSU, ac PRIVILEGIO.

*Library of the University of Padua
Academy of Sciences*

I N D E X

QUÆSTIONUM, ET ARTICULORUM,

Qui in hoc Tertio Tractatu Theologico-Morali de
RESTITUTIONE continentur.

Q U Æ S T I O P R I M A :

De his, quæ ad ipsum Restitutionis actum pertinent: 3

<i>ART. I. Num ex violatione solius iustitiæ commutativa oriatnr onus Restitutionis?</i>	ibid.
<i>ART. II. De necessitate Restitutionis faciendæ.</i>	10
<i>ART. III. Quanam sint radices, unde provenit obligatio restituendæ?</i>	13
<i>ART. IV. Ex quanam culpa contra iustitiæ oriatnr obligatio Restitutionis?</i>	16
<i>ART. V. Quomodo se gerat Confessorius cum obligato ad restituendam?</i>	16

Q U Æ S T I O II.

De Persona restituente. 30

<i>ART. I. Quisnam teneatur restituere ex iniusta acceptione?</i>	ibid.
<i>ART. II. Quisnam restituere teneatur ex re accepta?</i>	34
<i>ART. III. Quid restituere teneatur Possessor mala fidei?</i>	37
<i>ART. IV. Quid restituere teneatur Possessor bonæ fidei?</i>	41
<i>ART. V. Quid restituere teneatur Possessor dubiæ fidei?</i>	49

Q U Æ S T I O III.

De Cooperantibus ad damnum alterius: 59

<i>ART. I. Quinam dicantur cooperari ad damnum alterius?</i>	ibid.
<i>ART. II. De Mandante damnificationem.</i>	64
<i>ART. III. De Consensente damnum alterius.</i>	67
<i>ART. IV. De Reliquis positive cooperantibus ad damnificationem.</i>	71
<i>ART. V. De Cooperantibus negative ad damnificationem.</i>	76
<i>ART. VI. Quantum singuli restituere teneantur, quando plures ad damnificationem cooperati sunt?</i>	80
<i>ART. VII. Quanam ordine restituere debeant concurrentes ad damnificationem, quando tenentur restituere in solidum?</i>	84

Q U Æ S T I O IV.

Quid, & quantum restitui debeat? 89

<i>ART. I. An accepta ob turpem causam restituenda sint?</i>	90
<i>ART. II. An restituenda sint accepta ob causam honestam?</i>	96
<i>ART. III. An bona incerta, vacantis, derelicta, & animalia, quæ piscatione, aut venatione capiuntur, restituenda sint?</i>	97
<i>ART. IV. An iterum faciendæ sint restitutiones, quando res fortitvè data alteri, ne restituatur, non petre-</i>	

pervenit ad dominum ?
ART. V. *An res domino necitata restituenda sit ?*

99
 102

Q U Æ S T I O V.

**De Persona, cui facienda est Restitutio, ac de reliquis circumstantiis
 Restitutionis.**

104

- ART. I.** *Cui facienda est Restitutio ?*
ART. II. *Ubi, & cujus expensis facienda sit Restitutio ?*
ART. III. *Quando facienda est Restitutio ?*
ART. IV. *Quomodo facienda sit Restitutio ?*
ART. V. *Quo ordine facienda est Restitutio Creditivibus ?*

ibid.
 108
 111
 112
 113

Q U Æ S T I O VI.

De Causis, ob quas omitti, vel differri possit Restitutio.

110

- ART. I.** *De Causis, ob quas differri potest Restitutio.* ibid.
ART. II. *De Debiti remissione, qua excusatur a Restitutione.* 116
ART. III. *De oculata compensatione excusante debitorum a restituendo.* 118
ART. IV. *De Compositione, & iudicis auctoritate excusantibus a restituendo.* 123
ART. V. *De Prescriptione, quatenus a restituendo excusatur.* 124
ART. VI. *Num interitus rei aliena, aut ingressus in Religionem a restituendo excusent ?* 129

Q U Æ S T I O VII.

De Restitutione in particulari.

122

- ART. I.** *De Restitutione propter homicidium, & mutilationem.* ibid.
ART. II. *De Restitutione propter devaluationem.* 128
ART. III. *De Restitutione facienda ob consummationem, derivationem, suspensionem, iudicium temerarium, & suspensionem.* 129
ART. IV. *De Restitutione facienda ob secreti violationem.* 131
ART. V. *De Restitutione facienda ob furtum, rapinam, necnon ob spiritualia damna alteri illata.* 132
ART. VI. *De Restitutione facienda ob stuprum, & adulterium.* 134
ART. VII. *De Restitutione facienda ob fraudata vestigia.* 135
ART. VIII. *De Restitutione ob Simoniam facienda.* 136
ART. IX. *De Restitutione facienda ob Eborum, & Respendentia omissionem.* 136

F I N I S.

C O R.

C U R S U S THEOLOGICO-MORALIS

Ad usum Tyronum elucubratus.

P A R S T E R T I A.

DE RESTITUTIONE.

Prooemium.



Explicatis jam præcipuis Decalogi præceptis ; ad uberem , ac valde necessariam de Restitutione disputationem gradum facimus. Illamque in septem quæstiones dividemus , inquirendo in Prima ea , quæ ad ipsum Restitutionis actum spectant . In secunda , quæ spectant ad personam , quæ secundum se tenetur restituere . In tertia , de cooperatoribus sive positive , sive negative ad damnum alterius . In quarta , discutiemus , quæ spectant ad res restituendas , & quantum restituendum sit . In quinta , quæ ad personam , cui fieri debet restitutio , & de aliis circumstantiis restitutionis ; quo scilicet modo , quo ordine , loco , aut tempore præstanda sit restitutio , & cujus expensis ? In sexta , de causis , propter quas aut omitti , aut differri possit restitutio : (Hæc autem omnia ad restitutionem spectantia vulgaris illis versibus continentur .

Quis , Quid restituet , Quantum , Cui , Quomodo , Quando , Ordine , Quo loco , Quæ causa excuset iniquum ?)

Demum in ultima quæstione agemus de restitutione in particulari ; puta de onere restituendi propter homicidium , propter deractionem , aut libellos famosos , ob secreti violationem , ob contumeliam , aut derisionem , ob judicium temerarium , & suspicionem , ob furtum , & rapinam , ob damna spiritualia illata ,

Pars III.

A

ob

ob fraudata vestigalia, ob stuprum, & adulterium, ob simoniam;
 & usuram, ob omissionem divini officii, & ob alias hujusmodi
 injustitias. Sic enim explicabimus, quæ præstare teneatur trans-
 gressor Quinti, Septimi, ac Noni præcepti Decalogi. Etenim
 de Sexto, ac Decimo in tractatu de Matrimonio disserendum est;
 ut diximus anno superiore.

QUÆ

QUÆSTIO PRIMA.

De iis, quæ ad ipsum Restitutionis actum pertinent.

Discutimus primo, Num restitutio sit actus solius iustitiæ commutativæ? Secundo, Qua ratione Restitutio necessaria sit ad salutem? Tertio, Undenam oriatur obligatio restituendi? Quarto, Ex quam culpa? Denique, Quomodo Confessarius se gerere debeat cum pœnitente obligato ad restituendum?

ARTICULUS I.

Num ex violatione solius iustitiæ commutativæ oriatur onus Restitutionis?

- I. Restitutio large dicta fert iterato aliquem statim in possessionem rei sue. Presse vero dicta est Actus iustitiæ commutativa, quo quis damnum a se illatum proximo resarcit.
- II. Ad iustitiam commutativam spectat tribuere unicuique ius suum, & partes inter se iustare, & exequare.
- III. In quo differat Restitutio a redditione depositi, aut commodati, a solutione muni, & a satisfactione?
- IV. Per quid discriminetur iustitia commutativa a distributiva, a legali, & a vindicativa?
- V. Onus restitutionis non oritur ex violatione iustitiæ pure distributivæ, & ideo solius iustitiæ commutativæ est actus Restitutio.
- VI. Quid importat ius strictum in re, & ad rem? Quid etiam sit dominium, Usus, & Ususfructus?
- VII. Quando donatur aliquid distributivum pluribus pro merito personarum, qui habet plura merita, habet ius strictum ad maiorem sum-

mam, & ideo violatur iustitia commutativa, si ea non solvatur. At nemo privatus habet ius strictum ad bona communia, qua non sunt distribuenda primario propter bonum privatum, sed propter bonum publicum; unde per violationem iustitiæ distributivæ non oritur obligatio restituendi.

- VIII. Episcopus conferens beneficia minus dignis tenetur resarcire damnum concurrentibus, & Ecclesia, non ex violatione iustitiæ distributivæ, sed commutativæ.
- IX. Num peccet mortaliter Episcopus conferendo beneficia simplicia minus dignis, emissis dignioribus? Num etiam Princeps sic conferendo officia Gubernatorii, Judicis, &c.?
- X. Dux non distribuendo spolia hostium pro merito militum peccat contra iustitiam commutativam.
- XI. Ob lesionem iustitiæ vindicativæ tunc datur onus restituendi, quando simul violatur commutativa.
- XII. Qui negavit in iudicio veritatem, non tenetur ad restitutionem damni secuti; secus vero si falsum restituitur est. Quid de Confessario, qui omisit pœnitentem monere de Restitutione facienda? Tenetur Confessarius, si positive pœnitentem debet: Sicut Advocatus, & Procurator, Gubernator, & Iudex, si culpabiliter sine causa damni.

Δ 2

XIII.

II. Probabiliter peccat solum contra charitatem, & ad restitutionem non tenetur, qui emittit omnes mercas alienius generis, ut postea carius illas vendat.

I. **Q**uæritur primo, Quid sit Restitutio presse dicta?

Respondetur cum Laym. hic, Restituere ex vi nominis importare In pristinum statum reponere, ex leg. *Restituere*, ff. de verborum Signif. Et juxta hanc nominis etymologiam dicit D. Th. 2. 2. quaest. 62., Restituere nihil aliud est, quam iterato aliquem statuere in possessionem, vel dominium rei suæ. Vtrum restitutio sic explicata non est ea, de qua agimus in presenti; tum quia sic explicata comprehendit redditionem cuiuscumque debiti ex contractu; nam quando restituimus, verbigratia, depositum, commodatum, munus, &c. tunc iterato reponimus aliquem in possessionem, vel dominium rei suæ; & tamen in tali casu non habetur Restitutio stricte dicta; tum etiam quia qui domum alicujus vastavit, & equum occidit, non potest iterato reponere dominum in possessionem rei suæ, cum non possit equus resurgere; & tamen in tali casu datur obligatio restituendi: Quare restitutio stricte dicta, prout pertinet ad rem præsentem, aliter debet definiti.

II. Dico itaque cum communi, Restitutionem presse dictam optime definiti, quod sit *Alius iustitia commutativa, quo quis damnum a se proximo illatum reficit*. Seu est *Damni iniuste illati compensatio ad aequalitatem*.

Dicitur itaque primo, quod sit *Alius iustitia*, loco generis, quia cum de ratione iustitiæ sit tribuere unicuique, quod suum est, & servare illud jus unicuique, aut si laesum fuerit, refarcire, per restitutionem id habetur; refarcitur enim per illam jus

laesum, & ponitur inter creditorem; & debitorem æqualitas debita, quæ est propria iustitiæ: Iustitia enim dicitur a iustando, quia iustat, & exæquat partes, itant neutra habeat plus, aut minus, quam sibi debeatur.

III. Dicitur secundo, *Quo quis damnum reficit*, loco differentie, quia restitutio, prout hic sumitur a Doctoribus, importat reparationem alicujus damni facti contra iustitiam; Et per hoc differt, tum a redditione depositi, aut commodati; tum a solutione mutui, aut pretii in emptione, & aliis contractibus; tum demum a Satisfactione, quæ quamvis sit etiam actus iustitiæ, tamen non ordinatur ad reparandum damnum ut damnum est, sed solum ad reparandam injuriam, & inhonorationem. Unde dux præcipuæ differentie inter satisfactionem, & restitutionem oriuntur ex Scot., Sayr., & aliis. Prima est, quod Deo possit quidem exhiberi satisfactio, non vero restitutio, quia Deus potest quidem dehonoriari, non autem damnificari; la hominibus vero, quia qui injuriatur, hoc ipso damnificatur, ideo qui honorem ablatum reddit alteri, unico actu & satisfacit, & restituit; itaut ille idem actus, quatenus reparat dehonorationem, dicatur Satisfactio, quatenus vero reparat damnum per dehonorationem illatum, dicatur Restitutio. Altera est, quod raptor (qui, ut docet D. Th. 2. 2. quaest. 66. art. 4, non solum infert damnum, sed etiam ignominiam) teneatur restituere simul, & satisfacere: Contra vero fur occultus, qui non dehonoriavit, sed solum damnificavit, non teneatur satisfacere, sed solum restituere. Non negaverim tamen, aliquando satisfactionem sumi large pro ipsa restitutione, ut in cap. fin. De injuriis, ubi Pontifex jubet tam pro injuria irrogata, quam pro damno illato satisfactionem fieri.

Dici-

Dicitur tertio in definitione, *Dammum illatum a se*, quia si quis reficiat damnum non a se, sed ab alio illatum, facit solum actum eleemosynæ, & charitatis, non restitutionis, & iustitiæ. Dicitur demum *Proximo*, quia iustitia respicit alterum, & non potest esse ejusdem ad seipsum: Nec potest restitutio exerceri erga Deum, quia Deo damnum nequit inferri.

IV. Quæritur secundo, Utrum restitutio sit actus solius iustitiæ commutativæ, an etiam distributivæ, itaut ad restitutionem teneatur etiam, qui iustitiam distributivam violavit, distribuendo beneficia, officia publica, aut alia bona communia indignis, aut minus dignis, prætermisiss dignioribus?

Respondeo, Iustitiæ virtutem dividi in Commutativam, Distributivam, Legalem, & Vindicativam: Per iustitiam commutativam datur aliquod bonum particulare alteri, quod illi debetur. Per iustitiam distributivam distribuitur multis aliquod bonum commune, puta officia, beneficia, dignitates, stipendia, &c., juxta proportionem meritorum, & personarum; & ideo vitium huic iustitiæ oppositum dicitur Acceptio personarum: Hanc autem proportionem rerum ad merita personarum Aristot. lib. 5. Ethic. cap. 3. appellat Geometricam; sicut æqualitatem rei ad rem, quæ est propria iustitiæ commutativæ, c. 4. dixit esse secundum proportionem Arithmeticam. Per iustitiam Legalem Princeps condit leges respiciendo bonum Communitatis, & non particularium personarum; ut quando præcipitur, ne frumentum extrahatur, ut veritas testificetur, &c.: demum per iustitiam Vindicativam iudex punit reos juxta meritum delictorum. Iustitia Legalis dicitur Generalis, & Publica, sicut etiam Vindicativa; quia respiciunt bonum publicum: Commutativa vero, & distributiva di-

cuntur iustitiæ particulares, quia respiciunt bonum particularium personarum. His explicatis,

V. Dico, Restitutionem esse actum solius iustitiæ commutativæ, atque adeo ex violatione iustitiæ pure distributivæ nullam oriri obligationem restituendi. Ita communis apud De Lugo disp. 1. sect. 3. contra Petrum Navar., Vasq., Dicast. de Iustitia lib. 2. tract. 2. Ratio ex D. Th. 2. 2. quæst. 62. art. 1. est, quia restitutio fit per compensationem rei ad rem secundum proportionem arithmeticam, itaut tantum præcise reddatur, quantum sublatum est, nullam habendo rationem personarum, aut meritorum; cum ex Philosopho illud sit proprium iustitiæ commutativæ; ubi contra Distributivam distribuit bona communia secundum proportionem geometricam, non per ordinem ad rem, sed ad merita personarum; ergo restitutio non potest esse actus distributivæ, neque ex violatione distributivæ oritur obligatio restituendi. Probatur consequentia, quia merita personarum dant solum aptitudinem, & non conferunt jus strictum ullum ad bona communia; ergo cum per violationem distributivæ nullum jus strictum lædatur, non datur obligatio restituendi aliquid dignioribus prætermisiss.

Confirmatur, quia ad inducendam obligationem restituendi non sufficit violatio juris qualiscunque; nam sic etiam ex violatione gratitudinis, fidelitatis, amicitie, &c. consurgeret obligatio restituendi, seclusa omni læsione iustitiæ commutativæ, quod nemo dixerit: Quare requiritur violatio juris stricte dicti, quod sit vel jus in re, vel ad rem: Qui autem violat iustitiam distributivam conferendo bona communia minus dignis, quamvis irroget aliquam injuriam dignioribus, & violat jus aliquod, quod habent ad ea bona, non tamen violat jus stricte dictum;

rum ; quia digniores neque habent jus in re relate ad bona communia , ut patet , quia aliter non essent communia , sed propria illorum ; neque habent jus ad rem , ut mox explicabimus ; ergo per violationem distributi-
væ non oritur obligatio restituendi .

VI. Rogabis , Quid sit jus strictum in re , & ad rem ?

Respondeo , hoc nomen Jus sumi dupliciter , Primo pro lege , quæ est regula iusti , unde dicimus dari Jus Naturale , Positivum , Divinum , Humanum , & Jus Gentium , quod scilicet passim omnes gentes servant ; necnon Jus Civile , quod auctoritate Principis secularis est conditum , & Jus Canonicum , quod scilicet auctoritate Pontificis , vel Conciliorum in Sacris Canonibus conditum est . Secundo , accipitur Jus pro potestate legitima (hoc est a lege concessa) ad aliquid acquirendum , possidendum , alienandum , &c. Cujus violatio fert injuriam ; & hoc modo sumptum dividitur in Jus ad rem , & in re . Jus ad rem dicitur , quod non tribuit actionem in rem , sed in personam ; & tale jus competit per donationem , emptionem , stipulationem , aliosque contractus ante traditionem rei ; Nam si res , verbi gratia , tibi donata , vel vendita , aut traditionem alteri vendatur , & tradatur , non poteris rem illam tibi vindicare , ex leg. *Quoties* , Cod. *De rei vindicatione* , cum non habeas jus in re , seu jus perfectum erga rem illam , sed tantum actionem personalem in eum , qui te fraudavit . Tale jus ad rem habetur etiam per Electionem , Postulationem , & Præsentationem ad beneficium ; sicut etiam per Collationem beneficii ante acceptationem ; necnon per successionem hæreditatis ante acceptationem . Ex quo patet , quod in casu nostro persona magis digna non habet jus ad rem relate ad bona communia distribuenda per hoc

præcise , quod habeat majora merita , quam persona minus digna . Jus vero in re dicitur , quod tribuit actionem realem , hoc est in rem ipsam obligatam , itaut possis illam tibi vindicare ; & tale jus ordinarie acquiritur per titulum simul , & traditionem ; verbi gratia , per donationem , emptionem , aliosque contractus , secuta traditione rei : Potest etiam acquiri per collationem beneficii , aut per testamentum , aut successionem ab intestato , secuta tamen acceptatione beneficii , aut hæreditatis . Acquiritur etiam per apprehensionem rerum illarum , quæ nullius sunt ; necnon per legem , seu voluntatem superioris potentis de re disponere . Tale jus dicitur Perfectum , dividiturque in Dominium , Usum , & Ususfructum . Dominium est jus disponendi de re . Usus est jus tantum utendi re , salva ejus substantia ; itaut nec possit ea alteri locari , nec gratis dari , ad usum . Ususfructus est jus utendi , & fruendi re , salva ejus substantia ; itaut possit alteri talis ususfructus concedi , ut notat Less. cap. 3. dub. 6.

VII. Opponitur primo adversus hanc communioem sententiam ; Qui male distribuit bona communia , tenetur sæpe restituere ; nam si testator , verbi gratia , relinquat aliquam summam distribuendam civibus pro merito personarum , & Cajus hæres Titio , cui debentur decem ob meritum , & gradum propriæ personæ , det solum quinque , certe tenetur de propriis bonis restituere alia quinque , in quibus Titium injuste damnicavit ; Hæc autem restitutio videtur esse actus justitiæ distributiæ ; quia est commendativus injustæ distributionis ; ergo falsum est , restitutionem esse actum solius justitiæ commutativæ .

Respondeo cum Cajet. , tam violari justiciam commutativam , si tollatur a domino bonum aliquod proprium

prium illius, ad quod habet jus in re, verbi gratia equum; quam si impediatur, ne quis acquirat aliquod bonum, quod est illi appropriandum ex iustitia, seu ad quod habet jus strictum ad rem; verbi gratia ne acquirat hereditatem debitam ex iustitia. Hoc posito, ad argumentum concedo majorem, negotamen minorem: Restitutio enim in tali casu debita esset actus iustitiæ commutativæ, quia Causus male distribuendo violaret iustitiam commutativam tollendo a Titio decem, quæ illi erant approprianda ex iustitia; nam cum relictæ sit summa illa distribuenda pro merito personarum, Titius habens meritum ut decem, habet consequenter jus strictum iustitiæ ad decem, ortum ex donatione Testatoris; & consequenter, si illi non dentur decem, violatur iustitia commutativa, & ideo datur obligatio restitutionis: Quod tamen non accidit in distributione bonorum communium, puta beneficiorum, officiorum, &c., quæ non sunt approprianda dignioribus ex obligatione iustitiæ; cum digniores non habeant jus strictum ad illa, sed approprianda sunt ex obligatione, quam habet distributor consulendi bono Ecclesiæ, & bono publico; & ideo qui beneficia, vel munera publica contulit indignis, aut minus dignis violando tantum iustitiam distributivam, non debet quicquam restituere dignioribus prætermittis.

Instabis: In primo casu Titius habens merita ut decem, habet jus strictum ad decem, eo quod summa illa distribuenda sit pro meritis personarum; ergo cum beneficia, & officia publica distribuenda sint etiam pro merito personarum, digniores habent jus strictum ad illa, & consequenter etiam in secundo casu violatur iustitia commutativa, & datur obligatio restituendi.

Respondeo, nego consequentiam. Disparitas est, quia in primo casu jus strictum ad rem oritur ex donatione facta a testatore in bonum privatum illorum civium, juxta meritum personæ. In secundo casu non habetur donatio facta in bonum alicujus privatum, sed beneficia, & officia publica distribuenda sunt primo, & per se propter bonum publicum; & ideo digniores non habent jus strictum ad illa, sed solum aptitudinem majorem, ut illis conferantur. Quare jus strictum haberi potest solum relate ad bona, quæ relinquuntur primario in bonum privatum, non vero relate ad bona communia, quæ primo, & per se relinquuntur in bonum publicum.

VIII. Opponitur secundo. In multis aliis casibus, tam qui peccat contra iustitiam distributivam, quam qui contra vindicativam tenetur ad restitutionem, & talis restitutio non potest reduci ad actum commutativæ; ergo falsum est omnem restitutionem esse actum solius commutativæ. Antecedens probatur, quia per læsionem iustitiæ distributivæ tenetur ad restitutionem, Primo Episcopus conferens beneficia indignis, vel minus dignis, relictis dignioribus, præsertim in concursu. Secundo Princeps, si male conferat officia secularia Gubernatoris, Judicis, &c. quando instituta sunt in præmia meritorum. Tertio Dux non largiendo hostium spolia juxta meritum, & dignitatem militum; Ac denum Judex per læsionem vindicativæ, quando punir reum supra gravitatem, & demeritum delicti.

Respondeo cum D. Th. 2. 2. quæst. 62. art. 1. Lug., Bonac., Laym., & aliis communiter, in omnibus his casibus peccari non solum contra distributivam, aut vindicativam, sed etiam contra commutativam, ut diximus in prima objectione; & ideo restitutionem

nem in his casibus esse actum iustitiæ commutativæ, itaut etiam quando talis actus emendar peccatum contra distributivam, emendet pariter peccatum contra commutativam procedendo per comparationem rei ad rem, reddendo dumtaxat id, ad quod ius strictum habetur.

Ad primum itaque casum, Episcopus conferens beneficia aut indignis, aut minus dignis, ideo sæpe tenetur ad restitutionem, quia non solum peccat contra iustitiam distributivam, sed etiam contra commutativam violando ius strictum iustitiæ; Nam vel illa confert in concursu plurium, vel sine concursu; Si in concursu, violat ius strictum concurrentium contra tacitum pactum, seu contractum inter Prælatum, & concurrentes; ex quo pacto quando plures concurrunt, & examini se subijciunt, acquirunt ius strictum ad beneficium, si prævaleant; ut communius docent contra Navar., & Sot. apud Dian. part. 3. tract. 5. resol. 110. Et idem dicas de habentibus plura suffragia ad aliquam dignitatem. Si vero collatio beneficii fiat sine concursu, peccat Episcopus violando ius strictum, quod habet Ecclesia, ut conferatur dignioribus; dum enim traditur Episcopo munus Episcopale, intercedit implicitus contractus inter Episcopum, & Ecclesiam, quod dispensentur beneficia in bonum Ecclesiæ, cui donata sunt, atque adeo dignioribus. Quare in primo casu Episcopus tenetur ad compensationem damni illati concurrentibus; in secundo tenetur ad compensationem damni illati Ecclesiæ.

IX. Ubi notandum, damnatam esse ab Innoc. XI. propos. 47. qua dicebatur posse promoveri ad Ecclesias digni, prætermisiss dignioribus: Hæc sunt verba proscriptæ thesîs: *Cum dixit Concilium Tridentinum, eos alienis peccatis communicantes mortaliter pecca-*

re, qui nisi quos digniores, & Ecclesia magis utiles ipsi indicaverint, ad Ecclesias promovent; Concilium vel primo videtur per hoc, digniores, non aliud significare velle, nisi dignitatem eligendorum, sumpto comparativo pro positivo; Vel secundo locutione minus propria ponit digniores, ut excludat indignos; vel tandem loquitur terrore, quando fit concursus. Quare communiter apud Dian. part. 5. tr. 5. resol. 13. docent beneficia curata sine mortali dari non posse dignis, omisiss dignioribus; Sicut nec beneficia simplicia, si dentur in concursu: At si dentur extra concursum, negant aliqui apud Dian. part. 2. tract. 15. resol. 38. Episcopum peccare mortaliter, si ea conferat dignis, omisiss dignioribus; quia Trident. solum loquitur de beneficiis curam animarum habentibus; unde videtur relinquere arbitrio Papæ, & Episcoporum alia beneficia etiam magni momenti, (ut sunt Canonicatus) quod conferantur dignis ministris, quilibet non sint meliores, ramen non sint otiosi, nec cum scandalo vivant. Sed communius docent cum Vasq., in hoc etiam casu peccare Episcopum mortaliter, nisi excuset parvitas materiæ; tum quia violatio iustitiæ distributivæ ex genere suo est mortale; tum etiam quia Episcopus, etiam quando confert beneficia simplicia, debet consulere quantum potest bono Ecclesiæ, atque adeo conferre illa dignioribus: Unde etiam fit teneri ad compensationem damni, quod Ecclesia patretur; Secus vero ad nullam restitutionem teneretur, ut notat Less. cap. 32. dub. 2., quia non peccaret contra iustitiam commutativam, sed solum contra fidelitatem debitam Ecclesiæ, ex qua tenetur constituere ministros quam maxime idoneos; non secus ac Æconomus ex fidelitate debita domino debet conducere operarios quam maxime idoneos.

Ad

Ad secundum casum : Quod diximus de Episcopo conferente beneficia, dicas de Principe conferente officia Gubernatoris, Judicis, &c. aut indignis, aut minus dignis; nam si conferat indignis, peccat adversus iustitiam commutativam, seu adversus jus strictum Reipublicæ, unde tenetur illi damnum compensare: Si vero ea conferat minus dignis, peccat quidem mortaliter, (ut diximus cum communiore in calce articuli quarti quæstionis undecimæ cum de Præceptis Decalogi) sed quia solum peccat contra fidelitatem debitam Reipublicæ, non contra iustitiam, neque tenetur ad restitutionem, si nullum inde damnum sequatur.

X. Ad tertium casum: Dux non distribuendo spolia hostium pro merito militum, peccat etiam contra commutativam, violando jus strictum acquisitum a militibus, sive ex Principis voluntate, seu donatione sic disponente in bonum Reipublicæ, sive acquisitum ex proprio labore ad Regni incolumitatem adhibito; & ideo injuste distribuendo ad restitutionem tenetur: Ad eum modum, quo qui bona accepit distribuenda pauperibus juxta cujusque inopiam, peccat contra commutativam, si aliter distribuat, & tenetur ad restitutionem.

XI. Ad ultimum casum pro Justitia vindicativa, seu punitiva dico, quod si iudex puniat reum ultra demeritum, tenetur ad compensationem damni illati; quia non solum peccat contra vindicativam, quæ dicitur puniri reum pro demerito culpæ; sed etiam contra commutativam, quia violat jus strictum, & rigorose dictum, quod habet reus, ne sibi tolerantur bona vitæ, corporis, aut fortunæ ultra quod demeretur. Quod si iudex puniat reum citra condignum, tenetur pariter ad restitutionem, si

aliquod damnum inde sequatur in Republica; quia violat jus, quod habet Republica, ut a Iudice puniantur delinquentes; Ex quibus omnibus constat, solum ex violatione juris strictæ dicti oriri obligationem restitutionis. Utrum autem ex damnificatione contra charitatem, aut alias virtutes detur obligatio restitutionis, dicemus art. 3.

XII. Colliges ex dictis primo, eum, qui negavit in iudicio veritatem, non teneri ad solvendam poenam, ad quam fuisset condemnatus, si veritatem confessus esset. Ratio est, quia non violat iustitiam commutativam; quia is, cui applicanda fuisset talis poena, non habet jus ad illam ante sententiam iudicis; Quare negando veritatem solum violat iustitiam legalem, seu publicam, quæ obligat ad veritatem manifestandam, ut criminari puniantur: Contra vero si Titius in iudicio falsum dixerit adversus aliquem, tenetur ad restitutionem damni inde secuti, quia violat jus strictum, quod quilibet habet, ne positive ab alio lædatur: Eadem ratione tenetur Confessarius ad restitutionem, si positive deobliget poenitentem, qui ad illam tenetur, quia positive concurreret suo consilio, & esset causa efficax damni: Utrum autem teneatur ad restitutionem, si ex malicia, aut ignorantia crassa omitat monere talem poenitentem, ut restituat, examinabimus articulo ultimo.

Colliges secundo, quod si Advocatus, & Procurator ex gravi culpa sint in causa, cur aliquis, cui consulere ex iustitia tenentur, patiaturs grave damnum, ad restitutionem teneantur. Idem dicas de Iudice, & Gubernatore, qui ex officio, & iustitia tenentur cavere damnum tertii; Nam cum quilibet ex Republica concurrat ad solvendum pretium Gubernatori, & Iudici, a quo rite gubernatur,

B tur,

Part III.

tur, & judicentur, quilibet habet jus rigorosum, ut Gubernator, & Judex caveant damnum ipsorum.

XIII. Colliges tertio, quod si unus, vel pauci convenient ad emendas omnes merces alicujus generis, ut eas asservent in tempus inopie, animo vendendi illas carius, probabiliter non teneantur ad restitutionem ullam ex tali monopolio; ut docent Lcís., & Molin. contra Medin., & alios apud Bonac. disp. 3. quæst. 2. punct. 5. Ratio est, quia quamvis graviter peccent contra charitatem, tamen probabiliter non peccant contra justitiam commutativam; cum non sit certum, quod Respublica habeat jus strictum, ne mercium pretium hoc modo augeatur; Quandoquidem qui emit omnes merces alicujus generis, non peccat contra justitiam emendo; nec peccat contra justitiam supprimendo merces illas usque ad tempus inopie, eo quod ex justitia non teneatur illas vendere; solum itaque peccat contra charitatem, aut ad summum contra justitiam legalem, si id lege prohibitum sit; & ideo ad restitutionem damni in Republica securi non tenetur.

Colliges ultimo, cum, qui transfert triticum extra territorium contra Principis edictum, non teneri ad ullam restitutionem, quamvis ex violatione talis legis pretium frumenti notabiliter augeatur. Ratio est eadem, quia violatur in tali casu solum justitia legalis, & publica, non vero particularis, & commutativa.

ARTICULUS II

De Necessitate Restitutionis faciendæ.

I. Necessarium ad salutem bifariam sumi potest, vel pro necessario ne-

cessitate mediæ, vel pro necessario necessitate præcepti.

II. Restitutio est ad salutem necessaria solum necessitate præcepti.

III. Cur Baptismus in re, aut in voto sit necessarius necessitate mediæ?

IV. Præceptum de restituendo videtur principaliter esse de alio positivo, atque adeo affirmativum, & minus principaliter negativum.

V. Præceptum restituendi diversum est a præcepto non furandi; hoc est negativum, illud vero positivum.

VI. Sunt duo præcepta, Non furari, & Non retinere rem alienam; quia tamen eidem viribus opponuntur, non committit duo peccata specie diversa, qui utrumque præceptum transgreditur.

VII. Quot peccata committit, qui oblata opportunitate restituens non restituit?

VIII. Alius nostri non interrumpuntur moraliter per alios contrarios dumtaxat, sed etiam aliis viis.

I. Supponendum dupliciter posse aliquid esse necessarium ad salutem: Primo necessitate mediæ, quando scilicet aliquid est ita necessarium, ut eo etiam inculpabiliter prætermisso salus obtineri non possit; & talis est baptismus, & post peccatum actuale mortale Sacramentum poenitentiae sive in re, sive in voto susceptum; Necnon fides explicita Dei etiam ut remuneratoris; cum opposita opinio damnata sit ab Innoc. XI. in thesi 22. quæ habet: *Non nisi fides minus Dei necessaria videtur necessitate mediæ, non autem explicita Remuneratoris.* Secundo aliquid est necessarium ad salutem necessitate præcepti; quando scilicet præcepto graviter obligante aliquid necessario ponendum est, ita tamen, ut si ex ignorantia inculpabili, aut ex impotentia prætermittatur, adhuc possit salus æterna

na obtineri; ut est, verbi gratia, jejunium quadragesimale, auditio missæ die festo.

II. Quæritur nunc primo, Utrum restitutio sit necessaria necessitate solum præcepti, an etiam necessitate medii?

Respondeo cum communi solum esse necessariam necessitate præcepti; etenim præmissa restitutione ex ignorantia invincibili, aut ex impotentia, adhuc potest quis salvari. Habetur tamen de illa præceptum tum naturale fundatum in illo naturæ dictamine, *Quod tibi non vis, alteri ne feceris*: tum positivum; nam Matth. 27. dicitur: *Reddite, quæ sunt Cæsaris, Cæsari*. Et ad Roman. 13. *Reddite omnibus debita*. Et in Regul. 4. juris: *Non remittuntur peccata, nisi restituatur ablatum*; videlicet, ut notat D. August., quando restitui potest.

Unde sequitur, falsam esse doctrinam Angeli V. *Execrator* num. 23., ubi docet non liberari a purgatorio eum, qui in vita restituere debebat, quousque ejus debita ab hæredibus solvantur: Hinc enim sequeretur, quod poena purgatorii posset esse æterna, si scilicet talia debita nunquam ab hæredibus solvantur; quod tamen est impossibile, cum decedens in gratia habeat jus ad gloriam.

III. Opponitur: Tam qui non suscipit saltem in voto, verbi gratia, baptismum, quam qui non habet votum, seu desiderium, ac propositum restituendi, si potest, damnatur; ergo sicut baptismus saltem in voto susceptus est necessarius etiam necessitate medii, ita pariter restitutio.

Respondeo, concessio antecedente, nego consequentiam. Disparitas est, quia Baptismus est id, per quod Deus gratiam, & salutem æternam confert, & idcirco votum illius est votum medii positi a Deo ad salutem acquirendam: Contra tamen Resti-

tutio non est id, per quod confertur gratia: Quare licet ad salutem requiratur votum, seu propositum servandi omnia præcepta, atque adeo restituendi, non secus ac requiritur votum baptismi; at votum servandi omnia præcepta, & eatenus restituendi non est votum ponendi medium a Deo institutum ad collationem gratiæ, & gloriæ, & idcirco restitutio in voto non dicitur esse necessaria necessitate medii, sicut est baptismus in voto, & Sacramentum poenitentiz.

IV. Quæritur secundo, Utrum præceptum restituendi sit negativum, quod scilicet obligat semper, & ad semper, an vero affirmativum, quod scilicet obligat semper, non tamen ad semper, sed ad ponendum actum tempore determinato?

Respondeo, Petrum Navar., Medin., Angel., Lug. docere, quod sit negativum; Valq. tamen, Less., Soz. docent esse affirmativum: Demum Cajet., Valent., & alii docent partim esse negativum, partim affirmativum; Etenim cum ex iustitia obligemur tam ad non retinendum alienum, quam ad resarciendum damnum illatum; quatenus obligamur ad primum, præceptum dicitur esse negativum, quatenus vero obligamur ad secundum, dicitur esse affirmativum.

Equidem censeo cum Tambur. cap. 1. contra Laym. cap. 2. præceptum restitutionis esse quidem negativum simul, & affirmativum, sed principaliter, & absolute esse de actu positivo, atque adeo affirmativum, minus principaliter vero esse negativum. Ratio est, quia restitutio est actus positivus trahens secum, & includens non retinere alienum, non tamen e contra. Nam qui domum alterius, verbi gratia, incendit, & qui impotens est redde-
dere, certe non retinet alienum, & tamen non proinde observat præceptum restitutionis; ergo hoc præ-

B 2 pum

tum non est principaliter de non retinendo alieno, sed de refarciendo damno illato.

V. Unde sequitur, præceptum non furandi non esse idem ac præceptum restituendi: Illud enim est negativum prohibens malum, hoc vero est positivum præcipiens actum bonum; Illud prohibet accipere rem alienam invito Domino; hoc imperat rem acceptam reddere, & daninum compensare: Quare præceptum restituendi præsupponit præceptum non furandi, & consequenter hæc duo præcepta distinguuntur.

Confirmatur, quia Restitutio non semper fit ob furtum, sed etiam ob homicidium, stuprum, &c., In quibus casibus, sicut præceptum de restituendo non est idem cum præcepto de non occidendo, ita in casu nostro, nec est idem cum præcepto de non furando; reduci tamen potest ad præceptum non furandi, quatenus est remedium emendativum furti; in quo sensu reduci etiam potest ad præceptum de non occidendo.

VI. Dices: Præceptum restituendi est idem, ac præceptum non retinendi alienum; sed præceptum non retinendi alienum est idem, ac præceptum non furandi, quia retentio alieni est furtum continuatum; ergo præceptum restituendi est idem, ac præceptum non furandi.

Respondeo, nego maiorem; nam, ut diximus, qui equum alterius, verbi gratia, occidit, nihil retinet alienum, & tamen restituere tenetur: Sed transmissa maiore, (quatenus qui debet restituere, debet non retinere id, ad quod alter habet jus, ut explicat Lugo) nego minorem; quamvis enim eidem virtuti iustitiæ opponatur furtum, & retentio rei alienæ, atque ista moraliter æquipolleant, ex D. Th. 2. 2. quæst. 66. art. 3. nihilominus furari est accipere alienum, retinere

vero non importat accipere, sed conservare rem acceptam; ergo præceptum non retinendi supponit præceptum non furandi; sicut conservare rem acceptam præsupponit actionem, & consequenter non sunt idem præceptum. Per hoc tamen non fit, quod retinens alienum duo peccata committat; nam, ut alias diximus, non multiplicantur peccata ex multiplicatione præceptorum, quæ violantur, sed ex multiplicatione deformitatum contra virtutem, seu rectam rationem; cum autem eidem virtuti iustitiæ opponatur furari, & non restituere, unum omnino peccatum est utrumque præceptum transgredi.

VII. Petes tamen, quot peccata committat, qui oblata opportunitate restituendi non restituit?

Respondeo cum Bonac. quæst. 7. num. 9., tot peccata numero distincta committi, quot sunt actus intentionis, seu voluntatis non restituendi moraliter interrupti. Quomodo autem interruptantur actus interni, explicabimus in de Pœnitentia; Num scilicet interruptantur moraliter per actus oppositos, an per hoc, quod prior actus non amplius virtualiter duret; num per distractionem voluntariam, an etiam per involuntariam. Illud solum hic advertimus cum Molin., & Bonac. loc. cit., confessarium non debere esse scrupulosum in investigando numero actuum internorum moraliter interruptorum, quia non conveniunt Doctores in assignanda ratione hujus moralis interruptionis. Quare satis est investigare quantum temporis res aliena detenta fuit; sic enim facile plus, vel minus cognosceretur numerus peccatorum, & status pœnitentis: Sicut fieri consuevit cum meretrice, quando numerus peccatorum facile cognosci non potest; tunc enim satis est cognoscere, quamdiu se omnibus expolitam habuerit, & cum quo genere personarum.

VIII.

VIII. Petrus Navar. lib. 4. cap. 4. putat, unum tantummodo peccatum committi ab eo, qui per multum temporis non restituit, si tale peccatum per propositum restituendi non interrumpatur; censet enim actus internos moraliter interrumpi per actus contrarios dumtaxat. Sed communior sententia est in contrarium; communiter enim Doctores censent peccatum hoc interrumpi moraliter, non solum per actum contrarium, seu per propositum restituendi, sed etiam per hoc, quod non censetur amplius virtualiter perseverare, sive desinat perseverare virtualiter per quancumque distractionem etiam involuntariam, per somnum, &c., ut multi docent, sive per hoc, quod cesset obligatio restituendi ex aliquo capite, puta ex impotentia, & deinde reviviscat, sive per hoc, quod iterum quis utatur re aliena, aut illam vendat, donet, &c.; vel si appareat novum damnum confurgere creditori ex omissione restitutionis; puta si in carcerem detrudendus sit, eo quod non habeat unde alteri solvat, quod debet; Sic enim hæc voluntas cauſandi novum damnum non continetur moraliter in illo peccato retentionis rei alienæ, atque adeo videtur esse novum peccatum in confessione apertum modo explicato.

ARTICULUS III.

Quænam sint radices, unde provenit obligatio restituendi?

- I. *Duplex est radix, ex qua sequitur obligatio restitutionis, videlicet Injusta acceptio, & Res accepta.*
- II. *Obligatio restitutionis orta ex prima radice injusta acceptionis haberi non potest citra actionem damnificationis; secus vero si oriatur ex secunda radice rei acceptæ.*
- III. *Non cessat obligatio restitutionis ci-*

tra restitutionem, si ea oriatur ex prima radice; potest tamen sine restitutione cessare, si ex secunda radice oriatur.

IV. *Quando oriatur onus restitutionis ex prima radice, nullum debet pati damnum damnificatus; quando vero oriatur ex secunda, nullum debet pati damnum, qui restituit.*

V. *Sicut non confurgit onus restitutionis ex laesione iustitiæ distributivæ, Legalis, aut vindicativæ, ita neque ex damnificatione contra alias virtutes a iustitiâ.*

VI. *Hinc non tenetur ad restitutionem Medicus, si ex incuria agrotum occidat, quando nullo accepto stipendio medetur: Nec Clericus alium inadvertenter occidens vacando venationi prohibita: Nec omittens succurrere extreme indigenti: Nec violans iustitiâ legalem.*

VII. *Qui alium inadvertenter infamavit, ubi id advertit, tenetur famam restituere ex titulo injusta acceptionis potius, quam rei acceptæ.*

VIII. *Judex ad restitutionem tenetur, si pecuniâ accipiat pro ferenda sententia iusta, non tamen si accipiat pro ferenda sententia injusta, patris tali scelere.*

I. **P**remitto duas potissimum assignari radices, seu capita, unde pullulat onus restituendi. Prima est injusta acceptio rei alienæ. Secunda est ipsa res aliena accepta, videlicet sine iusto titulo. Ratio est, quia restitutio est actus iustitiæ commutativæ, ponens æqualitatem inter debitorem, & creditorem; cum autem duobus titulis possit aliquis esse creditor, vel quia injuste aliquid ab eo acceptum est, vel quia eo invito res sua detinetur; ideo duplex datur caput restitutionis, Injusta acceptio, & Res accepta: Quæ tamen capita aliquando etiam concurrunt; nam si quis, verbi gra-

gratia, injuste accipiat equum alienum, & invito domino illum retineat, ex utroque capite tenetur restituere; Quando vero equus post injustam acceptionem moritur, tunc fur tenetur restituere solum ex primo capite injuste acceptionis, non vero ex re accepta, cum illum non habeat: Quod si equus in tuum stabulum sine tua culpa transierat, tunc solum teneris restituere ex secundo capite, videlicet ex re accepta, non vero ex injusta acceptione. Alii cum Diana assignant tertiam radicem restitutionis, videlicet ex contractu injusto, sed hæc ad primam radicem injuste acceptionis reducitur: Ex contractu vero justo (sicut etiam ex lege positiva non præsupponente damnificationem injustam) non oritur obligatio restitutionis strictæ dictæ, ut quando quis debet reddere depositum, aut solvere gabellas, vel pretium rei emptæ, quia in tali casu non habetur compensatio damni illati, ut diximus art. 1. Quartam alii radicem recent, videlicet ex injusta damnificatione, quando scilicet pure damnificatur alter sine propria utilitate, verbi gratia occidendo ejus equum, incendiando domum &c.; Hæc autem radix communiter a Theologis cum D. Th. apud Croix n. 18. reducitur ad primam radicem injuste acceptionis, quatenus isthæc damnificatio est quædam acceptio, seu subtractio rei alienæ.

II. Inter has duas radices restitutionis multiplex intercedit discriminem: primum est, quod obligatio orta ex injusta acceptione haberi non possit sine actione damnificativa, (& quidem externa; nam per meram internam operationem nemo in re damnificatur;) & ideo dicitur esse obligatio ex delicto: Econtra obligatio orta ex re accepta haberi potest sine ulla actione læsiva, sed præcisè per hoc, quod res aliena accepta habeatur sive in te, sive in suo effectu, puta in lu-

cro inde deducto.

III. Secundum discriminem est, quod prior obligatio non cessat nisi posita restitutione: Posterior vero cessare potest etiam sine restitutione; nam si res accepta apud te inculpabiliter pereat, non teneris restituere; Si tamen illam inculpabiliter consumas, sed per illius consumptionem factus sis ditor; verbi gratia, si comedisti frumentum alienum pro tuo, quia tale frumentum in utilitate allata perseverat, teneris restituere solum illud, in quo factus es ditor, seu quantum consumpsisses de tuo frumento, si non habuisses alienum; Quod si res accepta pereat, postquam sciveris esse alienam, & ex gravi culpa diluleris restituere, teneris ad restitutionem ex capite injuste acceptionis: nisi tamen eodem modo certo res perisset apud dominum, ut infra dicitur.

IV. Tertium discriminem est, quod obligatus ad restitutionem ex prima radice tenetur ad illam, etiam cum suo detrimento; secus vero obligatus ex secunda radice. Et ratio est, quia sicut dominus rei nullum subire debet damnum ex injusta tua damnificatione, ita tu nullum debes sentire damnum ex re accepta sine tua culpa. Ex quo fit, quod si dominus rei sit absens, tenearis restituere rem propriis expensis, si obligaris ad restitutionem ex prima radice, prout infra explicabitur: Econtra si obligaris ex secunda radice, satis est, ut moneas dominum de re sua, ut ille suis expensis illam recuperet. His explicatis, querendum ex quam damnificatione, ac deinde in articulo sequenti ex quam culpa oriarur obligatio restitutionis. Ostendimus autem in primo articulo, ex violatione justitiæ distributiæ, Legalis, aut Vindictivæ non oriri hanc obligationem, discutiendum nunc an oriarur ex læsione aliarum virtutum a justitia Commutativa; unde

de prima radix obligans reum ad restitutionem sit solum injusta acceptio, seu damnificatio.

V. Quæritur itaque, An obligatio restituendi consurgat etiam ex damnificatione contra alias virtutes a justitia? Verbi gratia, si quis ex odio Titii illum juste ad mortem damnet, aut occidat, ac bona ejus incendat; Aut si vovens dare eleemosynam Petro, illam denegat, unde Petrus grave damnum subeat; Aut si quis non impediat homicidium, vel furtum, peccando solum contra charitatem, non contra justitiam, utrum teneatur in his casibus ad restitutionem, quanvis non interfuerit injusta acceptio, seu damnificatio adversus justitiam commutativam?

Respondeo negative cum communi contra Riccardum, Cajet., Angel., Gabriel., Valent. disp. 5. quæst. 6. num. 3. Ratio est, quia ex illa virtute oritur obligatio restituendi, cujus virtutis est actus ipsa restitutio; sed restitutio est actus justitiæ, & quidem commutativæ; ergo ex violatione solum hujus virtutis oritur obligatio restituendi. Major patet. Minor constat ex dictis art. 1. Restitutio enim est compensatio damni illati secundum æqualitatem arithmeticam; ergo debet supponere jus strictum in alio, ex cujus læsione detur obligatio compensationis; hoc autem jus a sola justitia commutativa respicitur; ergo restitutio est actus solius commutativæ; atque adeo sicut non consurgit onus restitutionis ex læsione justitiæ distributivæ, Legalis, aut Vindicativæ, ita a fortiori neque ex damnificatione contra alias virtutes a justitia.

VI. Hinc deciduntur innumeri alii casus. Primo enim si ægrotus moriatur ex incuria medici, qui nullum stipendium accipit, medicus non tenetur ad restitutionem; quia solum peccavit contra charitatem, non contra

justitiam; contra quam peccaret, si stipendium acciperet; Sicut etiam si promittendo gratis operam suam ægroto, esset causa damni non observando promissum; Nam, ut notat Less. lib. 2. cap. 18. num. 17. quinon observat promissionem, quanvis non teneatur restituere lucrum cessans, tenetur tamen compensare omne damnum emergens, cujus ipse est causa non observando promissum; unde in his casibus ad restitutionem Medicus teneretur.

Secundo, si quis navans operam reillicitæ, exempli gratia si Clericus navans operam venationi clamorosæ, inculpabiliter occidat hominem putans esse feram, non tenetur ad restitutionem, quia peccavit solum contra obedientiam venando, non contra justitiam occidendo inadvertenter.

Tertio, si quis omitat succurrere extreme indigenti, non tenetur deinde restituere illam eleemosynam denegatam, aut compensare damnum inde secutum, quia obligatio succurrendi oriebatur ex charitate, & misericordia, non ex justitia.

Quarto, qui segetem, verbi gratia, ab alio incensam non exstinguit, cum commode possit, non tenetur ad restitutionem, quia peccat solum contra charitatem, non contra justitiam, si non sit cultus, nec suæ curæ seges sit commendata; Quod si ipse alienam segetem inculpabiliter incendat, & non statim exstinguat, cum commode possit, tunc contra justitiam peccat, & ad compensationem damni obligatur, ut docent communiter.

Quinto, si reus legitime interrogatus neget veritatem, unde damnum falso, vel alteri sequatur, non tenetur ad restitutionem, ut notat Tambur. cap. 2.; quia solum peccat contra justitiam legalem; cum non teneatur ex commutativa justitia dicere veritatem, aut procurare utilitatem aliorum; idem-

demque probabiliter docent Lessi, Sanch., & alii apud Trull. de Testibus, ut diximus in tractatu de Legibus quaest. ult. art. 3. Nec tenetur ad restitutionem Judex, qui iuste reum condemnat secundum allegata, & probata; quamvis blandis verbis, aliisque modis contra charitatem exhibitis extorserit ab illo confessionem, unde damnetur: Et universim qui iustitiam distributivam, aut legalem, vel vindicativam violat sine violatione commutativæ, ad restitutionem non tenetur, ut ostendimus art. 1.

VII. Opponitur ad hæc: Qui aliquem inculpabiliter, aut saltem sine gravi culpa propter inadvertentiam infamavit, ex communi sententia tenetur ad restitutionem famæ, quando advertit se illum infamasse; atqui ad hanc restitutionem neque tenetur ex re accepta, cum nihil alterius apud se habeat; neque tenetur ex peccato ullo contra iustitiam, cum supponatur inculpabiliter illum infamasse; ergo falsum est, quod obligatio restitutionis solum oriri possit ex re accepta, aut ex peccato contra iustitiam, seu ex injusta acceptione.

Respondet Lessi. cap. 2. dub. 22. hunc ad restitutionem teneri ex re accepta, quia infamator retinet quodammodo famam alienam, cum in aliorum mentibus pravam opinionem inculpabiliter ingestam relinquit. Equidem respondeo cum Lug. disp. 15. detractorem in tali casu non teneri ad restitutionem ex re accepta; quia fama nullo modo potest dici quod sit apud detractorem, cum per detractionem extinguatur; sed teneri ex injusta acceptione, non quia peccaverit contra iustitiam, quando inadvertenter infamavit, sed quia peccat contra iustitiam, si advertendo ad damnum inculpabiliter illatum, non statim illud retarciat: Ac similiter qui inculpabiliter incendit domum alterius,

ubi advertit ad damnum inculpabiliter illatum, tenetur statim illud impedire pro viribus, ne ulterius profectur; & si non curet incendium extinguere, tenetur ad restitutionem ex titulo injustæ acceptionis, seu damnificationis, quia scilicet non impediendo damnum inculpabiliter illatum, seu non extinguendo statim, quantum potest, incendium, peccat tunc contra iustitiam.

VIII. Ex dictis sequitur decisio celeberrimi illius dubii, de quo agemus quaest. 3. art. 1. An scilicet accepta ob turpem causam sint restituenda? Dicendum enim restituenda esse, si traditio, vel acceptio rei sit contra iustitiam, secus vero si sit contra alias virtutes: Quare, verbi gratia, restituendum est quod recipit Judex ad ferendam iustam sententiam & quod recipit Episcopus ad conferendum simoniace beneficium; sicut etiam quando filius familias, aut fur donant rem non suam: Contra vero non tenetur ad restitutionem Judex, qui recipit pecuniam ad ferendam sententiam injustam post patratum tale scelus; aut qui aliquid recipit ad se inebriandum, ad fornicandum, ad confingendum ludum, &c., ut explicabimus in loco.

ARTICULUS IV.

Ex quam culpa contra iustitiam oritur obligatio Restitutionis?

- I. Culpa alia est Theologica, alia Juridica, & illa vel mortalis, vel venialis, sive ex parentate materia, sive ex imperfecta deliberatione; Hæc vero vel lata, vel levis, vel levissima.
- II. Ad contrahendam obligationem restitutionis requiritur culpa Theologica contra iustitiam commutativam: Lata culpa juridica dicitur trahere omnes restitutionis, quatenus va-

vo admodum reperitur sine culpa Theologica.

III. Si culpa isthac Theologica sit levis ex parvitate materiae, trahit onus restitutionis sub levi; si vero sit levis ex imperfecta deliberatione, probabiliter ne sub veniali quidem parit ullam obligationem restituendi, etiam in materia gravi.

IV. Leges civiles obligantes ad compensationem damni non obligant in conscientia, si absit culpa Theologica, qua ab iis presumuntur.

V. Si tamen leges civiles non sint praesumptivae, sed dispositivae, obligant in conscientia ad damnum compensandum, sed post sententiam Iudicis.

VI. Ex peccato veniali ex parvitate materiae contra iustitiam potest per accidens oriri gravis obligatio restituendi; ut si in ultimo furto per accidens non advertatur ad praeterita.

VII. Quoties plures ab eodem parvam materiam furantur, itant unus advertat ad furtiva aliorum, sed non sit causa moralis talis damni gravis, probabiliter non tenentur ad restituendam parvam illam materiam sub gravi; nisi forte ad id ex precepto superioris adigantur.

VIII. Ad quid tenetur, qui per negligentiam leviter culpabilem grave damnum inferit? Aut qui volens leviter damificare, casu graviter damificat? Aut Medicus, qui ex culpa levi iuridica egrotum occidit?

IX. Levis negligentia, qua excusatur a compensando damno Depositarium, non semper excusatur Commodatarium, aut Locatarium.

X. In dubio novae res perierit ex culpa gravi, an levi, datum onus restituendi?

XI. Probabiliter propter grave damnum causatum ab actione externa de se
Part III.

leviter damificativa, posita cum intentione nocendi graviter, non datur onus restituendi sub gravi; Nec incurritur irregularitas, aut censura, vel reservatio propter tale delictum externe leve, sed interne grave, si verbi gratia, sic aliquis occidatur.

XII. Non tenetur ad restitutionem, qui grave damnum intulit cum ignorantia antecedente; & probabiliter nec tenetur, si illud intulit cum ignorantia concomitante; secus vero si inculit cum ignorantia affectata, aut etiam crassa.

XIII. Cur tenetur ad restitutionem, qui volens comburere domum Patris inimici, per accidens comburit domum Pauli amici? & ad restitutionem probabiliter non tenetur, qui volens occidere feram, per accidens occidit inimicum, quem conditionate vellet occidere, si ibi adesset?

I. **O** Urritur primo, Ex quam culpa contra iustitiam oritur obligatio restituendi, ex gravitate solum, an etiam ex levi, ex theologica tantum, (seu ex peccato contra Deum, ac legem divinam) an etiam ex culpa iuridica, seu contra legem humanam?

Respondeo, certum esse primo, onus restitutionis oriri non posse ex sola culpa interna, quia haec sine actione externa non damificat; Quare si iudex, verbi gratia, proferat sententiam injustam, & deinde deprehendat esse iustam, peccavit quidem ex amore injustitiae, sed non tenetur ad restitutionem.

Certum est secundo, culpam aliam esse Theologicam, quam considerant Theologi, utpote contra legem divinam, aliam Iuridicam, quam spectant Iuristae pro foro externo, & juxta quam ferunt sententiam: Theologica
C est

est duplex, Mortalis, & Venialis; & hæc subdividitur in Venialem ex parvitate materiæ, & Venialem ex imperfecta advertentia, seu deliberatione: Culpa vero juridica, seu Civilis est triplex, Lata, Levis, & Levissima. Culpa lata importat omissionem ejus diligentia, quam adhibere solent in similibus casibus homines ejusdem professionis diligentes, ac prudentes; Verbi gratia, ut notat Sylvest., si librum commodatum reliquisti extra domum super lapide, aut in cubiculo, ostio aperto, & non custodito, & proinde sublatum est, culpam latam commisit. Non est vero lata culpa secundum Bartol. & Bald., si verbi gratia, pecuniam depositam apud eamplorem, qui communiter habebatur bonæ conditionis, & quia revera non erat talis, pecunia amissa est. Culpa levis importat omissionem ejus diligentia, quam solent adhibere diligentiores, ut si rem commodatam relinquis in cubiculo ostio clauso, quod tamen non duculter potest aperiri. Culpa levissima est omissionis diligentia, quam adhibent diligentissimi, & maxime circumspicui, ut si rem commodatam servas in arca, & illam claudas, sed deinde non tentes manu, an sit bene clausa.

Datur etiam apud Juristas culpa latior, & latissima. Latior confunditur cum lata, quando scilicet omittitur moralis diligentia, unde damnum sequitur sine advertentia, aut prævisione. Latissima, ut loquitur Tambor., dicitur esse apertus dolus; ut si quis omittat, vel agat aliquod animo, ut damnum, quod prævidet, sequatur. Quod si prævideat, sed non intendat tale damnum, dicitur dolus præsumptus.

Certum est tertio, culpam, quæ in aliqua occasione, verbi gratia in aliquo contractu, vel officio est levis, posse esse in alia occasione gravem; Etenim major diligentia, verbi gratia, adhibenda est in conservando the-

sauro, vel vita hominis, quam in conservanda gallina; unde omisso diligentia, quæ in conservanda gallina est culpa levis, in conservanda vita hominis est culpa gravis; Et eodem modo major diligentia adhibenda est in custodia rei adherentis tibi utilitatem, vel lucrum, quam in custodienda alia re aliena; Proinde major debet esse diligentia in conservanda re commodata, quia contractus commodati est in tui utilitatem, quam in conservando deposito; cum contractus depositi sit in bonum deponentis illud. Quod si contractus sit in utilitatem utriusque, ut est contractus locati, seu conducti, diligentia media adhibenda est, ut notat Lug. disp. 8. sect. 4. His præmissis

II. Dico primo; ad incurrendam in foro interno obligationem restitutionis ratione injustæ acceptionis, requiritur culpa Theologica, seu peccatum in conscientia contra Deum, & contra justitiam commutativam. Ratio est, quia tota obligatio restitutionis, ut docent communiter, ex hac radice injustæ acceptionis, oritur ex delicto contra justitiam commutativam; ergo si in conscientia nullum sit delictum, nulla habetur obligatio restituendi in foro interno: (Quicquid sit, an aliquando habeatur talis obligatio pro solo foro externo ex jure positivo) Et sane cum impossibile sit vitare semper damna inculpabiliter illata, non debet læsus esse rationabiliter invitatus de tali damno; nam sicut potest illud pati, ita potest inferre, & consequenter ubi in conscientia nulla est culpa, nulla est obligatio restitutionis.

Hinc sequitur primo, quod si miles pugnet in bello putato iusto, & deinde advertat bellum fuisse injustum, non debeat restituere damnum illatum, nisi ex eo factus sit ditior, aut nulli extet res accepta. Secundo, si quis

cum

cum moderamine culpæ tutelæ inferat alteri damnum, nec tenetur ad restitutionem. Tertio, nec tenetur, qui bona fide rem alienam consumpsit, nisi ex ea fiat ditor. Quare ubi Doctores docent, latam culpam inducere obligationem restitutionis, ideo docent, quia communiter talis culpa difficulter reperitur sine culpa theologica. Quod si reperitur sine hac culpa, certe obligationem restitutionis in foro conscientie non pariet.

III. Dico secundo. Culpa theologica contra iustitiam levis, seu peccatum veniale, si sit veniale ratione parvitatæ materiæ, inducit obligationem restitutionis sub veniali. Ita communiter. Ratio est, quia nisi restituatur materia illa parva, retinetur invito domino; Quodcumque autem invito domino retinetur, restitui debet; ergo datur obligatio restitutionis; quia tamen materia est levis, obligatio non potest esse sub gravi.

Dico tertio. Culpa theologica levis, seu peccatum veniale, si sit veniale ratione inadvertentiæ, vel indeliberationis, non parit in conscientia obligationem restituendi sub mortali, quantumvis damnificatio fuerit gravissima, & probabiliter nec sub veniali. Ita Less. Sanch. Sà, Tambur. contra Dicastil lib. 2. de Iustitia tract. 2. disp. 3, aliosque apud ipsum. Ratio ex Sanch. & Suar. est, quia neque promissio facta homini, neque votum factum Deo, neque juramentum, neque præceptum superioris, aut contractus inducunt obligationem ullam, ne venialem quidem, si procedant ex imperfecta deliberatione; ergo neque iniusta acceptio procedens ex imperfecta deliberatione. Et ratio a priori est, quia actus indeliberatus non potest esse causa moralis perfectæ obligationis; Non enim causare potest obligationem gravem, ut patet, quia cum talis obligatio consequatur ad in-

iustam acceptionem per modum pænæ, si obligatio sit gravis, culpa deberet esse etiam gravis; Neque potest causare obligationem levem, (pro ut aliqui docent eo modo, quo sub levi obligatur ad restitutionem, qui materiam levem furatus est) quia quoties materia est gravis, apta de se parere obligationem gravem, non potest ullatenus parere obligationem levem, ut patet in voto, juramento, præceptis, contractibus, &c.; Qui enim vovit, exempli gratia, castitatem cum imperfecta deliberatione, ad illam non tenetur, ne sub veniali quidem. Potest sane votum deliberare emissum in materia gravi obligare sub levi ex intentione voventis volentis sibi levem obligationem imponere, juxta nonnullorum sententiam, cum Suario, Sanch. & aliis; at si votum sit emissum cum semiplena deliberatione, quamvis sit in materia gravi, nullatenus obligat, ut ostendimus.

Hinc sequitur, non teneri ad restitutionem. Primo, qui per negligentiam venialem est causa, cur domus alterius comburatur. Secundo, famulum, qui per similem negligentiam reliquit ostium domus domini apertum, unde fures domum expilarunt. Tertio, custodes vineæ, nemoris, vestigalium, qui per levem culpam non custodiunt, ut debent, res sibi commissas. Quarto, qui subita ira permotus sine gravi culpa alium occidit.

IV. Opponitur primo contra primam conclusionem: Ex lege Aquilia (lata a Romanis ad petitionem Aquilii Reguli) qui damnum alteri intulit ex culpa juridica, obligatur ad illud refarciendum, & aliquando ad plus retribuendum: Pariter lib. 4. Institution. tit. 8., & 9., & leg. 1., & 2. ff. De noxalib. actionib. præcipitur, quod si servus, aut animal alicujus absque culpa domini damnum alteri intulit, teneatur actione noxali do-

dominus vel integrum damnum refarcire, vel noxam pro noxa tradere, seu tradere animal illud, vel servum, qui damnum intulerunt; ergo etiam ex culpa juridica oritur obligatio restitutionis.

Respondeo cum communi, leges præsumere in his actionibus culpam theologicam, quæ si absit, certe in foro conscientiæ nulla erit obligatio restitutionis: hoc enim est commune omnibus legibus pœnalibus fundatis in præsumptione culpæ, ut nihil operentur, si constet culpam non adesse, quia præsumptio cedere debet veritati, quando hæc innotescit, ut bene ostendit Suar. Quod si vere culpa mortalis in conscientia præcessit, tunc tenetur refarcire damnum ad æqualitatem, & solum post sententiam judicis tenetur solvere pœnam taxatam a lege excedentem damnum illud: Est enim arduum, & supra humanam fragilitatem, quod ante sententiam judicis obligetur aliquis ad pœnam excedentem damnum illatum. Ecquis enim id faceret?

V. Ubi notandum diligenter, quod si leges sint dispositivæ, & non mere præsumptivæ, verbi gratia, si statuatur, ut bos, vel servus Titii, qui intulit Petro damnum unius aurei, detur Petro; in tali casu si vere damnum illatum sit a bove, vel servo, etiam si sine culpa Titii domini, adhuc obligatur in conscientia Titius ad dandum bovem, vel servum Petro post sententiam judicis, non quidem ex capite restitutionis, quæ tantum exigit compensationem damni ad æqualitatem, sed quia posita sententia judicis transfertur in Petrum dominium bovis, vel servi; lex enim potest in bonum commune disponere, ut in similibus casibus dominium rei in alterum transferatur, ad hoc ut dominus majori cura incumbat in sua animalia, vel servos, ne aliis damnum

inferant: Contra vero, quando leges sunt mere præsumptivæ, quæ scilicet præsumunt damnum aliquod inrercessisse, tunc si damnum revera non inrercessit, verbi gratia si bos, vel servus vere damnum non intulit Petro, non datur obligatio dandi ipsum Petro, ne post sententiam quidem judicis, quia talis sententia fundatur in præsumptione, quod bos damnificaverit; quia tamen præsumptio cedere debet veritati, ideo si revera damnum non est illatum, non adest obligatio in conscientia dandi bovem Petro; atque adeo si per vim Petro bos tradatur, potest per occultam compensationem reassumi.

VI. Opponitur secundo contra secundam conclusionem: Si post furta minuta addatur ultimum, per quod pervenitur ad summam gravem, oritur obligatio gravis restituendi; Et tamen etiam ultimum furtulum fuit peccatum veniale ex parvitate materiæ; ergo ex veniali ratione parvitate materiæ potest oriri gravis obligatio restituendi.

Respondeo cum Lug., & Tambur., quod vel ultimum furtulum fuit cum advertentia ad furtula præterita, vel non; si primum, jam ultimum furtulum fuit peccatum mortale, quia fuit cum voluntate damnificandi graviter, ut communiter docent contra Navar. apud Tambur. lib. 8. cap. 2. tract. 2., unde nil mirum, quod ex eo orta sit gravis obligatio restitutionis. Si secundum, tunc obligatio gravis restitutionis non oritur ex injusta acceptione, seu ex peccato veniali contra justitiam, sed ex re accepta, seu ex retentione notabilis summæ.

Dubium majus est, si consumperis ea, quæ per furtula rapuisti, tunc enim posito illo ultimo furtulo, datum obligatio gravis restitutionis, cum opposita sententia damnata sit ab Innoc. XI. in thesi 38., quæ habet: *Non te-*

neat quis sub pena peccati mortalis restituere, quod ablatum est per paucula furtula, quantumcumque sit magna summa totalis; Et tamen obligatio restitutionis non potest oriri ex re accepta, cum non retineatur summa notabilis; ergo oritur ex injusta acceptione, quæ nunquam excessit peccatum veniale, eo quod ultimum furtulum fuit sine advertentia ad furtula præterita.

Respondeo cum Tambur., & aliis, in tali casu oriri obligationem gravem restituendi ex veniali per accidens, quia scilicet in commissione ultimi furtuli per accidens non advertitur ad præterita; sicut etiam per accidens potest aliquis graviter obligari ad restitutionem ratione injustæ acceptionis, etiamsi nulla præcesserit culpa, ut diximus art. 3. num. 7. cum Lugo, quando scilicet aliquis inculpabiliter alium infamavit, & deinde ad id advertit; teneatur enim sub gravi famam restituere, non quia peccavit graviter, sed ne peccet graviter contra iustitiam. Et ratio ex Lugo a priori est, quia qui singulis vicibus furatur, verbi gratia, carolenum, contrahit obligationem sub levi restituendi carolenum; ergo qui quinques furatus est carolenum, tenetur restituere quinque carolenos, quæ supponitur materia gravis, & ideo sub mortali tenetur hanc summam restituere, quando advertit ad quinque furtula præterita.

VII. Opponitur ultimo: Quoties multi sine ulla conspiratione modicum quid ab eodem furantur, peccatum singulorum est veniale; si tamen advertant damnum illatum ab omnibus esse grave, unusquisque sub mortali tenetur restituere particulam suam, quam furatus est, alioquin illud damnum reparari non posset; ergo recurrit, quod ex injusta acceptione veniali possit oriri gravis obligatio restituendi.

Respondeo, certum esse, quod si multi conspirent in huiusmodi furtula, peccent mortaliter, si vero non conspirent, nec unus advertat ad furtulum alterius, solum venialiter peccent, nec teneantur ad restitutionem sub mortali. Dubium solum est; an peccent mortaliter, & ad restitutionem sub gravi teneantur, si non conspirent, nec unus suo exemplo sit causa moralis furtuli alterius, sed tamen advertant ad furtula aliorum. Nonnulli cum Suar., Hurtad. apud Tambur. lib. 8. tract. 2. cap. 3. docent, istos peccare mortaliter, & contrahere excommunicationem latam contra furantes, quia quilibet eorum videtur esse causa damni notabilis, quod prævidit, & non cavit; unde in hac sententia ex culpa mortali contra iustitiam quilibet teneretur ad restituendam particulam suam, quam furatus est. Alii tamen cum Sanch. lib. 7. cap. 21., Dicastil., Sot. probabilius docent, quemlibet peccare solum venialiter, atque adeo non contrahere excommunicationem latam contra furantes, quia unus non fuit causa furti alterius, quamvis ad aliorum furtula adverterit; Et in hac sententia non datur obligatio gravis restituendi particulam furto sublatam, nisi quando imponeretur a superiore præceptum grave sub excommunicatione, ut quilibet restituat: Datur enim gravis causa imponendi tale præceptum ad hoc, ut reparetur damnum notabile damnificati; & sic obligatio restituendi non oriretur ex culpa veniali, sed ex præcepto superioris, vi cuius reparari posset damnum grave damnificati, ut dicemus etiam quæst. 3. art. 6. num. 7. Præterquamquod quilibet sub veniali independentem a præcepto teneatur ad restitutionem.

VIII. Ex dictis sequitur primo, non solum non obligari ad restitutionem ullam, qui casu fortuito intru-

lit

lit damnum grave, ut qui putans occidere feram, inculpabiliter occidit hominem; sed neque ad restitutionem teneri, qui per negligentiam leviter culpabilem tale damnum intulit, ut communius docent cum Lessi. cap. 7. dub. 9., & Navar., & aliis contra Rebel., & Bonac. disp. 1. quæst. 1. punct. 3.; Ubi docet, quod occidens aliquem ex vehementi passione cum semiplena advertentia, & comburens domum alterius ex culpa solum veniali teneatur ad aliquam restitutionem, verbi gratia, ad centesimam partem damni illati, si peccatum veniale fuerit admodum leve, vel ad decimam partem, si fuerit grave, & ad dimidiam partem, si dubitetur, an culpa fuerit mortalis, vel venialis, ita ut graviter ad hanc restitutionem obligetur, si materia sit gravis.

Sequitur secundo, quod si quis volens leviter damnificare, incendat arborem, verbi gratia, & deinde casu sequatur incendium totius domus, non teneatur refarcire, nisi illud parvum damnum, quod voluit inferre, idque sub veniali tantum, dummodo omnino casu magnum damnum illatum fuerit, & consequenter præmissa fuerit debita diligentia, ne sequeretur, ut aperte docet Lug. disp. 18. sect. 4., & Tambur. lib. 6. cap. 4. § 2. Quod si præmissa non fuerit talis diligentia, tenetur integrum damnum refarcire, quia qui vult causam proximam, & periculum damni, censetur velle damnum ipsum: Ubi notandum, maiorem requiri diligentiam ad præcavendum damnum grave in eo, qui vult inferre damnum leve, quam in alio, qui sine intentione nocendi inconsiderate, verbi gratia, trahat ignem, & domus comburitur.

Sequitur ultimo, Medicum non teneri ad restitutionem, si ex culpa veniali ægrotum occidat, etiam si teneatur ex iustitia illum curare. Ubi

diligenter advertendum, multos Doctores docere, quod medicus, qui ex charitate alteri medetur, non teneatur ad restitutionem, nisi ex culpa lata: Contra vero teneatur ad restitutionem etiam ex culpa juridica levi, si medeatur ex iustitia, eo quod pretium accipiat. Ratio hujus est, quia si medeatur ex iustitia, ad maiorem diligentiam obligatur in conscientia, quam si medeatur ex charitate; & ideo solum tenetur ad restitutionem ex culpa lata juridica, quando medetur ex charitate, quia tunc solum peccat mortaliter; Et quando medetur ex iustitia, tenetur ad restitutionem etiam ex culpa juridica levi, quia talis culpa est peccatum mortale: Quod si revera non sit peccatum mortale in conscientia, eo quod non advertat ad gravem obligationem, quam habet medicus adhibendi illam maiorem diligentiam, in conscientia non tenetur ad restitutionem, si occidat ægrotum.

IX. Eadem doctrina recurrit in contractibus; cum enim maiorem diligentiam adhibere debeat ad rem conservandam commodatarius, verbi gratia, quam depositarius, ideo omisso illius diligentia, quæ in depositario est culpa venialis, in commodatario potest esse mortalis; Et propter hanc rationem communius docent, quod commodatarius, aut locatarius teneatur ad restitutionem ex culpa levi juridica, immo etiam ex levissima, quando contrafactus est in utilitatem solius commodatarii; Depositarius vero solum teneatur ex culpa lata, nisi recipiat mercedem pro custodia; Nec mirum, quia solum in tali casu committi solet peccatum mortale; Unde semper verum est, obligationem restitutionis non oriri nisi ex peccato mortali contra iustitiam.

X. Quæritur secundo, An detur obligatio restituendi, quando dubium est, num culpa commissa fuerit mortalis.

an

an venialis?

Respondeo, Bonac. loc. cit. putare in tali casu dari obligationem restituendi dimidiam partem, aut pro ratione dubii, quia sic videtur dicere recta ratio; Lug. tamen, & alii apud Tambur. lib. 1. cap. 3. §. 3. V. *Depositum* docent, in tali casu nullam dari obligationem restituendi, quia in dubio melior est conditio possidentis, nec dari debet poena certa pro culpa dubia: Unde ad restitutionem non teneatur Medicus, si sine gravi negligentia occidat ægrotum; Nec Viator, si equus locatus pereat sine gravi sua culpa. Quod si certus sis te graviter peccasse, incertus tamen, an per tuam actionem peccaminosam influxeris ad grave damnum alterius, verbi gratia per tuum consilium, associationem, &c. Sanch. lib. 2. de Matrim. disput. 41. cum aliis putat, quod tenearis restituere, quia presumendum est te cooperasse ad damnum illud, quod consequi solet ad similem culpam; Probabilius tamen existimo cum Rebell., Sayr., Tambur., quod tunc ad restitutionem tenearis, quando spectatis omnibus moraliter certum est, quod influxeris, non vero quando adhuc dubitas, quia in dubio possidet libertas.

In contractibus vero Sayr. lib. 10. tract. 3. docet, quod si dubium sit, an res perierit ex culpa gravi, vel levi, decidendum sit dubium contra illum, in cuius favorem est contractus; verbi gratia, si Depositarius dubitet, dicendum quod res perierit ex culpa levi, unde non teneatur ad restitutionem, quia depositum est in utilitatem deponentis: E contra si dubitet Commodatarius, dicendum, quod res perierit ex culpa gravi; unde ad restitutionem teneatur, quia contractus est in utilitatem commodatarii. Quod si contractus sit in utilitatem utriusque, ut est contractus

pignoris, locationis, &c., declinandum est in favorem domini; verbi gratia si dubitetur, an pignus perierit ex gravi culpa illud conservantis, juxta hanc opinionem dicendum, quod ex culpa gravi perierit, & ideo ad restitutionem ille teneatur.

XI. Quæritur tertio, An teneatur ad restitutionem, qui levem culpam externam commisit contra justitiam, sed cum intentione nocendi graviter; Verbi gratia, qui ab avaro furatur carolenum, eo tamen animo, ut forte ex noerore amissa pecunie conficiatur; Aut Judex, qui ex odio gravi damnat reum, peccando tantum venialiter in adhibenda diligentia, ne injuste damnetur; Vel qui ponit venenum in loco remotissimo a convivio hominum, eo tamen animo, ut si forte inimicus illud sumat, interficiatur: Idem quæritur de servo, qui surripit aliquid leve a suo domino hac intentione, ut ille ejus conservo irascatur, aut verberet illum: Similiter si aliquis adolescens proferat aliquid verbum otiosum, leve, & indifferens eo animo, ut mulier, quæ illud audit, consentiat in adulterium.

Respondeo, De Lug. disp. 8. sect. 6., aliosque putare, quod isti omnes ad restitutionem teneantur, & secuta morte irregularitatem incurrant. Verius tamen puto cum Less. cap. 9. dub. 16., Sanch., & aliis apud Tambur. lib. 8. tract. 3. cap. 2., quod ad restitutionem non teneantur; quia actio interna contra justitiam gravis de se non parit obligationem restitutionis; verbi gratia, si quis cupiat occisionem inimici; ergo requiritur actio externa; atqui actio externa levis, quæ sit de se peccatum veniale, seu quæ fere semper coniungitur cum culpa veniali, non parit obligationem restitutionis; ergo actio damnicativa externe levis, & interne gravis non obligat ad restitutionem. Probatur mi-

minor subsumpta, quia non datur onus restitutionis, nisi quando actio de se est causa damni gravis, non vero quando per accidens; aliter etiam quando sortuito quis alium occidit, teneretur ad restitutionem; sed actio damnificativa externe levis non est de se causa damni gravis; ergo non parit onus restitutionis, quantumcunque conjungatur cum culpa gravi: Immo contra Tambur. loc. cit. puto, quod nec pariat irregularitatem, si ex ea homicidium sequatur, propter eandem rationem; quamvis enim potuerit Ecclesia decernere in tali casu irregularitatem, dicendum tamen, quod de facto non decreverit, quia nullam poenam imponit Ecclesia propter culpam mere internam, nec de facto imponit poenam gravem (qualis est irregularitas) propter culpam externam non gravem; aliter poena non esset proportionata culpæ, propter quam imponitur; Unde etiam fit, quod si homicidium esset casus reservatus cum censura, in tali casu nec reservatio, nec censura incurreretur, nisi expresse illum casum superior sub censura sibi reservasset.

Dices cum Tambur., tale homicidium procedit ab actione peccaminosa libera, & voluntaria; ergo non est, cur non pariat irregularitatem.

Respondendo distinguo antecedens, procedit per accidens, concedo; per se, nego antecedens, & consequentiam. Dicitur autem procedere per accidens, quia talis actio non est apta nata de se parere homicidium, eo quod raro homicidium cum illa conjungatur.

XII. Quæritur ultimo, An teneatur ad restitutionem, qui graviter proximum damnificavit cum ignorantia crassa, seu affectata, vel antecedente, aut concomitante?

Respondendo, & dico primo, teneri ad restitutionem, si ignorantia fue-

rit affectata, (quam scilicet aliquis positive vult habere, verbi gratia, qui non vult interrogare, num res aliena, quam projicit, sit gemma, an vitrum) si ignorantia sit crassa, (quam scilicet habent homines crassi, & stupidi, qui ex torpore non inquirunt, quid agere debeant) Ratio est, quia utraq; hæc ignorantia non tollit voluntarium, & peccatum, ut dicemus cum de Censuris in genere. Quare si quis cum hujusmodi ignorantia projicit, verbi gratia, gemmam putans esse vitrum, vel occidit hominem putans esse feram, tenetur ad restitutionem; quia ignorantia isthæc est culpabiliter volita, atque adeo culpabiliter etiam volitum est in sua causa damnum, quod sequitur. Ita communiter.

Dico secundo, non teneri ad restitutionem, si ignorantia fuerit antecedens. Dicitur autem a Theologis ignorantia antecedens illa ignorantia invincibilis, cum qua ita ponitur opus malum, ut non poneretur, si cognosceretur esse malum; Verbi gratia, si quis occidat hominem putatum invincibiliter esse feram, eo tamen animo, ut si cognosceret, quod sit homo, non occideret; aut si projiciatur gemma alterius putata invincibiliter vitrum. Ratio est clara, quia in tali damnificatione nulla intervenit culpa; curra supponatur talis ignorantia esse invincibilis, & inculpabilis; ergo non debet ad illam consequi in poenam onus restitutionis.

Dico ultimo cum Less., Bonac., Navar., Tambur. lib. 6. cap. 4. tract. 3. probabiliter nec teneri ad restitutionem, si ignorantia fuerit concomitans. Dicitur autem ignorantia concomitans illa ignorantia invincibilis, per quam ita fit opus putatum bonum, ut etiam si cognosceretur esse malum, adhuc fieret: Verbi gratia, si adhibeatur omnis diligentia, ne inter venandum occidatur homo, & ta-

men

men ita projiciatur sagitta in feram, ut adhuc si cognosceretur ibi esse hominem, sagitta projiceretur.

Ratio conclusionis est, quia in tali casu duo habentur; voluntas prava conditionata occidendi hominem, si adverteretur ibi adesse, & ipsa actio externa projectiva sagittae procedens a voluntate absoluta occidendi feram, dum invincibiliter ignoratur, ibi adesse hominem; atqui obligatio restitutionis neque oritur ex voluntate illa prava conditionata secundum se spectata, ut est certum, (sicuti neque ulla contrahitur censura, vel irregularitas, ut ostendimus cum de Censuris in genere) neque oritur ex actione exteriori damnificativa; nam quamvis talis actio exterior sit occisiva hominis, & jungatur cum peccato mortali interno, tamen hujusmodi actio, prout est occisiva hominis, non est absolute voluntaria; quomodo enim potest esse absolute voluntarium tale homicidium, si invincibiliter ignoratur ibi esse hominem? Nihil certe volitum, quin praecognitum; Quod si ea actio, prout est damnificativa, non est voluntaria, nec est culpabilis, & consequenter non debetur illi in poenam onus restitutionis.

Confirmatur, quia talis actio exterior occisiva hominis non oritur a voluntate absoluta occidendi hominem, quia talis voluntas non datur; Neque oritur a voluntate conditionata prava occidendi hominem, si ibi adesset, quia voluntas mere conditionata nihil ponit absolute; ergo simpliciter talis actio exterior orta ex ignorantia concomitante, prout est damnificativa, non est voluntaria neque in se, neque in causa, & consequenter non est culpabilis, nec parit onus restitutionis, neque ex illa contrahitur irregularitas, aut censura.

Hinc colligi potest, quandonam ebrius, vel dormiens teneatur restituere

Part. III.

re damna in ebrietate, vel somno fore secuta; si enim praevideat aliquo modo damnum probabiliter futurum, tenebitur ad restitutionem; quia tunc illud damnum dicitur esse voluntarium saltem in causa, & imputatur ad peccatum, eo quod non sit invincibiliter ignoratum; Si vero nullo pacto id praevideat, non tenebitur restituere, quia tunc damnum est involuntarium, utpote invincibiliter ignoratum.

XIII. Opponitur: Qui volens comburere domum Petri inimici, comburit domum Caji amici, tenetur ad restitutionem; sicuti etiam qui volens occidere Petrum inimicum, praeter intentionem occidit Cajum amicum; ergo etiam qui volens occidere feram eo animo, ut si ibi esset inimicus, vellet illum occidere, renebitur ad restitutionem, si forte sequatur occisio inimici non directe intenta.

Respondeo, concessa prima parte antecedentis, & transmissa secunda, nego consequentiam: Disparitas est, quae in primis casibus illa damnificatio externa oritur a voluntate absoluta damnificandi. Nam absolute intenditur damnificatio Petri inimici, quamvis per accidens damnificetur Caju amicus: E contra in ultimo casu damnificatio non oritur a voluntate illa conditionata damnificandi; cum enim sit conditionata, nihil causare potest absolute; quare cum actio illa exterior, quatenus damnificativa, non sit voluntaria, non est culpabilis, & consequenter non causat onus restitutionis. Propter hanc rationem communius docent apud Dian. part. 9. tract. 9. resol. 31. contra Fragos, & alios, quod qui volens occidere Petrum Clericum, occidit Cajum etiam Clericum, contrahat irregularitatem, & excommunicationem, quia vere homicidium Clerici fuit voluntarium causatum a voluntate absoluta occidendi Clericum, quamvis per accidens loco Petri oc-

D c.

cilius sit Cajus.

Dixi tamen, transmissa secunda parte antecedentis; quia Lugo sect. 13. disp. 17., Fagund., Tambur. lib. 6. cap. 4., & alii apud Dian. part. 9. tract. 4. resol. 31. quamvis concedant, quod in primo casu teneatur ad restitutionem, qui volens comburere domum Petri, comburit domum Caji, negant tamen, quod ad restitutionem teneatur in secundo casu, qui volens occidere Petrum inimicum, occidit Cajum amicum. Et assignant disparitatem, quia in casu de homicidio error est circa substantiam actionis, siquidem non intenditur occisio hujus hominis, videlicet Caji: E contra in casu de incendio error non est circa substantiam, sed circa circumstantiam actionis, nam vere intenditur incendium hujus domus, & solum erratur circa dominium illius, putatur enim, quod sit Petri inimici, cum sit Caji amici; quare cum incendium hujus domus sit voluntarium, parit onus restitutionis, & cum homicidium Caji sit involuntarium, non parit onus restitutionis, nec parit irregularitatem, aut excommunicationem, si Cajus esset Clericus; Quia tamen non est admodum delinquentibus indulgendum, ideo in praxi amplectenda libentius est opinio communior Bonac. & aliorum dicentium in utroque casu dari onus restitutionis, & per homicidium Clerici amici loco inimici contrahi irregularitatem, & excommunicationem.

ARTICULUS V.

Quomodo se gerat Confessarius cum obligato ad restituendum?

- I. Nequis circa sacrilegium absolvi, qui non vult restituere statim totum, quod potest.
- II. Num possit permitti dilatio restitu-

tions ob lucrum, quod a debitoribus speratur sine damno creditoris? Debet quidem hac in re Confessarius accommodare se opinioni probabilis penitentis.

III. Debitor volens restituere, dum est in articulo mortis, non potest heredibus committere, ut restituant, si potest tunc ipse restituere.

IV. Restitutio facienda est a penitente antequam accedat ad Sacramentum Penitentiae. Quod si ea non possit fieri, nisi post aliquod tempus, non est deneganda absolutio.

V. In Jure solum pro foro externo precipitur, ut non impendatur absolutio a censuris non promissa satisfactione.

VI. Qui promisit restituere statim, & non stetit promissis, non est de facili iterato absolvendus, multo minus tertia, aut quarta vice.

VII. Teneatur ipse Confessarius restituere, si postur deobligatus culpabiliter penitentem a restituendo: Quod si culpabiliter solum omiserit illum monere, & Confessarius sit Parochus, qui ex officio tenetur confessiones audire, adhuc ipse probabiliter tenetur restituere. Et probabiliter etiam alii Confessarii.

VIII. Parochus, si non moneat penitentem de restitutione facienda, ad restituendum ipse obligabitur ex levi culpa juridica; Alii vero Confessarii solum ex culpa lata.

I. **Q**Uæritur primo, An possit absolvi, qui non vult statim restituere, quod potest?

Respondeo negative: Immo si absolutio impendatur, est nulla, & committitur sacrilegium, nisi bona fides excuset. Ratio est, tum quia ex Reg. juris in 6. Non dimittitur peccatum, nisi restituatur ablatum; tum etiam quia qui retinet rem alienam invito domino, actualiter peccat, sed qui actualiter

Qualiter peccat non est absolvendus, & committitur sacrilegium, si absolvatur; ergo &c.

Hinc sequitur primo, non posse absolvi, qui non vult statim ac commode potest restituere totum debitum, sed solum partem, (nisi pars, quæ remanet, sit levis,) etenim velle retinere partem notabilem rei alienæ invito domino est pariter actuale peccatum mortale.

II. Sequitur secundo, nec posse absolvi, qui vult aut restituere per partes, aut post aliquod tempus, cum possit commode statim restituere totum. Et ratio est eadem. Et quamvis Hostiens. putet posse aliquam dilationem permitti, quando creditor ex dilatione nihil detrimenti est passurus, & debitor ideo differt, quia ex dilatione sperat magnum aliquod emolumentum, quin exponat se periculo non amplius restituendi; Nihilominus communiter Doctores docent, restitutionem faciendam esse statim juxta dicenda quæst. 4. art. 3.; quia creditor regulatiter est rationabiliter invitatus talis dilationis factæ ex eo præcise capite, quod debitor speret emolumentum ex re aliena. In eo dumtaxat casu Sotus putat permitti posse restitutionem fieri per partes, quando scilicet debitor credit se aut non posse, aut non teneri ad totum simul restituendum. Quod si hanc credulitatem habeat, debet solum Confessarius illum advertere, ne animam suam decipiat; nisi forte Confessario evidenter constaret impossibilitatem illam esse inanem, & apparentem; tunc enim non debet illum absolvere: Quod si ex opinione probabilis poenitens putet hic, & nunc se non teneri, debet Confessarius accommodare se opinioni poenitentis, si vere talis opinio sit probabilis, quamvis ipse contrariam sententiam sequatur. Ratio est, quia quando poenitens est rite dispositus,

debet absolvi; Est autem rite dispositus, si opinionem probabilem sequatur, quod non debeat restituere; ergo tunc absolvi debet.

III. Sequitur tertio, nec posse absolvi, qui vult differre restitutionem ad articulum mortis; aut si existens in articulo mortis, & potens commode per se ipsum restituere, mandet hæredibus, ut restituant: Nisi forte aliquando certo credatur id melius ab hæredibus faciendum, (quod tamen raro accidit) vel nisi restitutio in illo articulo facta pariat aliquod scandalum, aut periculum manifestandi delictum moribundi.

IV. Quæritur secundo, An, & quoties possit absolvi, qui promittit Confessario statim restituere, & deinde non restituit?

Respondeo, certum esse, quod impotens restituere absolvi debeat, si doleat de peccato, & proponat restituere, cum commode poterit. Qui tamen restituere poterit statim, profecto debuisset restituere antequam ad pedes Confessarii accederet, quia quælibet dilatio restitutionis, invito rationabiliter domino, est peccatum actuale; qui autem accedit ad sacramentum Poenitentiae, debet accedere immunitis a quolibet peccato actuali. Quod si non advertens ad hanc obligationem non differendi amplius restitutionem, accedat ad Confessarium, doleat ex corde, & promittat statim post confessionem se restitutum, prima vice est absolvendus; nisi prudenter timeatur, aut quod non habeat verum propositum, aut quod non sit restitutus, unde melius sit illum dimittere, ut prius restituat, si restitutio statim fieri potest, & deinde ad absolutionem accedat: Si vero restitutio non potest fieri, nisi post longum tempus, non debet sine absolutione dimitti, quando habet verum propositum: Et hæc est praxis Ecclesiæ; tum quia speratur il-

lum facilius restitutum post gratiam absolutionis; tum etiam quia aliter exponitur periculo, quod non redeat ad Sacramentum Pœnitentiæ, & sic privetur magno fructu spirituali.

V. Neque obstat, quod Trident. sess. 25. cap. 12. præcipiat, ne absolvantur non solventes, aut impediētes decimarum Ecclesiis debitarum solutionem, nisi plena restitutione secuta; Nam Trident. loquitur de absolutione a censura in foro externo ob tale delictum inflicta; in hoc enim, & similibus casibus, in quibus scandalum oriretur, si delinquentes ante restitutionem ad Sacramenta reciperentur, præmiti debet restitutio: Et ideo in cap. *Quia, De Usuris*, prohibentur admitti ad communionem altaris usurarii manifesti, nisi prius restituant, aut idoneam dent cautionem de restituendo.

VI. Qui tamen semel absolutus cum promissione statim restituendi, deinde non restituit, non est facile iterum absolvendus ante realem restitutionem, sed cum eo agendum, sicut cum eo, qui promissit dimittere, verbi gratia, concubinam, ac vitare occasionem peccati, & deinde non vitavit. Si tamen iterum appareat magnus dolor, & firmus propositum, potest secunda vice benigne absolvi, ex Navar., Paludan., & aliis contra Cajet., Antonin., Armil.; Immo nonnulli etiam concedunt cum Valent., Ledesm., Sayr., Navar. contra communioem, quod possit etiam tertia vice, & aliquando adhuc quarta absolvi, memores fragilitatis humanæ; ex enim possunt circumstantiæ concurrere, & signa doloris apparere, ut non videatur pœnitens hic & nunc indignus absolutione, quamvis alias in proposito defecerit.

In praxi tamen rarissime hæc doctrina utendum est, quia nisi restituat priusquam iterum ad Sacramentum accedat, qui alias in proposito defecit,

impossibile moraliter est, quod habeat verum propositum restituendi statim post confessionem; Sicut dicitur de concubinario, nisi prius concubinam dimittat: Restitutio enim, & concubinæ dimissio præcedere debent Sacramentum; quod si prima, & secunda vice per accidens non præcedant, difficillimum est, quod tertia vice habeatur verum propositum restituendi, quin præcesserit restitutio. Quare blasphemare, & alia huiusmodi peccata, quæ dependent a fragilitate humana, & in subito impetu, & caloris æstu committuntur, fieri possunt sæpe post verum propositum non relabendi, & ideo possunt sa pius absolvi, quin hæc peccata sæpius relabuntur, non tamen qui non restituit, aut concubinam non dimittit, cum huiusmodi peccata non ex fervoris æstu, sed veluti consulto committantur.

VII. Quæritur tertio, An Confessarius non obligans pœnitentem ad restitutionem, ut debet, teneatur ipse restituere?

Respondeo, certum esse, quod teneatur, si niala fide positive illum deobliget; Si vero solum omittat monere pœnitentem de obligatione restituendi, quando speratur fructus, sive non moneatur ex malitia, eo quod directe intendat, ne pœnitens restituat, sive ex ignorantia crassa, seu ex negligentia, & lata culpa, probabile est ex Valent., & Bonac. disp. 1. quæst. 2. punct. 2., quod non teneatur ipse restituere, quamvis Confessarius sit Parochus, qui ex officio, & iustitia teneatur instruere pœnitentem: Ratio est, quia non tenetur ex iustitia curare bonum temporale creditoris, sed solum bonum spirituale pœnitentis.

Sed communior, & probabilior sententia Rosel., Navar., Sayr., & aliorum docet, quod ad restitutionem teneatur ipse Confessarius, etiam quando omittit mala fide monere pœnitentem.

tentem de obligatione restituendi, si Confessarius sit Parochus, qui ex iustitia tenetur confessiones audire. Ratio est, quia huiusmodi Confessarius, (sicut etiam quicumque ex proprio munere confessiones audit) utpote medicus spiritualis, tenetur ex iustitia curare morbos peccatorum; inter quos præcipuus est damnificatio iniusta proximi; ergo si hoc non faciat, tenetur restituere damnum ex tali omissione secutum.

Nec refert, quod tale damnum non veniat in poenitentem, cui per se est obligatus ex iustitia, sed in creditorem, cui tantum est obligatus ex charitate. Nam, ut bene notat Petrus Navar. cum Sayr., ex intentione fidelium assignantium decimas Ecclesie, immo etiam ex intentione Ecclesie committentis Sacerdotibus officium Confessarii, illud non datur solum ad salutem animæ poenitentis, sed etiam quod curam habeat, quantum fieri potest in illo iudiciario foro spirituali, damnorum Reipublicæ, & injuriarum vitandarum, unde ad restitutionem tenetur, si hanc curam non habeat: Sicut iudex si liberet bannitum, quem scit probabiliter facturum multa alia damna, tenetur ad restitutionem damnorum, quia in foro contentioso officium habet non solum puniendi delicta, sed etiam procurandi, ne ex delictis impunitis alteri damnum sequatur.

VIII. Præterea quamvis confessarius non teneretur ex officio immediate,

& directe curare bonum temporale creditoris, tenetur tamen mediate, & indirecte, quatenus tenetur efficere, quantum in se est, ne poenitens alios damnificet; quod satis est ad incurrendam obligationem restituendi damnum secutum ex omissione monitionis; quia satis est, ut ipse peccet contra iustitiam; Illud enim damnum non aliter ad culpam Confessario imputaretur, nisi quia hic non facit, quod debet facere ex officio; hoc autem est peccare contra iustitiam: Sicuti quamvis quilibet solum ex charitate; non ex iustitia teneatur vitare damnum proximi; nihilominus, si illud inferatur a filio, vel servo, vel animali Titii culpa sua, tenetur Titius ad restitutionem; quia ex officio, & iustitia tenetur immediate, & directe curare, ne filius, servus, vel animal damnum faciant, & mediate, ne alii damnum patiantur. Quare tam Episcopus, Parochus, aut Curatus, qui exercent munus confessarii cum stipendio, quam alii, qui sine stipendio confessiones audiunt, tenentur in casu adducto ad restitutionem; cum hoc solum discrimine, ex Sylvest. apud Suar. de Poenit. disp. 32., quod illi, qui stipendium accipiunt, cum exercent officium etiam in utilitatem propriam, tenentur ad restitutionem, etiam quando ex levi juridica culpa omittunt obligare poenitentem: alii vero qui exercent munus præcise in bonum poenitentis, tenentur solum de culpa lata, prout explicavimus articulo superiori.

QUÆ

Q U Æ S T I O II.

De Persona restituente .

Prima circumstantia restitutionis est , *Quis* ; proinde spectata jam substantia , seu essentia restitutionis , descendimus ad considerandam personam , quæ restituere debet , quod duplici quæstione conficiemus ; in hac enim tantum examinabimus . Primo , Quisnam restituere teneatur ex injusta acceptione ? Secundo , Quis teneatur ex re accepta ? Tertio , Quid restituere teneatur possessor malæ fidei ? Quarto , Quid possessor bonæ fidei ? Quinto , Quid possessor dubiæ fidei ? In sequenti vero quæstione inquiremus , quid restituere teneantur cooperantes : ad damnum alterius .

ARTICULUS I.

Quisnam teneatur restituere ex injusta acceptione ?

- I. *Ad restitutionem teneatur tam qui rem alienam sine iusto titulo habet , quam qui damnum alteri injuste intulit ; quod multipliciter contingere potest .*
- II. *Recensentur præcipua actiones injustæ , quæ parantur onus restitutionis .*
- III. *Preterea simoniace acceptum restitutionem debet Ecclesia , vel probabiliter ipsi danti . Sic pariter elemosyna magna erogata singenti paupertatem restituenda sunt vel danti , vel aliis pauperibus . Admodum pariter , quæ dantur iudici pro ferenda sententia iustæ .*
- IV. *Qui aliquid a pupillo per contrarium onerosum acquisivit , num teneatur iure natura illud restituere ?*
- V. *Qui alium impedit a consecratione boni debiti ex iustitia , ad restitutionem teneatur ; Sicut etiam si quis malis artibus illum impediat ab alterius boni consecratione .*
- VI. *Quid si quis impedit alicui consecrationem officii publici , aut Beneficii , aut quod ex arariis publicis*

debetur pauperibus ?

VII. Divertens fluxum cum alterius damno tunc ad restitutionem teneatur , quando id non facit ob propriam utilitatem , sed in damnum proximi . At non teneatur ad restitutionem , si bonis artibus impediat pauperi elemosynam ex odio erga illum .

VIII. Qui malis artibus impedit , ne sine acquisito ius ad panem pecuniariam , non teneatur ad restitutionem .

I. **C**ertum est universim, omnem, & solum illum teneri ad restitutionem, qui est causa damni alterius contra iustitiam, vel quia rem alienam sine iusto titulo habet, vel quia alteri damnum intulit sive verbis, sive factis, sive positive, puta aliquid auferendo, vel destruendo, sive negative, hoc est injuste impediendo alterius bonum; sive immediate, hoc est per seipsum, sive mediate, hoc est cooperando per alios, iubendo, consulendo, adulando, receptando, participando, non clamando, non obstando, non manifestando. Ratio doctrinæ est, quia duplex est ratio restitutionis, ut supra ostendimus, ex Re accepta, & ex Injustitia

ita acceptione; ergo quirem alienam sine justo titulo habet, & sic est causa damni alterius, tenetur ex re accepta; qui vero damnum alteri intulit contra jus illius omnibus modis prædictis, tenetur ex injusta acceptione. Hic quærimus de restitutione facienda ex injusta acceptione; in sequenti vero articulo de facienda ob rem acceptam.

II. Quæritur nunc primo, Quamnam sint præcipuæ injustæ actiones, ex quibus oritur obligatio restituendi?

Respondeo, esse furtum, seu acceptionem injustam rei alienæ, homicidium, bellum injustum, stuprum, adulterium, detractionem, & omnes alias offensiones in bonis vitæ, honoris, fortunæ, & famæ. Præterea oritur etiam obligatio restituendi ex injusta acceptione, quando res aliena accipitur sine justo titulo, ut est acceptio usufructus, pretii simoniaci, elemosynæ titulo paupertatis fictæ: Acceptio etiam rei alienæ per contractum iniquum; ut si res vendatur pretio injusto, aut si quis contrahat cum pueris, cum religiosis, cum servis, qui non habent dominium rerum. Est etiam actio injusta impedire malis artibus, videlicet vi, vel fraude, mendaciis, dolo, ne aliquis bonum aliquod consequatur, ad quod jus non habet, verbi gratia elemosynam, hæreditatem, &c. Secus vero si precibus, vel bonis artibus, quamvis ex odio id fiat. Demum est actio injusta cooperari ad damnum alterius mandando, consulendo, &c., & aliis viis, quæ illis verbis continentur.

Jussio, Consilium, Consensus, Palpo, Recursus,

Participans, Aditus, Non obstant, Non manifestans.

III. Colliges hinc primo, cum, qui simoniam commisit, præter sacrilegium, excommunicationem, & privationem beneficii venditi, vel empti,

contrahere etiam obligationem restituendi pecuniam acceptam. Ratio est, quia res spirituales non sunt vendibiles, unde sine justo titulo acciperetur pecunia propter illas.

Dubitatur tamen, Cuiam restituenda sit pecunia simoniace accepta? D. Th. putat, quod Ecclesie, cui facta est injuria, vel pauperibus. Sanchez tamen apud Dian. part. 4. tract. 4. resol. 167., quod ante judicis sententiam restituenda sit illi, qui eam dedit. Utraque sententia est probabilis.

Colliges secundo, restituere debere eum, qui fingendo paupertatem, elemosynam extorquet. Ratio est, quia sine justo titulo accipit rem alienam invito domino. Granad. tamen cum Dian. part. 5. tract. 8. resol. 31. putat id procedere solum in elemosynis magnis, & extraordinariis, quæ darentur, verbi gratia, fingenti se Episcopum expulsum, vel captivum, non vero in parvis, & ordinariis, quæ dari solent ostiatim mendicantibus; istis enim elemosyna non videtur dari sub ea conditione mente retenta si est pauper, sed absolute, & sine ullo onere, potius ex charitate, quam titulo paupertatis.

Dubium vero est; Num magnæ illæ elemosynæ restituendæ essent danti, an aliis pauperibus, aut loco pio? Vasq., & Pal. putant, quod danti, quia dans voluit huic, non alteri pauperi elemosynam dare. Alii putant etiam probabiliter, quod debeant restitui aliis pauperibus, aut loco pio; quia qui dedit, non respexit nisi rationem genericam paupertatis ex amore Christi Domini; Unde pauperes acquisierunt jus ad talem elemosynam. Qui vero magnam elemosynam habuit, fingendo consanguinitatem, tutius est ex Mendo restituere illam danti potius, quam alteri consanguineo pauperi, cui forsitan nollet
cam

eam donationem facere is, qui donavit.

Colliges tertio, restitui debere minera, quæ accipiunt Judices pro ferenda sententia iusta, & quodcumque accipitur pro opere alias debito ex iustitia; nisi aliquando detur ex magna liberalitate. gaudio, & gratitudine, neque id prohibeatur lege positiva, ut prohibetur Iudicibus. Ratio illationis est eadem, quia scilicet sine ullo titulo iusto acciperetur res aliena invito domino; Etenim dominus non sponte, sed coacte illa offert, ut offeruntur laroni, ne noceat. Quod si iudex aliquid accipiat pro ferenda sententia iniusta, patrato scelere non tenetur restituere illud, quamvis debeat refarcire damnum; sicut nec debet restitui quodcumque exhibetur pro opere alias debito ex charitate, aut ex alia virtute, ut dicemus quæst. 4. art. 4., & 5.

IV. Colliges ultimo, restitui debere quicquid acquiritur per contractum etiam onerosum initum cum pueris, servis, religiosis, & aliis non habentibus dominium, aut liberam administrationem rerum suarum. Notandum tamen ex Laym., & Dian. part. 3. tract. 5. resol. 44. quod pupillus habens sufficientem ætatem ad consensum, (quæ innare est decem, in fœmina novem annorum cum dimidio) si contractum onerosum sine tutore, aut curatore ineat circa res suas mobiles, probabiliter teneatur de iure naturæ stare tali contractui; quamvis possit uti beneficio restitutionis in integrum iuris Civilis, ex leg. *Stichum*, ff. *De solutionibus*: Unde fit eum, qui aliquid a pupillo huiusmodi per contractum onerosum acquisivisset, posse id sibi retinere, donec iuris civilis beneficio repetatur. Quia tamen opposita sententia est etiam probabilis, idcirco poterit etiam pupillus, quæ debet per huius-

modi contractum nonolverc, (nisi iuramentum adhiverit) aut si solvit, compensare.

V. Quæritur secundo, Quando universim ad restitutionem teneatur, qui impedit aliquem a consecutione alicujus boni?

Respondeo, teneri ad restitutionem eum, qui impedit alicui precibus, consilio, adulatione, & suasionem, & qualibet alia via id, quod illi debetur ex iustitia; ut si quis suasionem, & precibus obtineat, ne alicui solvatur legatum, quod illi debetur: Contra vero, qui impedit alicui consecutionem alicujus boni non debiti ex iustitia, verbi gratia consecutionem elemosynæ, aut beneficii, tenetur ad restitutionem, solum si id faciat actione mala contra iustitiam, puta mendaciis, fraude, dolo, &c., non tamen si impediatur actione mala contra charitatem, puta precibus, exhortationibus, sollicitationibus, etiamsi ex odio alterius id faciat. Ratio est, quia vi, & fraude violatur libertas collatoris, in qua erat situm jus alterius conditionalis ad tale bonum, videlicet si collator vellet dare: Precibus vero, & blanditiis tale jus non violatur, ut communiter docent apud Dian. part. 3. tract. 5. resol. 33. Notat tamen uterque Navar., & Covar., quod probabiliter etiam ad restitutionem teneatur ea impediens lacrymis, & precibus importunis, quippe quæ non minus, quam minx, & metus, vim inferre solent: Et quia preces Superioris æquivalent iussui, & ob reverentiam, ac metum sæpe non minus cogunt, quam aliorum minx, ideo Superiores impediens precibus alicui consecutionem boni, etiam non debiti ex iustitia, sed ex liberalitate, tenentur ad restitutionem, ex Petro Navar. lib. 3. cap. 5.

VI. Colliges ex dictis primo ex Dian. part. 5. tract. 6. resol. 33. quod

quod quia aliqua bona communia sunt ordinata in bonum publicum, ut officia, beneficia, &c., aliqua principaliter ordinata sunt in bonum privatum, ut æraria publica, montes pietatis, a quibus, verbi gratia, danda est singulis annis mensura quædam frumenti aut omnibus, aut determinatis pauperibus, ideo si impediatur quis alicui bonis artibus, videlicet per preces, & munera consecutionem primorum bonorum, non tenetur ad restitutionem, secus vero si impediatur consecutionem secundorum. Ratio est, quia ad hæc, & non ad illa bona communia singuli habent suum jus strictum, propter quod sua pars debetur: Si tamen montes pietatis non debeant quicquam dare personis determinatis, sed solum aliquibus pauperibus vage, & tu sine fraude obtineas, ut potius Petro paupere, quam Paulo aliquid detur, non peccas contra iustitiam; immo simpliciter non peccas, si id facias ex bono fine, unde ad restitutionem non teneris; cum nemo in particulari habeat jus ad tale bonum.

Colliges secundo cum communi apud Dian. part. 3. tract. 6. resol. 33. quod impediens quocumque modo, ne beneficium, officium, &c. conferatur indigno, ad nullam restitutionem tenetur, quia indignus nullum habet jus ad illa: Impediens vero, ne conferatur æque digno, aut dignioribus extra concursum, neque ad ullam restitutionem tenetur, si id faciat precibus, aut bonis artibus, quia æque digni, & digniores nullum habent jus ad illa, etiamsi peccet contra iustitiam distributivam, qui ea confert dignis, omisso dignioribus; Contra vero si impediatur per fraudem, & vim, tenetur restituere æque dignis, aut dignioribus juxta spem, quam isti habebant, obtinendi beneficium, aut officium.

Pars III.

Si quis vero precibus procuret, ut ea conferantur indigno, tenetur solum de damno secuto Ecclesiæ, aut Reipublicæ, quibus solum fit injuria; Si tamen id procuret per fraudem, non solum restituere debet Ecclesiæ, vel Reipublicæ, sed etiam dignis, quibus pariter fit injuria juxta spem, quam habebant. Et quidem primo loco ad restitutionem tenetur indignus, qui obtinuit beneficium, vel officium secundo loco collator, tertio suavor.

VII. Colliges tertio, non teneri ad reparationem damni secuti eum, qui torrentem, seu flumen avertit, ne ad vicinum perveniat, dummodo hoc non faciat animo, ut illi noceat, sed ut sibi prosit; ut habetur in *leg. 2. ff. de Aqua pluviali arcenda*. Ex quo a contrario sensu Doctores inferunt, quod si hoc faciat ex malo animo sine ulla sua utilitate, teneatur de damno, non quidem ob malum animum, sed quia unusquisque habet jus, ne sibi hujusmodi bona impediatur sine ulla propria utilitate. Idem dicitur, si quis sine sua utilitate attollat altius suum ædificium, quo lumen ædificio vicino impediatur, aut si impediatur, ne venæ aquarum ad puteum vicini divertant. Unusquisque enim ad hujusmodi bona jus habet, ne sibi impediatur sine propria utilitate: At si quis ex malo animo sine sua utilitate impediatur precibus, ne alicui detur eleemosyna, non tenetur ad restitutionem, quia pauper ad eleemosynam nullum jus habet.

Colliges quarto, Impedientes scilicet, aut alium a consecutione pœnæ pecuniariæ debitorum ex delicto, verbi gratia impediendo sententiam, aut non manifestando delictum, non teneri ad restitutionem, etiamsi fraude, & mendaciis impediunt, ut docet Less., & alii communiter apud Dian. part. 3. tract. 6. resol. 31. Ratio est, quia pœna non est debita ante sen-

E ten-

tentiam; ergo impediens sententiam solum impedit, ne acquiratur jus, non vero violat jus acquisitum; ergo non tenetur ad restitutionem; Idemque dicendum probabiliter de pœna conventionali; nam nisi aliud exprimatur, intentio contrahentium videtur esse, quod non debeat solvi, nisi post sententiam iudeis, ut docet Sanch. de Matrim. lib. 1. disp. 37. contra Regium apud eundem Dian.

Dices; Qui mendaciis impedit aliquem a consecutione alicujus boni, etiam si non debuit ex justitia, tenetur ad restitutionem; ergo quamvis ante sententiam iudicis non detur jus ad pœnam, seu ad centum, verbi gratia, quæ in pœnam delicti debet reus solvere, tamen qui mendaciis impedit, ne feratur sententia, & acquiratur a fisco jus ad talem pœnam, tenetur pariter ad restitutionem.

Respondeo cum Less. lib. 2. cap. 12. dub. 18. nego consequentiam. Ratio est, quia quilibet habet jus ad tuendam vitam. Quare sicuti qui mendaciis obtinet, ne spoliatur vita, peccat quidem mentiendo, sed non peccat contra justitiam, ita qui mendaciis obtinet, ne propriis bonis spoliatur, ad quæ alter non habet adhuc jus (sicut fiscus non habet jus ad bona delinquentis ante sententiam iudeis) non peccat contra justitiam, & consequenter non tenetur ad restitutionem: Quod vero impediens mendaciis ac fraudibus, ne quis bonum non debitum ex justitia assequatur, peccet contra justitiam, & ad restitutionem teneatur, supra ostendimus. Quamvis enim ad isthæ bona nemo habeat jus strictum; quilibet tamen jus strictum habet, ne malis artibus eorum assecutio sibi impediatur.

Notandum tamen, in dictis casibus non esse restituendum totum, sed par-

tem ejus boni, cujus consecutio impedita est, ut docent uterque Navar. & alii contra Soc., & Mercad. Ratio est, quia non tantum valet res, quæ possidetur, quantum res, quæ speratur, seu spes rei possidendæ: ergo qui per fraudem, verbi gratia, impedit, ne pauper consequatur elemosynam centum aureorum, non debet restituere centum aureos, sed solum quanti æstimatur ista spes habendi centum aureos; aliquando enim plures, aliquando minoris æstimatur, prout spes est proximior, vel remotior.

ARTICULUS II.

Quisnam restituere teneatur ex re accepta?

- I. Ex re accepta consurgit omnis restitutionis, sive ea exes post factum, seu post contraluminiatum, sive res aliena exiet absque tua culpa pones te.*
- II. Res inventa num sunt danda pauperibus?*
- III. Thesauri inventi jure nature suos primi occupantis; leges tamen civiles diversimode de iis disponunt. Num leges ista obligent in conscientia?*
- IV. Quare acquisita per delictum, domino non comparente, retineri non possunt?*
- V. Res bona fide emptæ a fure probabiliter ab emptore restitui potest furi, si aliter pretium recuperare non possit restituendo illam domino. An non potest alteri vendi ad pretium recuperandum.*
- VI. Num peccet solum contra charitatem, an etiam contra justitiam, qui reddit gladium domino suo iusto, quo ille abusus est adversus vitam innocentis?*
- VII. Res aliena emptæ bona fide, si functionem recipiat, domino compa-*

pa-

parente, non est illi restituenda; nisi forte cum modica propria re sit immixta.

I. Quæritur primo, In quibusnam casibus universum oriatur onus restitutionis ex Re accepta?

Respondeo, oriri tam ex re inique accepta, verbi gratia per furtum, per contractum iniquum, &c., quando res adhuc extrat; quam ex re aliena bene accepta, seu quæ absque ulla tua culpa ad te pervenit, invito domino; Verbi gratia si res aliqua inveniat, aut si bona fide res furtiva ematur, aut accipiat a fure; aut si bona fide possideatur res aliena autè terminum præscriptionis, vel usucapionis; de quo fusc agendum quæst. 6., ubi de Præscriptione.

II. Quæritur secundo, Num res inventæ retineri possint, quousque dominus compareat, an dandæ sint pauperibus?

Respondeo, Salon., Bonac., & alios communiter apud Dian. part. 2. tract. 17. resol. 5. putare, quod si post debitam diligentiam dominus non compareat, dandæ sint pauperibus ex consuetudine jam recepta, fundata in dominorum voluntate rationabiliter præsumpta, ut scilicet res amissæ prosint suis animabus, quando aliter sibi prodesse non possunt; vel saltem prosint pauperibus, aut Reipublicæ. Sot. vero, Navar., & alii apud eundem Dian. probabiliter putant retineri posse ab inventore; quia in jure perinde est dominum ignorari, ac rem nullius esse.

III. Hinc thesauri inventi jure naturæ sunt primi occupantis, quamvis per consuetudinem, aut per leges possit aliud ordinari. Leges autem civiles circa thesauros inventos ita de facto disponunt. Primo, ut si thesaurus inveniat in loco proprio, sit inventoris. Secundo, si in loco alieno ex in-

dustria inveniat sine consensu domini, sit domini loci. Tercio, si in loco alieno casu, sit dimidium inventoris, dimidium domini loci. Quarto, si in loco publico, dividatur inter fiscum, seu Civitatem, & Inventorem. Quinto, si in Ecclesia, vel loco sacro, dividatur inter Prælatum, & inventorem. Sexto, si per artes magicas, applicetur fisco. Has vero leges non obligare in conscientia putant Caramuel, & Sylvest.; Unde qui scit in agro alieno esse thesaurum, potest agrum illum emere secundum communem æstimationem, & thesaurum sibi appropriare; ita ramen ut si deprehendatur, luere debeat pœnas impositas adversus transgressores istarum legum.

IV. Opponit Molin. contra Sot., si res inventa posset retineri, & non dari pauperibus, quando dominus reperiri non potest, (eo quod videatur dominus velle rem suam servari apud inventorem. ut si forte compareat, possit sibi restitui,) sequeretur, quod etiam possent retineri acquisita ex delicto, verbi gratia ex furto, aut usura, quando dominus ignoratur. Sequela est falsa; ergo & id unde sequitur.

Respondeo cum Tambur. lib. 8. tract. 4. cap. 1. negando sequelam. Disparitas est, quia non est præsumendum, quod dominus velit, ut fur, qui fuit sibi injurius, fruatur suis bonis per injusitiam arreptis: E contra si bona fide illa habuerit. Quare certum est, quod qui mala fide rem alienam possidet, non comparente domino post debitam inquisitionem, debet illam restituere pauperibus, vel operi pio applicare, ex cap. Cum in, De usuris.

V. Quæritur tertio, Si res aliena, verbi gratia equus, ematur bona fide a fure, cuinam sit restituendus, furi ne ad recuperandum pretium, an vero ipsi domino; præsertim si certum

fit, quod fur non sit illum restitutus domino ?

Respondeo, Molin., & Azor. docere, quod restituenda sit domino, quia res clamat ad dominum, quamvis possit emptor suum pretium repetere a fure, non tamen a domino : Quod si recuperare non potest, impiter suo infortunio. Vsq. ramen, Rebell., Lug. apud Tambur. loc. cit. probabiliter putant posse restitui furi, quando emptor non posset aliter recuperare pretium restituendo rem illam domino. Ratio est, quia qui tenetur restituere rem bona fide acceptam, non videtur cogendus restituere illam cum suo damno, ut diximus quæst. 1. art. 3. Quare satis est, si reponat equum in eo statu, in quo erat, reddendo illum furi, a quo pretium recuperet. Si tamen Titius a fure habuit equum gratis, seu per donationem, non potest illum restituere furi, sed domino, quia nullum damnum patitur, si restituat domino, ad quem res clamat. Eodem modo si Titius furatus sit equum ab alio fure, restituere debet illum domino, non proprio furi.

Opponitur primo ; Si dominus equi compareret coram iudice, certe iudex decerneret equum reddi domino, non furi, quamvis emptor non possit suum pretium recuperare ; ergo in conscientia domino reddendus est.

Respondeo, concessio antecedente, nego consequentiam. Ratio est, quia iudex, ne detur ansa fraudibus, supponit equum mala fide emptum esse, & ideo adjudicat illum domino : Quare si in conscientia bona fide emptus sit, non tenetur emptor reddere domino, si non possit aliter pretium suum a fure recuperare.

Opponitur secundo. Si emptor posset reddere equum furi ad servandum se indemnem, posset pariter vendere alteri, si non posset auferre pretium suum recuperare. Consequens non admitti-

tur ; ergo nec antecedens.

Respondeo, nego sequelam. Disparitas est, tum quia talis venditio esset injusta, tum etiam quia reponeretur equus in novo periculo, in quo non erat, quando emptus fuit.

VI. Opponitur tertio. Non potest reddi gladius domino furioso, qui illo abusus est ad alium occidendum ; quia debitor gladii, restituendo illum cooperaretur peccato furiosi ; ergo neque potest equus reddi furi, qui illum non est restitutus, quia pariter haberetur cooperatio cum peccato illius.

Respondeo, nego consequentiam : Disparitas est, quia si non reddatur gladius furioso, debitor nullum patitur damnum : Contra vero si equus non reddatur furi, emptor patitur damnum, eo quod non possit aliter, ut supponimus, suum pretium recuperare ; Nemo autem tenetur procurare bonum temporale alterius cum æquali suo damno. Præterquamquod quando cooperatio cum peccato alterius est remota, sufficienter excusatur cooperans, ne damnum temporale patiatur ; Cooperatio autem cum peccato furis nolentis restituere videtur remotior ; Cooperatio vero cum peccato domini furiosi esset proxima. Unde Less. lib. 2. cap. 16. dub. 4. putat, quod reddens gladium domino furioso non solum peccet contra charitatem juxta sententiam Molin., sed etiam contra iustitiam, quia est veluti complex delicti furiosi, & non se habet mere negative, sicut se haberet, si solum non defunderet innocentem, in quo casu solum peccaret contra charitatem.

VII. Quæritur tertio, Si res aliena mixtibilis, verbi gratia frumentum, &c., bona fide ematur a fure, & deinde misceatur cum proprio frumento, debetne illud restitui, quando dominus innotescit ?

Re-

Respondeo negative cum communi apud Tambur. lib. 8. tract. 3. cap. 3. Ratio est, quia de rebus, quæ functionem recipiunt, seu quæ per immixtionem cum propriis non possunt amplius discerni, ut est pecunia, frumentum, gallina, acquiritur statim dominium per hoc solum, quod immisceantur cum propriis, cum onere tamen id restituendi, in quo quis factus est ditior. Cum autem in casu nostro, qui emit bona fide a fure, & illud immiscuit cum proprio, non sit factus ditior, sequitur, quod non teneatur illud restituere, quando dominus apparet; Non enim restituere debet ratione injustæ acceptionis, quia emit bona fide; Neque ratione rei acceptæ, quia talis res accepta functionem recipiens per immixtionem evasit propria, cum onere solum restituendi id, in quo factus est ditior; Qui autem illam emit, non est factus ditior; ergo non debet quicquam restituere.

Quod si res aliena possit discerni, aut cum adeo modica re propria sit immixta, ut moraliter non dicatur immixta, eo quod parum pro nihilo reputetur, (ut si centum modios frumenti cum parva tua mensura immisceas,) quia in tali casu extat in individuo res aliena, quæ semper clamat ad dominum, procul dubio restituenda est domino, aut ad summum furi, juxta dicta quæsito superiori, si aliter pretium tuum recuperare non possis.

ARTICULUS III.

Quid restituere teneatur Possessor mala fidei?

- I. Quinam dicatur Possessor mala, aut bona, aut dubia fidei?
- II. Possessor dubia fidei comparatur possessori mala fidei, si dubium pra-

cesserit possessionem rei aliena; at si subsequatur, comparatur possessori bona fidei.

- III. Mala fidei possessor restituere debet, præter rem, etiam damnum secutum domino, ac lucrum, quod cessavit, necnon fructus rei naturales, & mixtos; non tamen quod dominus lucraturus esset ex turpi usu sua rei.
- IV. Quinam dicantur fructus rei naturales, quinam industriales, quinam mixti?
- V. Si res furtiva cum rebus propriis miscetur, nec illa se discernibilis, quid est restituendum domino?
- VI. Quid restitui debet, si res aliena in manu furis deterioretur? Quid si dominus illam deinde pluris venditurus esset, quam tunc valeret?
- VII. Potest aliquando fur ex furto lucrum reportare.
- VIII. Qui in navi projecit poculum aureum alienum, quod simul cum navi mox erat submergendum, probabiliter non tenetur quicquam restituere; Secus vero si rapiat rem mox ab alio fure rapiendam.
- IX. Quinam fructus rei furtiva debent a fure domino restitui? Et quid de melioramentiis, sive necessariis, sive utilibus, sive voluptuariis?
- X. Restitui debet a fure præter rem furtivam, tam interesse ordinarium, quam extraordinarium; & quidem etiam si a Creditore de illo non moneatur.
- XI. Qui restituere debet, & non ex delicto, sed ex mutuo, emptione, &c., & culpabiliter differt solutionem, probabiliter ad interesse extraordinarium non obligatur, si monitio non præcedat.
- XII. Fur, qui per aliquod tempus inculpabiliter non restituit, num teneatur ad interesse illius temporis?

a, Pos-

I. **P**ossessor rei alienæ vel est malæ, vel bonæ, vel dubiæ fidei. Dicitur Possessor malæ fidei, qui retinet rem alienam credens se nullum iustum titulum habere ad illam retinendam, vel quia illam furatus est, vel quia accepit a fure, vel quia bona fide accepit, & deinde novit esse alienam; vel demum quia ignorat rem illam esse alienam, sed ignorantia crassa, & affectata, quæ non excusat a peccato mortali. Econtra Possessor bonæ fidei dicitur, qui bonam fidem, seu credulitatem habet, quod res, quam possidet, non sit aliena; Unde de hoc debet habere ignorantiam invincibilem, seu probabilem. Demum dicitur Possessor dubiæ fidei is, cui non constat rem esse suam, nec constat esse alienam.

Differt itaque possessor malæ a possessore bonæ fidei, quod ille cum teneatur ad restitutionem non solum ratione rei acceptæ, sed etiam ratione injustæ acceptionis, nullo unquam tempore possit in rebus mobilibus usucapere, aut in immobilibus præscribere, ex cap. *Possessor, De regul. juris in 6.* Econtra possessor bonæ fidei potest usucapere in rebus mobilibus post triennium, & post spatium triginta, vel viginti annorum potest præscribere in immobilibus, juxta varium genus rerum præscriptibilium, ut dicemus quæst. 6., itaut si post tale tempus compareat verus dominus, possessor bonæ fidei non teneatur restituere.

II. At possessor dubiæ fidei, si cum dubia fide rem accipit, comparatur possessori malæ fidei, & ratione etiam injustæ acceptionis tenetur restituere saltem pro ratione dubii, ut dicemus art. 5. Si tamen postquam rem alienam bona fide possederit, incipiat dubitare an res sit aliena, & post debitam diligentiam non constet, quod sit aliena, potest illam sibi retinere, & comparatur possessori bonæ fidei; eo

quod in dubiis melior sit conditio possidentis; Nec dubium superveniens interrumpt possessionem bonæ fidei in ordine ad usucapionem, vel præscriptionem, ut docet Medin. de restitutione quæst. 16., Covar., & alii contra Adrian. Sot., & alios: Etenim in cap. *Si Virgo 34., quæst. 1.* dicitur: *In jure prædiorum tamdiu unusquisque possessor bonæ fidei dicitur, quamdiu se possidere ignorat alienum.* Qui autem dubitat, jam ignorat rem esse alienam; ergo non interrumpt possessionem bonæ fidei. His explicatis, de Possessore malæ fidei inquiremus Primo, Quid debeat universim restituere? Secundo, Quid restituere debet, si res furtiva deterioretur, aut consumatur? Tertio, Quosnam fructus rei furtivæ debet restituere? Quarto, Quodnam interesse, seu damnum emergens, aut lucrum cessans creditori?

III. Quaritur itaque primo, Ad quid teneatur Possessor malæ fidei?

Respondco, possessorem malæ fidei, verbi gratia, furem, aut damnificatorem formaliter injustum, tenei primo ad restitutionem rei furtivæ, si extet, vel valoris, & pretii, si non extet, etiam si casu fortuito consumpta, aut amissa sit. Secundo, tenetur refarcire omne interesse, seu damnum secutum, & lucrum, quod cessavit domino propter talem damnificationem; propterea præter rem, vel pretium rei tenetur restituere omnes fructus illius naturales, & mixtos, tam perceptos, quam non perceptos, si diligens dominus esset illos percepturus, deductis expensis necessariis. Ratio est clara, quia re possidere rem alienam mala fide est causare inæqualitatem inter te, & proximum, seu est efficere, ut dominus habeat minus de rebus suis, & tu majus de tuis, quod est contra justitiam; ergo ex virtute justitiæ teneris omne damnum proximo illatum reparare. ut ponatur æ-

qua-

qualitas debita; nisi autem omnia enumerata restituatur, non reparatur omne damnum; ergo omnia hæc restituenda sunt.

Hinc inferitur, quod qui, verbi gratia, ex vinea injuste usurpata colligit decem dolia vini, debeat non solum vineam, sed etiam totidem dolia restituere; & si dominus collecturus erat viginti dolia, ad viginti tenebitur fur, quamvis ipse collegerit solum decem, vel nullum. Si tamen dubium est, an dominus collecturus esset decem, aut quindecim, aut viginti, quando æque spes erat colligendi viginti, ac periculum colligendi solum decem, restituenda sunt quindecim, quia spes colligendi plus, videlicet viginti, compensatur cum æquali periculo colligendi minus, videlicet decem. Quod si spes præponderet periculo, aut viceversa, tunc plus, vel minus pro arbitrio prudentis viri restituendum est. Item qui furatur equum ab eo, qui solitus erat illum quotidie locare quinque argenteis, præter equum restituere debet hos quinque. Similiter qui ex carentia suæ pecuniæ furto sublatæ non negotiatur, debet habere a fure lucrum cessans iudicio prudentis viri, & damnum emergens, si scilicet ex eadem carentia coactus est accipere pecuniam sub usuris, vel res suas minori pretio vendere.

Inferitur secundo, quod si fur locet equum, quem furatus est, debeat etiam pretium locationis restituere, quamvis dominus equi non fuerit solitus equum locare. Ratio est, quia tale pretium non est fructus meræ industriæ, ut communiter docent contra Navar. apud Dian. part. 3. tra& 6. resol. 14. Immo ad id tenetur, quamvis fur tale pretium locationis statim dissipasset, nec ex eo factus esset ditior, quia equus fructificavit domino suo; ergo pretium locationis dissipatum a fure erat domini, atque

adeo domino debet restitui. Putat tamen Tambur. cum aliis, quod si fur bona fide pretium locationis dissipet, nec ex eo factus sit ditior, non teneatur ad illud restituendum, si dominus equi non esset equum locaturus; non enim teneretur ad restitutionem ex re accepta, quia jam non habet; neque ex injusta acceptione, quia nullum damnum intulisset domino.

IV. Ad pleniorē intelligentiam sciendum, fructus rei alios esse Naturales, alios Industriales, alios Mixtos. Dicuntur fructus Naturales, seu absolute fructus rei, qui suapte natura ab ipsa re producuntur sine industria hominum, aut saltem cum modica; Tales sunt pullus ex equa, herba ex campo sylvestri, glans ex arbores non culta. Dicuntur Industriales, seu meræ industriæ, qui ex mera hominum industria proveniunt, ita ut tales fructus res solum deserviant tanquam merum instrumentum; tale est lucrum ex pecunia exposita negotiationi, vel lucro; pecunia enim de se est sterilis, & infructifera. Demum dicuntur fructus Mixti, qui partim ex ipsa rei natura, partim ex industria hominis proveniunt, ita tamen, ut si industria sit modicissima, dicantur pure naturales, si maxima, dicantur pure industriales; si vero industria sit magna, aut parva, aut mediocris, dicantur mixti; tales sunt vinum, oleum, segetes, lac, caseus, &c. Et ad hoc genus reducuntur fructus civiles, ut est pretium locationis equi, vel domus; Etenim ad tale lucrum concurrat equus, vel domus simul cum industria locantis.

His explicatis dicimus, non solum fructus naturales, sed etiam mixtos restituendos a fure, (detra&is expensis necessariis,) eo quod tales fructus ab ipsa rei natura saltem inadæquate proveniunt; cum autem quælibet res domino fructificet, ideo domino resti-

ti.

stituendi sunt. E contra fructus mere industriales, quia non sunt ipsius rei, sed industriz furis, concurrente re solum tanquam instrumento, ideo si non restituantur, non proinde dominus habet minus de rebus suis, ac proinde non debent restitui; Quamvis restitui debeant, tanquam lucrum cessans, omnes fructus, quos ex industria sua dominus percepisset, ut dicimus infra.

Notandum tamen hic ex Tambur. cap. 2. §. 7., quod si dominus percepturus esset fructus ex turpi usu rei suæ, non tenetur fur illos restituere, si fructus percipiendi essent ex ipso peccato, verbi gratia, ex eo, quod danda esset pecunia ad usuram, ex leg. *Fructus*, ff. *De rei vindicat*. Ratio est, quia huiusmodi fructus non sunt fructus rei, sed humanæ malitiæ, nec jura patrociantur delinquentibus: Contra vero, si dominus percepturus esset fructus, peccando quidem, sed non ex ipso peccato, hoc est ex usu ipsius rei, qui per accidens cum malitia conjungitur, verbi gratia, si dominus cum peccato locaturus esset domum meretrici, aut luforibus, tales fructus restituendi sunt a fure, cum non sint fructus humanæ malitiæ, sed ipsius rei; quamvis per accidens cum malitia conjungantur.

Rogabis primo, An debeat aliquid restitui domino præter enumerata, præcise propter injuriam, quæ illi fit per furtum?

Respondéo cum Dicastil. negative, ut constar ex usu; nisi tamen præter furtum accesserit contumelia, vis, &c. Ratio est, quia si quid restitui deberet præcise propter injuriam irrogatam ex furto, id esset petitio veniæ; hæc autem vel non solet exigi a domino, vel facile remittitur, dummodo rem suam dominus recuperet.

Rogabis secundo, Si res furtiva extat, sed permixta cum aliis rebus su-

ris, ipsane, an ejus pretium restitui debet?

Respondéo, certum esse, quod debeat domino reddi res sua in individo, quando reddi potest, nisi aliquando credatur æque contentus, quod alia similis restituatur; ut si pro una pecunia reddatur alia similis, quæ æque æstimetur. Si tamen res furtiva non possit amplius reddi in individo, eo quod sit consumpta, certum est, quod ejus valor restituendus sit: Si vero sit immixta cum aliis rebus furis, itaut discerni non possit, verbi gratia si frumentum cum frumento admisceatur, tunc res furtiva transit in dominium furis, ex leg. *Si alieni*, ff. *De solutionibus*; Et solum dominus habet jus, ut sibi reddatur æquivalens vel ex illo cumulo, vel aliunde.

V. Notandum tamen, quod si res magna furtiva misceatur cum modicissima propria, non acquiritur a fure dominium illius rei furtivæ, quia, ut supra diximus, parum pro nihilo reputatur. Si vero res furtiva discerni quidem possit, sed non separari a rebus propriis furis, verbi gratia, si in tela aliena fur faciat pretiosissimam picturam, aut si in contexenda veste fur misceat fila sua cum panno alieno; in tali casu res tota evadit illius, cuius est res principalior, & alteri debetur pretium rei suæ; Verbi gratia, quia pictura principalior est, quam tela, tota tabella evadit furis, qui restituere debet domino pretium telæ; & quia pannus est principalior, quam filum, tota vestis debetur domino, a quo furi reddendum id, quod pluris valet vestis supra pannum. Si demum neutra est res principalior, uterque habet dominium in solidum; dominus tamen poterit vel pretium rei suæ recuperare, vel illam sibi usurpare, & reddere furti, quod ultra est.

VI. Quæritur secundo, Si res aliena pe-

penes possessorem mala fidei deterioratur, aut consumatur, quid, & quantum restituendum est?

Respondeo, distinguendum esse; nam si talis res eodem modo deterior facta esset, vel periisset apud dominum, nihil ei restituendum est pro deterioritate, aut consumptione; Verbi gratia, si equus eodem modo deterior factus esset propter senectutem apud dominum, aut si dolium vini eodem modo accesseret, tunc solum restituendi sunt fructus rei, lucrum cessans, & damnum emergens. Ratio est, quia dominus in tali casu nullum damnum patitur ex furto propter deterioritatem, aut consumptionem rei. Si vero res in manu furis deterioretur, ita ut non deterior facta esset in manu domini, tale damnum compensandum est; Verbi gratia, si dolium vini accessit, quia a fure conservatur in loco humido, non satis est restituere acetum, sed restitui debet valor vini, prout erat, quando sublatum est. Dubium tamen est celebre, An si dominus frumentum, verbi gratia, conservaretur esset, ut illud venderet tempore opportuno, & dum frumentum est in manu furis, nunc valet pretio infimo, puta decem, nunc mediocri, puta duodecim, nunc summo, puta quatuordecim, & quando restituitur a fure, valet tantum decem, satisne erit in tali casu restituere frumentum valens nunc decem, quanti valebat, quando fuit sublatum, an debent præter frumentum restitui alia quatuor, eo quod poterat dominus interim illud vendere quatuordecim, an potius præter frumentum restituenda sunt tantum duo juxta pretium medium?

Respondeo, Salon. 2. 2. quæst. 73. art. 6. quæsit. 61. putare, quod præter frumentum, restituenda sint alia quatuor, eo quod poterat dominus vendere frumentum quatuordecim. Communiter tamen docent, præter

Part III.

frumentum restituenda esse tantum duo, si æque probabile erat, quod dominus venditurus esset frumentum pretio summo, idest quatuordecim, ac pretio infimo, idest decem; spes enim, quod esset illud venditurus pretio summo, compensatur cum periculo, quod venditurus esset pretio infimo, & sic fur apte juxta pretium medium duodecim restituit, restituendo frumentum, & alia duo.

VII. Dices: Hinc sequeretur, quod si fur rapuerit frumentum tempore, quo valebat decem, & deinde vendat illud tempore pretii summi, idest quatuordecim, satis faciat reddendo tantum duodecim juxta pretium medium, & retinendo sibi alia duo, unde lucrum ex furto reportaret.

Respondeo cum Molin. disp. 731. contra Salon. concedendo sequelam; nec debet esse mirum, quod possit aliquando fur lucrum ex furto reportare; nam in omnium sententia potest fur retinere sibi fructus mere industriales rei furtivæ. Quare restitutio ex injusta acceptione non fert, quod fur nullum lucrum reportet; sicuti neque fert, quod non reportet damnum; sed solum fert, quod dominus nullum damnum ex furto patiatur. Immo aliquando potest dominus reportare aliquod lucrum ex furto alieno, si scilicet apud furem res pariat fructus naturales, aut mixtos, quos apud dominum non pareret ex sua negligentia; tunc enim fur deberet restituere etiam fructus, & sic dominus lucrum ex tali furto reportaret.

Salon. tamen loc. cit. putat omnia quatuordecim in casu proposito restituenda esse, licet restituitur hoc esse contra communem opinionem. Rario, quam adducit, est, quia facta venditione frumenti furtivi fur debet restituere pretium, quod succedit rei alienatæ; ergo si pretium frumenti furi summum, videlicet quatuordecim, omnia

¶

omnia quatuordecim restituenda sunt, quamvis dominus certo venditurus esset illud pretio infimo, videlicet decem. Ita etiam Tambur. cap. 2. §. 7. & Pal.

Sed contra est, quia omnes fatentur, quod si fur velit emere frumentum ejusdem valoris, sicuti erat, quando furatus est illud, satisfaciatur, dummodo restituatur etiam lucrum cessans, &c.; ergo satisfaciatur etiam, si velit non emere frumentum decem, quanti valebat, quando furatus est illud, sed dare decem, quibus possit dominus emere frumentum ejusdem valoris, dummodo reddat etiam lucrum cessans, videlicet duo, (eo quod ratione periculi, quod dominus venditurus esset frumentum decem, & ratione spei, quod venditurus esset quatuordecim, bene decernitur, quod pretium medium sit ei restituendum;) ergo abunde satisfacit, si loco frumenti valentis decem, & talis lucri det domino duodecim, quamvis ipse fur vendiderit frumentum quatuordecim.

Neque dicas, quod debeat restitui pretium locationis domus furtivæ, etiam si dominus non esset illam locaturus; ergo in casu nostro debet etiam restitui pretium venditionis frumenti, quod est quatuordecim, etiam si dominus non esset illud venditurus quatuordecim.

Nam concessio antecedente, nego consequentiam. Disparitas est, ut notat Tambur. cap. 3., quia locationis fructus est mixtus, & ideo restitui debet. Econtra fructus venditionis, non secus ac negotiationis, est fructus meræ indultriæ, cum habeatur per alienationem rei, & ideo restitui non debet.

VIII. Quæritur tertio, Si fur rapiat, verbi gratia, ovem Titii, & illam comedat, teneturne ad restitutionem, si statim post furtum integer grex ovium incendio, vel eluvione, vel incursum hostium absumatur, unde etiam

ovis illa periisset, nisi furto sublata esset?

Respondeo, Laym. putare, quod fur ad restitutionem teneatur; quia obligatio semel contracta restituendi ovem non tollitur per fortuitum eventum subsequenter. Addit tamen probabilem esse sententiam oppositam Vasq., & Less. docentium, quod non teneatur fur restituere, (nisi forte ex tali furto factus esset ditior.) Ratio est, quia fur in tali casu nullum damnum pretio æstimabile intulit domino; Sicuti qui prospiciens incendium in domo Caji, si dolium vini, antequam incendatur, expilet, non tenetur ad restitutionem, quia non est pretio æstimabile vinum in ea circumstantia, quod statim conflagrandum sit: Eodem modo non tenetur ad restitutionem, qui in navi furatur poculum aureum, & deinde suborta tempestate tota navis simul cum poculo aureo submergitur. Notat Laym. tract. 2. cap. 4., quod si fur rapiat poculum aureum, & illud ipse projiciat in mare, vel amittat, ac deinde suborta tempestate tota navis demergatur, ita ut etiam poculum esset submergendum, teneatur ad restitutionem, quia in tali casu causa cur amittatur poculum non est tempestas, sed fur: Et ex hoc motivo Laym. contra Less., & Vasq. in casu proposito docebat, quod si fur, postquam rapuit ovem, illam comedat, teneatur ad restitutionem, quamvis simul cum grege incendio, vel eluvione absumenda esset; quia causa talis damni de facto fuit fur, qui ovem comedit, non incendium, quo esset conflagranda.

Notandum demum, quod si fur rapiat rem, quæ cæteroqui ab alio esset rapienda, debet procul dubio illam restituere, si extet; & si non extet, debet ejus pretium restituere. Ratio est, quia sicuti si alter rapuisset, vel destruxisset, teneretur ille rem restituere

re

re domino, ita cum tu præveneris illam tollere, teneris restituere; tu enim præveniendo damnum prævintulisti.

IX. Quæritur quarto, Qua ratione computandi sunt fructus rei furtivæ restituendi a fure?

Respondeo, si fructus rei furtivæ extant, sive naturales sint, sive mixti, omnes omnino restituendi sunt, detractis expensis, quas dominus fecisset ad eos percipiendos: Quare si fur in agro furtivo plantavit arborem valentem decem, & ad illam plantandam expendit tantum duo, debet agrum cum arbore restituere, & solum sibi recuperare illa duo, quæ necessario expendenda fuerunt, etiamsi dominus non esset in illo agro plantaturus arborem ullam ex sua incuria: Ratio est, quia res domino fructificat. Præterea restituendi sunt fructus, quos dominus ex sua diligentia esset percepturus ex re furtiva, quamvis fur ex sua incuria illos non petceperit, detractis tamen expensis necessariis, & æstimatione laboris; Fructus veto industriales percepti a fure ex re furtiva restituendi non sunt, verbi gratia, lucrum ex negotiatione pecuniæ furtivæ. Quod si fur pennicillum furetur, & cum eo picturam faciat, tantum tenetur restituere, quanti æstimatur usus pennicilli, ut supra diximus.

Dubium hic est primo, An possessor malæ fidei, quando reddit rem furtivam, possit retinere sibi expensas factas in melioramenta talis rei?

Respondent communiter apud Tambur. cap. 3. §. 5., melioramenta alia esse necessaria, quæ scilicet si non adhiberentur, res aut nihil, aut parum admodum fructificaret; alia esse utilia, ut scilicet res magis fructificet; alia demum voluntaria, seu voluptuaria, ut sunt fontes, picturæ, statuz, &c. his politis,

Expensas factas in melioramenta

necessaria, vel utilia potest fur sibi retinere, non vero factas in melioramenta voluptuaria: Quare si illa non potest separare, debet amittere, aut parum aliquid propter illa sibi compensare, quatenus possunt aliquantum esse domino utilia, ut notat Lug. disp. 17. sect. 3.

Dubium est secundo, an dominus recipiens rem suam de manu furis cum melioramentis necessariis, vel utilibus, teneatur illi restituere expensas factas propter illa?

Respondeo, Sanch. lib. 2. cap. 23. negare, quia lex in pœnam delicti negat possessori malæ fidei actionem petendi expensas melioramentorum, & tribuit domino repetitionem, si solverit: quoties autem lex negat actionem ad aliquid petendum, & tribuit domino jus repetendi, si solverit, toties dominus non tenetur solvere. Verum Navar., & alii docent teneri, quia lex negat talem actionem furi in pœnam delicti; pœna autem non obligat, nisi post sententiam iudicis, quia ejus executio est actus, qui a publica potestate debet provenire. Utraque autem sententia pro foro conscientię videtur probabilis Tamburino.

X. Quæritur ultimo, Quodnam interesse restituendum sit a possessore malæ fidei? Et an ad hoc ut teneatur ad restitutionem damni emergentis ex furto, aut lucris cessantis, debeat moneri a domino de tali damno emergente, aut lucro cessante?

Respondeo ad primum, Possessorem malæ fidei debere statim restituere præter rem furtivam omne interesse tamen ordinarium, quam extraordinarium, quod ex ea mora culpabili emergit domino; aliter non poneretur æqualitas cum proximo. Dicitur autem interesse ordinarium, quod oritur ex re ipsa, vel quia pluris valet uno tempore, quam alio extrin-

feco incremento; ut pluris valet vitulus adultus, quam pullus; vel quia ab extrinseco crescit ejus valor, ut pluris valet frumentum mense Aprili, quam tempore messis. Extraordinarium autem interesse dicitur, quod oritur ex extraordinaria opera creditoris, vel ex ejus negotiatione; nam centum, verbi gratia, negotiationi expolita possunt parere alia viginti. Quare utrumque interesse, seu lucrum cessans resciri debet a possessore male fidei.

Ad secundum dico, possessorem male fidei teneri rescire utrumque interesse, etiam nulla pravia monitione creditoris; quandoquidem raro creditor scit, quisnam rem suam subripuerit. Quod si aliquando illum cognoscat, adhuc fur ad utrumque interesse tenetur sine ulla monitione, ut docet Navar., & alii apud Dian. part. 1. tractat. de Contractibus resol. 87. Quamvis Lug. cum aliis existimet in tali casu compensandum esse a fure solum interesse ordinarium, non vero extraordinarium; Si enim creditor potuit facile admonere debitorem, & non admonuit, supponitur remittere lucrum extraordinarium; Et utramque pariter sententiam probabilem existimat Tamburinus.

XI. Hanc eandem doctrinam extendunt iidem Doctores ad debita ex contractu; Si quis enim non ex delicto, sed ex mutuo, verbi gratia, aut emptione, emphiteusi, &c., debeat centum in fine anni, & non solvat tempore præfixo in contractu, Navar., & alii apud eundem Dian. putant, quod debitor teneatur restituere creditori, præter centum, etiam interesse extraordinarium, etiamsi non admoneatur ab illo per similia verba: Solve mihi centum, quæ debes ex mutuo, aut emptione, aliter negotiationem exercere non potero, & tu lucrum cessans debetis mihi. Ratio est,

quia ex leg. *Magna*, Cod. *De contractu stipulationis*, dies interpellat pro creditore, hoc est terminus præfixus in contractu monet sufficienter creditorem, ut restituat sub pena compensandi lucrum cessans.

Lug. autem disput. 18. sect. 2., & Azor. probabiliter putant, quod non teneatur ad interesse extraordinarium, si monitio non præcedat, propter rationem adductam.

Porro hic norandum, quod debitor ex contractu si non restituat in termino præfixo sine suo peccato mortali, (quia scilicet excusatur ob justam causam a statim restituendo) nullum interesse teneatur compensare. nec ordinarium, nec extraordinarium, ut constat ex dictis quæst. 1. ubi de culpa requisita ad obligationem restituendi. Præterea quando in contractu non est præfixus terminus solutionis, tunc debitor tenetur restituere, seu solvere, quando creditor petierit solutionem, dummodo non sit impedimentum ei ad petendam solutionem; nam si impediatur, tunc terminus solutionis erit, qui prudenter judicabitur esse de creditoris rationabili intentione. Quia tamen terminus solutionis non debet sumi mathematicæ, sed moraliter, seu more humano, ideo plerumque excusatur debitor a statim restituendo non solum ob impotentiam, vel inadvertentiam, sed etiam quia bona fide credit non esse creditorem graviter invitum pro illa modica, & morali dilatione; tum quia non solent ita urgere debitores, ut statim solvant; tum etiam quia si per accidens aliquando ex modica illa dilatione grave damnum subirent, possent facile debitum exigere; quod si exigèrent, tunc debitor si culpabiliter differret solutionem, ad omne interesse compensandum obligaretur.

Rogabis: Si quis furatus centum statim incidat in paupertatem, unde deo-

ARTICULUS IV.

Quid restituere teneatur Possessor bonæ fidei?

deobligetur hic & nunc restituere, restituerente fortuna debetne solum restituere illa centum, an etiam interesse, quod passus est creditor pro eo tempore, quo debitor non poterat, & ideo non tenebatur restituere?

Respondeo cum Less. lib. 2. cap. 16. num. 32. contra Pal. §. 10., quod teneatur etiam ad interesse. Ratio est, quia totum hoc damnum creditoris oritur ex culpa præteriti furti; ergo creditor habet jus, ut illud sibi adæquate compensetur; quamvis autem mora non sit proxime culpabilis, est tamen culpabilis remote, seu in radice.

Adverte tamen, quod si fur statim post furtum incidit non in gravem, sed in extremam necessitatem, & rem furtivam consumat, in tali casu probabiliter ex Pal., & Navar. liberatur debitor ab omni prorsus obligatione restituendi; dummodo re illa furtiva extreme indigerit. Ratio est, quia probabile est ex Pal., Suar., Sanch. lib. 1. Confilior. cap. 5. dub. 3., pauperes extreme indigentes non teneri accipere res alienas sub ratione mutui ad sublevandam necessitatem, sed posse sibi illas absolute usurpare tanquam proprias, & a divitibus subfurrari sine culpa, & sine onere restitutionis, eo quod in ea necessitate omnia sint communia; Quicquid in contrarium censeant Vasq., & Sylvest. apud Tambur. lib. 8. tract. 2. cap. 6.

Fingamus itaque, quod iste fur antequam in extremam necessitatem incidere, rem furtivam restituerit domino, certe satisfecit obligationi restituendi; fingamus hinc illam subfurrari ad sublevandam extremam necessitatem, tunc non tenebitur restituere; ergo si postquam furatus est, incidit in extremam necessitatem, & antequam restituat, indigeat re illa furtiva, omni prorsus obligatione liberatur.

- I. Possessor bona fidei si non statim restituit, incipit esse mala fidei possessor.
- II. Debet se reddere indemnum bonæ fidei possessor; At restituere debet rem, & jusque fructus naturales, & mixtos, (demptis expensis) & id in quo factus est ditior, non tamen ex fructibus industrialibus.
- III. Res, & fructus, si non extant in se, reddantur in æquivalenti. At num. dicantur in se extare, si cum aliis rebus propriis miscantur?
- IV. Qui rem alienam bona fide inique consumpsit, fornicando, ludendo, &c. ad restitutionem non tenetur, si nihil ex ea sit factus ditior.
- V. Si rem alienam bona fide donasti, aut vendidisti, tenebisne contractum rescindere; sicut tenetur, qui vitrum pro gemma vendidit?
- VI. Res, & fructus naturales, & mixti restituenda sunt, demptis expensis, æstimacione laboris, & melioramentis etiam volupinariis. Sed quid si hoc sint magni valoris?
- VII. Si in tela aliena pingatur pictura, quæ excedat pretium tela, satis est restituere hujus tela pretium. Immo etiam si dubietur an ea pictura tela pretium excedat?
- VIII. Qui bona fide in agro alieno summo frumentum seminavit, debet totam societatem detractis expensis restituere; Quod si seminasset alienum frumentum in agro proprio, debet solum restituere pretium frumenti.
- IX. Ex iniusta damnificatione tenetur damnum compensare, qui, verbi gratia, incendit domum Petri sui amici, quamvis invincibiliter putet illam esse Pauli sui inimici.

Quid

Quid, si quis occidat Petrum amicum, quem invincibiliter putat esse Paulum inimicum?

I. **D**iximus, Possessorem esse bonae fidei, qui invincibiliter, vel saltem sine culpa gravi ignorat rem; quam possidet, esse alienam, & huiusmodi possessorem teneri ad restitutionem ex re accepta, statim ac advertit rem illam esse alterius (nisi forte ex aliquo iusto titulo, sive praescriptionis, sive usucapionis fecerit suam). Quod si non statim reddat, incipit fieri iniustus detentor; unde tenetur deinde illam restituere, etiam ex titulo iniustae acceptionis, seu tanquam possessor malae fidei; cum rei detentio sit continuata quaedam ablatio.

II. **Q**uæritur nunc primo, Quid teneatur universim restituere possessor bonae fidei?

Respondeo, quod sicut possessor malae fidei debet ita restituere, ut reddat omnino indemnem creditorem, ita possessor bonae fidei debet ita restituere, ut reddat omnino indemnem seipsum. Ex quo fit, ut tria debeat restituere; Primo, rem ipsam, si extat, vel in se, vel in æquivalenti. Secundo, fructus omnes rei, tam naturales, quam mixtos, qui pariter extant, sive in se, sive in æquivalenti, detractis expensis omnibus, etiam non necessariis. Tertio, omne id, in quo factus est ditior. Est autem restituenda res ipsa in individuo, si extet, nisi forte rationabiliter creditor contentus sit alia simili, ut si una pecunia pro alia reddatur; Et quidem reddi debet expensis domini, non propriis; unde si dominus sit absens, satis est illum monere, ut rem suam sibi accipiat: Quod si quid expenderit possessor bonae fidei in re illa conservanda, aut melioranda, restituendum est illi a domino, ut sic servetur omnino indemnus.

III. **Q**uod si petas, an dicatur extra-
re in se res aliena mixtibilis, si admixta sit cum propriis, a quibus discerni non possit, ut si triticum alienum cum proprio misceatur?

Respondeo cum communi negative, quia per talem mixtionem acquiritur, ut supra diximus, etiam a fure dominium talis rei; Quod constat tum ex leg. *Si alieni*, ff. *De solutionibus*, tum ex eo quia cum non sit major ratio, cur hæc, quam illa pars dicatur propria, ideo totus cumulus fit proprius. Quare in tali casu res aliena dicitur extare in æquivalenti, & ideo restitui debet æquivalens, & omne id, in quo possessor bonae fidei factus est locupletior, sive ex ipsa re aliena, sive ex ejus fructibus naturalibus, & mixtis, non tamen ex industrialibus, detractis omnibus expensis.

Ex hoc principio, quod possessor bonae fidei debeat servari indemnus, sequitur, Primo, quod si vestem, verbi gratia, valentem viginti a fure tibi donatam bona fide attrivisti, itaut nunc valeat tantum decem, comparente domino, debes illam eandem restituere, & attritionem compensare non omnimodo, sed solum quatenus ex illa factus es locupletior; verbi gratia, si eo tempore consumpsisses sex in vestiendo, præter vestem attritam tantum sex, & non decem restituere debes. Eodem modo si invitatus ad cenam illa participasses. Qui vero bona fide rem alienam emit a fure, restituere illam debet domino, cum res clamet ad dominum, & pretium a fure repetere, quamvis juxta probabilem opinionem, de qua diximus art. 2., restituere illam possit fieri, quando aliter ab eo pretium recuperare non potest.

Sc-

IV. Sequitur secundo, non teneri ad restitutionem illum, qui sua culpa, videlicet vel fornicando, vel male conservando, vel ludendo, vel aliter rem alienam bona fide possessionem consumpsit, si nihil ex ea factus sit ditior. Ratio est, quia cum omnis obligatio restituendi in tali casu oriatur ex re accepta, si hæc non extet neque in se, neque in æquivalenti, extinguitur omnis obligatio. Non tenetur autem ad restitutionem ex alia radice injustæ acceptionis, quia peccatum, per quod res est consumpta, non fuit contra iustitiam.

V. Sequitur tertio, quod si rem alienam bona fide possessionem alteri donasti, alias nihil donaturus, nihil debeas restituere; (quamvis si res illa extet in se, aut in æquivalenti apud donatarium, non solum ex charitate, sed etiam ex iustitia debeas illum monere, ut reddat domino; quia ex hoc, quod donaveris rem alienam tanquam tuam, habes peculiarem quandam obligationem ex contractu donationis efficiendi, ne donatarius habeat a te rem alienam.) Si vero rem furtivam bona fide emisisti a fure, & revendidisti, teneris restituere solum id, in quo factus es ditior; si scilicet pluris revendidisti, quod emerat, debes reddere excessum pretii; Et ideo si rem illam donaveris, & in retributionem donatarius tibi aliquid redonet, debet hoc restitui domino, dummodo non excedat pretium rei suæ, nam non debet dominus reportare lucrum ex re sibi ablata.

Hinc infertur illius celeberrimi dubii resolutio apud Dian. part. 1. tract. 8. resol. 68. Si Petrus bona fide emit a fure, verbi gratia, equum, quem deinde etiam bona fide vendidit Paulo, ubi advertit equum esse furtivum, teneatur rescindere contractum venditionis cum Paulo, & reddere equum domino, an potest sibi retinere pre-

tium venditionis, & dare domino actionem in furem?

Bonac., & alii putant teneri rescindere contractum, (non secus ac qui bona fide vendidit vitrum pro gemma, aut orichalcum pro auro,) eo quod vendiderit rem alienam, quam vendere non poterat. Navar. vero, & alii probabiliter docent posse retinere sibi tale pretium, si non sit factus ditior, hoc est si vendiderit eodem pretio, quo emerat, equum. Ratio est, quia Petrus in tali casu neque tenetur ad restitutionem ratione rei acceptæ, cum illam non habeat; neque ratione injustæ acceptionis, quia bona fide emit, & vendidit.

Neque dicas, pretium succedere loco rei furtivæ, unde teneatur restituere pretium, quod habuit, vendendo equum furtivum Paulo: Nam Sanch. lib. 2. cap. 23. docet non esse universim verum principium illud, quod pretium succedat loco rei, sed solum id esse verum in iudiciis universalibus, ut in hæreditate, dote, &c., non in contractibus particularibus.

Ad id, quod objicit Bonac., respondet Sanch., disparitatem esse, quia qui vendit vitrum pro gemma, vendit aliquid, quod non habet valorem intrinsicum, & ideo tenetur rescindere contractum; secus vero qui vendit rem furtivam bona fide eodem pretio, quo emerat. Immo addit Mohin. contra Less. apud Dian. part. 3. tract. 5. resol. 41., quod si possessor bonæ fidei pluris vendat, quam emerat rem furtivam, non teneatur restituere excessum pretii, quia hic non est fructus rei, sed indultriæ.

Sequitur ultimum, cum, qui bona fide fecit contractum usurarium, vel aliter injustum, non teneri post cognitam veritatem ad restituendum, nisi rem extantem, & id, in quo factus est ditior: Et idem dicas de eo, qui bona fide propter bona furtiva sibi dona-

donata fecit majores expensas, quam fecisset, si cognovisset ea bona ad se non pertinere.

VI. Quæritur secundo, Quid dicendum de fructibus rei alienæ, qui a possessore bonæ fidei restituendi sunt, & de lucro cessante?

Respondetur, quod non debeant restitui, nisi fructus extantes, sive naturales, sive mixti jam percepti, & nondum consumpti. Quod si aliqui ex his fructibus immixti sint cum propriis bonis, itaut separari, & discerni non possint, cum totus cumulus evadat proprius, ut diximus ex leg. *Si alieni*, ff. *De solutionib.* ideo restituere solum debes id, in quo factus es ditior: Quare si illos consumpsisti etiam culpabiliter, puta in fornicationibus, &c., nihil debes restituere, si in nullo factus es ditior.

Adverte tamen, ita restitui debere rem alienam bona fide possessam cum fructibus naturalibus, & mixtis, ut detrachi semper debeant expensæ, æstimatione laboris, & melioramenta quæcumque, non solum necessaria, & utilia, sed etiam voluptuaria facta a possessore bonæ fidei, eo quod ita debeat restituere, ut servetur indemnitas. Quod si melioramenta voluptuaria magnam pecuniam exhauserint, & dominus nolit illam compensare, tenetur saltem justo pretio vendere rem illam possessori bonæ fidei, ut sibi illam habeat cum melioramentis suis.

Hinc sequitur primo, non esse restituendos fructus, quos dominus ex illa re percepisset, etiamsi possessor bonæ fidei ex propria negligentia eos non perceperit: Nec esse restituendum lucrum, aut interesse sive ordinarium, sive extraordinarium, quod cessavit domino, per hoc quod re illa caruerit; aliter possessor bonæ fidei restituendo non servaretur indemnitas: Contra vero hæc omnia restituenda sunt a possessore malæ fidei, quia hic debet domi-

num reddere indemnem:

VII. Sequitur secundo, quod cum non debeant restitui fructus mere industrialiales, si quis in tela aliena pingat pulcherrimam picturam, non tenetur telam bona fide possessam cum pictura restituere, sed solum restituere debet valorem telæ, quia pretium picture longe superat pretium telæ, nec potest una ab alia separari; unde fit, ut tota tabella evadat possessoris bonæ fidei, qui solum restituere teneatur pretium telæ. In casibus vero, in quibus dubitatur, quenam res sit principalior, tela ne, verbi gratia, quæ est domini, an pictura, quæ est possessoris bonæ fidei; uterque habet dominium in solidum in tabellam, ut notat Tambur. cap. 3., sed videtur electio competere possessori bonæ fidei, num velit reddere pretium telæ, & picturam conservare, an vero velit tabellam totam dare domino, ut sibi pretium picture restituatur. Ratio est, quia in pari causa semper melior est conditio possidentis bona fide: Contra vero, si possessor esset malæ fidei, hæc electio competere domino.

VIII. Sequitur tertio, quod si quis bona fide in agro alieno suum frumentum seminavit, debeat restituere domino totam segetem, quæ est fructus agri, & sibi compensare expensas, & laboris æstimationem: Contra vero si alienum frumentum in proprio agro seminavit, debet solum reddere domino valorem frumenti, & segetem sibi reservare. Ratio est, quia seges est fructus agri potius, quam frumenti, & sic debetur domino agri, ut notat Dicastil. tract. 2. disp. 5. dub. 2.

Sequitur quarto, quod si quis bona fide domum alienam, verbi gratia, locavit, sed in pretium locationis plus accepit ratione ornamentorum a se domui additorum, quæ sint domui extrinseca, & non illi annexa, non debeat restituere excessum pretii respondens;

tem

rem his ornamentis: At si melioraretur ager alienus per arbores plantatas, debent omnes fructus restitui domino, detractis expensis factis in illis melioramentis. Disparitas est, quia fructus percepti ex illis arboribus sunt fructus domini ipsius agri: Econtra fructus percepti ex illis ornamentis additis domui non sunt fructus ipsius domus, sed sunt fructus ornamento- rum possessoris; Quod etiam militat in possessore malæ fidei.

Sequitur quinto, cum, qui rem alteri hypothecatam (verbi gratia viginti aureis,) emit centum aureis, teneri illi dare viginti aureos, in quibus erat obligata illa res, quamvis regressum postea habeat contra venditorem. Ratio est, quia res illa secundum partem viginti aureorum non erat venditoris, sed creditoris; ergo secundum illam partem tenetur restituere creditori ex re accepta, ut notat Tambur. cap. 3. §. 5.

Sequitur ultimo, quod filius post acceptam hæreditatem paternam teneatur restituere debita patris; quia bona antecessoris transeunt ad hæredem cum onere restituendi, quod aliis debetur. Excusatur tamen si hæreditas non sufficiat ad omnia debita solvenda, etiamsi non fecerit inventarium.

IX. Dubium est, An teneatur ad restitutionem, qui mala fide consumit fructus ex prædio, quod invincibiliter putat esse Pauli inimici, & revera est Petri amici? Ratio dubitandi est, quia talis consumptor neque est injurius Petro amico, cum non sciat prædium illud esse Petri, neque est injurius Paulo inimico, cum prædium non sit Pauli, sed Petri; ergo non videtur obligatus ad restitutionem ex injusta acceptione, seu ex damnificatione. Neque tenetur ex re accepta, cum fructus non extent.

Respondeo, Doctores communiter hunc ad restitutionem obligare ex ra-
Part III.

dice injustæ acceptionis; quia, ut notat Lug. disp. 17. de justitia num. 75., revera vult consumere fructus illos, quos cognoscit esse alienos, nec errat circa substantiam actionis, sed solum circa circumstantiam; cum putet Paulum esse dominum illorum fructuum, quando revera Petrus est dominus. Diximus tamen quæst. 1. art. 4. num. 12., ubi de ignorantia comitante, si volens occidere Paulum Clericum inimicum, casu occidat Petrum clericum amicum, quem invincibiliter putat esse Paulum, a nonnullis contra communem apud Djan. part. 9. tract. 4. resol. 31. doceri, quod nec onus restitutionis, nec irregularitatem, nec excommunicationem incurrat; quia, ut notat idem Lug., in tali casu error est circa substantiam actionis, nam non vult occidere hunc hominem, quem occidit: Contra vero, in primo casu vult consumere hos fructus, quos consumit, licet erret in dominio illorum, & ideo error est circa circumstantiam. Sed in utroque casu faciendam esse restitutionem, & propter occisionem Petri clerici amici contrahi irregularitatem, & excommunicationem, cum communi sentiendum est.

ARTICULUS V.

Quid restituere teneatur Possessor dubiæ fidei?

- I. Dicitur possessor dubiæ fidei, qui rem possidet, quin possit certo affirmare illam esse suam, sive de hoc dubitet, sive etiam id opinetur.
- II. Multipliciter autem tale dubium sive negativum, sive positivum contingere potest.
- III. Ad quid tenetur qui bona fide capie rem possidere, & deinde incipit dubitare, an sit aliena?
- IV. Qui magis inclinat ad dicendum, quod

quod res, quam bona fide capis possidere, sit aliena, num ad aliquam restitutionem faciendam obligetur?

V. Regula illa, In dubiis tutior pars eligenda est, quomodo interpretanda sit?

VI. Ad quid teneatur, qui possidens rem bona fide incipit dubitare, an sit aliena, & omittit veritatem indagare?

VII. Qui possidet rem mala fide, & deinde incipit dubitare an sit sua, debetne integram rem restituere, an pro rata dubii?

VIII. Ad quid teneatur, qui incipit possidere rem a nemine possessam dubia fide, dubitando scilicet, siue sua, an aliena?

IX. Qui rem ab alio bona fide possessam rapit, dubitans, an opinans, quod sit sua, teneatur ad integram ejus restitutionem. Sic pariter restituere integre teneatur, qui in ludo per fraudem vincit, quamvis dubitet, num ob fraudem, an casu vicxit.

X. Non solum in materia iustitia, sed etiam in materia aliarum virtutum militat axioma illud, In dubio melior est conditio possidentis.

XI. Ad discernendum autem, quando stat in possessione libertas, quando vero praeceptum, Prior regula, qua assignari solet, est, quod in possessione stet id, quod tempore praecedit, si libertas, libertas; si praeceptum, praeceptum; quod in plurimis exemplis sit perspicuum.

XII. Altera regula, quam Doctores assignant, est, Pro eo stare possessionem in utroque foro, pro quo stat praesumptio; Hac vero stat pro ea parte, qua ad alteram transfertur, aut probandi intentum.

I. Dubium ab opinione discriminetur, quando intellectus non magis in unam, quam in alteram partem inclinatur; Opinio vero, quando adhuc uni parti, non tamen certo, & infallibiliter, sed cum formidine oppositi; Verum possessor dubiae fidei dicitur quicumque rem aliquam possideret, quin possit certo affirmare illam esse suam, siue tantum dubitet, siue alteri parti adhaerendo opinetur. Proinde quando insurgit tale dubium, teneatur inquirere veritatem, aliter exponit se periculo retinendi rem alienam cum peccato; Etenim qui amat periculum, peribit in illo, Ecclesi. 3. : Post factam vero inquisitionem, si rem illam possideat, potest iuste retinere, & consumere, quousque non certo constet illam esse alienam : Quod si deinde inveniatur dominus ante terminum praescriptionis, vel usucapionis, satis est, quod tanquam bonae fidei possessor restituat rem, ejusque fructus naturales, & mixtos, (demptis expensis) si extant, aut si non extant, id in quo factus est ditior. Si tamen inquisitionem illam debitam omiserit, non solum peccat, sed etiam ad illam restitutionem teneatur, ad quam obligatur possessor malae fidei; atque adeo comparente domino non solum restituere debet rem ipsam, & id, in quo factus est ditior, sed etiam fructus consumptos, & omne damnum secutum, & lucrum, quod domino cessavit ex eo tempore, quo cepit ille dubitare, & debitam diligentiam non adhibuit, ut notant Lessi., Molin., & alii communiter.

II. Notandum ulterius, quod dubium, an res aliquatim propria, possit multipliciter coniungere; Primo, si quis dubitet possidens bona fide. Secundo, si dubitet possidens mala fide. Tertio, si dubitet, quando rem aliquam primo occupat, unde incipiat illam

illam possidere dubia fide: Quarto, si dubitet, quando rem aliquam auferat a possessore bonæ fidei, & in his omnibus dubiis examinandum est, an dubitans ad restitutionem teneatur?

III. Quæritur itaque primo, Anteneatur ad restitutionem, qui rem bona fide cœpit possidere, verbi gratia titulo emptionis, donationis, hereditatis, &c., si deinde incipiat dubitare an sit aliena?

Respondeo, & dico primo. Quis sic dubitare cœpit, si posita diligenti inquisitione non comperit rem esse alienam, potest deponere prædictæ dubium, & sic rem illam sibi retinere, & consumere; dummodo paratus sit restituere id, in quo factus est ditor, tanquam possessor bonæ fidei, comparante domino. Ratio est, quia in dubiis melior est conditio possidentis, ex regul. juris in 6. Immo propter eandem rationem potest rem illam alteri vendere, modo admoneat emptorem de tali dubio, (nisi omnino desperet fore, ut dominus compareat;) Et ratio, cur debeat monere emptorem, est, tum quia res minoris valet cum tali dubio; tum etiam quia non admonendo emptorem, venderet illam rem vitiosam, quippe cum periculo, ut emptor damnum patiatur comperto domino, ut notat Lels. apud Bonac. Non est itaque verum, quod docet Cordub., quod scilicet possit rem illam solum retinere, non vero consumere, aut vendere. Ratio est, quia jus possessionis certum, utpote favorabile, ad omnia hæc se extendit; aliter possessio esset inutilis, & onerosa potius, quam favorabilis possessori, quippe qui potius esset cultus, & depositarius, quam dominus.

Dico secundo; Possidens bona fide rem aliquam, si incipiat dubitare, an sit aliena, & post debitam inquisitionem adhuc in tali dubio persistat, non solum non debet rem illam integram

dare illi, quem dubitat esse dominum, (ut docuit Adrianus in eo nixus, quod In dubiis tutor pars eligenda sit, ex cap. *Ad Audientiam, De homicidio*,) verum etiam nec tenetur cum illo dividere; (quod docent Soc., Aragon., Ledesm. putantes, quod stante æquali dubio, æquale sit jus utriusque partis) Probatur communiter conclusio, quia si æque dubitatur, utrum res, quæ possidetur, sit propria, an aliena, jam par est causa utriusque: In pari autem causa potior est conditio possidentis, ex *reg. 3. juris in 6.* Unde enatum est illud axioma: *In dubiis melior est conditio possidentis.* Confirmatur, quia in quolibet foro majus jus præfertur minori, & plura jura paucioribus; In casu autem nostro possessor dubitans habet duplex jus, videlicet jus certum possessionis, & jus dubium proprietatis. Alter vero, de quo dubitatur, an res sit illius, non habet nisi jus dubium proprietatis; ergo possessor illi præferendus est.

IV. Dubium tamen est, an saltem aliquid restituere teneatur, qui magis inclinatur in eam partem, quod res, quam possidet sit aliena, quam quod sit sua? Sanch. lib. 2. disp. 41. affirmat, dicendo, quod juxta majorem, vel minorem hanc inclinationem, teneatur plus, vel minus restituere; Et enim quamvis in pari causa melior sit conditio possidentis, at quando possidens magis inclinatur in eam partem, quod res sit aliena, non dicitur par esse utriusque causa; & ideo ratione istius inæqualitatis, & inclinationis debet aliquid restituere. Vsq. tamen, & alii communius cum eodem Sanch. in Summa lib. 1. cap. 10. num. 9. (ubi, ut notat Bonac., priorem sententiam retractavit) negant restitutionem ullam esse faciendam; tum quia possessio certa prævalet rationibus in contrarium non fundantibus assensum certum; tum etiam quia, ut notat

Valq., in foro externo non obligaretur hic ad restitutionem ullam; ergo neque in foro interno.

Si tamen possessor ita probabiliter iudicet rem esse alienam, ut nullum probabile iudicium habeat, quod sit sua, censeo cum Sanch., & Bardi, quod restituenda sit; quia talis probabilitas in moralibus actionibus est quædam certitudo moralis; qua de causa dicemus in de Pœnitentia, quod pœnitens teneatur subijcere clavibus peccatum, quod solum probabiliter iudicatur esse commissum, sed nullam habet probabilitatem, quod illud non commiserit; & sic in similibus casibus.

V. Ad regulam illam juris ab Adriano adductam, quod In dubiis tutior pars eligenda sit, respondet Suar. de Censur. disp. 40. sect. 6. illam esse de consilio, non vero de præcepto; nisi quando dubium est practicum, Verbi gratia, si dubitetur an hæc operatio sit hic & nunc licita, necne, vel quando superior præcipit tutiorem partem eligendam esse, ut in cap. *Significasti* imponitur certa irregularitas pro homicidio dubio.

Dico tertio. Dubium superveniens possidenti rem bona fide, non interrumpit possessionem bonæ fidei, si interim adhibeatur debita diligentia ad assequendam veritatem; ut proinde si dum debita diligentia adhibetur, superveniat terminus præfixus ad præscriptionem, possit dubitans retinere sibi absolute rem illam, nec debeat restituere domino comparenti post talem terminum. Ita Medin. de Restitut. quæst. 16., & alii communius contra Adrian., & Soc. Probatur, quia in cap. *Si virgo* 34. quæst. 1. dicitur: *In iure prædiorum tamdiu unusquisque possessor bonæ fidei dicitur, quamdiu possidere se ignorat alienum.* Qui autem dubitat, certe ignorat, an res sit aliena; ergo perseverat in possessione bonæ fidei; unde poterit rem

illam retinere, & fructus colligere; non tamen consumere fructus, qui possunt conservari; aliter frustra interim quæreretur dominus, ut illi res restituatur; Nisi tamen velit pecunia compensare alienationem talium fructuum, vel etiam ipsius rei, si quando expediret alienare. Ita Sanch. apud Bonac. punct. 3. quæst. 1.

Notandum tamen hic, diligentiam adhibendam ad reperendum dominum talis rei non debere esse extraordinariam, sed moralem, & humanam; nec adhibendam esse diligentiam ullam, si rationes dubitandi sint leves, sed solum si sint graves, aut probabiles; quia tunc solum prudenter timeri potest, ne res illa sit aliena: Sicuti autem superior non debet, & forte non potest, ex levibus conjecturis moveri ad inquirendum contra subditum, ita multo magis nemo ex iisdem conjecturis tenetur inquirere contra seipsum.

VI. Dico ultimo. Possessor bonæ fidei, si post dubium superveniens neglexit veritatem indagare, itaut propter omissionem diligentie debita non possit amplius dominus inveniri, præter peccatum, contraxit onus restitutionis, tanquam possessor malæ fidei, ex eo tempore, quo dubitans omisit veritatem inquirere. Ratio est, quia ex eo tempore cœpit possidere rem mala fide, & peccare contra iustitiam; atqui peccans contra iustitiam tenetur restituere damnum, quod irrogat; ergo hic tenetur restituere, vel domino, si forte compareat, vel pauperibus, tanquam malæ fidei possessor.

Bonac. tamen, & alii cum Pal. apud Dian. part. 4. tract. 4. resol. 29. putant probabilem esse sententiam oppositam, quod hic ad nihil teneatur; quia posito, quod non possit amplius dominus inveniri, quamvis commissum sit olim peccatum contra iustitiam in non inquirendo illum, tamen nunc per-

perseverat dubium sitne res aliena, an propria; Cum hoc autem dubio stat in eo certa possessio, quæ initio cœpit bona fide; ergo cum in paricausa melior sit conditio possidentis, ad nihil tenetur. Hæc tamen ratio non videtur efficax, quia quamvis possessio cœperit bona fide, at deinde suborto dubio, & omiſſa inquisitione debita, possessio cœpit esse mala fide; Possessio autem mala fide nullatenus suffragatur possidenti; ergo non potest propter possessionem sibi rem illam retinere.

Aliam rationem nonnulli adducunt apud Bonac. sic discurrendo: Posito, quod possessor nunc dubitet, an res sit aliena, non constat an damnum alatum intulerit omitendo diligentiam debitam in inquirendo domino; qui autem dubitat an sua actione, vel omiſſione fuerit aliis causa damni, non tenetur ad restitutionem; ergo in casu adducto hic non tenetur restituere. Sed neque hæc ratio est efficax, quia ex ea sequeretur, quod qui dubitat, an res, quam alius possidet, sit sua, solum peccaret contra iustitiam, si illam sibi assumeret, nec teneretur deinde ad restitutionem, quia etiam incertum est, an fuerit illi causa damni, cum non constat cujusnam sit res illa: Quare sicuti in hoc secundo casu, quia possessio, in qua alter est, prævalet dubio tuo, ideo peccas contra iustitiam, & teneris ad restitutionem, si rem illam tibi assumas, quamvis dubites sitne possidentis, an tua; ita in casu nostro, quia rem illam prius bona fide possessam cepisti possidere mala fide, ex eo tempore, quo omiſisti veritatem inquirere, non solum peccasti contra iustitiam, sed etiam teneris ad restitutionem, quamvis dubites an res sit aliena, si tunc dominus poterat probabiliter inveniri, & nunc non potest amplius. Quare communis sententia tenenda est, ne detur furibus an-

sa retinendi res alienas.

VII. Quæritur secundo, An ad plenam restitutionem teneatur, qui possidens rem alienam mala fide (verbi gratia, per hoc quod credens illam esse furtivam emerit, aut dono habuerit) deinde dubitat sitne aliena, an propria?

Respondeo, quod si mala fide cœpit rem possidere, peccavit contra iustitiam; suborto tamen deinde dubio tenetur veritatem inquirere; quod si veritatem assequi non potest, tenetur rem illam, ejusque fructus tanquam possessor malæ fidei restituere, non tamen adæquate, sed pro rata dubii, itaut si æque dubitat, quod sit propria, vel aliena, possit sibi retinere dimidium, & dare dimidium alteri, quem putat esse dominum, aut pauperibus, si dominus non inveniat. Ita communiter cum Less., Sanch. apud Bonac. contra Medin., & Villalob., qui putant debere rem totam restituere. Et sane, quod peccet contra iustitiam non inquirendo veritatem, patet; quia ex lege iustitiæ unusquisque tenetur non exponere se periculo injustitiæ, cui tamen ille se exponeret, si non inquireret dominum talis rei a se mala fide possessæ. Deinde quod teneatur rem, ejusque fructus omnes tanquam possessor malæ fidei restituere, si dominum inveniat, etiam est manifestum ex leg. *Quæsitum*, ff. *De acquirendo dominio*; cum mala fide rem illam possederit. Præterea quod teneatur etiam ad restitutionem tanquam possessor malæ fidei, etiam si post diligentiam debitam non assequatur veritatem, nempe ad quem spectet talis res, est etiam perspicuum; quia in dubio non est melior conditio possidentis mala fide, sed solum possidentis bona fide; possessio enim non potest suffragari possidenti mala fide, quia possessio sine jure vero, vel præsumpto non est possessio, sed injulta detentio.

De-

Demum quod in tali casu non teneatur hic ad integram restitutionem, ut putant Medin. & Villalob., sed solum pro rara dubii, Probatur, quia ex una parte sic dubitans non est causa, cur non possit amplius inveniri dominus talis rei: Ex altera parte fieri potest, ut res illa non sit aliena, sed propria; ergo sicuti si dubitetur, si res illa Titii, an Caji, debet dividi inter Titium, & Cajum; ita si dubitetur, si res propria, an aliena, debet cum illo dividi; cum nemo teneatur magis consulere aliis, quam sibi; & consequenter non debet integre restituere, sed solum pro rara dubii.

VIII. Idem itaque dicendum in casu, quo quis rem aliquam a nemine adhuc possessam primo occupet dubia fide, seu dubitans si res illa propria, an aliena: Quamvis enim in tali casu non peccaret, si illam acciperet ad inquitendum verum dominum, tamen si post debitam diligentiam non assequatur veritatem, seu verum dominum, non potest rem illam integram sibi retinere, cum non coeperit illam possidere bona fide, sed dubia fide; unde debet pro quantitate dubii restituere, ut notat idem Bonac.; Quamvis si dominus sit incertus, probabile sit, quod non debeat illam cum pauperibus dividere, sed possit sibi retinere, cum non occupaverit illam mala fide, sed fide dubia, animo inquirendi veritatem, atque adeo sine culpa. Ex quibus constat, in quoniam casu possessor dubiae fidei comparetur possessori malae fidei, quando scilicet omittit inquirere veritatem culpabiliter.

IX. Queritur tertio, An teneatur ad integram restitutionem, qui auferat a possessore bonae fidei rem aliquam, dubitans esse suam?

Respondet, quod tanquam possessor malae fidei ad integram restitutionem teneatur. Ita Lels., Sanch., &

alii communiter contra Medin. Ratio est, quia cum alter bona fide possideat rem illam, & in dubiis melior sit conditio possidentis bona fide, ideo non potest illi sine injustitia res tolli; & consequenter qui eam tolleret dubitans, quod sit sua, teneatur ad restitutionem plenam, cum injuste spoliaret alterum rem, quam iuste possidet.

Adde, quod ad integram restitutionem teneatur, & contra justitiam peccet, non solum qui rem ab altero bona fide possessam sibi usurpat dubitans, quod sit sua, sed etiam si probabiliter opinetur, quod sit sua, ut communiter etiam docent cum Sanch. lib. 2. de Matrim. disput. 41. num. 34. contra nonnullos apud Dian. part. 9. tractat. 9. resol. 44. Ratio est eadem, quia sine injustitia non potest quis spoliare alterum rem, quam bona fide, & iuste possidet, nisi sibi certo constet, quod res illa sit sua; quandoquidem jus certum, quod habet, qui rem possidet bona fide, non potest tolli, nisi ab eo, qui habet certum jus proprietatis; Qui autem opinatur, quod res sit propria, habet tantum jus probabile, non certum proprietatis; ergo peccat contra justitiam, si rem illam sibi accipiat a possidente bona fide; & ideo fere communissime Doctores docent, in compensatione facienda requiri certitudinem, non probabilitatem, ut suo loco dicemus.

Hinc est, quod conjux, qui opinatur matrimonium esse invalidum, teneatur reddere debitum alteri conjugis petenti bona fide, ut dicemus in de matrimonio; etenim injuste illum privaret ob solam probabilem rationem jure suo certo, quod habet ex possessione bonae fidei; ergo pariter qui opinatur rem, quam alter bona fide possidet, esse suam, non potest illam sibi usurpare, ne possidentem privet jure suo certo.

Hinc

Hinc etiam certum est, quod si ludo cum Titio, & facta fraude vincas, ita tamen, ut dubites ex fraudene, an ex fortuna viceris, tenearis integre restituere, ut notat Filliuc. tract. 32. cap. 7.; Cum enim cœperis possidere cum dubio rem, quam alter bona fide possidebat, æquipararis possessori malæ fidei, & ideo ad integram restitutionem teneris.

X. Rogabis hic, Utrum axioma illud, *In dubio melior est conditio possidentis*, sit universim verum in quacumque materia, itaut quoties dubitatur de aliqua obligatione, sive orta ex voto, sive ex præcepto, sive ex promissione, aut juramento, aut ex contractu, aut aliunde, decidendum sit dubium in favorem possidentis bona fide, itaut si libertas sit in possessione, nulla sit obligatio; secus vero si sit in possessione votum, præceptum, promissio, &c.

Respondeo affirmative cum communi apud Sanch. lib. 2. de matrim. disp. 41., Tambur. lib. 1. cap. 3. §. 6. contra Sot., Vasq., Azor., & alios apud Bardi de Conscientia dubia disp. 5. cap. 4., putantes titulum possessionis esse solum in materia iustitiæ. Ratio est, tum quia legitima possessio est titulus communis omnibus virtutibus; ergo non solum in materia iustitiæ, sed etiam in materia aliarum virtutum possessio dat jus certum, si sit legitima, & bona fide; & consequenter melior est universim conditio possidentis; (dicitur autem possessio esse legitima, quando nec iuris dispositio, nec præsumptio illi resistit, ex cap. *Ad decimas*, ff. *De restitutione spoliatorum* in 6.) Tum etiam quia idem debet esse iudicium fori interni, & externi, quoties externum non nititur in falsa præsumptione, ut communiter docent apud Sanch.; arqui quando in foro externo confurgit dubium, sitne aliquis obligatus, necne,

semper in quacumque materia deciditur dubium in favorem libertatis, si ea sit in possessione; in favorem vero legis, si hæc sit in possessione; ergo ita etiam in foro interno. Minor patet exemplificando primo in materia iustitiæ; Si dubium sit, an quis teneatur ad solutionem alicujus debiti, quando stat in possessione libertas, deciditur, quod non teneatur solvere; Contra vero, si debitum sit certum, & confurgat dubium, an revera illi satisfactum sit, quia stat in possessione obligatio, deciditur, quod teneatur: Eodem modo fertur iudicium in materia religionis, &c.; nam si dubium sit, an emiseris votum, an detur lex obligans, non teneris tali voto, aut lege: Econtra si certum sit votum, aut certa lex, verbi gratia de recitandis horis, & dubium an satisfeceris, teneris satisfacere. Similiter si dubium sit, an elapsa sit media nox post diem Jovis, quia possidet libertas, poteris carnem comedere: Contra vero si dubium sit an elapsa sit media nox post diem Saturni, quia possidet præceptum, non poteris comedere carnes.

XI. Verum in assignanda regula generali ad dignoscendum quandonam stat in possessione libertas, quando vero obligatio, insulant Doctores, & in aliquibus materiis regula, quæ assignatur, non facile applicari potest, unde in multis casibus variant Doctores, & aliqui putant stare possessionem pro libertate, alii pro præcepto.

Prima regula, quæ assignari solet, est hujusmodi: Si prior tempore sit libertas, quam obligatio, stat in possessione libertas: Contra vero, si prior tempore sit obligatio. Hinc quia die Jovis prior est tempore libertas comedendi carnem, quam obligatio abstinendi ab illa die Veneris; hinc in dubio an sit elapsa media nox post diem Jovis possidet libertas, arque

adeo

adeo poteris carnem comedere : E-
contra die Saturni , siquidem prior
tempore est obligatio abstinendi a car-
ne , quam libertas comedendi illam
die dominico ; Eodem modo , si du-
bites , an tenearis ad solvendum de-
bitum , ad satisfaciendum voto , ad
confessionem peccati mortalis , &c. ,
si libertas præcedat obligationem , non
teneris : Contra vero , si certo scias ,
quod contraxeris debitum , emiseric
votum , commiseris mortale , &c. ,
& dubites an satisfeceris , teneris ;
quia prior tempore est obligatio , quam
libertas . Item si dubites , an comple-
veris vigesimum primum annum , non
teneris ad jejunium ; Sin dubites , an
attigeris annum sexagesimum , teneris
jejunare : Si dubites , an jurisdictio
expiraret , poteris absolvere ; sin du-
bites an illam habueris , absolvere non
poteris .

XII. Si vero certus sis de voto , sed
dubites an emiseric illud ante septen-
nium , putat Pal. contra Sanch. , quod
non tenearis , quia prior est libertas ,
quam ut obligeris a voto : Sanch. au-
tem putat votum stare in possessione ,
quia certus es de illo , & dubius an
emissum sit tempore , quo posses obli-
gari : Probabilior autem videtur sen-
tentia Pal. , quia dubium est , an sit
emissum votum obligans , & præcedit
tempore libertas : Ideo si dubitetur ,
an vota filii fuerint emissæ ante æta-
tem requisitam , (scilicet personalia ante
decimum quartum annum , & realia
ante vigesimum quintum) probabiliter
poterit Pater illa irritare , quia præ-
cedit tempore libertas , ut irritetur :
Econtra si dubites , an habeas ætatem
requisitam ad Ordines , non poteris
illos suscipere , quia præcedit tempore
obligatio non suscipiendi Ordines
ante legitimam ætatem . Similiter si
dubites nocte Nativitatis Domini , an
elapsa sit media nox , non poteris ce-
lebrare , quia non præcedit tempore

libertas celebrandi , sed obligatio non
celebrandi , nisi post mediam noctem :
Econtra si dubites an comederis post
elapsam mediam noctem , poteris ma-
ne communicare , & celebrare , quia
post elapsam mediam noctem prior
fuit tempore libertas celebrandi , quam
obligatio non celebrandi post sumptionem
cibi . Quia tamen alii cum Lug.
apud Dian. part. 3. tract. 4. resol. 29.
putant , in tali casu præcedere tempore
hanc obligationem , ideo consequenter
docent , quod non possis
mane communicare , & celebrare .
Mihi probabilior videtur prior sen-
tentia Laym. , Bardi , Medin. apud e-
undem Dian. ; quia si præcedat obli-
gatio non communicandi post com-
munionem , si præcedat libertas com-
municandi , tamen semper verum est ,
quod si dubium sit , an fuerit appo-
situm impedimentum ad communio-
nem ex comestione , semper præsumit-
ur , quod tale impedimentum non sit
appositum , ut dicemus in regula se-
quenti , & sic stat in possessione li-
bertas communicandi .

Sed prosequamur in aliis materiis
dubiis exemplificare : Si dubitas , an
beneficium sit pingue , non teneris ad
recitandas horas , quia præcedit liber-
tas : Contra vero si dubites , an be-
neficium , quod erat pingue , evase-
rit tenue , teneris ad horas ; quia præ-
cedit obligatio . Si dubitas an data sit
tibi facultas absolvendi hoc peccatum ,
non poteris illud absolvere , quia præ-
cedit obligatio , seu negatio faculta-
tis ; Econtra si data tibi facultate au-
diendi confessiones , dubitas an reser-
vatum tibi sit hoc peccatum , poteris
absolvere , quia præcedit libertas , seu
facultas . Si certa sit censura , sed du-
bium an sit justa , vel an a legitimo
superiore , Tambur. cum aliis proba-
biliter putat , quod in foro interno il-
la non obligaris , quia præcedit liber-
tas ; sicut duximus probabile esse , quod

præ-

præcedat libertas in dubio, an votum fuerit emissum ante, vel post septennium; Quamvis probabiliter etiam Bardi cum aliis putet, quod tali censura ligeris, quia probabile etiam est, quod præcedat obligatio, cum superior stet in possessione præcipiendi: Et eadem est difficultas, dum quæritur an teneatur solvere gabellam, qui dubitat, an sit iustus; Et an teneatur respondere sine æquivocatione, qui dubitat, an legitime interrogetur a iudice.

Si dubites, an influxeris tuo consilio ad occisionem Clerici, quamvis irregularitatem incurras, quia hæc incurritur etiam in dubio homicidii, tamen quando dubium est prudens, docent probabiliter aliqui contra Sanch. lib. 2. de Matrim. disp. 41., quod non tenearis ad restitutionem, nec debeas te gerere ut excommunicatum, quia præcedit libertas; Eodem modo si ædificium corruat sub artifice, si causa perdat sub avvocato, si ægrotus pereat sub medico, si depositum, commodatum, locatum apud te pereat, & dubitetur, an hæc acciderint ex gravi culpa artificis, advocati, medici, aut tua, probabiliter non datur obligatio restitutionis, quia probabile est, quod præcedat libertas.

Si certus de dispensatione impedi-
menti obtrata, dubites an sit valida, non poteris ea uti, ut docet probabiliter Molin., quia videtur præcedere obligatio; at probabiliter etiam ex Dian. part. 4. poteris ea uti, quia in dubio semper iudicandum est pro valore actus, ex leg. *Quoties, ff. De rebus dubiis*: unde si dubium sit, an professio religiosa fuerit valida, docent communiter Doctores contra Caramuel, & Tambur., quod censenda sit valida; Et si dubium sit, an validum fuerit matrimonium jam contractum, censendum est validum; possidet enim matrimonium, unde non

Part III,

est sua possessione spoliandum propter dubium superveniens. Demum si miles dubitet de iustitia belli, Suar., Dian., & alii apud Tambur. lib. 1. cap. 3. §. 7. probabiliter putant, quod possit pugnare, quia Princeps stat in possessione præcipiendi; & miles etiam si non sit vassallus, stat in possessione volendi libere servire in militia; Quamvis Vasq., Lug., & alii putent, quod pugnare non possit, quia videtur stare in possessione lex non pugnandi contra iustitiam, & non exponendi se periculo alios occidendi iniuste.

XIII. Altera regula assignari solet ad dignoscendum, pro quo stet possessio, juxta doctrinam Sanch. lib. 1. Decalogi cap. 10. num. 13. dicendo: Pro eo stare possessionem in utroque foro, pro quo stat præsumptio: nam, ut supra diximus, ex cap. *Ad decimas, in 6.* Legitima possessio dicitur illa, cui nec juris dispositio, nec præsumptio resistit; Quoties itaque præsumptio stat pro una parte, pro illa etiam stat possessio: Ut autem dignoscatur, pro qua parte stet præsumptio, inspiciendum est, cuinam parti competat onus probandi, & pro altera parte dicendum est stare præsumptionem; idcirco enim uni parti competit onus probandi id, quod intendit, quia pro altera parte stat præsumptio, & possessio, a qua non potest divelli, nisi per certam rationem in contrarium. Exemplificemus nunc; Dubitas, an compleveris vigesimum primum annum, unde tenearis ad jejunium; quia præsumitur te non complevisse illum, donec probetur oppositum, dicitur præsumptio, & possessio stare pro libertate, unde poteris non jejunare: Econtra, si dubites, an artigeris annum sexagesimum, præsumptio dicitur stare pro præcepto jejunandi, quia donec probes te illum attigisse, præsumitur, quod non atti-

H

ge:

geris, unde teneris ad jejunium. Item si dubites, an sis legitimus, non eris irregularis, quia praesumitur, quod sis legitimus, donec probetur culpa Patris; unusquisque enim praesumitur bonus, donec probetur, quod sit malus. Eodem modo debitor ex contractu morosus, si dubitet an esset restitutus pecuniam debitam, si fuisset monitus a creditore, juxta dicta art. 3. non tenetur rescire damnum emergens, & lucrum cessans creditori, quia praesumitur, quod non esset delictum commissurus: Sic quando debitum est dubium, non teneris solvere, quia quilibet praesumitur liber a debito, & alteri incumbit onus probandi debitum; Si vero post contractum debitum, dubites, an satisfeceris, teneris satisfacere, quia praesumitur, quod non satisfeceris, & tibi incumbit onus probandi satisfactionem. Similiter si post diligentiam sufficientem, dubites, an promiseris alteri matrimonium, non teneris promissionem implere; quia onus probandi illam competit promissario, unde praesumptio, & possessio stant pro libertate: Contra vero si constet de promissione matrimonii, sed dubites, an volueris te obligare, teneris; quia cum praesumptio habeatur ex communiter contingentibus, & communiter contingat, quod qui promittit, vult se obligare, hinc praesumptio stat pro obligatione, & ideo pro illa in foro externo judicaretur: Propter eandem rationem in dubio de valore actus, ut diximus, puta de validitate matrimonii, professionis religiosae, dispensationis, &c.,

praesumendum, quod ea sint valida, quia communiter contingit esse valida, & ex communiter contingentibus habetur praesumptio.

Demum si dubites, an sit elapsa media nox nocte nativitatis, non poteris celebrare, quia tibi incumbit onus probandi, quod sit elapsa, ut habeas libertatem celebrandi: Econtra, si dubites, an comederis post mediam noctem, probabiliter poteris communicare, quia post elapsam mediam noctem habes libertatem communicandi, si non sit appositum impedimentum per comestionem, & praesumitur, quod non sit appositum tale impedimentum, nisi probetur ab eo, qui vult tibi communionem prohibere.

Neque dicas, si dubium sit, an elapsa sit media nox, non potes celebrare, quia incumbit tibi onus probandi, quod non sit hoc impedimentum temporis; ergo si dubium sit, an comederis post mediam noctem, neque poteris communicare, quia tibi pariter incumbit onus probandi, quod non adsit hoc impedimentum comestionis.

Nam concesso antecedente, nego consequentiam. Disparitas est quia in primo casu tibi incumbit probare, quod sit elapsa media nox, quia non praesumitur elapsa, donec a te probetur: Econtra in secundo casu onus probandi comestionem post mediam noctem incumbit illi, qui vult tibi communionem prohibere, quia non praesumitur appositum tale impedimentum, donec probetur.

Q U Æ S T I O III.

De Cooperantibus ad damnum alterius.

EXaminabimus primo, Quinam dicantur cooperari ad damnum alterius? Secundo, speciatim agemus de mandante damnificationem. Tertio, De Consulente. Quarto, De aliis positive ad damnificationem concurrentibus, qui sunt Consentiens, Palpo, Receptor, & Participans. Quinto, De concurrentibus negative, seu indirecte, qui sunt Mutus, non obstant, non manifestans. Sexto quæremus, Quantum singuli teneantur ad restitutionem, quando plures concurrunt ad totum damnum? Septimo, Quonam ordine restituere teneantur, qui tenentur in solidum restituere?

ARTICULUS I.

Quinam dicantur cooperari ad damnum alterius?

- I. Ad restitutionem tenentur tam positive concurrentes ad damnum alterius, quam concurrentes negative; qui omnes ad subsidium memoria celebri disticho continentur.*
- II. Tria requiruntur, ut talis obligatio consurgat, & quod damnum secutum sit, & quod illorum cooperatio praeceperit, & quod hac fuerit causa efficax damni citra dubietatem.*
- III. An, & quomodo ad restituendum obligetur, qui concurrat ad damnificationem proximi, qua caeteroqui etiam sine suo concursu fieret?*
- IV. Num teneatur ad restitutionem, qui ad damnum alterius concurrat solum quoad modum, videlicet ut celerius fiat, & non quoad substantiam?*
- V. Qui suo suffragio cum aliis concurrat ad sententiam inflatam, quandoam a restitutione deobligant?*
- VI. Qui dubitat, an suo suffragio ad sententiam inflatam efficaciter concurrerit, adhuc videtur cum aliis*

in solidum obligandus: Ego verum sit, quod adulter non teneatur alteri prolem, de qua dubitat, num sit sua, an mariti.

VII. Deobligatur a restitutione, qui dubitat, an damnum sit secutum, vel an ex aliqua sua actione graviter peccaminosa, vel an ad damnum inflixerit; nisi tamen urgeat praesumptio, unde non habeatur dubium, sed moralis certitudo; ne solet accidere, si consilium deit de damno parando.

VIII. Quando damnum est secutum, & dubitatur, num ex actione huius, vel illius, uterque teneatur ad restitutionem.

I. Diximus, quod praeter impedi-
entes injuste alteri bonum
& immediate causantes injuste alteri
damnum, teneantur pariter ad restitu-
tionem omnes illi, qui mediate con-
currunt ad damnum alterius: Quinam
autem dicantur sic concurrere duobus
illis versibus continentur.

*Iussio, Consilium, Consensus, Palpo,
Recursum,
Participans, Mutus, Non obstant,
Non manifestans.*

Teneantur itaque ad restitutionem
primo Mandans damnificationem -

H 2 Sc-

Secundo, Consulens. Tertio, Consentiens, nimirum suo suffragio, vel auctoritate. Quarto, Palpo, scilicet adulator laudando, quasi strenuum, qui damnificavit, ex quo hic moveatur ad novam damnificationem. Quinto, Recursum præbens, seu receptans damnificatorem, eique qualitercumque auxilium ferens dando refugium, & securitatem damnificanti, ut damnificet; aliter ad restitutionem non tenetur, si solum recipiat illum, vel titulo hospitii, cum sit Caupo, vel titulo amicitiae, aut consanguinitatis, cum sit amicus, aut consanguineus. Sexto, Participans, videlicet socius criminis, seu adjuvans realiter damnificantem, vel ut executor, vel ut mediator, vel ut explorator.

Præter hos positive concurrentes ad damnificationem, tenentur etiam ad restitutionem, qui negative se gerentes indirecte ad illam concurrunt; Quare tenetur Septimo Mutus, qui scilicet verbo potest impedire damnum, reprehendendo, prohibendo, consulendo, clamando, (quando ad id ex iustitia tenetur) & tamen tacet. Octavo, Non obstant, videlicet qui facto non prohibet damnificationem, ut ex iustitia tenetur. Nono, Non manifestans, nimirum dum sit damnum, aut postquam factum est, quando tamen tenetur ex iustitia manifestare, ut explicant communiter Doctores cum D. Th. quæst. 62.

Ratio autem, cur omnes isti ad restitutionem teneantur, est, quia non sunt mera occasio, sed sunt vera causa injusta damni alterius; cum enim ad illud concurrant, & quidem efficaciter actione, vel omissione injusta, consentent esse causa injusta damni secuti, juxta axioma illud Philosophorum, *Causa causa est causa causari*. Quod si essent mera occasio, vel causa inefficax, non tenerentur ad restitutionem; Sicuti ad restitutionem

non tenetur Titius impingens alapam Cajo, qui ob impatientiam lapsus in morbum moritur; aut si persequens illum, hic casu in foveam cadat, & moriatur; Dicitur enim Titius in his casibus mera occasio, non causa mortis, eo quod raro, non ut plurimum, in iis circumstantiis sequatur mors, & ideo nec est irregularis; Immo si eo animo alapa impingat, ut forte ex illa moriatur, si alapa de se non est inductiva mortis, neque dicitur homicida, cum fuerit tantum causa inefficax mortis, ut communius docent apud Tambur. lib. 6. cap. 4. §. 4.

II. Porro tria requiruntur, ut huiusmodi cooperantes teneantur ad restitutionem. Primo, quod vere damnum proximo secutum sit. Secundo, quod præcesserit eorum cooperatio. Tertio, quod hæc fuerit causa moralis, & efficax damni secuti quoad substantialiam, ita scilicet ut damnum secutum imputabile sit cooperanti: Quod si aliquid ex his tribus non præcesserit, aut moraliter non sit certum, quod præcesserit, non habetur onus restitutionis in cooperante; quia damnum non est, cur illi imputetur. His explicatis

III. Quæritur primo, An teneatur ad restitutionem, qui adjuvat alterum ad delictum damnificativum, quod etiam ab illo fieret sine tali socio, seu juvamine?

Respondendo affirmative cum Bonac. Vasq., & aliis communiter contra Paludan., & Sylvest. Ratio est, quia in tali casu hic adjuvando efficaciter inluit in damnum. Hinc est, quod teneatur ad restitutionem miles, qui occidit Petrum, etiam si ab alio Petrus esset occidendus; Et qui furatur rem, quam alter furaturus esset, si relinqueretur a primo, adhuc ad restitutionem tenetur.

Non negaverim tamen, quod do-
cet

cet Laym. cap. 4. num. 2., quod si miles diripiens cum sociis domum. Tixii auferat vestem valentem centum aureos, quam alter certo moraliter sustulisset, si ipse non praevenisset, non extante tali veste nec in se, nec in æquivalenti, non teneatur miles restituere integrum pretium vestis, videlicet centum aureos, sed solum valorem vestis, quanti scilicet æstimabatur tunc, quando illam rapuit; Res enim valet pluris, vel minoris juxta varias circumstantias; In illo itaque periculo constituta vestis, itaut ab incurso hostium sit certo moraliter rapienda, parvi æstimatur, & ideo non centum, sed id, quod vestis tunc æstimaretur, restituere debet talis miles. Ubi adverte, quod ut parvi tunc æstimaretur vestis, opus erat, quod publice innotesceret incurso hostium; aliter æstimatio vestis non decrevisset.

At hinc non sequitur, quod si meo mandato, vel consilio, vel tenendo scalas, verbi gratia, adjuvo furem cæteroqui paratum ad furandum sine meo mandato, aut juvamine, ego ad integram restitutionem non tenear, eo quod decrescat in hoc casu valor rei, quæ surripitur; Neque sequitur, quod si duo unanimiter conveniant ad damnificandum, & alter præveniat, non teneatur uterque in solidum ad restitutionem; Etenim tunc solum ad integram restitutionem non tenetur mandans, aut consulens damnum, quando nullatenus a mandato, vel consilio movetur damnificans ad damnificandum; ut dicemus in articulis sequentibus. Sicut etiam si volenti furari centum dicas, quod fuerit centum quinquaginta, solum teneris restituere quinquaginta, si solum fueris causa efficax furti relate ad quinquaginta, & non relate ad centum quinquaginta.

IV. Quæritur secundo, An teneatur

ad restitutionem, qui volenti furari centum consilium dat, ut caute, & occulte faciat; aut volenti occidere dicat, ut veneno potius, quam gladio id faciat, non movendo illum ad substantiam, sed mere ad circumstantiam damni? Idem quæritur, si volenti occidere cras dicat, quod occidat hodie, itaut solum influat ad accelerationem, non ad substantiam homicidii, eo quod non sit spes, quod homicidium dilatum impediat.

Respondeo, Navar. Medin., Rebel. probabilius putare, quod teneatur, quia de facto damnum infert, & co-infuit in illud; & sententiam istam putat Less. regulariter in praxi sequendam, ut iniqui cooperatores abstineant a tali cooperatione. Laym. tamen tract. 2. cap. 5., Lug., Dicaltil, Tambur. excusant hujusmodi cooperantem a restitutione, & Hurtad. excusat etiam ab irregularitate, quia nullatenus videtur influere in substantiam delicti, sed solum in modum. Ad quod confirmandum Joseph de Augustino utitur hoc exemplo; Si segetes, verbi gratia, tui hostis conflagrarent sine spe auxilii, & tu ex odio flammam adderes, ut citius conflagrarent, peccares certe, sed non obligareris ad restitutionem, quia non inferres novum damnum; Hæc tamen ratio non convincit; intantum enim in hoc casu non teneris ad restitutionem, quia segetes in illis circumstantiis existimantur pro nihilo.

Addit Laym. contra Cajet., Medin. apud Dianam p. 3. tract. 5. ref. 84. quod etiam si tuo consilio, vel hortatu magis confirmetur damnificator ad damnificandum, non per hoc teneris ad restitutionem, si cæteroqui ille esset determinatus quoad substantiam, quia vere non fuisti causa efficax damni quoad substantiam; quandoquidem etiam sine tuo consilio illud

lud inferendum fuisset. Sed Vasq. docet, quod sicut ad restitutionem tenetur qui furem adjuvat tenendo scalas, quamvis fur adhuc sine socio esset furaturus, ita qui dat consilium, ut damnificator damnificet confirmando illum, tenetur ad restitutionem, quamvis etiam sine tali consilio damnificaturus esset, nam in utroque casu habetur de facto cooperatio ad damnum.

Illud autem certum est, quod si parato occidere hodie suadeas, ut occidat cras, & solum intendas dilationem occisionis in bonum occidendi, non pecces, nec ad restitutionem tenearis; secus vero si intendas dilationem, ut melius homicidium parretur.

V. Queritur tertio. An teneatur ad restitutionem, qui suo suffragio cooperatur ad damnum alterius, (verbi gratia, ad sententiam injustam, ad amissionem officii, beneficii, cathedrae, vel ad impositionem gabelle iniuste, &c.) quando etiam scilicet tali suffragio ferretur sententia injusta, eo quod reliqua suffragia satis sint ad illam ferendam?

Respondeo, quod si sententia injusta a prioribus suffragiis publicis sit conclusa, & tu nullatenus possis illam impedire suffragio tuo, quamvis pecces contra iustitiam addendo tuum suffragium iniquum, tamen probabiliter ad restitutionem non teneris, ut docet Laym., Less. cap. 13. num. 23., & alii apud Dian. part. 1. tract. 3. resol. 16., & 30. Sicut diximus, non teneri ad restitutionem, qui addit flammam segetibus omnino conflagrandis. Ratio est, quia in priori ad tuum suffragium praesupponitur causa damni jam determinata, itaque tua cooperatio sit omnino inefficax. Quod si suffragia priora essent revocabilia, procul dubio ad restitutionem teneris; sicut etiam si suffragium tuum

esset ex primis, quamvis certo cognosceres exsequentibus suffragiis iniquis sententiam injustam esse concludendam, ut communiter docent contra Salon. apud eundem Dian., quia qui primum suffragium tulit, posuit causam efficacem damni, & concurrat positive ad illud; Non secus ac si quis primo vulneret Petrum, certo advertens, quod a reliquis vulneribus infligendis ab aliis sociis sit confortandus, est vere homicida. & tenetur ad restitutionem.

VI. Quod si suffragia fuerint secreta, & tibi incertum sit utrum tuum suffragium iniquum fuerit ex non necessariis ultimo loco datum, Merol. apud Tambur. lib. 1. cap. 13., Navar., & Bonac. disp. 1. quest. 2. punct. & putant, quod omnes, qui suffragium tulerunt, teneantur ad restitutionem in solidum; tum quia omnes constant unam causam adaequaram, sicut si centum trahant navim, licet nonaginta sufficerent, omnes tamen simul trahunt; tum etiam quia possessio videtur stare pro damno, quod constat illatum esse, & dubium est a quonam sit illatum; tum demum quia in foro externo judicaretur contra singulos, ergo etiam in foro interno, cum idem sit utriusque fori iudicium, quoties forum externum non nititur in falsa praesumptione. Rebel. tamen. Sayr., Henr., Dian. part. 3. tract. 5. resol. 84. apud Lug. disp. 19. sect. 1. num. 20. videntur deobligare omnes, quia singuli sunt in certa possessione suae pecuniae, quam non tenentur alteri tradere, nisi obligatio sit luce meridiana clarior; cum autem incertum sit, an suffragium cuiuslibet fuerit ex primis, nemo habet certitudinem, quod damnum irrogarit, atque adeo nemo tenetur restituere. Huic tamen sententiae astipulari nullatenus possum. Demum Molin., & Eng. obligant quidem omnes, non tamen in soli.

solidum ad totum, sed solum ad partem pro rara dubii, quod quilibet habet, num fuerit proprium suffragium ex primis inferentibus damnum, an vero ex ultimis non necessariis, & consequenter damnum non inferentibus. Equidem tamen cenſeo, omnes in solidum eſſe obligandos, quia ſtat in poſſeſſione damnum reſarciendum, & dubia eſt uniuſcuſque excuſatio.

Dices: Adulter non tenetur alere filium adulteræ, quando dubium eſt, num ſit filius ſuus, an vero ſui patris; immo neque tenetur ad medietatem alimentorum per hoc præciſe, quod in dubiis melior ſit conditio poſſidentis; ergo neque in caſu noſtro ulla dabitur obligatio reſtitutionis.

Reſpondeo, nego conſequentiam, Diſparitas eſt, quia in primo caſu dubium eſt, an ſecutum ſit ullum damnum: Econtra in caſu noſtro certum eſt, quod ſit ſecutum damnum, & ſolum dubium eſt, a quibuſnam ſuffragiis illud ſit ſecutum, & ideo omnes, qui tulerunt ſuffragium, obligantur ad reſtitutionem; ſicuti ſi duo jactant ſagittam ad occidendum Petrum, & illum occidant, quamvis neuter ſciat an ſua ſagitta ſit occiſus, uterque tamen ad reſtitutionem tenetur: Et ideo ſi duo cum eadem ſœmina adulterentur, uterque in ſolidum tenetur prolem alere, ſi dubitatur de illis, & non de marito, qui tunc erat abſens.

VII. Hic autem adverte, quod uniuerſim ſi dubites primo, an damnum ſit ſecutum, Secundo, ſi dubites, an damnum, quod ſecutum eſt, ſit ex aliqua actione tua; Tertio, ſi dubites, an damnum ſecutum ex aliqua actione tua contigerit ex gravi tua theologica culpa, ſeu ex peccato mortali tuo; Quarto, ſi dubites, an damnum ſecutum ex aliqua

actione tua mortaliter peccaminosa ita ſecutum fuerit, ut tua actio fuerit cauſa, & inſluxerit in damnum, an vero fuerit tantum occaſio; In his omnibus dubiis probabiliter ad reſtitutionem non teneris, ex Sayr., Rebel., Tanſbur. lib. 1. cap. 3. §. 7. V. *Damnum ſecutum*. Ratio eſt, quia in his omnibus dubiis ſtat in poſſeſſione certa tua libertas, cum incertum ſit, an fueris cauſa damni. Non negaverim tamen, quod ſi aliquando adeo urget præſumptio, ut non ſit dubium, ſed habeatur moralis certitudo, quod fueris cauſa damni, tunc ad reſtitutionem teneris: Sicuti ſi quem aſſociaveris ad homicidium, diceris moraliter certus, quod concurreris ad illud, quia communiter qui aſſociant, ſunt cooperatores delicti; Et ideo Sanch. lib. 2. Matrimonii diſp. 41. num. 17., Molin., & alii putant in quarto dubio adducto regulariter quemlibet obligari ad reſtitutionem, quippe cum certa ſit actio tua graviter inſuſta, puta conſilium, vel aſſociatio, præſumendum eſt, quod concurreris ad damnum, quod talem actionem graviter inſuſtam conſequi ſolet; Quia tamen aliquando poſſunt adeſſe rationes ethicæ dubitandi, an conſilium, vel aſſociatio inſluxerit; ut ſi conſilium dederis, quando homicida erat capitalis inimicus occiſi, & omnia erant jam parata ad homicidium, in tali caſu probabiliter excuſaris a reſtitutione, quia es in vero dubio, an interfuerit tua cooperatio.

VIII. Dixi, te non teneri ad reſtitutionem, quando dubitas, an ex actione tua damnum ſit ſecutum; verbi gratia, ſi dubitas, an tuo conſilio inſluxeris ad homicidium, an depositum tua culpa perierit, &c.: Si tamen certum eſt, quod ex actione aliquorum damnum ſit ſecutum, & ſolum dubium eſt, utrum ex actione

ne huius; vel illius; ut in casu de suffragiis, & in casu de duobus jacentibus sagittam ad Petrum occidendum, videntur omnes ad restitutionem obligati, si minus in solidum, saltem pro rata dubii. Ratio est, quia cum certum sit damnum esse secutum, nec sit major ratio, cur hic, & non ille obligetur, nec videatur rationabile, ut nemo ad restitutionem obligetur, ideo omnes sunt obligandi: Propter eandem rationem, si fornicina, ut diximus, a pluribus adulteris cognoscatur, filius videtur alendus ab illis pro rata dubii, cum non sit rationabile, ut omnes deobligentur. Ratio disparitatis inter hos, & priores casus bene assignatur a Reginald. apud Bonac. disp. 1. quest. 2. punct. 4., quia quando dubitas, an consilium tuum, verbi gratia, influxerit ad homicidium, possessio stat pro libertate, cum cæteroqui homicida certe obligetur ad damnum refarciendum: E contra quando dubitatur, Petrusne, an Paulus sua sagitta occiderit Cajum, possessio stat pro delicto, quod constat ab alterutro patratum esse, nec est major ratio de uno, quam de altero, nec est rationabile, ut uterque deobligetur.

ARTICULUS II.

De Mandante damnificationem.

- I. *Tam explicitum, quam implicitum mandatum de proximo damnificando, secuto effectu, trahit onus restitutionis.*
- II. *Mandans, revocato mandato, sive explicito, sive implicito, itans revocationis notitia ad Mandatarium perveniat, non tenetur ad restitutionem.*
- III. *Cur non pariter deobligetur a restitutione Consulens revocato consilio?*

IV. *Si mandatarius in damnificando excedat limites mandati, num, & quando mandans teneatur etiam excessum compensare?*

V. *Non tenetur mandans ad compensanda damna mandatarii, qui sponte, aut accepto pretio mandatum acceptavit.*

VI. *Ratibabitio damnificationis de se non trahit onus restituendi. Solum relate ad penas fori exterioris ratibabitio solet equiparari mandato.*

VII. *Irregularitas tamen, qua incurritur a mandante homicidium, non extenditur ad ratibabentem.*

I. **D**escendimus ad agendum in particulari de cooperantibus ad alterius damnum, & initium sumimus a Jubente, qui scilicet mandavit damnificationem, vel explicite, vel implicite, (dicendo verbi gratia, si quis id fecerit, carus mihi erit utinam quis id faceret!); vel etiam tacite, ut si quis tibi dicat, se in tui gratiam occisurum alterum, & tu non contradicas. Et sane, quod mandans secuto effectu ad restitutionem teneatur, non est dubium, cum sit vera causa moralis efficax damni.

II. Queritur nunc primo, An mandans revocato mandato teneatur ad restitutionem, si mandatarius adhuc damnum intulit?

Respondeo negative, dummodo revocatio mandati innotuerit mandatario, & deinde illius non obliviscatur, sive revocatio fiat explicite, sive etiam tacite; ut si Titius mandat Cajō, ut occidat suum inimicum, & deinde Titius pacem ineat cum suo inimico; in quo casu tacite mandatum revocatur, atque adeo si Cajus mandatarius occidat inimicum, non vi mandati, sed ex sua malitia illum occidet. Idque verum est, etiam si Cajus fingat, mandati revocationem non habuisse.

Si

Si tamen notitia revocationis vere ad mandatarium non perveniat, aut ejus deinde obliviscatur, procul dubio vi mandati sequitur damnus, atque adeo mandans ad restitutionem tenetur.

III. Dices: Consulens adhuc revocato consilio tenetur ad restitutionem; ergo etiam mandans revocato mandato.

Respondeo transmissio antecedente, quod negatur a Petro Navarro, Med. dim., Reginald. lib. 10. num. 108., & aliis, præsertim si consulens, postquam revocavit consilium, pro virili admonet tam cum, cui consilium dedit, quam illum contra quem consilium datum est, ut sibi caveat, & consilium tanquam perniciosum repellat; nego consequentiam. Disparitas est, quia mandatarius operatur in gratiam mandantis, & ut ejus voluntatem exequatur; Revocato autem mandato jam non exequitur voluntatem mandantis, unde mandatatum non influit in damnum: E contra consiliarius, seu qui habuit consilium, non operatur in gratiam consulentis, sed in gratiam sui, quamvis ex rationibus a consulente adductis; unde fit, ut etiam revocato consilio possit ab iisdem rationibus moveri ad damnificandum; atque adeo consilium vere influat in damnum.

Dicemus tamen in de Censuris, quod si revocato consilio rationibus validis adhuc sequatur homicidium Clerici, probabiliter neque censura, neque irregularitas, neque onus restitutionis incurratur a consulente, quandoquidem in tali casu consiliarius ex propria malitia potius, quam ex consilio, aut auctoritate consulentis moveretur ad occisionem Clerici.

Opponi solet, quod propinans venenum alteri incurrat irregularitatem, & onus restitutionis, si mors sequatur, quamvis conatus sit post propinatum venenum extinguere illud antidotis; ergo etiam in casu, quo con-

sulens conetur rationibus validis revocare consilium. Sed respondetur, disparitatem esse inter venenum, & consilium, quod venenum operatur naturaliter, & ut causa necessaria; consilium vero moraliter causat suum effectum, non necessitando consiliarium ad ponendum quod consulitur. Quare si venenum antidotis non extinguitur, certe mors, quæ sequitur, causatur a veneno, & tribuitur propinanti illud: Contra vero si consilium reddatur inefficax a consulente adducente rationes validiores in contrarium, tunc damnum provenit ex malitia consiliarii libere operantis, non ex efficacia consilii; unde consiliario, non consulenti tribuitur mors.

IV. Quæritur secundo, An si mandatarius excedat limites mandati, teneatur mandans ad restitutionem debitam pro tali excessu; Verbi gratia, si solum mandet occisionem Petri, & mandatarius post occisum Petrum comburat illius domum, teneaturne mandans rescire damnum incendii?

Respondeo cum communi apud Dian. part. 8. tract. 7. resol. 33., quod si excessus tribuatur soli arbitrio mandatarii, non teneatur mandans ad restitutionem pro tali excessu; ut si mandet Titio percussorem Petri levem, & Titius illum occidat. Quod si excessus damni est ex communiter contingentibus, poteratque facile prævideri a mandante, certe hic obligabitur ad restitutionem: Verbi gratia, si jubet Titio, ut graviter vulneret Petrum, & Titius illum occidat; vel si mandet, ut occidat Petrum, quem mandans advertit esse similem Paulo, & casu occidatur Paulus; Si tamen ad hanc similitudinem non adverteret mandans, excusaretur a restitutione, sicut excusatur ab irregularitate a Sacra Congregatione, ut notat Dian. part. 9. tract. 4. resol. 31.

V. Quæritur tertio, An mandans

Part. III.

I

teneat.

teneatur ad refarcienda damna, quæ forte patitur mandatarius exequendo mandatum, verbi gratia, si exequendo homicidium mittatur ad trirames.

Respondeo cum Dicastil. lib. 3. tract. 2. disp. 4. dub. 4., quod non teneatur, si mandatarius libere accepit mandatum, & multo magis si propter illud accepit pretium: Ratio est, quia ultro ille talibus periculis se obicit, atque adeo cum nullam injuriam a mandante sit passus, non potest aliquid ab eo exigere pro damno, quod incurrit exequendo mandatum: Secus vero si non sponte, sed coacte suscipit mandatum; ut videtur cogi subditus a mandato superioris; vel si deceptus sit; quia sic ejus damnum sequitur ex injuria per deceptionem, aut coactionem illata.

VI. Quæritur quarto, An teneatur ad restitutionem, qui ratum habet, seu approbat damnum nomine suo factum, quod tamen ille nunquam mandavit, ne tacite quidem?

Respondeo cum communi negative. Ratio est, quia ratihabitio, seu approbatio non influit in damnum; cum supponat illud jam illatum; unde ratum habens non potest dici causa moralis damni. Et quamvis ratihabitio sit causa finalis, propter quam executor damnum intulit, non per hoc sequitur, quod ratum habens teneatur ad restitutionem: Sicuti si quis occidat alium, non propter ratihabitio- nem, sed propter amorem Titii, non per hoc sequitur, quod Titius, qui est causa finalis, teneatur ad restitutionem. Et ratio a priori est, quia causa finalis nihil operatur; neque enim ullus dicitur peccare, & lædere justitiam per hoc præfise, quod sit causa finalis peccati, aut injustitiæ ab alio committæ.

Notandum tamen, quod si ratihabitio damni secuti sit causa, ut novum damnum sequatur, procul dubio

ratum habens tenetur ad restitutionem hujus novi damni: Verbi gratia, si executor omittat restituere ablatum exco, quia dominus ratum habuit furtum, tenetur etiam dominus ad restitutionem, quia in tali casu est causa talis damni.

Opponitur. *Ex regul. 10. juris in 6.* Ratihabitio retrotrahitur, & comparatur mandato; ergo sicut ad restitutionem tenetur mandans, ita etiam ratum habens.

Respondeo, distingo antecedens: Comparatur mandato quoad causalitatem damni, nego; si enim damnum præcessit ratihabitio, quomodo potest ab illa causari? Comparatur mandato quoad pœnas fori exterioris, concedo antecedens; & nego consequentiam: Etenim quia eadem pœnas meretur ratum habens, & mandans; ideo per fictionem juris ratihabitio dicitur retrotrahi, & comparari mandato; Præsertim quia ratum habens præsumi probabiliter potest, quod mandaverit damnum secutum, & propterea per dispositionem juris eadem pœna uterque puniri solet; Sicuti eadem censura puniatur mandans, & ratam habens percussorem Clerici: Et propter eandem rationem aliquando etiam in contractibus ratihabitio in jure habetur pro mandato.

VII. Notandum tamen, quod quamvis pœnæ exterioris fori impositz mandanti possint rationabiliter extendi ad ratum habentem, non tamen semper ipso facto extenduntur: Quare si per dispositionem juris non extendantur, non incurruntur a ratum habente: Hinc quamvis eandem excommunicationem incurrat mandans, & ratam habens percussorem Clerici; quia sic jus disposuit in Cap. Cum quis, De Sententia Excommunicationis in 6. Nihilominus ratam habens occisionem non incurrit irregularitatem, quam incurrit mandans; quia id jus non dispo-

disposuit. Et certum est irregularitatem non incurri, nisi in casibus jure expressis: Ex quibus omnibus constat onus restitutionis a rathabente non incurri, sicut incurritur a mandante damnificationem.

ARTICULUS III.

De Consulente damnum alterius.

- I. *Nomine Consulensis damnificationem venit etiam qui hortatur, dirigit, instruit, terret minis, &c. Tenetur autem consulens refarcire etiam damnum, quod forte patitur Consiliarius, si hic bona fide procedat.*
- II. *Quandonam deobligatur a restitutione consulens? Et quomodo debeat consiliarium monere, ut desistat?*
- III. *Ad restitutionem tenetur consulens, etiamsi sine suo consilio adhuc damnum a consiliario inferendum esset, dummodo consilium moveat.*
- IV. *Si dubitatur, an consilium infunderis, teneturne Consiliarius aut integre, aut saltem pro rata dubii restituere, an omnino deobligatur?*
- V. *Quando consilium non infundis in substantiam, sed solum ad circumstantiam damni, adhuc probabiliter tenetur consulens ad restitutionem.*
- VI. *Probabiliter etiam ad restitutionem tenetur, qui suo consilio, vel auxilio cooperatur ad damnum, quod etiam sine tali consilio, vel auxilio fieret omnino.*
- VII. *Qui male consulit non ex malitia, sed ex ignorantia graviter culpabili, num tenetur ad restitutionem damni ex consilio causati?*
- VIII. *Si stipendium accipit, qui dat consilium, tenetur de levi culpa iuridica, quamvis non sine gravi theologia.*
- IX. *Qui sine gravi culpa dat consilium noxium, tenetur non solum ex cha-*

ritate, sed probabiliter etiam ex justitia consiliarium monere ad aver-tendum damnum.

- X. *Ad restitutionem non tenetur secundum se, nec peccat, qui dat consilium de inferendo damno minori ei, qui determinatus est ad inferendum damnum maius.*
- XI. *Secus vero si quis consilium des de inferendo minori damno Petro ei, qui determinatus est inferre majus Paulo.*

I. **N**omine Consulensis venit hic non solum qui dat consilium iniquum, sed etiam qui hortatur, dirigit, instruit, terret, suadet, minatur ad injustum damnum præstandum; cum eadem ratio sit de his omnibus. Sunt enim omnes causa efficax damni, atque adeo omnes ad restitutionem tenentur. Immo si consulens advertat injulitiam consilii, aut ignoret illam ignorantia crassa, & consiliarius bona fide procedat, tenetur consulens non solum refarcire damnum ei, contra quem fuit consilium, sed etiam refarcire damnum, quod forte sequitur ipsi consiliario; quandoquidem consulens fuit causa utriusque damni, & consiliarius in tali casu ad nullam restitutionem teneretur ex titulo injustæ acceptionis: Et idem dicas de mandante respectu mandatarii.

II. Diximus autem articulo superiore, quod probabiliter revocato consilio rationibus ethicacibus cesset onus restitutionis, præsertim si moneatur is, contra quem fuit datum consilium, ut sibi caveat, quando videt consiliarium obstinatum; ad quam monitionem faciendam, si minus ex iustitia, ut multi volunt, saltem ex charitate tenetur, quando potest illam facere sine gravi suo incommodo consulens, ut docet Sanch. lib. 1. Consil. cap. 4. dub. 5. Quod si furtum ex tuo consilio

lio patratum sit, & deinde efficaciter restitutionem persuaseris, si revera hæc non sequatur, sive ex impotentia, sive ex malitia furis, adhuc tu ad restitutionem teneberis, quia daninum originem habuit ex pravo consilio, ideoque tibi imputatur.

III. Quæritur nunc primo, An teneatur ad restitutionem Consulens, quando damnificatio etiam sine tali consilio fieret ab executore?

Respondeo, ex dictis art. 1., quod teneatur, si executor etiam a tali consilio motus fuit ad damnificandum; Sicuti enim si decem rapiant, verbi gratia, navem alienam, omnesteneatur ad restitutionem, quia omnes sunt causa injusta damni, etiamsi navis adhuc sine ullo ex illis raperetur a reliquis novem, ita in casu nostro teneatur consulens, quamvis etiam sine tali consilio damnum fieret; Et ratio a priori est, quia est vera causa efficiens damni. Si tamen executor erat jam determinatus ad damnificationem, & nullatenus ad illam motus fuit a consilio superveniente, in tali casu consulens ad restitutionem non tenebitur, ut communiter docetur cum Lessi, Medin., Vasq.

IV. Quod si dubium sit, an executor a consilio motus fuerit ad damnificandum, tres sunt sententiæ apud Tambur. lib. 1. cap. 3. §. 7. V. *Suffragium*; Prima Rebel., Sayr., Dian. docens, quod consulens non teneatur, quia in tali dubio videtur stare in possessione libertas. Secunda Merol., quod teneatur, quia videtur stare in possessione delictum, quod certe commissum est; sicuti si duo jaculentur sagittam, & occidant Petrum, quamvis certum sit, quod primus illum occiderit, & dubium sit de secundo, videtur tamen etiam secundus ad restitutionem obligandus. Tertia Molin., de Lugo, & aliorum obligantium consulentem ad restituendam partem damni pro rata dubii.

V. Si tamen Titius determinatus occidere inimicum, a consulente non moveatur ad substantiam delicti, sed solum ad circumstantiam, puta quod veneno potius, quam gladio, hoc potius loco, vel tempore, quam alio illum occidat, diximus art. 1. probabilius consulentem ad restitutionem teneri, ut docet Molin., Rebel., & alii, quia de facto ad mortem illam concurrat: Quamvis Laym., Lug., & alii illum excusent, eo quod non concurrat ad substantiam damni, sed ad circumstantiam, quæ non fert novum damnum; parum enim, aut nihil interest ad damnificationem, quod fiat, verbi gratia, hoc, vel illo loco, hoc, vel illo tempore, quando homicidium absque dubio ponendum est; & ideo Hurtad. liberat hunc etiam ab irregularitate: Sicuti enim communis docent cum Laym., Lessi., & aliis contra Adrian., & Molin., quod qui determinato damnum minus inferre, furando, verbi gratia, centum aureos, consulit, ut inerat maius, verbi gratia, centum quinquaginta, tenetur solum ad restitutionem excessus damni, quod consuluit, videlicet quinquaginta; ita qui consulit circumstantiam tantum non afferentem novum damnum, non videtur ad restitutionem ullam obligari.

VI. Addit Laym. cap. 5. cum Lessi. cap. 14. dub. 4. contra Vasq. de Restitutione cap. 9. §. 1. dub. 2., quod etiam ab onere restitutionis liber sit, qui tantum materialiter cooperatur ad damnum, nullo modo influens in illud, quando scilicet sine tali cooperatione adhuc damnum ab alio inferretur, verbi gratia, si furi scalas teneas, quas etiam ille conscenderet ad furandum, si nemo illas teneret, vel si ancilla domine asportet cistam furtivam, ut ei obediat, quam cateroquin ipsa domina asportaret. Verum de hac re recurret iterum sermo, cum de parti-

participante ; & art. 1. sententia opposita Valq. visa est nobis probabilior.

VII. Queritur secundo, An teneatur ad restitutionem solum ille, qui male consulit ex dolo, (puta si confessarius ex malitia dicat non esse obligatum ad restituendum, cum vere tenearis,) an etiam qui male consulit ex culpa gravi; verbi gratia, si confessarius, vel advocatus ex ignorantia graviter culpabili deobligat a restituendo eum qui obligatur?

Respondeo cum Laym. cap. 5. distinguendo; nam vel consulens est persona, quæ ratione sui status, vel muneris doctrinam, & peritiam præferret, ut advocatus, confessarius, consiliarius, medicus, &c.; & tenebitur saltem de culpa lata; immo etiam de levi juridica, quando proprium commodum, verbi gratia, stipendium recipit ex consilio dato; Vel consulens non est talis, & non tenebitur ad restitutionem, nisi ex consilio doloso: Etenim ex *recul. 62. in 6.* nullus ex consilio, nisi fraudulentum sit, obligatur. Ratio discriminis est, quia qui peritiam, & doctrinam præferret, si illa careat, hoc ipso decipit eum, qui per simplicitatem ipsius consilium, & auctoritatem sequitur; Contra vero, si talem peritiam non proficitur; nemo enim prudens ejus consilium sequitur, cujus peritiam prius non exploret.

Hinc sequitur primo, quod si plebejus inconsiderate, sed sine fraude det noxium consilium, quamvis graviter peccet ex ignorantia crassa, immo licet peccet contra charitatem, non per hoc ad restitutionem tenebitur. Ratio est, quia qui ejus consilium sequitur, debet id suæ potius, quam alterius temeritati, & imprudentiæ imputare.

Sequitur secundo, quod si advocatus; confessarius, medicus, &c. ad-

hibeant diligentiam; quam solent alii ejusdem conditionis in dando consilio apto, non teneantur ad ullam restitutionem, si ex consilio dato damnum sequatur; quamvis non secutum fuisset tale damnum, si majorem diligentiam adhibuissent, ut sanius consilium darent; Si tamen eam diligentiam non adhibeant, peccant graviter; & ad restitutionem tenentur, etiamsi sine fraude male consulant.

VIII. Diximus tamen, quod qui stipendium accipiunt, teneantur non solum de culpa lata juridica, sed etiam de levi, non quia peccatum veniale satis sit ad inducendam obligationem restitutionis gravis, sed quia Medicus, Parochus, Advocatus, &c., qui suo munere lucrum reportant, obligantur ad adhibendam majorem diligentiam in dando consilio apto, quam alii, qui solum ex charitate dant consilium omnino gratis; unde si illi non adhibeant majorem diligentiam debitam, peccant graviter, & ideo ad restitutionem tenentur: Facilius itaque ex negligentia, & ignorantia graviter peccat, & consequenter ad restitutionem tenetur Medicus, qui lucrum reportat, & Parochus, quam medicus, vel confessarius, qui ex charitate tale munus exercet, ut notat Bonac. quæst. 2. punct. 7.

IX. Quod si Confessarius, Medicus, Theologus, Concionator, & alii sine culpa gravi dederint consilium noxium, dicendo, verbi gratia, quod non obligetur ad restitutionem, qui revera obligatur, aut e contra; quamvis non teneantur ad rescaciendum damnum, cum non peccaverint graviter, tamen ibi errorem advertunt, tenentur facere quantum possunt ne damnum sequatur, etiamsi cessaverit eorum officium; puta si absoluta sit confessio, aut si non amplius exerceatur munus medici: Ratio est, quia quilibet tenetur non solum ex charitate,

ut

ut putat Sanch. lib. 2. Consil. cap. 4. dub. 5., sed etiam ex iustitia, ut communiter docent Doctores, procurare, ne ex actione sua positive jura alterius lædantur; Et ideo qui inculpabiliter ignem accendit in rebus alienis, tenetur ex iustitia illum extinguere, si commode potest, ut notat Lug. disp. 8. sect. 7. Et qui inculpabiliter alium infamavit, tenetur ex iustitia, ubi id advertit, famam restituere.

X. Quaritur tertio, An reneatur ad restitutionem, qui parato inferre damnum majus consulit, ut inferat minus; verbi gratia, determinato ad occidendum Petrum consulit, ut illum percuciat?

Respondeo cum communiore apud Sanch. de Matrim. lib. 7. disp. 5. num. 14., & Bonac. punct. 7. negative; Sicut enim communius concedunt Doctores, quod volenti omnino facere malum majus, puta adulterium, licitum sit illi consulere malum minus, puta fornicationem; quia tale consilium non est absolutum, sed saltem implicite conditionatum, quatenus si contra castitatem omnino velit ille peccare, potius peccet fornicando, quam adulterando; ita pariter in casu nostro volenti omnino occidere Petrum, licitum est illi consulere, ut potius percuciat. Ratio a priori est, quia utiliter agit negotium alterius, qui volenti ab illo, verbi gratia, furari centum, aut equum, suadet, ut furetur quinquaginta, aut ovem; cum non possit aliter illum divertere a voluntate inferendi damnum majus: Immo, ut notat Bonac. loc. cit. in his casibus non solum est licitum suadere damnum minus, sed etiam quomodo libet ad illud inducere, atque etiam cooperari, verbi gratia, adducendo ovem, quamvis cooperari non possit damno minori, quando actio est intrinsece mala; Quare possumus, verbi gratia, consulere, ut mutet Petrum,

volenti illum occidere, non possumus tamen ad mutilationem cooperari; cum non sint facienda mala, unde eveniant bona. Consilium autem non fertur absolute in mutilationem malam, sed solum conditionate, & proinde solum intenditur defectus majoris mali, videlicet mortis; atque adeo consilium cum teratur in bonum, seu in defectum majoris mali, licitum est: Cooperatio tamen, quæ directe fertur in mutilationem malam est illicita. Addit Sanch. loc. cit. contra hoc, quod si quis consulat damnum omnino æquale, neque ad restitutionem teneatur, quamvis forte peccaret: Et ratio est, quia nullo pacto læderet iustitiam, seu jus alterius, quandoquidem damnum jam exequendum erat in uno genere, & consilium fuit, ut damnum omnino æquale in alio genere fieret.

Dubium majus est, Utrum liceat suadere damnum minus relate ad Petrum parato inferre majus Paulo? verbi gratia, an liceat consulere mutilationem Petri parato occidere Paulum?

Communiter Doctores docent apud Bonac. loc. cit. non licere, ac teneri ad restitutionem, qui tale consilium daret, eo quod esset injurius Petro, qui nec mutilationem, nec aliud damnum esset passurus, secluso tali consilio. Solum licitum est in genere illi suadere, ut potius minus malum, quam majus faciat, (quamvis ille hinc deducat, quod potius debeat a Petro divite, quam a Paulo paupere furari, non vero inducendum illud ad malitiam furti minorem illati diviti, quamvis indirekte hoc sequatur. Immo si quis velit furari a Titio, potest illi dici, quod potius furetur ab alio, neminem in particulari

lari nominando, quia sic avertitur ab illo delicto, & nulli particulari personæ fit injuria.

ARTICULUS IV.

De reliquis positive cooperantibus ad damnificationem.

- I. Positive ad damnificationem concurrunt etiam Consensiens, Adulator, Receptor, & Participans, præter Mandantem, & Consulentem.
- II. Consensiens, nempe Approbans, favens, aut ferens suffragium in delicto, ad restitutionem tenetur, si sic sit causa damni. At quid in dubio an suffragium influxerit in damnum?
- III. Qui ex officio tenetur suffragium ferre, ad restitutionem tenetur, si illud omittat, quando ex tali omissione sequitur damnum.
- IV. Adulator, aut irrisor si sic damnum causet, ad restitutionem obligabitur, si ad id adverterat, quamvis directe illud non intendat.
- V. Quinam dicatur Recursum præbens, ac Receptans? Et quando hic ad restitutionem teneatur? Etiam si rationabiliter dubites, quod ex furis receptione damnum sit secutum, adhuc ad restitutionem obligabitur.
- VI. Campanes, qui charitas, sedilia, lumen concedunt iis, qui aliena pecunia ludunt, ad restitutionem tenentur; non tamen si permittant illos domi sua palam ludere.
- VII. Quis furem receptat amicitia causa, ad restitutionem non tenetur, nisi sic sit causa, quod res furto sublatæ non restituantur, aut quod novum damnum causetur. Quoniam pacto possunt Advocati fures defendere?
- VIII. Si se non receptante furem, ab aliis facile receptaretur, illum adjuvando ad fugiendum, & non

concurrendo ad injustam retentionem, num tenearis ad restitutionem?

IX. Participantis nomine venit, qui præstito auxilio formaliter ad damnum cooperatur.

X. Excusantur participantes, qui gravi meum adiguntur ad opus non malum inirritescit; ut qui remigant capis a Turcis in irremediis adversus Christianos; aut qui meum mortis præbent furi claves ad furandum.

XI. Quid si quis adjuvet furem, qui sine tali auxilio adhuc idem furum salurus esset?

XII. Prævidens quod furium, aut homicidium sit imputandum alteri innocenti, tenetur etiam huic damnum, quod inde reperiatur, compensare.

I. PRÆTER Mandantem, & Consulentem, positive etiam ad damnificationem cooperatur Consensiens, Palpo, Receptor, & Participans, de quibus sigillatim agendum.

II. Quæritur primo, Quisnam dicatur, & quando teneatur ad restitutionem Consensiens?

Respondetur, Consensientem dici, qui approbat damnificationem, aut favet, aut fert suffragium in delicto; Verbi gratia, si quis e Magistrali, vel Capitulo suffragium, vel consensum præstet ad decernendam legem damnosam, aut ad eligendum indignum, & Ecclesiæ perniciosum. Ut autem consensientem ad restitutionem teneatur, requiritur, ut damnum ex vi suæ approbationis, vel suffragii sequatur, ut diximus de mandato, & consilio; aliter non dicitur causa ethica damni. Quare si Princeps, verbi gratia, decernat firmiter legem injustam, & deinde advocet Senatores, ut illam approbent, peccant quidem Senatores approbando, sed ad restitutionem.

tutionem non tenentur, quia eorum approbatio non influxit in legem injustam, utpote jam antea decretam. Quod si dubitetur an influxerit approbatio, dubium decidendum est, sicut diximus articulo superiore num. 4. de Consilio, in dubio an influxerit ad damnificationem. Quod si damnum decernendum sit a quinque suffragantibus ad plura suffragia, & post tria sufficientia addatur quartum non necessarium, art. 1. num. 5. resolvimus, an teneatur ad restitutionem, quidam hoc quartum suffragium, sive secretum fuerit, & incertum, sive publicum, & certum.

III. Illud hic dumtaxat notandum cum Molin., Dian. part. 3. tract. 2. resol. 6., quod non solum qui fert suffragium injustum ad restitutionem teneatur, si sit causa efficax damni, sed etiam qui non fert suffragium, ad quod ex officio tenetur, quando tale suffragium in bonum alicujus, vel Reipublicæ redundaret. Ex quo infert Dian., quod qui ex officio tenetur, non potest licite abesse, veluti renunciando favori, quem habet ferendi suffragium, sed debet omnino illud ferre, ita ut si ex defectu sui suffragii damnum aliquod sequatur, non solum peccet non ferendo sententiam, seu suffragium, sed etiam ad restitutionem teneatur, quippe qui ex iustitia tale damnum impedire tenetur, cum ex officio suo debeat suffragium ferre, a quo damnum impediatur.

IV. Quæritur secundo, Quisnam dicatur, & quando teneatur ad restitutionem Palpo, seu Palpator?

Respondeo, Palpatorem dici, qui laudando, vel adulando alium, aut econtra irridendo, & notando illius iniquitatem, est causa efficax damnificationis: puta si quis commemorando hominis injuria affecti nobilitatem, corporis vires, &c., vel exaggerando acceptam contumeliam, dedecus, &c.,

illum ad injustam vindictam, & damni illationem concitet. Teneatur autem ad restitutionem Palpo, etiam si non laudet, aut irrideat animo, ut damnum alteri inferatur; Satis enim est, si praveat damnum ex tali laude, aut irrisione secuturum; Si tamen inculpabiliter ad id non adverteret, certum est, quod ad restitutionem non teneatur ob defectum voluntarii. Requiritur etiam ut alter sine tali adulatione damnum non esset illaturus ad hoc, ut palpator ad restitutionem teneatur, ut diximus de consentiente, mandante, consensente.

V. Quæritur tertio, Quisnam dicatur, & quando teneatur ad restitutionem Receptans?

Respondeo, quod Receptor, seu recursus præbens dicatur ille, qui latroni, verbi gratia, antequam furtum committat, præbet habitationem, equum, pecuniam, honores, officia, favores apud principes, & Magistratus; necnon qui retinet illum in amicitia, aut defendit in judicio, & similibus aliis auxiliis quomodocumque fovet, ac nutrit, securitatemque præstat ad damnificandum, aut ad non restituendum. Hujusmodi autem Receptor procul dubio ad restitutionem tenetur, eo quod sit causa efficax damni.

Ut autem ad restitutionem teneatur, requiritur Primo, ut damnum secutum sit ex tali recurso, quia nimirum fur ex tali recurso movetur vel ad damnificandum simpliciter, vel ad damnificandum cum majori securitate; ut si quis furetur, quia habet Advocatum, vel Judicem, a quo defendatur, vel liberetur; aut si occidat, quia amicus promissit recipere illum domi suæ, vel commodare equum, quo fugiat; vel quia habet amicitiam Principis, a quo protegitur; aut si quis officialis ferat sententias injustas propter officium sibi datum a Principi.

pc.

pe. Secundo requiritur, ut talis receptans credat, aut dubitet probabiliter damnum futurum ex tali recurſu, aut quod id ignoret ignorantia craſſa; hæc enim ignorantia in caſu noſtro æquiparatur ſcientiæ; ſicuti etiam æquiparatur ſcientiæ rationabilis dubitatio de damno; nam qui rationabiliter dubitat, an ſit futurum damnum ex ſua receptatione furis, & adhuc illum recepat, exponit ſe periculo cauſandi damnum injuſtum: Ex Eccleſiaſt. enim *Qui amat periculum, peribit in illo.*

VI. Ex dictis ſequitur primo, quod parentes, conſanguinei, amici, elemoſynarii, alique, qui domi retinent filios, conſanguineos, amicos, hoſpites, illique tribuunt neceſſaria eorum ſtatu, non peccent, nec teneantur ad reſtitutionem, quamvis advertant ex negatione talium rerum neceſſarium eos ceſſaturos a damnificando: Ratio eſt, quia quamvis ſine his rebus neceſſariis non fieret damnum, (ſicut neque ſine conſervatione divina,) tamen neque ex natura rei, neque ex intentione operantis hæc ſunt ordinariæ media ad damnificandum; neque enim ideo quis occidit, aut furatur, quia in hac domo habitat, vel quia comedit, &c.: Dixi, ordinariæ, nam ſi aliquando ea eſſent media ad damnificandum, ut ſi quis haberet hinc majorem opportunitatem furandi, tranſeundo, verbi gratia, ex hac in aliam domum, in qua furetur, certe non poſſent ea præſtari ſine culpa, & onere reſtitutionis. Hinc Bonac. punct. 9. num. 3. cum Molin., & aliis ad reſtitutionem obligat Cauponarios, qui concedunt ſedilia, menſas, lumen, chartas iis, qui ludunt aliena pecunia, non tamen ſi illis nihil neceſſarii præbent ad ludendum, ſed ſolum permittunt, quod in ſua domo ludant, nec illos occulant, &c.

VII. Sequitur ſecundo, quod qui

Part. III.

poſt factum furtum recipit domi ſirem, aut illum adjuvat, ut fugiat ratione conſanguinitatis, vel neceſſitatis, vel ob metum mortis, aut humanitatis, vel hoſpitiæ cauſa, neque teneatur ad reſtitutionem; modo non concurrant hæc duo; primum, quod talis recurſus non ſit probabiliter cauſa novi damni, aut cauſa ne reſarciatur damnum illarum; tunc enim recurſus eſſet cauſa efficax hujus novi damni; atque adeo reciperetur fur non ſoluma materialiter, ſed etiam formaliter; ut loquitur Sayrus lib. 10. tract. 2. cap. 2. Unde recurſum præbens ad reſtitutionem tenetur: Secundum eſt, quod talis recurſus non impediatur, ut diximus, damni illi reſtitutionem. Unde Medin. quaſt. 2. dub. 2. ad reſtitutionem obligat eos, qui pro fure apud Principem, vel Judicem intercedunt, ne male ablata reſtituere cogatur; aut alias favorem impendunt, quominus poſſint aliena recuperare, factum excuſando, & reum deſcendendo, ut paſſim, inquit, Advocati facere ſolent: Quamvis Molin. diſp. 733., Dicant, & alii excuſant Advocatos, & Procuratores, quando defendunt in judicio fures, excuſando eos in iis dumtaxat, in quibus ipſimet fures poſſent ſe juſte in judicio defendere, ut poſſunt, quando delictum eſt occultum, aut ſemiplene probatum, aut quando injuſte vexantur, juris ordine non ſervato. Ratio eſt, quia in his caſibus Advocati non defendunt fures in quantum fures, ſed in quantum habent juſ ſe defendendi in prædictis.

VIII. Eodem pacto Leſſ., Lug., Bonac. punct. 9. excuſant eum, qui poſt commiſſum delictum a fure, hunc abscondit, & adjuvat ad fugiendum; Si enim non dat ſpem refugii in poſterum, nec alio modo concurrat ad injuſtam retentionem rei furtivæ, non cenſetur cauſa efficax damni; Unde ſicuti licitum eſt delinquenti fugere; ita pari-

K

ter

ter licitum est aliis illum adjuvare ad fugiendum. Aliam etiam excusationem dat Rebel. apud Tambur., quando scilicet si non reciperetur a te fur, æque ab aliis in suo diversorio reciperetur; Etenim cum in tali casu damnum a fure certe inferendum sit, non censuris tu causa efficax damni per hoc, quod furem abscondas. Ex quibus patet, quomodo intelligenda sit excommunicatio in Bulla Cœnæ contra receptatores hæreticorum; intelligenda est de receptatoribus hæreticorum formaliter, seu in quantum hæretici sunt, non materialiter.

Sequitur tertio, Magnates, Parentes, dominos teneri ad restitutionem damnorum, si vassalli, filii, servi damnum inferant, fidentes eorum potentie, & protectioni; dummodo illi hoc advertant, & dissimulent. Ratio est, quia censentur causa efficax damni.

Sequitur ultimo, eos, qui res furtivas receptant, & quomodocunque conservant pro fure, teneri ad restitutionem, quamvis nihil ex iis rebus sibi retineant; Etenim receptatio rei alienæ ad hoc, ut dominus non possit illam recuperare, est evidens damnificatio proximi. Quare si quis abscondit domi suæ furem cum spoliis fugientem, potest quidem, ut diximus cum Less., furem non manifestare, sed teneatur, si potest, sine gravi incommodo, aut metu non dare illa spolia furi, sed domino; etiamsi promississet, jurasset, & vovisset dare illa furi; quandoquidem votum, & juramentum de re illicita non obligant, cum non sint vinculum iniquitatis, ut notat Navar. lib. 3. cap. 4.

IX. Quæritur quarto, Quisnam dicatur, & quando teneatur ad restitutionem Participans?

Respondeo, nomine Participantis non venire, qui quomodocunque ad damnificationem cooperatur; sic enim

confunderetur cum mandante, consulente, & aliis, sed venire, qui præstito auxilio, vel subsidio ad damnum inferendum formaliter cooperatur; ut esset Notarius conficiens instrumentum usurarium, & testes subscribentes in gratiam mutuantis, faber ferrarius subministrans clavem ad furandum, qui scalas furi tenet, qui comitatur, eique assistit animi augendi causa, qui vigilem, & exploratorem agit: Item qui simul furtum exequuntur, necnon mediatores, seu proxenetæ, (vulgo Sanfari,) qui ad contractus usurarios in gratiam mutuatoris inducunt, & pecuniam usurariam exigunt; Vel qui vendunt, aut distrahant res, quas alter furatus est; Omnes isti ad restitutionem tenentur, tanquam participes furti, cum sint pariter causa efficax damni.

X. Excusantur primo non solum ab onere restituendi, sed etiam a culpa, qui gravi metu coacti participant in opere non intrinsece malo; Sic excusantur Christiani capti a Turcis, si metu mortis, vel gravis incommodi coacti remigant in triremibus adversus Christianos; talis enim actio non est intrinsece mala, cum Turcæ possint eis bene uti, ut communiter docent Doctores apud Bonac. hic contra Navar. cap. 27., & alios; Contra vero, neque a peccato, neque ab onere restitutionis excusantur iidem Christiani, si metu mortis compulsi ignem bombardis admoveant non ad terrendum solum, sed ad occidendos Christianos; aut si sagittas emittant, &c.; talis enim actio occisiva innocentis, & injuste damnificativa est intrinsece mala, ut notat Vasq. cum aliis; Immo nec excusantur a remigando ex Bonac., quando ex remigatione magnum Reipublicæ Christianæ incommodum oritur; quia bonum publicum præferendum est privato.

Excusantur pariter, qui metu mor-

tis compulsi præbent furi claves, aut instrumenta ad furandum, scalas tenent, &c., quia hujusmodi actiones sunt indifferentes; & quamvis proxime ad peccatum concurrant, metus tamen mortis sufficiens est ad excusandum, qui materialiter peccato alterius cooperaretur. Nemo autem potest arcas alienas effringere immediate, aut res alienas e fenestra projicere, metu injecto, nisi faciat animo compensandi damnum, aut nisi credat dominum non fore rationabiliter invitum, puta si projiciendæ non sint gravis momenti, & metus injectus sit valde gravis, ut notat Lessl. apud eundem Bonac. Proscripta tamen est ab Innoc. XI. thesis 31., quæ habet: *Famulus, qui submissis humeris scien- ter adjuvat herum suum. ascendente per fenestras ad stuprandam virginem, & multoties ei subsevit, deferendo scalas, aperiendo januam, aut quid simile, cooperando non peccat mortaliter, si id faciat metu notabilis detrimenti, puta ne a domino male trahatur, ne corvis oculis aspiatur, ne domo expellatur*: De qua plura notavimus in Trutina damnatarum thesium illam exponendo.

Excusantur demum, qui materialiter cooperantur ad damnum, quando cooperatio est remota, & etiam sine tali cooperatione damnum ab altero fieret; Exemplum affert Paludan. apud Laym. de famulo usurarii, qui pecunias jussu domini numerando, aliud non facit, quam suas manus denigrare; quandoquidem etiam secluso auxilio famuli ab ipso met domino pecuniarum numerarentur; & præterea actio numerandi pecunias, ad quam famulus concurrat, est de se indifferens, & non intrinsece mala, nec immediate concurrens ad usuram: Aliud exemplum affert Laym. de ancilla, quæ dominæ suæ obediens asportat cistam furtivam, quam ceteroqui ipsa domina asportaret.

XI. Quod si sine auxilio famulæ domina cistam asportare non posset, famula non liberaretur ab onere restitutionis, etiam si non deesset alia famula, a qua asportaretur, ut notavit Adrian.; quia vere concurreret ad furtum efficaciter; Neque enim fuit excusatur a restitutione, quando furatur rem, quam alius furaturus esset, nisi præveniret, ut notat Navar. loc. cit. Ubi etiam docet ex D. Th., Participantem non teneri ad restitutionem, quando non fuit causa, sine qua non: Verbi gratia, quando quis comitatur furem, qui sine tali comitatu adhuc sine dubio tale furtum esset commissurus, tunc comitatus ad restitutionem non tenetur: Immo si Petrus ad juvandum furem sapientem centum, ipse rapiat quinquaginta, quamvis adjuvet furem, tamen non tenetur restituere, nisi solum quinquaginta, quando sine suo auxilio adhuc fur esset rapturus illa centum, nec uterque ad totum furtum concurrat, sed singuli ad partem suam. Hæc probabiliter, sed probabilior videtur opposita sententia Vass., ut diximus articulo superiori.

XII. Queritur ultimo, An quando damnum, puta furtum, vel homicidium factum a Titio, putatur factum a Cajo, qui proinde incarcerationatur, facit multas expensas, non lucratur, &c., teneatur Titius non solum reparare damnum illatum tertio per furtum, aut homicidium, sed etiam reparare damnum Caji innocentis, cui tale furtum, aut homicidium imputatur.

Respondeo tunc solum teneri ad reparanda damna Caji innocentis, quando ante factum prævidit delictum suum imputandum Cajo, ut docet Cardinal. lib. 2. quæst. 31. art. 3., quia tunc damnum Caji innocentis esset a se volitum, saltem in causa; & ideo sibi imputaretur ad culpam contra iustitiam: Non tenetur autem in his tribus casibus, primo si non prævidit,

K 2

quia

quia malum non praviſum in ſua cauſa non poteſt pertinere culpabiliter ad peccatum, & volitionem cauſæ. Secundo, ſi damnum Caji innocentis poſtea cognitum placeret; quia hoc non eſſet peccatum injuſtitie exterioris, ſed interioris, quæ non trahit o-nus reſtitutionis. Tertio, ſi Titius dam-nificator prævidet ex ſuo facto ſe-cuturam legitimam condemnationem Caji vere nocentis; tunc enim eſto peccat contra charitatem, at non contra juſtitiam, cum Cajuſ meritis pœ-nas luat; Sicuti non peccat contra juſtitiam, nec reſtituere tenetur, qui contra charitatem non præmiſſa cor-rectione fraterna accuſat, aut denun-ciat aliquem delinquentem, qui nihil injuſte patitur.

ARTICULUS V.

De Cooperantibus negative ad damnificationem.

- I. *Ad reſtitutionem tenentur Mutus, Non obſtans, Non manifeſtans, ſi contra juſtitiam peccent non impediendo damnum proximi.*
- II. *In his oritur obligatio ex juſtitia, non ſolum ex contractu, ſed etiam ex quaſi contractu, ſeu ex officio.*
- III. *Qui omittit impedire damnum, quod etiam poſito impedimento ſequeretur, ad reſtitutionem non obligatur, nec peccat, quamvis ex juſtitia ſecundum ſe impedire illud teneatur.*
- IV. *Teſtis legitime interrogatus, qui non deſegit veritatem, promiſſe debet ex juſtitia legali, non tenetur probabiliter ad reſtitutionem damni, quod inde ſequitur.*
- V. *Nec tenetur Confeſſarius, immo probabiliter nec Parochus, qui culpa-biliter omittit monere poenitentem de reſtitutione facienda. Nec Pa-ter, ſi filiis deneges alimenta, qua ex pietate iis debet.*

VI. *Famuli non tenentur ad reſtitutio-nem, ſi non impediunt furta domeſticorum; ſecus vero extraneorum.*

VII. *Cuſtodes veſtigialium, ſaluum vi-næ ad reſtitutionem damni tenen-tur, ſi illud non impediunt; non tamen ad reſtitutionem pœna, quam deberet ſolvere delinquens.*

VIII. *Judices, & Episcopi ſi malo ſuo exemplo alios inducant ad furan-dum, probabiliter ad reſtitutionem damni non tenentur. Sed probabilis eſt, quod teneantur; Unde probabilis Episcopi cenſuras, & irregularita-tem incurrunt, ſi non impediunt percutionem Clerici, & homicidia.*

IX. *Qui non tenetur ex juſtitia revelare ſuam, poteſt ab eo aliquid accipere ne revelet; dummodo illud non ſit pars furſi; nec per hoc fur red-datur animoſior ad furandum. Quid ſi hic legitime a Jndice interro-gatur de fure?*

I. **M**UTUS, Non obſtans, Non ma-niſeſtans dicuntur negative ad damnificationem cooperari. Eſt au-tem mutus, qui loquendo, reprehen-dendo, clamando, conſulendo poteſt impedire damnum proximi. & tamen tacet: Non obſtans vero dicitur, qui poteſt damnum impedire obſtando, ſeu præbendo ſuum auxilium, & ope-ram, & tamen non præbet: Demum dicitur non manifeſtans, qui poteſt revelare, aut damnum inferendum, ne inferatur, aut damnum illatum, ut reſarciatur, & tamen non revelat.

Quæritur nunc primo, Quando ad reſtitutionem teneantur iſti, qui nega-tive cooperantur ad actionem injuſtam?

Reſpondeo, ut ad reſtitutionem te-neantur, non ſatis eſt, quod pecca-riat contra charitatem, non præbendo auxilium, non revelando, ſed debent peccaſſe contra juſtitiam; atque adeo niſi ex juſtitia teneantur impedire da-mnum proximi, quamvis negative ſe

gerant, & illud non impedian, non per hoc ad restitutionem tenentur. Ratio est, quia ex dictis onus restituendi contrahitur ex sola culpa gravi contra iustitiam commutativam.

Adde, quod etiam qui ex iustitia tenentur impedire damnum proximi clamando, &c., si non possint id facere sine gravi incommodo, cum excusentur a tali obligatione ratione gravis incommodi, nec peccant, nec onus restitutionis contrahunt, si negative se gerant; Nisi tamen aliquid aliud exposcat pactum, ut in milite, & in Parocho, &c., qui etiam cum gravi incommodo tenentur ex iustitia impedire hostium incursum, hæreses, &c.

II. Oritur autem obligatio ex iustitia non tantum ex contractu, sed etiam ex quasi contractu, hoc est ex officio; qui enim ex officio obligantur ad damnum impediendum, obligantur ex quasi contractu, seu ex contractu implicito: Unde Principes ex iustitia tenentur impedire in suis terris damna a latronibus, a feris, &c.; Tutor, Curator, ac Ministrator impedire damna pupillis, minoribus, Ecclesiis provenientia; Assessor, Consiliarius, Canonicus impedire iniquam constitutionem, electionem, &c. Proinde si tacendo, vel se absentando illam non impedian, ad restitutionem tenentur.

III. Præterea liberatur tam a culpa, quam ab onere restitutionis, qui omittit impedire damnificationem, quando etiam posito a se impedimento damnum eodem modo aliunde sequeretur; tunc enim positio impedimenti esset otiosa, & omissio non potest dici causa efficax damni; quamvis peccaret saltem contra charitatem, qui omitteret ponere impedimentum eo animo, ut damnum ex illo etiam capere sequatur.

Infertur ex dictis primo cum com-

muni contra Angel. apud Bonacin., quod si quis negative se habeat ex odio, ut damnum alteri sequatur, si non teneatur ex iustitia, sed solum ex charitate tale damnum impedire, non obligetur ad restitutionem. Ratio est, quia illud odium, utpote internum, nullo pacto est causa externi damni; Ipsum vero silentium externum, & omissio auxilii, cum sint quid negativum, non sunt causa damni positivi, quando non important omissionem actus debiti ex iustitia; ergo nisi ex iustitia aliquis teneatur impedire damnum alterius, ad restitutionem non obligatur. Immo si quis ex pravo animo, non tamen vi, vel fraude impediatur Titium volentem obstatere furi, & impedire damna Caji, ad quod Titius ex charitate solum tenebatur, neque ille est reus restitutionis, ut communiter docent contra Navar. Ratio est, quia si non peccat contra iustitiam Titius non obstando, a fortiori nec ille, qui impedit Titium, ne obstat, cum is sit magis remota causa damni, quam sit Titius. Neque tenetur ad restitutionem, qui sine vi, & fraude, sed sola suasionem obtinet, ne Titius det eleemosynam alteri, quam non debet ex iustitia, ut communiter docent contra Medin., quia non tollit ab eo aliquid, ad quod habeat jus.

IV. Infertur secundo cum Sylvest. Less. Dian. part. 3. tract. 5. resol. 14. contra Tolet., Rebel., Reginald., excusari testes a restitutione damni secuti, si iudice interroganti veritatem non manifestent. Ratio est, quia licet testis obligetur ex iustitia legali, & ex charitate ad veritatem aperendam, non est tamen certum, quod ad id obligetur ex iustitia commutativa; cum non obligetur ex contractu, neque ex quasi contractu, seu officio.

V. Infertur tertio ex Bonac., non

teneri ad restitutionem parentes, si negent filiis alimenta; quia non ex iustitia, sed ex pietate tenentur illa subministrare: E contra tenetur ad restitutionem dominus, si denegat famulis alimenta, ad quae ex contractu se obligavit. Praeterea probabiliter nec tenetur ad restitutionem Confessarius, si ex malitia omittat monere poenitentem, ut restituat. Ratio est, quia probabiliter ne Parochus quidem tenetur ex iustitia prospicere bono temporali aliorum, sed solum bono spirituali suarum ovium, ut diximus quaest. 1. art. ult. cum Bonac.; quamvis opposita sententia utriusque Navarri, & Lessii lib. 2. cap. 13. dub. 10. visa nobis sit probabilior.

VII. Inferitur quarto, famulos non teneri ad restitutionem, si non impediant furta, quae a domesticis, & a confamilis fiunt, quando ipsis non est demandata cura illarum rerum. Ratio est, quia quamvis ad id teneantur ex charitate, quando facile, & sine suo gravi incommodo possunt, non tenentur tamen ex iustitia: E contra ad restitutionem obligantur, si non impediant furta extraneorum, (quibus comparatur fur domesticus, si congreget res domini, ut noctu cum illis lugiatur:.) Etenim ex contractu famulatus, atque adeo ex iustitia ad id obligantur, ut notat Navar. cum aliis apud Laym. hic, & Bonac.

Inferitur quinto, Custodes vinearum, saltuum, vestigalium, &c. obligari ad restitutionem damni, quod dominus patitur, si non impediunt fures, venatores, piscatores, & fraudantes vestigalia, cum ad id ex iustitia, seu vi pacis, & officii teneantur; etiam si aliquando ipsi, qui fraudant vestigalia, aut venantur, &c., non peccent.

Dubium hic est, An huiusmodi custodes teneantur etiam ad restituendam poenam, quam delinquentes solvuntur, si accusari essent?

Affirmant Rebel., Molin. Navar.; Sed probabilius negant Vasq., & alii communius apud Bonacin. hic; tum quia non est ea praxis; tum quia custodes videntur ex pacto solum obligari ad impediendum damnum, non vero ad locupletandos dominos talibus poenis; tum demum quia ad has poenas non habent domini jus ante sententiam iudicis; ergo custos impediens, ne domini eas poenas consequantur, non violat jus ab iis acquisitum; atque adeo non peccat contra iustitiam, nec tenetur ad restitutionem. Denique Laym. hic medius inter utramque sententiam oppositam putat, Custodes non teneri ad restitutionem poenae, si reos deprehendere intermittant, aut negligent: Contra vero, si postquam illos deprehenderint, negligent exigere multam debitam; quia in tali casu jus magis propinquum ad poenam acquisitum est a dominis, idque custodes ex officio suo exequi tenentur.

VIII. Inferitur ultimo, non teneri ad restitutionem, qui alium induxit suo malo exemplo ad furtum, vel homicidium. Ratio est, quia quamvis hic peccet peccato scandalii contra charitatem, non violat tamen directe legem iustitiae; sicuti eam violat qui iussit in damnum alterius suo consilio, aut non impedit damnum, cum teneatur ex contractu, vel officio illud impedire. Ita Bonac. ex Sanch. lib. 2. cap. 6. num. 5. Additque neque teneri ad restitutionem, qui aliquid facit intendens suo malo exemplo inducere alios ad furtum, vel homicidium. Ratio est, quia obligatio restituendi non oritur ex ullo actu pravo interno, sed solum ex opere externo injusto.

Utrum autem Episcopi, vel Iudices, qui malo suo exemplo alios inducunt ad furta, vel homicidia, teneantur ad restitutionem? Lis est apud

pud Doctores: Sanch., & Sal. apud eundem Bonac. negant, quia quamvis Episcopi teneantur ex officio, atque adeo ex iustitia pascere subditos bono exemplo, verbis, & sacramentis, atque adeo peccent contra iustitiam erga subditos, si pravo suo exemplo illos inducant ad culpas: At non tenentur ex iustitia conservare vitam, bona, & facultates ullius, sive subditi, sive non subditi; Unde non peccant contra iustitiam adversus illos, qui occiduntur, aut damnificantur ratione mali exempli præstiti: Sicut propter eandem rationem multi, ut diximus, probabiliter docent, non teneri ad restitutionem Parochum, si ex malitia nolit monere poenitentem, ut restituat; quia ex iustitia solum tenetur bene exercere munus Parochi, & prospicere bono spirituali poenitentis, non bono temporali aliorum. Iudices etiam juxta hanc sententiam excusantur a restitutione, si malo suo exemplo inducant alios ad damnificandum; quia quamvis ex iustitia teneantur impedire volentes inferre damna, & eos ad satisfaciendum inducere, non tenentur tamen ex iustitia, & ex officio præbere bonum exemplum aliis, cum non sint Pastores; unde non tenentur ex iustitia impedire, ne alii suo pravo exemplo inducantur ad damnificandum; atque adeo si alios sic inducant ad damnificandum, non tenentur restituere.

Verum probabilior videtur sententia Bonac., quod tam Episcopi, quam Iudices ad restitutionem teneantur in casu adducto. Ratio est, quia inducere aliquem suo pravo exemplo, verbi gratia ad furtum, saltem perinde est, ac non impedire furtum; sed ille, ad quem ex officio spectat impedire furtum, peccat contra iustitiam, & tenetur ad restitutionem, si non impedit; ergo Episcopi, & Iudices, quibus ex officio, atque adeo ex ju-

stitia competit impedire furta, & alia damna, peccant contra iustitiam, & tenentur ad restitutionem, si suo pravo exemplo alios ad furandum inducant.

Hinc fit, quod licet censuræ, & irregularitas non incurrantur ab eo, qui non impedit, verbi gratia, percussione Clerici, & homicidium, nisi ad id teneatur ex officio, ut communiter Doctores docent; tamen Episcopi, & Iudices, si non impediunt, aut malo suo exemplo ad id alios inducant, contrahunt censuras, & irregularitatem; quia juxta probabiliorē sententiam Bonac., ea ex officio, & iustitia impedire tenentur: Quamvis probabilis sit opposita sententia Sanch. lib. 1. Summæ cap. 6. numer. 5., quod censuras, & irregularitatem non contrahant; quia non violant probabiliter legem iustitiæ, si suo malo exemplo alios inducant ad percussione Clerici, & ad homicidium; cum non teneantur ex iustitia impedire, ne alii suo exemplo damnificent.

IX. Quæritur secundo, An possit quis aliquid accipere a fure, ne furtum revelet, quin ad ullam restitutionem teneatur?

Respondeo, quod si quis non teneatur ex iustitia, sed solum ex charitate revelare, & res accepta non sit pars furti, quamvis peccet contra charitatem, si potest sine suo incommodo furtum illud impedire, & non impedit, non peccat tamen contra iustitiam aliquid accipiendo a fure, ne furtum revelet; Unde ad restitutionem non tenetur. Ita communiter. Etio Trullench. lib. 8. cap. 3. dub. 3. putet, quod universim qui potest excusare, quamvis ad id non teneatur, non possit pecuniam accipere ne accuset, quia hoc est quædam gratia, quæ non est pretio æstimabilis; Probabile tamen est, quod non teneatur restituere, si quicquam accipiat.

No.

Notandum autem cum Less. lib. 2. cap. 24. num. 68., & aliis apud Laym., quod si fur ob id factus animosior est, & securior; itaque ceteroqui non esset furaturus, qui pecuniam accepit a fure, tenetur restituere damnum per furtum illatum; quia in tali casu obligando se ad non revelandum, cenietur insuere in furtum. Non tenetur tamen restituere pecuniam a fure acceptam, nisi sit pars furti, quia accepta ob turpem causam retineri possunt post factum; quamvis non ante factum; quia ante delictum quilibet tenetur rescindere contractum, quo se obligavit delictum illud committere, ut fufius dicemus quæst. sequenti art. 1.; Etenim obligatio ad peccandum ipso jure est irrita.

Quod si pecunia non sit data a fure animo obligandi illum ad tacendum, sed absolute donata fuerit animo alliciendi illum ad tacendum, potest illi pecuniam illam, si non sit furtiva, retinere, etiam ante delictum commissum; quia hæc censetur absolute donatio: Sicuti si quis donet meretrici aliquid præcise ad alliciendam illam ad peccatum, potest illud a meretrice retineri, etiamsi donans ita sit affectus, ut non donaret, si crederet illam ea via non esse inducendam ad peccatum; Idemque omnino dicendum de eo, qui pecuniam accipit a fure, ne in iudicio interrogatus iuridice revelet furtum: Etenim quamvis mentiendo in iudicio peccet contra iustitiam legalem, non tamen contra commutativam; unde ad restitutionem non tenetur. Ita Molin., Less., Dian. part. 3. tract. 5. resol. 32. contra Tolet., & Reginald.

ARTICULUS VI.

Quantum singuli restituere teneantur; quando plures ad damnificationem coperati sunt?

- I. Si plures ad damnificandum concurrant, singuli in solidum ad restitutionem tenentur, quando singulis non cooperantibus totum damnum non causaretur.
- II. Si vero singulis deficientibus adhuc damnum causaretur, tunc singuli tenentur solum ad partem dampni pro rata sui influxus.
- III. Milites Urbem diripientes inijste, quamvis nonnihil invicem animantur, non tenentur ad restitutionem, nisi ad id quod singuli diripuerunt: At Dux ad restitutionem totius dampni ab exercitu causati obligatur; Sicut etiam Consiliarii, Exploratores, &c.
- IV. Si tamen sint suo consilio adhuc damnum causaretur, tunc pariter partialiter ad restitutionem obligantur pro rata influxus.
- V. Quando duo ingrediuntur domum ad furandum centum, itane unus sine altero non ingrederetur, tunc uterque teneat in solidum restituere.
- VI. Videtur diversimode discurrendum, si a pluribus idem damnum causetur, ac si diversum. Nam si ad idem concurrant, omnes restituere debent in solidum, quamvis singuli sine aliis totum damnum non inferrent: Secus vero si concurrant ad damnum diversum.
- VII. Nam peccet mortaliter, qui medicum furatur, advertens, quod alii plurimi pariter medicum ab eodem domino furentur, aut furati sint?
- VIII. Si excommunicatio feratur contra hos plurimos, si non restituant medicum illud, quod abstulerunt.

talis excommunicatio supponit peccatum mortale, si minus iniustitia propter medicum illud, quod restituitur, scilicet inobedientia.

IX. Qui per plura furtula devenit ad materiam gravem, sicut sub gravi ea restituenda sit, num peccet lethaliter, si addat aliud furtulum?

R Eliquum est examinare, Utrum quando plures ad damnificandum concurrunt, singuli teneantur restituere in solidum, an vero solum partem suam? Ac demum in sequenti articulo discutiemus, Quonam ordine restituere debeant, qui tenentur in solidum restituere? De ordine tamen servando inter personas, quibus facienda sit restitutio, quando bona debitoris non sufficiunt omnibus creditoribus, dicemus quæst. 5. art. 5.

Quæritur itaque primò, Utrum quando plures vel physice, vel moraliter concurrunt ad damnificationem participando in actione aliqua iniusta, singuli teneantur restituere totum damnum in solidum, an vero solum partem illam, quæ ad eos pervenit? Sicut qui solum participant de præda, & non participant in damnificatione?

Respondeo cum Tambur. cap. 3. §. 8., duas regulas adhibendas esse ad decisionem hujus quæstioni, quod varie, & confuse a Doctoribus agitur. Prima regula est, quod quando quis ita ad damnum concurrat, ut sine illo non fieret totum damnum, tunc singuli teneantur illud rescire in solidum, ita scilicet, ut non restitueret alio partem suam, totum ipse debeat. Verbi gratia, si duo concurrant ad rapiendam arcam pecunie, quam alter sine altero non raperet, quamvis dividant deinde pecuniam furtivam, adhuc uterque tenetur in solidum pecuniam restituere: Eodem modo si fur sine

Part III.

consilio Titii non esset furaturus centum, tam fur, quam Titius tenentur in solidum restituere centum. Ratio est, quia uterque in tali casu est causa totalis totius damni, non quia alter ponat damnum sine auxilio alterius, sed quia alter poterat adæquate impedire totum damnum non concurrendo ad injustam actionem; cum autem non impedierit, ipsi totum damnum imputabitur, & per hoc uterque dicitur causa totalis damni.

Ex quo sequitur, quod si quatuor verbi gratia, ferentes suffragium concludant sententiam injustam, quæ non concluderetur, si unum ex iis suffragiis deficeret, tunc omnes quatuor teneantur in solidum restituere: Contra vero, si conclusa jam sententia iniusta tribus suffragiis, accedat Titius quarto suffragio non necessario ad concludendum, peccat quidem Titius, sed ad restitutionem non tenetur, ut explicavimus art. 5.

II. Secunda regula est, quod quando quis ita ad damnum concurrat, ut sine illo, & nullo alio subrogato, adhuc a reliquis totum damnum fieret, non obligetur ad restituendum, nisi partem damni, mensurandam arbitrio viri prudentis juxta mensuram influxus præstiti ad tale damnum. Ratio est, quia cum obligatio restitutionis oriatur ex damno illato, & in tali casu qui ita concurrat, non sit causa efficax totius damni; (quandoquidem etiam sine ipso, & nullo alio superveniente totum damnum fieret a reliquis) sequitur, ut non debeat restituere totum damnum, sed solum partem, juxta mensuram sui influxus.

Hinc infertur primo cum Navar., Less., Valent. contra Molin., & alios apud Laym. cap. 6. num. 5., milites gregarios probabiliter non obligari ad restitutionem totius damni, quod sit ab exercitu in bello iniusto. Ratio est,

L. est,

est, quia ita singuli concurrunt ad inquam expugnationem urbis, ut etiam singulis sublati, & nullo alio superaddito, eodem modo Urbs diriperetur, & præterea nemo ex illis procuravit, ut alius urbem expugnaret: Contra vero Dux tenetur ad restitutionem totius damni, quod fit ab exercitu; quia dux est causa, ut fiat a militibus totum damnum iniustum. Et idem dicas de Consiliario, Exploratore, & aliis, sine quibus totum damnum non fieret.

Neque dicas, quod etiam singuli milites sint causa totius damni, quia invicem se animant; ergo sicut dux, ita milites gregarii tenentur ad totum in solidum. Nam contra est, quia valde exigua, & fere nulla est animatio concepta a militibus ex præsentia singulorum seorsim, & etiam seclusa tali animatione, quæ habetur a singulis seorsim, eodem modo Urbs diriperetur: ergo ex tali animatione non fit, quod singuli sint causa efficax totius damni. Ubi econtra sine duce non eodem modo Urbs diriperetur, nisi subrogaretur alius dux; ergo dux dicitur causa efficax totius damni, & consequenter dux, non milites ad restitutionem totius damni tenentur.

III. Inferitur secundo, quod quando tuo consilio, aut hortatione ita factum est totum damnum, ut adhuc sine tuo consilio, & nullo alio subrogato totum damnum fieret, solum debeas restituere quantum damni prudenter judicabitur commensurari ad tale consilium, vel ad hortationem, ut notavimus art. 3. Et idem probabiliter dicendum cum Lug. contra Vasq., & Less. lib. 2. cap. 13. dub. 4., si tuum consilium fuerit causa solum, ut aliquando citius totum damnum fiat. Ratio est, quia in tali casu tuum consilium non est causa totius damni; quandoquidem etiam secluso consilio idem damnum sequeretur secundum substantiam.

tur secundum substantiam.

V. Inferitur tertio, quod si duo ingrediantur domum ad furandum, verbi gratia, centum aureos, itaut alter sine altero non ingrederetur, obligantur in solidum restituere, atque adeo ad totum, altero nolente, seu non potente suam partem restituere: Et idem dicas, si duo invicem se animant, itaut sine hac mutua animatione damnum non sequeretur, ut notat Sanch. lib. 7. Summæ cap. 22. num. 19.

VI. Rogabis: Si duo ingrediantur domum, & furentur centum aureos, quos alter sine altero etiam furaretur, tenenturne illos in solidum restituere?

Respondco juxta secundam regulam quod probabiliter non teneantur in solidum illos restituere, sed solum pro rata influxus; sed probabilior videtur sententia Lessii cap. 13. dub. 4., quod diversimode discurrendum sit quando plures concurrunt ad idem individuum damnum inferendum, & quando plures diversum damnum causant: Si enim duo cooperentur ad idem damnum, neuter, ut Mandans, Consiliens, Consentiens, laudans, Receptans, sed uterque ut participans, seu ut se invicem adjuvantes, in tali casu probabilius est, quod uterque teneatur restituere in solidum, etiamsi alter solus totum damnum inferret: & idcirco in solidum tenentur restituere duo eandem domum simul incendentes, aut idem pondus ferentes, eundem gregem abigentes, aut simul mittentes sagittam ad occidendum Petrum, & in casu adducto duo furantes idem marsupium, in quo sint centum aurei. Ratio est, quia in his casibus quilibet est causa partialis immediata totius, & non partis damni; non secus ac si plures eandem navim rapiant, atque adeo singuli tenentur in solidum resarcire totum damnum: Contra vero, si plures concurrant ad inferendum damnum

num diverfum, non tenentur in solidum, sed solum pro parte sua. Ratio est, quia quisque est sola causa partis damni a se illati, non tamen causa totius damni, aut partis, quam alter furrupuit; (nisi forte se vicissim animarint; in quo casu singuli censentur causa totius damni). Unde fit, quod si plures diripiendo urbem, vel devastando vineam, notabile damnum singuli intulerunt, singuli teneantur tantum restituere partem suam, quando non se vicissim excitant, ut notat Bonac. punct. 10. ex Azor, & Rebel; Et in casu adducto, si duo illi furentur non illos centum per modum unius, sed singuli quinquaginta sine mutua ulla animatione, non tenentur restituere, nisi suos quinquaginta, si neuter alterum juvarit, nec alter furatus sit in confidentia, quod ab altero juvetur.

VII. Queritur secundo acriter apud Doctores, An qui furatur parvam aliquam materiam non causans, sed solum videns, & cognoscens aliorum furtula, quæ simul sumpta magnam quantitatem conficiunt, (ut accidit, quando plures eandem vineam ingressi, singuli botrum uvæ accipiunt) peccet mortaliter furando illud modicum, & teneatur sub gravi ad illud restituendum? Et eodem modo queritur, an qui modicam quantitatem furatus est, non advertens ad aliorum furtula, ac proinde peccavit venialiter, si deinde advertat ad aliorum furtula nondum restituta, teneatur sub mortali restituere furtulum suum?

Respondeo, juxta dicta quæ 1. art. 4. n. 7. communius Doctores docere, quod in primo casu ille peccavit mortaliter, & in utroque casu uterque ad restitutionem teneatur sub mortali. Ita Bonac., Molin., Rebel., Suar., Vasc., Henr., Sayr., Medin. quæst. 10. qui ita rigide loquitur, ut putet peccari mortaliter, etiamsi unusquis-

que nonnisi unum granum acceperit. Ratio istorum Doctorum est, quia singuli scienter concurrunt ad damnum notabile domini illius vineæ, & cum non sit major ratio, cur uniporius, quam alteri imputetur, omnibus imputandum est; & ideo singuli sub mortali tenentur notabile illud damnum refarcire, restituendo furtulum suum. Si tamen facta ab uno restitutione, pars, quæ a cæteris retinetur, non sit notabilis, ceteri non tenentur sub mortali restituere, quia non sunt causa damni notabilis, dum non retinent rem notabilem.

Verum Sot., Sanchez, Lug. disp. 16. sect. 63. §. 2., & alii apud Dian. part. 5. tract. 9. resol. 54., ut diximas quæst. 1. art. 3. excusant in primo casu a mortali illum, qui furatur modicum, verbi gratia, botrum uvæ, videns, quod socii etiam suum botrum accipiant, itaut omnia furtula simul sumpta notabilem quantitatem conficiant; Et negant dari obligationem gravem restituendi modicum illud, quod quis furatus est, sive tunc viderit, sive deinde adverterit ad furtula aliorum. Ratio est, quia qui modicum furatur, non concurrat ad furtula reliquorum, per hoc præcise, quod illa videat; Unde non dicitur concurrere ad inferendum damnum notabile: Quod patet a contrario; Si enim quis det modicam elemosynam, per hoc quod videat ab aliis etiam dari elemosynam eidem pauperi, non ideo meretur magis, nec magis sublevar illius miseriam, quam si non videret alios dantes elemosynam; ergo eodem modo qui furatur modicum per hoc, quod videat alios furantes, non ideo peccat gravius, aut majus damnum infert domino, quam si alios non videret. Nec verum est, quod docet Petrus Navar., quod iste in tali casu interna voluntate consentiat in grave illud damnum, quod dominus patitur

L. t. per

per omnia furtula simul sumpta, & ideo peccat gravius; Nam contra est, quia potest aliquis ita furari modicum, ut simul sibi displiceat damnum, quod dominus ab aliis patitur.

VIII. Neque dicas, quod possit ferri excommunicatio contra non restituentes modicum illud, quod acceperunt; Excommunicatio autem ferri non potest, nisi supponatur peccatum mortale; ergo in casu adducto, qui modicum furatus est, peccavit mortaliter.

Nam aliqui cum Sot. censent posse ferri excommunicationem majorem etiam pro veniali, non ratione ipsius culpæ, sed ratione mali emergentis: Alii communis censent, in tali casu non ferri excommunicationem pro peccato mortali furti, aut injustæ retentionis, sed pro peccato mortali inobedientiæ, & contumaciæ in retinendo, aut non refarciendo modico illo damno illato: Etenim grave damnum, quod dominus vineæ passus est, potest esse grave, & sufficiens motivum, ut Prælati sub pœna excommunicationis, & consequenter sub obligatione peccati mortalis præcipiat, ut quilibet restituat botrum uvæ, quod furatus est, & cesset a tali peccato veniali injustæ retentionis; cum non possit aliter reparari damnum notabile domini vineæ, quam per hoc, quod singuli restituant modicum, quod acceperunt, & sic desistant a peccato veniali retentionis injustæ.

Quod si quis successive plurima modica furetur, quæ simul conficiant materiam notabilem, ubi ad hanc pervenitur, peccat mortaliter, si fur advertat, quod ultima materia parva simul cum reliquis præteritis constituat materiam notabilem; Si vero ad id non advertat, peccat solum venialiter; sed quando ejus recordatur, tenetur sub mortali compensare damnum notabile, quod per tot furtula

causavit, etiamsi rem furatam non habeat apud se; Quod si non compenset, tunc dicitur injustus detentor, & ex mortali injustæ retentionis (quæ est continuata acceptio) tenetur ad restitutionem ex prima radice restitutionis, videlicet ex injusta acceptione, ut diximus quæst. I. art. 4. n. 6.

IX. Utrum autem qui postquam per quinque furtula furatus est, verbi gratia, quinque carolinos, unde ad materiam gravem pervenit, si deinde alium carolenum furatur, peccet graviter, an leviter? Dubium est apud Doctores; probabilis puto cum communiori contra Navar., quod venialiter solum peccet, quousque ad aliam quantitatem notabilem deveniat.

ARTICULUS VII.

Quonam ordine restituere debeant Concurrentes ad damnificationem, quando tenentur restituere in solidum?

- I. *Damnificans principalis tenetur totum damnum resarcire, & in ejus defectum alii minus principales.*
- II. *Principalis damnificator inter omnes damnificantes est Possessor mala fidei. Si tamen res aliena extet in individuo, quamvis apud possessorem bona fidei, ab eo restituenda est.*
- III. *Quid si plures sint mala fidei possessores?*
- IV. *Post possessorem mala fidei inter damnificantes tenetur Mandans, & quidem etiam ante Executorem, aut Inductorem; necnon ante illum, qui consulit alteri, ut damnificationem mandet.*
- V. *Nomine Mandantis non venit quinque alteri dicit, ut damnificet, sed qui dicit auctoritative.*
- VI. *Post mandantem tenetur Executor damni ante Consulentem; nisi hic de-*

dederis consilium fraudulentum .
Quid de inducente alterum, ut suo nomine damnum inferat, vel in sui gratiam?

VII. Si plures sint executores, puta invasores, omnes principaliter tenentur, quamvis unus tantum ex illis, verbi gratia, invasum percussit; nisi tamen aliquis sit precipuus, sine quo alii non invaderent.

VIII. Post Executorem tenentur aequae principaliter alia concussa, sum positiva, tum negativa in solidum restituere, ita ut una restituentis totum, alia huic debeant partem suam restituere pro rata influxu. Alii tamen diversimode opinantur.

IX. Ex praestata doctrina varia corollaria deducuntur.

X. Si damnificatus remittat debitum principali, reliqui ad nihil tenentur; Non tamen si remittat debitum minus principali. Quod si nolis agere contra principalem, non per hoc non potest agere contra minus principalem.

I. **Q**uæritur, Quando plures in solidum tenentur idem damnum restituere, quonam ordine procedere debent? seu quisnam debet esse primus, ita ut in ejus defectum alii debeant restituere?

Respondeo cum communi, quod ante omnes restituere debeat principalis damnificans, ita ut solum in ejus defectum alii teneantur damnum resciscere. Ut autem sciatur, quisnam sit principalis damnificans, accipe sequentes conclusiones.

II. Dico itaque primo, inter omnes causas damnificantes, præcipua, & principalis est possessor malæ fidei: Unde hic ante omnes tenetur. Ita communiter: Ratio est, quia possessor malæ fidei non solum damni-

cat ratione injustæ acceptionis, ut reliqui omnes damnificantes, sed etiam ratione rei acceptæ, quæ semper clamat ad dominum; adeo ut si ea reperiatur apud possessorem bonæ fidei, prius hic ad restitutionem teneatur, & postea quilibet alius damnificans; Etenim quando res extat in individuo, semper remanet ad dominum obligata, & si ea restituatur, nulla remanet præterea inæqualitas resciscenda. Quod si res non extat in individuo, restitui debet a possessore malæ fidei ante omnes alios id, in quo factus est ditor: Ac præterea, si res plane consumpta sit, aut donata, possessor ille malæ fidei, qui eam consumpsit, aut donavit, restituere debet illius valorem, proutquam Mandans, Consulens, aut alii damnificantes; Et ratio est, quia semper de illo verum est, quod concurrerit tam ad injustam acceptionem, quam ad injustam retentionem: Ubi econtra Mandans, Consulens, &c. solum ad injustam acceptionem concurrunt.

III. Rogabis: Si plures sint possesores malæ fidei, quonam ordine procedere debent in restituendo?

Respondeo, universim quemlibet possessorem malæ fidei restituere debere id, quod mala fide possidet, Quando tamen possessores malæ fidei sunt plures, quia, verbi gratia, unus rem furatus est, & donavit alteri, qui advertenter illam donavit tertio, in tali casu tertius, apud quem res extat, dicitur principalis damnificans, utpote qui damnificavit etiam retinendo rem alienam, quo pacto non damnificavit alii duo. Si vero res neque in se, neque in æquivalenti extet, sed consumpta sit a tertio, in tali casu principalis damnificans inter istos non est primus, qui illam furatus est, sed est tertius ille, qui mala fide consumpsit, advertens, aut dubitans illam esse alienam, ut docet Lels.

Less. cap. 23. dub. 5., & alii communiter. Ratio est, quia quod consumpserit rem illam mala fide, non liberat eum, quin primo loco teneatur restituere, perinde ac si res extaret; alioquin nova illa injuria consumendi rem liberaret illum a restitutione: Si vero res pereat sine culpa tertii, in tali casu debet restituere ante omnes primus, qui illam furatus est. Idem si duo sint possessores malæ fidei, unus vendens, & alter emens rem alienam mala fide, in quo casu uterque positive damnificat, vendens retinendo pretium, & emptor retinendo rem; tunc res debet restitui domino, & pretium emptori; Quod si emptor rem non restituat, pretium dandum est domino rei.

IV. Dico secundo; post possessorem malæ fidei magis principalis inter reliquos damnificantes, & qui prius tenetur restituere, est Mandans; & quidem ante ipsum Executorem: Quare si damnificatio fuit lucrativa, ut in furto, primo loco tenetur possessor malæ fidei, seu is, apud quem res aut in individuo, aut saltem in æquivalenti extat; & secundo loco tenetur Mandans: Si vero damnificatio non fuerit lucrosa, ut in occisione, combustionem, &c., ubi non reperitur possessor, tunc primus omnium est Mandans, seu qui auctoritate sua imperat damnificationem. Ita communiter cum D. Th. 2. 2. quæst. 67. art. 7. contra Navar., & alios dicentes, primum omnium esse Executorem, deinde Mandantem, tertio, Consulentem, &c.; Et contra utrumque Medin. dicentes, primum omnium esse inducendum. Ratio conclusionis est, quia executor est quoddam instrumentum (licet liberum) Mandantis; ergo Mandans se habet ut causa principalis: Et hinc est, quod posita damnificatione magis quæritur de Mandante, quam de Executore;

verbi gratia magis de iniusto iudice; quam de carnifice; Quod si quis consulari alteri, ut mandet damnificationem, adhuc mandans est principalior, quia licet consulens primo moveat, tamen mandans non agit ut instrumentum consulentis; sicut executor agit, ut instrumentum mandantis.

V. Notandum tamen, quod nomine Mandantis debet intelligi, qui habet aliquam vim coactivam respectu executoris, ut sunt iudices, domini, pater, maritus respectu ministrorum, famulorum, filii, uxoris, &c.; Et universum quoties executor movetur ob reverentiam, seu timorem alterius, hic dicitur Mandans; alioquin si privatus dicat alteri, ut damnificet, & executor non moveatur ex auctoritate illius, sed ex proprio affectu, in tali casu executor deberet ante illum restituere, quia non damnificaret ut iussus, seu ut instrumentum illius, seu ut inductus ad damnificandum, & privatus ille non haberet rationem mandantis, sed potius inducentis, aut consulentis.

Neque dicas, neminem posse delictum imperare, nec ullum teneri præcepto peccandi obedire; ergo nemo exequitur damnificationem ut instrumentum mandantis.

Nam concesso antecedente, negatur consequentia; subditus enim quavis non teneatur obedire præcepto superioris mandantis delictum, tamen quasi coacte illud committit ob reverentiam, & timorem superioris illud præcipientis, perinde ac si teneatur illi obedire, & ideo dicitur agere, ut instrumentum mandantis.

VI. Dico tertio; post mandantem tenetur restituere Executor ante consulentem, & alios damnificantes. Ita D. Th., & alii communiter. Ratio est, quia Executor ex una parte non se habet ut instrumentum consulentis, consen-

tiens

tientis, palpantis, &c.; Ex altera parte ita executor, & consulens sunt causæ in suo genere principales, ut magis damnetur Executor, quam consulens, & alii: Etenim executor immediate, & physice causat ipsum damnum; Consulens vero nonnisi mediate, & moraliter. Præterea Executor respectu participantis in injusta actione, verbi gratia respectu ministrantis arma, vel dantis pecuniam ad assassinium, aut respectu explorantis, aut alterius mediatoris, se habet ut causa principalis, quæ ex se, & immediate damnetur, non ut instrumentum alterius; ergo universum post mandantem tenetur Executor. Tunc solum Consulens tenetur ante executores restituere, ex Lug., & Lessi, quando consilium datum est fraudulenter; in tali enim casu consulens censetur causa principalis respectu exequentis, non quasi vero executor agat nomine consulentis, sed quia executor per injuriam a consulente conjectus est in obligationem restituendi. Præterea si quis rogat alterum, ut nomine suo aliquod damnum inferat, vel suadet, ut in sui gratiam id faciat, probabile est ex Lessi, & Rebel, quod principaliter ante exequentem teneatur; quia videtur suscipere in se onus restitutionis rogando, ut sui causa delictum committatur; Quamvis oppositum videatur Bonacinae probabilius.

VII. Quod si plures de communi consensu delictum exequantur, verbi gratia aggrediantur Titium, omnes principaliter tenentur, quamvis unus tantummodo illum percutiat, quia omnes integram unam causam principalem, & illi, qui non perculserunt Titium, non se habent ut instrumentum illius, qui percussit; Si tamen inter istos sit unus adeo strenuus, ut sine illo nemo auderet damificare, ille teneretur principaliter restituere inter omnes executores, cum alii vi-

deantur esse instrumentum illius.

VIII. Dico quarto; post Exequentem tenentur aliz concausæ, videlicet Consulens, Consentiens, Palpo, &c. Dubitatur tamen apud Doctores, num æque principaliter omnes istæ causæ teneantur? Nonnulli cum Lessi lib. 2. cap. 13. dub. 6., & Vasq. putant, probabiliter esse omnes æque principales, nec inter consulentem, consentientem, & alias causas damificativas tam positivas, quam negativas ullum ordinem intercedere; Unde uno ex illis restituente totum, alii tenentur illi suam partem contribuere juxta ratam cooperationis ad damnum; Cum enim unus non intersit alteri ut instrumentum, sed quilibet per se in suo ordine influat in damnum; æquum est, ut non solum teneatur in solidum restituere in defectum aliorum, sed etiam ut juxta ratam influxus teneatur contribuere partem suam illi, qui restituit totum.

Immo Petrus Navar. lib. 3. cap. 4. putat, quod si mandans restituit totum, etiam exequens, consulens, & alii cooperantes teneantur pro rata influxus contribuere partem suam; unde si damnum, verbi gratia, sit decem aureorum, mandans teneatur restituere quinque, exequens duo, consulens unum, &c. Etenim cum quilibet cooperatus sit ad damnum, æquum videtur esse, ut quilibet concurrat ad restitutionem pro rata suæ cooperationis. Communiter tamen id negant. Ratio enim adducta solum videtur evincere, quod aliquæ causæ teneantur ad restitutionem dumtaxat in defectum causæ principalis, non vero quod teneantur ad partem suam, quando principalis restituit totum; Etenim qui principalis fuit in damificando, ut solet esse mandans, par est, ut sit principalis in restituendo, atque adeo teneatur restituere totum, & solum in defectum illius alii teneantur.

tur. Ubi notandum non dici causam principalem, quæ majorem partem damni intulit, sed quæ totum damnum intulit principalis; ergo hæc non debet restituere majorem partem damni, sed totum damnum principalis.

Demum alii cum Lug. etiam probabiliter putant causas damnificantes negativas, videlicet Mutum, Non obstantem, Non manifestantem teneri ad restitutionem post omnes causas positivas, & in earum defectum, quin illæ quinque causæ positivæ, videlicet Consulens, Consentiens, Palpo, Receptans, Participans ullum ordinem servant inter se, sed omnes æque principaliter teneantur: Alii vero Doctores docent, quod Consulens, & Consentiens prius teneantur, quam Palpo, & Receptans, quia consilium, & consensus movent directe damnificatorem, adulatio vero, & recursus indirecte. Verum prima sententia Lessii, & Valsq. videtur probabilior, & expeditior.

IX. Inferitur ex dictis primo; Restituente principali totum, alios ad nihil teneri, verbi gratia restituente iudice, ministros esse liberos ab onere restitutionis, & restituente totum possessore, sive bonæ, sive malæ fidei, cessare in aliis quamcumque obligationem restituendi, cum jam posita sit æqualitas cum proximo, quam exigit lex justitiæ; Quamvis si possessor bonæ fidei restituat rem alienam extantem in individuo, verbi gratia equum bona fide emptum, debet ille a damnificatoribus reddi immunis a damno, atque adeo debent huic compensare pretium.

Inferitur secundo, quod si plures ad furtum concurrerint, verbi gratia mandans, exequens, consulens, custos, &c., deinde exequens restituat totum, hic in tali casu habet actionem repetendi id, quod solvit, a mandante, qui principaliter tenebatur; consulens vero, &

custos ad nihil tenentur: Eodem modo si custos inducatur ad non impediendum damnum, quod ex justitia tenebatur impedire, restituente custode, inducens ad nihil tenetur, quia, ut diximus, custos respectu inducentis habet rationem exequentis, quamvis non ut instrumentum illius, & per consequens custos principaliter tenetur restituere: Contra vero si principalis non restituat totum, aut partem, tenentur alii, & si plures sint æque principales, tenentur pro rata influxus restituere omnes: Singuli tamen tenentur in solidum, si alii aut nolint, aut non possint, cum hoc quod habeant deinde jus repetendi a sociis, quod ab ipsis debebatur.

Inferitur tertio, quod si tres æque principaliter furati sint, & consumplerint triginta aureos, ita quilibet teneatur restituere decem, ut si alii duo nolint, aut non possint restituere, tertius teneatur restituere omnes triginta, habeatque jus repetendi decem a singulis aliis; quod si alter tantum e duobus illis velit deinde restituere, non satis est, quod det decem illi, qui restituit triginta, sed debet illi dare quindecim, ut notat Ledesm.; unde uterque habeat jus repetendi quinque a tertio, qui nihil restituit; Ratio est, quia aliter non restituerent æqualiter.

Inferitur quarto, minus principalem non teneri properare ad aliquid restituendum, nisi probabiliter cognoscat principalem nolle, aut non posse restituere, ut notat Sayr. Ratio est, quia ille non tenetur restituere, nisi in defectum principalis; non secus ac fidejussor, qui non tenetur solvere, nisi intelligat non solvisse principalem: Et quamvis aliqui putent, quod quando plures in solidum æque principaliter tenentur, (ut plures ferentes suffragia injusta,) tunc quilibet debeat restituere totum, non expectato altero; eundem tamen censo, quod cum ab-

solu-

solute non debeant nisi partialiter restituere, & solum conditionate, hoc est in defectum aliorum, debeant restituere totum, ideo ad partem, quam absolute debent restituere, non possunt expectare alios, ut prius solvant; secus vero ad illud, quod debent conditionate: Et ratio est eadem, quia ad hoc tenentur solum in defectum aliorum.

X. Infertur ultimo, quod si laesus remittat debitum principali, reliqui remaneant liberi ab onere restitutionis, non secus ac si principalis restituisset. Ratio est, quia donatio æquivalet restitutioni: Et eodem modo si creditor remittat debitum principali debitori, fidejussor ad nihil tenetur, cum sit debitor accessorius; & ex regulis juris in 6. Accessorium sequi congruit naturam principalis: Contra vero si remittatur debitum minus principali, non remanet principalis liber, ut patet; sicuti si minus principalis restituatur, adhuc principalis restituere tenetur, & refundere id, quod minus principalis solvit: Si demum laesus remittat debitum uni ex pluribus æque principalibus, hic remanet li-

ber tam a parte, quam absolute debet, quanti a toto, quod debet conditionate, si alii non restituerent, alii vero non tenentur restituere nisi portiones suas.

Ubi notandum, nos loqui de remissione debiti, non de remissione actionis, sive in judicio, sive extra: nam si laesus nolit in judicio, aut extra judicium agere contra principalem, verbi gratia contra mandantem, ut satisfaciat, non per hoc sequitur, quod non possit agere contra ministros exequentes, & ab iis repetere totum, quod passus est, ut notat Medin. quæst. 8., quia damnificatus contra quemlibet habet actionem ad repetendum: In quo differt minus principalis damnificator a fidejussore: nam remisso credito debitori principali, nulla remanet actio contra fidejussorem: At si laesus nolit agere contra principalem damnificantem, poterit immediate agere contra minus principalem: Immo per occultam compensationem, si aliter non possit, repetere potest a minus principali id, in quo damnificatus est.

Q U Æ S T I O IV.

Quid, & Quantum restitui debeat?

PRogredimur ad discutiendas duas alias circumstantias restitutionis; Et primo inquiremus, an restituenda sint accepta ob turpem causam? Secundo, an restituenda sint accepta ob causam honestam? Tertio, restituenda sint bona incerta, derelicta, vacantia, &c., & animalia, quæ piscatione, venatione, & aucupio capiuntur? Quarto, an iterum facienda sit restitutio, quando res furtiva data alteri, ut restituatur, non pervenit ad dominum? Demum, an restituenda sit res ipsi domino nocitura? Ex quibus palam fiet, non solum quid, sed etiam quantum restitui debeat, quoties datur onus restitutionis; Quantum autem singuli restituere debeant, quando plures concurrunt ad damnificandum, expendimus jam articulo sexto quaestio- nis superioris.

Part III.

M

AR.

ARTICULUS I.

An accepta ob turpem causam restituenda sint?

- I. *Contractus de re illicita faciendus rescindendus est. Quod si partim sit de re licita, partim de illicita, solum datur obligatio ponendi rem licitam.*
- II. *Pro scelere patrando nihil promitti, dari, aut accipi potest, antequam illud patretur. Et quod acceptum esset, restituendum danti, nisi datum esset absolute ad alliciendum.*
- III. *Post sceleris patracionem probabilius est, quod solvi debeas pretium pro illo promissum.*
- IV. *Qui post factum accepit pretium promissum pro scelere patrando, probabilius potest illud retinere, nisi teneatur satisfacere parvi lesa.*
- V. *Ex lege positiva restituendum est pretium simoniacum vel pauperibus, vel Ecclesia in panem delicti.*
- VI. *Illicite sic acquisita a Filio, Uxore, servo, probabilius non debens restitui Patri, Marito, Domino.*

I. **C**ertum est, contractum, vel pactum de re illicita faciendus rescindendus esse, nec ullam promissionem, votum, aut iuramentum ad id obligare. Ratio est, quia iure naturæ unusquisque tenetur se retrahere a peccato; itaut non possit ad peccatum obligari neque ratione contractus, neque ratione promissionis, voti, iuramenti, &c. ergo contractus huiusmodi rescindi debet. Quando tamen contractus, vel promissio essent partim de re licita, partim de illicita, confurgit obligatio ponendi tantum rem licitam, quia ex regul. 3. juris, *Utile per inutile non vitiatur.*

II. Quæritur nunc primo, An dari, vel accipi possit aliquid pro turpi cau-

sa, vel pro opere illicito patrando? Et utrum possit opus illicitum patratum, verbi gratia post homicidium positum ab assassino, vel peccatum a meretrice, promittens teneatur solvere, quod pro eo patrando promisit? Ac demum, num accipiens talem mercedem possit illam retinere, an debeat restituere?

Respondeo, & dico primo, ante factum neque dari, neque promitti potest, neque accipi aliquid pro patrando quocumque opere illicito, sive sit contra iustitiam, sive contra aliam quamcumque virtutem, & si quid acceptum sit, restitui debet. Ratio est, quia quilibet tenetur ab opere malo, & a medio ad illud inducente; atqui pretium promissum datum, aut acceptum pro malo opere ante factum, seu antequam opus malum ponatur, est medium inducens ad illud; ergo tale pretium nec promitti, nec dari, nec accipi potest ante factum. Unde fit, quod promittens tale pretium ante factum non solum peccet, & non debeat solvere, sed etiam debeat contractum rescindere; accipiens vero teneatur statim restituere, & quidem ipsi danti, non pauperibus. Ratio est, quia dans non dedit, nec voluit transferre dominium, nisi ob causam illam, puta, ut fiat homicidium; ergo tali causa non subsistente dominium non transfertur: Tunc solum potest retineri datum ante factum, quando dans absolute illud donasset, ut alliceret ad opus malum, non vero sub conditione operis mali ponendi; etiam si illud non fuisset donaturus, si prævidisset, quod accipiens non esset inducendus ad malum; Potest autem hoc retineri, dummodo ex eo nullum scandalum, seu incitamentum ad malum habeatur.

III. Dico secundo; Post factum, seu adimpleto opere illicito, pro quo promissum erat pretium, Opinio communior

nior apud Bonac. fert, quod promittens teneatur solvere, quod promissit; quamvis Navar. cap. 16., Medin. quæst. 20. de Restitut., & alii apud Less. lib. 2. cap. 18. num. 20. putent, quod ne post factum quidem teneatur solvere; quia datio, & acceptio pro re turpi videtur esse velut approbatio peccati commissi, atque adco novum peccatum. Ratio tamen communis sententiæ est, tum quia promissio rei licitæ facta sub conditione turpi adimplenda est, quoties adimpleri potest sine peccato; sed promissio solvendi pretium, sub conditione homicidii ponendi, est promissio rei licitæ facta sub conditione turpi, quæ tamen post factum, seu posito homicidio adimpleri potest sine peccato; ergo debet adimpleri homicidio patrato: Tum quia sicut alter implevit, quod promiserat, verbi gratia commisit homicidium, ad quod se obligaverat, ita par est, ut alter etiam servet suam promissionem solvendi pretium, quam sine peccato servare potest post factum.

Adde, quod res illicita est pretio æstimabilis, vel ratione periculi, laboris, aut damni, cui se exposuit il- lam exequens, vel saltem ratione voluptatis, aut utilitatis perceptæ ab eo, qui illam fieri curavit; Nam qui mandat, verbi gratia, occisionem sui inimici, utilitatem, & voluptatem habet a tali homicidio, & exponit sicarium laboribus, damnis, & periculo suspendii; ergo par est, ut hæc pretio compensentur, quando sine peccato compensari possunt, videlicet post factum: Hac etiam de causa communiter docent cum Vasq., Sanch., Molin., contra Angel., Vald., & alios apud Azor., & Bonac., quod qui promissit pretium conjugatæ, vel moniali pro copula, teneatur illud solvere secuta copula, seu post factum; quia fœmina veluti locavit corpus suum alteri, ex

quo ille voluptatem percepit pretio æstimabilem.

Neque dicas; qui solvit pretium sicario pro assassinio commisso, illud iterum approbat; ergo non potest sine peccato tale pretium solvere ne post factum quidem: Nam falsum est antecedens; potest enim solvi pretium non solum sine approbatione peccati præteriti, sed etiam cum detestatione illius.

IV. Dico tertio, qui accepit pretium pro opere illicito jam patrato, sive contra iustitiam fuerit, sive contra aliam virtutem, non tenetur illud restituere; quamvis si commiserit peccatum contra iustitiam, verbi gratia homicidium, teneatur damnum refarcire. Ita communius contra Joan. Medin., & alios apud Less. cap. 14. dub. 8. putantes, quod debeat restituere: Quam sententiam Less. etiam putat probabilem. Ratio conclusionis est, quia, ut diximus, opus illicitum, ratione laboris, periculi, aut damni, cui se exponit, qui illud exequitur, est pretio æstimabile; ergo iuste retinetur pretium pro illo acceptum, quando illud jam est commissum. Unde fit, iudicem non debere restituere, quod accepit pro ferenda injusta sententia, aut testem pro falso testimonio ferendo, aut militem pro bello injusto; quamvis teneantur refarcire damna illata parti læsæ.

V. Notandum tamen, quod si lex aliqua efficiat aliquem incapacem dominii, seu inhabilem ad acquirendum aliquid pro turpi causa, in tali casu neque secuto effectu potest quicquam retineri, ut patet. Et ideo acquiritæ per simoniam retineri non possunt, quia simoniacus est incapax rei acquirendæ, ut notat Bonac. hic, Vasq., & alii communiter; Unde restitui debet, quodcumque acceptum est: Et universum restitui debet tanti, (cum dominium non sit ab eo translatum in accipientem.)

M a tcm,)

tem,) nisi aliquando aliter in pœnam delicti decernatur a jure; ut de facto decernitur in casu simoniæ, quod pretium acceptum pro beneficio, pro collatione ordinum, & pro admissione in religionem, restituatur pauperibus, vel Ecclesiæ, cui facta est injuria, non vero danti, idque in pœnam delicti, ex Lessl., & D. Th. 2. 2. quæst. 32. art. 7.

VI. Quæritur secundo, Utrum illicite acquisita a filio, servo, uxore, &c., restitui debeant Patri, Domino, Marito, &c., an possint illi ea sibi retinere?

Respondeo, Navar. Reginald., Sor.; & alios apud Bonac. probabilius putare, eodem modo discurrendum esse de iis, quæ licite a prædictis personis acquiruntur, verbi gratia laborando, ac de iis, quæ illicite acquiruntur, verbi gratia ob committendum homicidium, fornicationem, &c., quia peccatum non debet patrocinari delinquenti: Quare sicuti acquisita licite a filio pertinent ad Patrem, saltem quoad usumfructum, seclusis castrensibus, vel quasi castrensibus; ita illicite acquisita ob turpem causam retineri non possunt a filio, sed pertinent ad eundem Patrem. Verum Bonac. quæst. 3. punct. 3., & alii putant, prædictas personas posse sibi retinere acquisita ob turpem causam. Ratio est, quia cum hujusmodi lucrum sit odiosum Patri, domino, marito, non debet dici, quod isti habeant jus ad tale lucrum acquisitum a filio, servo, uxore, ob turpem causam: quia jura decernentia, quod acquisita ab istis pertineant ad Patrem, dominum, maritum, non loquuntur de tali lucro. Neque hinc sequitur, quod peccatum patrocinetur delinquenti; Sicuti enim si fur negotietur pecuniam alienam, potest sibi retinere fructus hujusmodi mere industriales, quin illi in tali casu dicatur patrocinari peccatum, cum revera pa-

trocinetur illi jus, quod habet ad hujusmodi fructus, ita in casu nostro. Equidem tamen communiore sententia opposita adherendum censet.

ARTICULUS II.

An restituenda sint accepta ob causam honestam?

- I. Restitui debent accepta ad præstandum opus debitum ex iustitia; necnon pro omissione etiam ex iustitia debita; Non tamen accepta pro opere honesto, aut pro omissione, quæ ex iustitia non debeantur.
- II. Num possit etiam aliquid accipi pro opere debito ex charitate, quod non sit laboriosum, puta pro deponendo odio?
- III. Si opus ex iustitia debitum Titio ponitur in gratiam Caji, num possit a Cajo aliquid accipi?
- IV. Cur in foro exteriori non datur alio ad repetendum, quod traditum est pro opere ex iustitia debito? Et simul compellitur ad restitutionem, qui aliquid accepit pro non parando peccato.
- V. Non solum pretium, sed etiam munus involuntarie donatum pro opere debito ex iustitia universim restituendum est; non tamen si datur liberaliter.
- VI. Num possint famuli Judicis aliquid accipere a Titio, ut hic ante alios introducantur, & ejus causa prius expediat?
- VII. Quando nam possint Officiales Judicis munera sibi donata retinere? & non irritum acceptionem munerum, non obligant ad restitutionem; Sicut nec juramentum de illis non acceptandis.
- IX. Si lex aliqua irritet donationem munerum, hæc restituenda sunt danti, nisi aliter statuat ipsa lex; & tunc requi-

I. **Q**Uæritur primo, An testeatur ad restitutionem, qui accipit pretium ad faciendum opus licitum, verbi gratia ad ferendam sententiam justam, ad administranda, vel suscipienda Sacramenta, ad jejunandum, &c.?

Respondeo cum communiori apud Bonac. contra Medin., Reginald., & alios, accepta pro faciendo opere honesto, debito ex iustitia, restituenda esse: Contra vero posse retineri accepta pro faciendo quocumque alio opere honesto: Et similiter restituenda esse accepta pro omitendo aliquo opere illicito, cuius omisso debita est ex iustitia, verbi gratia si quis aliquid accipiat, ne occidat, ne furetur; sed retineri posse accepta pro omitendo opere illicito, cuius omisso debita est ex alia virtute; verbi gratia, si quis aliquid accipiat, ne blasphemet, ne fornicetur. Ratio horum omnium est, quia obligatio restituendi oritur dumtaxat ex violatione iustitiæ; atqui si aliquid accipiat pro faciendo opere debito ex iustitia, hæc violatur, quia quilibet habet jus, ut gratis sibi præstetur, quod debetur ex iustitia; verbi gratia, si quid accipiat Iudex pro ferenda sententia iusta, violat virtutem iustitiæ; quia habet stipendium a Republica, vel a Rege, ad hoc ut gratis sententiam iustam proferat, & ideo quilibet habet jus, ut gratis sibi præstetur sententia iusta: Secus vero non violatur virtus iustitiæ, si quid accipiat, verbi gratia, a Titio, ut baptizetur, ut missam audiat, ut jejunet; vel a medico, ut indigentibus medeat; quia nemo tenetur ea opera præstare ex iustitia. Similiter violat iustitiam, qui aliquid accipit, ne occidat, ne furetur, quia ex iustitia tenetur ea omittere; non vero violat iustitiam, si

quid accipiat, ne fornicetur, aut blasphemet, quia ea omittere non tenetur ex iustitia, sed ex alia virtute; ergo solum accepta ob opus, vel omissionem debitam ex iustitia restitui debent.

II. Less. tamen cap. 14. dub. 9. probabiliter putat, non posse pretium exigi, aut accipi pro faciendo opere debito ex charitate, quod non sit laboriosum, puta pro deponendo odio, pro revelando fure, &c.; tum quia communi hominum iudicio hæc non censentur pretio æstimabilia; tum etiam quia cum valde interfuit proximo, ut hæc fiant, si detur pro iis pretium, tale pretium non censetur liberaliter donatum, sed coacte datum pro re nullius pretii; Unde si quid acceptum sit pro tali opere debito ex charitate, restitui debet, non secus ac acceptum pro opere debito ex iustitia: Contra vero putat retineri posse pretium acceptum pro opere, quod cedit in honorem Dei, vel in commodum ipsius accipientis, puta pro audienda missa, pro abstinendo ab ebrietate; Et ratio est, quia cum nemo emat huiusmodi res, censetur liberaliter donatum, quod pro his faciendis datur.

Verum communior sententia contra Less. docet, posse pretium accipi etiam pro opere debito ex charitate; verbi gratia pro deponendo odio; aliter medicus teneretur ad restitutionem, si accipiat pretium, ut medeatur indigentibus, quibus ex charitate tenetur mederi; quod communiter non admittunt apud Bonac. quæst. 3. punct. 3.: Falsum autem est, ut notat Vasq., quod tale pretium censetur datum coacte, cum non datur per vim, nec danti sequatur ullum incommodum; Et quamvis qui pro iis operibus dat pretium, der invitus, non per hoc fit illi injuria; sicut non fit injuria ementi per hoc, quod invitus dat pretium rei, quam vellet habere sine pretio. Ne-

Neque dicas, disparitatem esse, quia emens dat pretium pro re pretio aestimabili; secus vero qui dat pretium pro opere debito ex charitate; Nam falsum est, huiusmodi opera non esse pretio aestimabilia, quando magnum ex iis emolumentum sequitur.

III. Opponitur primo, hinc sequi, quod etiam posset accipi pretium a Iudice pro sequenda opinione probabili, quae favet mihi potius, quam adversario, (cum ad id Iudex non teneatur ex iustitia,) quod tamen est falsum, cum damnata sit ab Alex. VII. propof. 26. dicens: *Quando litigantes pro se habent opiniones aequae probabiles, posset Iudex pecuniam accipere pro sequenda sententia in favorem unius praeter alio.*

Respondeo, nego sequelam; vetitum enim est Iudici vendere huiusmodi arbitria, non solum legibus positivis, sed etiam lege naturali: Et ratio est, quia Iudex ex iustitia tenetur ad iudicare litem ei, cui iura favent; Unde si utraque opinio est aequae probabilis, seu si aequae iura favent utrique litiganti, debet ex iustitia litem dividere, ut fusc ostendit Tambur. lib. 1. Decalogi cap. 3. §. 4. contra quamplures.

Non me latet sententia Vasq. cap. 7. dub. 6., Sot., & aliorum docentium apud Bonac., quod possit universum quilibet accipere pretium etiam pro faciendo opere debito ex iustitia, dummodo tale pretium non accipiatur ab eo, in cuius favorem debet illud opus fieri ex iustitia, sed ab extraneo, cuius non interfit illud fieri. Lessl. tamen lib. 2. cap. 14. dub. 9. cum communiori id negat, (solum concedens, quod possit accipi, quod vere liberaliter donatur ob tale opus.) Ratio est, quia quando aliquod opus est invendibile, tunc etiam si in tui gratiam fiat, vendi non potest: Etenim apud homines tale obsequium non

censetur dignum pretio, sed amicitia; aliter usurarius posset aliquid a te exigere, si in tui gratiam nuntiet pecuniam Petro; & Episcopus posset etiam aliquid a te exigere, si in tui gratiam conferat ordines, vel beneficium alteri; quod nemo dixerit.

IV. Opponitur secundo. In foro externo non datur actio ad repetendum id, quod traditum est pro opere debito ex iustitia, ut habetur in leg. 2. ff. *De conditionibus ob turpem causam*; ergo neque in foro interno datur obligatio restituendi acceptum pro tali opere debito ex iustitia. Adde, quod ex eadem lege habetur, posse in foro externo compelli ad restitutionem, qui accepit aliquid pro non patrandi peccato; ergo etiam in foro interno datur huiusmodi obligatio; & consequenter sicut tenetur restituere, qui aliquid accepit, verbi gratia, ne occidat, ita restituere tenetur, qui aliquid accepit, verbi gratia, ut missam audiat die festo.

Respondeo, nego consequentiam; forum enim externum non concedit eam actionem, ne multiplicentur lites: Ad id, quod additur, nego consequentiam; nam ex antecedente solum sequitur, quod vi illius legis detur in foro externo actio ad repetendam rem traditam pro non patrandi opere illicito, non vero sequitur, quod detur obligatio in foro interno eam restituendi, cum saepe leges obligent tantum pro foro externo ex praesumptione delicti, quod revera saepe abest.

V. Quæritur secundo. An restitui debeat non solum pretium, sed etiam munus datum pro opere debito ex iustitia?

Respondeo, & dico primo, si tale munus detur involuntarie, (verbi gratia, si detur munus ministro publico ad redimendam vexationem, quia scilicet probabiliter apparet talenti ministrum sine aliquo munere non esse praestitu-

stitutum, quod ex iustitia præstare debet, cum sit negligens in negotiis expediendis; aut si prius expediat illos, qui munera offerunt, &c.) tenetur minister restituere munus acceptum ipsi danti; & quidem nulla expectata sententia Judicis, & independentem a quavis lege positiva. Ita communiter: Et ratio est, quia involuntarium impedit translationem domini via donationis, quæ essentialiter debet esse libera; Unde eadem est ratio, si detur pretium, siue munus; In neutro enim casu transfertur dominium, atque adeo tam pretium, quam munus involuntarie datum restitui debet.

VI. Propter hanc rationem Molin. tom. 1. tract. 2. disp. 88. putat etiam famulos iudicis teneri ad restitutionem, si accipiant munera, ut prius introducant unum, quam alium, seu ut prius expediant negotium ejus, qui munus obtulit, quam alterius: Etenim vel famuli anteponunt illum, quem ex iustitia antepondere debent; (quia, verbi gratia, prius venit, aut e remotiori loco, aut quia periculum est in mora, &c.) & recurrit, quod munus detur involuntarie, & coacte ad redimendam vexationem: Vel anteponunt alium ex iustitia postponendum; & tenentur saltem restituere damnum, quod inferitur illi, qui postponitur, quando ex iustitia erat præponendus; sicuti iudex ferens sententiam injustam tenetur restituere damnum parti læsæ: Immo ipsi iudices, seu officiales, si tolerant hujusmodi famulos, tenentur in solidum ad restitutionem; quia ex officio, atque adeo ex iustitia illis incumbit has famulorum injustitias prohibere. Si tamen famulus sua gratia, industria, & precibus sine aliorum injusta mora obtineret expeditionem aliqujus causæ, procul dubio posset munus acceptum retinere, ut notat Molin. loc. cit.; quia ad hoc beneficium, quod est pretio æstimabile, non tene-

batur famulus.

Advertit hic Pettus Navar. lib. 3. cap. 3., quod Iudex, seu Officialis teneatur ad restitutionem talium munerum, etiam quando non est probabiliter certus, sed moraliter dubius de coactione donationis ex metu injustitiæ; quia exponeret se periculo accipiendi alienum, & fieret possessor dubiæ fidei, qui, ut supra ostendimus, etiam ad restitutionem tenetur, non secus ac possessor malæ fidei.

VII. Dico secundo; præscindendo a lege positiva in contrarium, non tenetur officialis jure naturæ restituere munera liberaliter sibi donata sine ullo metu, siue quia dantur ab amicis, aut cognatis, qui perinde donarent, ac si non esset officialis; siue quia donantur post rem iuste obtentam ob gaudium, & gratitudinem, seu desiderium, ut in posterum officialis eodem modo se gerat; siue quia ita dantur ante expeditionem negotii, ut nullum periculum sit querelæ, si forte lis alteri iuste adjudicaretur, sed solum alliciunt officialem ad illam diligenter expediendam pro merito causæ; siue demum, quia dantur ex liberalitate; ut si dives det Notario aliquid ultra taxatam mercedem pro opere iusto. Ita communiter. Ratio est quia jus naturæ nulli prohibet donare res suas alteri; ergo si quis donet illas officiali, modo habeat libertatem requisitam ad donandum, seu dummodo donatio non fiat per metum, talis donatio non erit irrita ex solo jure naturæ.

Confirmatur, quia si jure naturæ id esset prohibitum, non posset lex humana permittere, ut iudex delegatus accipiat a partibus esculenta, & poculenta ex mera liberalitate oblata, sicut de facto permittitur in cap. *Statutum*, De rescriptis in 6. & leg. *Sollet*, ff. De officio Proconsulis.

Neque dicas primo; ista munera non darentur, nisi ille esset officialis;

et;

que juraret, & non accipere, & non retinere munera, deberet quidem ea restituere, non tamen ex obligatione iustitiæ, sed religionis, ut notat Molin. loc. cit.

IX. Rogabis hic: Cuiam restituenda sint munera, quando lex irritat illorum donationem?

Respondeo, restituenda esse ipsi danti. Ratio est, quia per talem donationem non est translatum dominium a dante. Excipe tamen nisi lex aliqua propter inobedientiam privet illis ipso iure dantem, & præcipiat restituenda esse pauperibus, vel filio; nulla autem datur lex (teste Molin. disp. 34, Sor., & aliis contra nonnullos) quæ tollat dominium a dante ante latam sententiam; Nam lex 2. ff. *De conductione ob turpem causam*, quæ statuit eum, qui dedit munera pro sententia iusta, litem perdere, & lex 3. subsequens, quæ statuit, datum pro sententia iniusta non posse repeti, sunt pœnales, & non obligant in conscientia, nisi post latam sententiam in foro exteriori. Quare antequam dans pretium, vel munus contra leges condemnatur ad amissionem dati, debet accipiens restituere illud danti, qui nondum dominium amisit; per donationem enim non est translatum dominium in donatarium ex juris impedimento.

ARTICULUS III

An Bona incerta, vacantia, derelicta, & Animalia, quæ piscatione, aut venatione capiuntur, restituenda sint?

1. *Bona incerta, si acquisita sint ex delicto, restituenda sunt pauperibus. Quæ tamen sine delicto retinentur, probabiliter danda sunt etiam pauperibus, sed probabiliter retineri possunt.*

Part III.

II. *Post fallam compositionem per Balam honorum incertorum, si dominus compareat, probabiliter ea non sunt restituenda.*

III. *Etiā Episcopus potest in sua Diocesi compositionem facere debitorum incertorum.*

IV. *Bona vacantia, necnon derelicta sunt primo occupantis iure natura; iure tamen positivo aliud decernitur de bonis vacantibus.*

V. *Animalia, quæ venatione, aut piscatione capiuntur, secundum se sunt etiam primo occupantis.*

VI. *Potest Princeps sibi venationem, ac piscationem reservare, & potest reddere subditos incapaces dominii relate ad feras in suo nemore captas.*

VII. *Ad restitutionem tenetur, qui venatur in loco, ubi a Principe alteri concessum est ius venandi; non, quidem restituendo feras captas, sed compensando damnum, quod alteri probabiliter iniuria habenti ius venandi.*

VIII. *Animal alterius, quod damnum inferi in tuo pradio, non potest occidi, nisi aliter grave damnum impediri non possit.*

I. **D**iximus quæst. 2. art. 1., Bona incerta, utpote aliena, retineri non posse invito domino; Unde quando dominus ignoratur, si ea acquisita sint ex delicto, puta ex usura, furto, iniusta emptione, de iure positivo restituenda sunt pauperibus; Si vero aut sint acquisita ex contractu iusto, puta ex donatione, aut sint inventa, juxta communiolem sententiam, etiam pauperibus restituenda sunt, quamvis nonnulli cum Navar. apud Lessi. cap. 14. dub. 7. probabiliter putent posse post adhibitam diligentiam retineri ab ipso detentore cum onere restituendi ea domino, si forte deinde compareat; nam si pauperibus dantur,

N non

non potest ea dominus recuperare ; etenim neque is , qui dedit pauperibus , tenetur iterum ea dare domino comparenti , neque pauperes , quibus data sunt ; ut communiter docent Lessi , Vasq. , Azor. apud Bonac. ; tum quia pauperes acquisierunt jam dominium rei sibi per eleemosynam traditæ ; tum etiam quia aliter eleemosyna illa non profuisset spiritualiter domino , si dominus adhuc retineret dominium illius rei , ipsique foret restituenda , Molin. tamen censet , quod si res adhuc extet apud pauperem , restitui debeat domino comparenti .

II. Majus dubium est , an si facta compositione juxta Bullam compareat dominus bonorum incertorum , debeant illi restitui ? Molin. disp. 84. , & alii communiter affirmant , quia Summus Pontifex per Bullam intendit compositionem fieri juxta rationabilem dominorum voluntatem , quæ censetur esse , ut velint sibi restitutionem fieri comperta rei veritate ; Verum Sà , Trull. , Dian. part. 4. tract. 4. resol. 112. probabiliter negant ; quia talis compositio æquivaleret præscriptioni : Sicut enim Respublica transfert dominium rei a domino in possidentem bona fide post lapsum temporis requisiti media præscriptione in bonum publicum ; ita Pontifex transfert pariter dominium media compositione propter bonum animarum , & publicum ; Est enim Pontifex administrator bonorum temporalium , quatenus concernunt bonum spirituale .

III. Addit Dian. loc. cit. , & Mendo V. *Bulla compositionis* , posse etiam ab Episcopis pro sua Diocesi concedi Bullam hujusmodi compositionis ; tum quia nullo jure constat illam esse Papæ reservatam ; tum etiam quia credi potest , voluntatem creditorum esse , ut in debitis incertis Episcopus consulas conscientis subditorum ; præsertim si non habeant facilem aditum ad Pon-

tificem . Ita Villalob. contra Sylvest.

IV. Quæritur nunc primo , An restitui debeant bona vacantia , & bona derelicta ?

Respondeo , bona vacantia dici , quæ remanent post mortem domini , non relictis hæredibus , nec confecto testamento ; Bona vero derelicta dicuntur , quæ abijciuntur sine intentione illa recuperandi ; ut sunt , quæ jamdiu ex naufragio in mari amissa sunt , non vero quæ ad navem sublevandam in periculo naufragii ejiciuntur . His explicatis , dico cum Tambur. lib. 4. cap. 1. §. 3. , utraque hæc bona tam vacantia , quam derelicta jure naturæ esse primo occupantis , ut diximus quæst. 2. art. 1. etiam de thesauris inventis . Notandum tamen in lege *Vacantia* , Cod. *De bonis vacantibus* decerni , quod bona laicorum morientium ab intestato , & non habentium hæredes usque ad decimum gradum devolvantur ad fiscum , & in Auth. *Omnes Peregrini* , Cod. *De Successoribus* decernitur , quod bona peregrini morientis ab intestato per Episcopum loci tradantur hæredibus , si fieri potest ; aliter in pias causas distribuantur .

V. Quæritur secundo , An animalia capta venatione , vel piscatione restituenda sint ?

Respondeo negative ; ea enim sunt primo occupantis , (dummodo in nullius custodia detineantur) ut feræ , cervi , volucres ; nec habeant consuetudinem redeundi in potestatem prioris domini , qualem habent canes , apes , columbæ , &c. : Sicut autem in dubio , an consuetudinem redeundi habeant , si post diligentem inquisitionem perseveret dubium , præsumendum est , illam non habere , ita in dubio , an illam amiserint , præsumendum est , non amisisse ; quia in priori casu possessio stat pro libertate , in posteriori pro domino .

VI. Dubium est , An possit Princeps

ceps reservare sibi venationem, aut piscationem ?

Respondeo, Hostiensem, & alios apud Bonac. negare, eo quod animalia libera jure naturæ, & gentium ab omnibus capi possunt. Sed communius affirmant, etiam si Princeps non solum ad propriam sustentationem, sed etiam ob meram oblectationem eas reservet. Ratio est, quia cum Princeps pro Republica laboret, par est, ut habeat, quæ suæ necessitati, aut dignitati conferunt. Addit Covar., quod non solum possit Princeps prohibere aliis venationem, aut alicui concedere jus venandi, sed etiam efficere inhabiles ad acquirendum dominium ferarum captarum venantes contra prohibitionem; Etenim lex justa potest efficere homines inhabiles ad dominium comparandum; in quo casu conflueret obligatio illas restituendi, si caperentur. Addunt etiam communiter cum eodem Covar., quod non solum Princeps, sed etiam quilibet dominus agri possit prohibere, ne quis in suo agro venetur, vel aucupetur, cum possit prohibere aliis, ne suum agrum ingrediantur. Verum qui injuste venationem impedit, tenetur ad restitutionem illius probabilis lucri, quod venator facturus esset.

VII. Dubium est secundo, An teneatur ad restitutionem, qui venatur, quando a Principe, vel domino fundi prohibita est venatio, eo quod alicui concessum est jus venandi?

Respondeo, Vasq. cap. 5. de restitutione negare, quia hic in tali casu capit rem communem, nec impedit alterum, quin utatur jure sibi concessio; quamvis peccet faciendo contra legem prohibentem, ne venetur; Quam sententiam putat probabilem Bonac. quæst. 7. punct. 7.: Communiter tamen affirmant, quia violat jus concessum alteri a Principe, vel a Communitate, &c., ad capiendas res com-

munes; Alioquin sequeretur, quod faciens magnam lignorum stragem in sylva communi, aut piscans cum magno Communitatis detrimento, verbi gratia projiciendo in fluvium, aut paludem escas medicatas, quibus aquæ inficiantur, & omnes pisces moriantur, non teneretur ad restitutionem; quod est contra communem Doctorem.

Notandum tamen, quod venans in casu adducto non teneatur facere restitutionem, habita ratione animalium captorum per venationem prohibitam, sed solum habita ratione damni, vel lucri, quod cessavit illi, ad quem jus venandi pertinet.

VIII. Ex dictis sequitur, ut notat Bonac. num. 24., quod peccet mortaliter, & ad restitutionem teneatur, qui occidit, aut vulnerat animal alterius, dum damnum infert in suo prædio; non enim habet jus occidendi, sed solum expellendi, & satisfactionem exigendi; nisi forte aliter grave damnum impediri non possit; ut in simili casu docet Sà V. *Restitutio* num. 47. de eo, qui diruit domum vicinam, per quam incendium perventurum erat ad suam.

ARTICULUS IV.

An iterum facienda sit restitutio, quando res furtiva data alteri, ut restitatur, non pervenit ad dominum ?

I. Res debita ex delicto, si deferatur per nuntium a debitore electum, perit ipsi debitori, antequam ad dominum perveniat; Sed si nuntius eligatur a Creditore, perit Creditori.

II. Res non debita ex delicto, sed ex contractu, si eadem in individuo debeatur, perit semper Creditori, si non perit ob culpam debitoris ?

At si non debeatur eadem in individuo, perit debitori, si per nuncium a se electum transmittatur.

III. *Res tamen, qua solum debetur ex re accepta, quamvis transmittatur per nuncium a debitore electum, perit semper Creditori, quamvis non debeatur eadem in individuo, dummodo non pereat ob culpam debitoris.*

IV. *Quid si res debita transmittatur per Parochum, vel Confessarium, & illa ad dominum non perveniat?*

V. *Quid si post conventionem cum Creditore, quod res transmittatur per Petrum, deinde transmittatur per Paulum expertum fidelem, & res ad dominum non perveniat?*

L **Q**Uæritur primo, Utrum res debita pereat domino creditori, an vero debitori, (itaut debitor ad novam restitutionem teneatur,) si pereat, antequam ad dominum perveniat?

Ante responsionem adverto, rem, quæ restituenda est, vel restituendam esse ex delicto, vel ex contractu, vel ex re accepta: Rursus vel restituendam esse eandem numero, vel in specie eandem. Præterea notandum, quod nuncius, qui ad dominum rem deferret, vel cligitur a creditore, vel a debitore. His positis,

Dico primo; Res, quæ debetur ex delicto, verbi gratia furto, si deferatur per nuncium a debitore electum, & pereat, antequam perveniat ad creditorem, perit ipsi debitori, si eadem numero, si e diversa debeatur; Unde ad novam restitutionem debitor tenetur. Si vero deferatur per nuncium electum a Creditore, perit ipsi creditori, atque adeo debitor non tenetur ad novam restitutionem. Ita communiter apud Bonac. Ratio primæ partis est, quia par non est, ut Creditor damnum patiatur ob alterius

delictum. Ratio secundæ partis est, quia nuncius electus a creditore facit cum illo unam personam moraliter; ergo si restituatur res tali nuncio, censetur restituta ipsi creditori. Quare si cuti post restitutionem factam creditori res illa perit, ita post restitutionem factam tali nuncio.

II. Dico secundo; Quod non debetur ex delicto, sed ex contractu, si non debeatur idem in individuo, (ut quando debetur pecunia numerata) perit pariter debitori, si transmittatur per nuncium a debitore electum: Contra perit creditori, si transmittatur per nuncium ab ipso electum. Si vero debeatur eadem res in individuo, (ut res pignori, vel commodato, vel deposito tradita) perit semper creditori, per quemcunque nuncium transmittatur, dummodo non pereat per culpam debitoris. Ita etiam communiter. Et ratio horum omnium fundatur in illo principio, *Res, quæ perit, domino perit*; quando autem transmittitur per nuncium a debitore electum res, quæ non debetur eadem in individuo, puta pecunia numerata, tunc dominium illius rei manet penes debitorem, quousque perveniat ad creditorem; Unde si pereat, vel furripiatur, perit ipsi debitori; qui proinde tenetur iterum restituere: Contra, si transmittitur per nuncium electum a creditore, dominium illius rei acquiritur a creditore statim ac pervenit talis res ad manus nuncii facientis cum creditore quasi unam personam, & ideo si pereat, perit ipsi creditori; unde non est facienda iterata restitutio. Demum si res, quæ debetur, restituenda sit eadem in individuo, cum dominium illius semper sit penes creditorem, per quemcumque nuncium transmittatur, (nisi pereat culpa debitoris,) semper perit ipsi creditori; Unde non est facienda nova restitutio.

Non

Non negaverim tamen, majorem diligentiam adhibendam in custodienda, vel transmittenda re commodata, quam deposita, locata, aut pignorata; eo quod contractus commodati sit solum in beneficium commodatarii: Ex quo fit, ut facilius possit res commodata perire per culpam debitoris in illa transmittenda.

III. Dico tertio. Si res restituenda neque debeatur ex delicto, seu ex injusta acceptione, neque ex contractu, sed mere ex re accepta (verbi gratia, quia bona fide possederim illam, & nunc cognoscam esse alienam) sive eadem in individuo debeatur, sive diversa, puta quia rem alienam ita consumpserim, ut ex ea factus sum ditior, tunc si absque culpa debitoris pereat, antequam ad dominum perveniat, non perit debitori, sed perit domino creditori. Ratio est, quia ex dictis Possessor bonæ fidei ita debet restituere, ut debeat servari indemnus; non servaretur autem indemnus, si in tali casu ad novam restitutionem teneretur; ergo non teneretur.

IV. Ex dictis colligitur, in quonam casu debitor ad novam restitutionem teneatur, si debitum transmittat per Parochum, vel Confessarium, qui illud sibi retineat, aut si alia ratione pereat: Si enim debitum est ex delicto, & Confessarius ab ipso debitore eligatur, ut debitum transmittat, facienda est nova restitutio, si debitum non perveniat ad dominum.

Adverto tamen, Reginal. Sot., Gabriel, & alios apud Lessl. cap. 16. num. 6. & Dian. part. 2. tract. 3. resol. 2. putare non improbabiler, quod si debitor per Parochum, aut Confessarium a se electum restituit, eo quod non possit id per seipsum exequi sine sui infamia, non teneatur ad restitutionem, si confessarius rem illam sibi retineat. Ratio est, tum quia debitor in tali casu restitutionem,

quantum est in se, jam fecit, ut debuit, & potuit; tum etiam quia si creditor consensisset, ut per Confessarium transmitteretur debitum, certe non esset nova restitutio facienda; Creditor autem in tali casu implicite, & rationabiliter censetur concessisse; ergo non est facienda nova restitutio.

Idem docet Dian. part. 10. tract. 16. resol. 97. contra nonnullos de eo, qui vovit, verbi gratia, mittere calicem, vel pecuniam ad domum Lauretanam, misitque illam per hominem fidelem; in quo casu si deinde non perveniat, non videtur teneri illum ad mittendum alium calicem, vel pecuniam.

V. Quæritur secundo; Utrum debitor teneatur ad novam restitutionem, quando rem in individuo debitam non transmittit per nuncium, per quem ex conventionione inter creditorem, & debitorem transmittenda erat, sed per alium pluries expertum fidelem, qui tamen cum re restituenda aufugit?

Respondet, Gomez, & Bonac. quæst. 3. punct. 9. affirmare, sive res illa debeatur ex delicto, sive ex contractu, sive ex re accepta. Ratio est, quia debitor in re illa transmittenda non videtur adhibuisse debitam diligentiam; Nam ex lege *Cum qui, ff. Commodati*, non videtur diligens, qui contra formam pacti agit. Vsq. tamen, & Rebel. negant, quia debitor eam diligentiam adhibuit, ad quam tenebatur, dum rem transmittit per talem famulum alias expertum fidelem; nisi forte conventum esset de damno solvendo, si res per alium transmitteretur ab illo, super quo convenerant.

ARTICULUS V.

An res domino nocitura restituenda sit?

- I. Quoniamque dubietur, an probabile sit, rem esse domino nocivam, ut gladius furioso, non est restituenda.
- II. Probabilis est, quod peccetur etiam contra iustitiam, si res ista cum alterius damno restituatur.
- III. Negative se habens ad iniustam actionem non tenetur ad restitutionem, nisi ex officio debeas illam impedire. At in casu nostro reddens gladium domino furioso positum concurret ad mortem innocentis, & ideo ad restitutionem obligatur.
- IV. Solvens Usurario usuras, quibus abutatur ad novas usuras exigendas, remittit ad peccatum concurrens; at in casu nostro proxime.
- V. Differenda pariter est restitutio rei alienae, etiam quando dominus illa abusus est ad peccandum contra alias virtutes a iustitia.
- VI. Non tenemur auferre a domino res suas, quibus ille est abusus, sed huiusmodi res tenemur non restituere.
- VII. Coniux illicitae parenti debitum num, & quando possit illud negare?
- VIII. Non videtur improbabilis sententia nonnullorum, quod scilicet circa culpam restitui possit domino res, qua ille abusus sit contra alias virtutes a iustitia.

I. **Q**Uaeritur primo, An restituendus sit, verbi gratia, gladius, quo dominus vel alios sit occisurus, vel ipse sit occidendus?

Respondeo, si dubium, vel solum probabile sit, non tamen certum, quod gladius domino nociturus sit, proculdubio restituendus est, quia in dubio, & in pari probabilitate melior

est conditio domini; nisi tamen dominus sit furiosus; quia in tali casu nullam injuriam infero differendo restitutionem, & probabiliter illum eximo a gravi malo; Unde non potest esse rationabiliter invitus, quod ei restitutio deferatur, ut notat Tambur. tract. 4. cap. 1. Si tamen certum sit gladium esse domino nociturum, pecco contra charitatem illum restituendo, ut docet D. Th. hic ad primum. Et ratio est, quia si teneor etiam auferre gladium ab eo, qui vult occidere innocentem, quando id possum, a fortiori teneor gladium denegare eidem.

II. Dubium tamen est apud Doctores, An si restituam huic gladium, peccem solum contra charitatem, an etiam contra iustitiam? Molin. putat peccari dumtaxat contra charitatem; sed probabilius Less. cap. 16. dub. 4. Salon. Tambur. peccari etiam contra iustitiam. Ratio est, quia videor valde proxime cooperari ad iniustam actionem reddendo gladium, quem possum negare, quando dominus tali gladio interimendus est, vel alios est interempturus; Unde sum veluti complex homicidii praebendo instrumenta, quae facile negare possum, & ideo teneor ad restitutionem damni huius inde secuti.

III. Neque dicas primo; Nemo tenetur ex iustitia defendere innocentem, nisi id illi ex officio incumbat; ergo neque tenetur Titius ex iustitia negare domino gladium, quo innocens esset occidendus.

Nam concessio antecedente, negatur consequentia. Disparitas est; quia in primo casu, qui non defendit innocentem, tantum negative se habet ad homicidium, qui autem negative concurret ad damnum alterius, non peccat contra iustitiam; nisi ex officio illi incumbat tale damnum impedire: Unde fit, quod si quis e domo

mea

mea accipiat gladium ad occidendum innocentem, & ego, cum possum, non impediam, solum peccem contra charitatem: Contra vero in secundo casu, qui reddit gladium, positive, & proxime concurret ad homicidium prebendo instrumenta, & ideo peccat contra iustitiam, tanquam pariceps iniustæ actionis.

IV. Neque dicas secundo. Non peccat contra iustitiam, qui reddit pecuniam usurario, quamvis advertat, quod ille tali pecunia usurus sit ad novas usuras contra iustitiam faciendas; ergo neque in casu nostro.

Nam concessio pariter antecedente, negatur consequentia. Disparitas est, quia magis remote videtur pecunia illa concurrere ad alios damnificandos, quam gladius. Præterquamquod si non reddo pecuniam usurario, facile videntur oriri rixæ, & habere ab illo infidelis; Unde alia vice mutuum mihi denegabit; Ex quibus capitibus excusor ab omni peccato, si pecuniam illi restituo, quæ tamen non accidunt in casu nostro; in quo etiam non agitur de pecunia aliena, sed de hominis vita.

Neque dicas tertio. Scienti, & volenti non fit injuria; ergo si reddam gladium domino, qui vult seipsum interimere, non pecco contra charitatem.

Nam contra est, quia hinc sequetur, quod neque contra iustitiam peccarem, si occiderem illum, qui petit a me occidi: Quare, ut notat Bonac., & Tambur., in tali casu, quamvis non fiat injuria petenti, fit tamen injuria Reipublicæ, & ideo peccatur contra iustitiam, saltem legalem, quæ respicit jus commune; Quod si petens gladium, aut petens, ut occidatur, esset furiosus, quia non peteret voluntarie, & humano modo, proculdubio peccaretur contra iustitiam particularem, & communitativam ad-

versus petentem, quia non esset sciens, & volens, sed ignorans, & nolens.

V. Quæritur secundo, An restituenta sit domino res, quæ ille peccaturus est contra alias virtutes a iustitia; verbi gratia, an restituenta sit vestis, quæ dominus certe abusus est ad alliciendam fornicam ad fornicandum?

Respondeo pariter, nec debere, nec posse, sed peccare graviter contra charitatem, si restituat, quando sine gravi incommodo potest debitor restitutionem differre. Ita Less. loc. cit., D. Th., Molin., & alii apud Tambur. lib. 8. tract. 4. cap. 1. §. 3. contra Sanch., & Bonac. quæst. ultim. punct. 1. Ratio est, quia unusquisque tenetur succurrere gravi necessitati proximi, quando sine incommodo potest; nam ut habetur in sacris literis, *Unicuique mandavit Deus de proximo suo*; ergo contra charitatem peccat, qui restituit rem domino, quando certe illa abusus est; Quamvis autem dominus habeat ex vi iustitiæ jus repetendi vestem suam; at non habet hic & nunc tale jus; cum iustitia non opponatur charitati, quæ præcipit, ut hic & nunc non restituitur.

VI. Dices primo; Non teneor ex charitate, quamvis commode possum, auferre a domino vestem suam, quæ scio abusus ad peccandum; ergo neque teneor non restituere; satis enim est in utroque casu uti correctione fraterna, si est spes emendæ.

Respondeo, negando consequentiam. Disparitas est, quia nemo tenetur impedire alienum peccatum, auferendo ab illo res, quibus peccaturus est; hoc enim esset onus magnum, & ex se valde incommode fidelibus: Contra vero tenemur impedire alienum peccatum, non præbendo materiam, & instrumenta, seu non concurrente positive, cum hoc non sit valde onerosum, & incommode.

VII. Dices secundo cum Bonac.: Con-

Conjux tenetur reddere debitum alteri conjugi petenti illicite ob solam circumstantiam personæ, verbi gratia quia habet votum castitatis; ergo etiam debitor restituere debet rem domino petenti, quamvis ille abusus sit tali re in sui detrimentum.

Respondedo cum Less. cap. 16. dub. 4., quod quamvis conjux habeat jus petendi tale debitum, tamen si vult illo jure abuti, potest alter conjux debitum negare, si commodè possit, & speret hoc pacto peccatum illius imputatum iri, præsertim in posterum; Dixi in posterum, ut advertatur, quod majori tergiversatione utendum sit, quando agitur de impediendo novo peccato interno, quam quando agitur de impediendo solum peccato

externo post culpam jam interius commissam.

VIII. Non negaverim tamen, probabilem esse sententiam oppositam, quod scilicet debitor non obligetur ad restituendam restitutionem, quando creditor vult abuti rebus suis tantummodo in sui damnum, ut in libidines, compotationes, aliaque; tum quia non est ipsius curæ inspicere, quo pacto dominus impensurus sit res suas; tum etiam quia potest creditor cogere debitorem in foro externo, ut restituat; ergo probabiliter tenetur ille restituere in foro interno; tum demum quia dilatio restitutionis sæpe parum efficax est ad impediendum malum creditoris, & sæpe etiam cum molestiis, & calumniis conjungitur.

Q U Æ S T I O V.

De Persona, cui facienda est Restitutio, ac de reliquis circumstantiis Restitutionis.

O Uinque supersunt enucleandæ circumstantiæ restitutionis. Prima est, Cui facienda sit restitutio? Secunda, Ubi, & cujus expensis? Tertia, Quando? Quarta, Quomodo? Quinta, Quo ordine? Sic itaque

ARTICULUS I.

Cui facienda est Restitutio:

- I. Restitutio ex simlorei accepta facienda est domino: Ex simulo autem injusta acceptionis facienda est illi, cui damnum est irrogatum.
- II. Qui eadem actione pluribus damnum intulit, omnibus tenetur illud resarcire; Quid si malis artibus plures quis impediens a Beneficio consequendo?
- III. Num differens deferre rem donatam usque ad mortem donantis

teneatur non solum donatario, sed etiam heredibus donantis restituere?

- IV. Surripiens rem alienam a Cajo bona fide illam possidente, tenetur illam non Cajo, sed domino restituere. Similiter qui rem alienam dono accepit a fure, non furi, sed domino restituere illam debet. Sed quid si a fure illam emerit?
- V. Qui bona fide in opera pia impendit rem domino restituendam, num teneatur iterum restituere? Et qui rem furivam bona fide emis, & revendidit, ad quid tenetur?
- VI. Restituens creditori sui creditoris immunis est a nova restitutione, quan-

quando est liquidum debitum creditoris immediati.

VII. *Citra vim potest amicus Caji accipere centum a Titio auctoritate propria, servatis regulis compensationis, ut ea des Cajo creditori Titii.*

VIII. *Num possit dominus ingredi domum furis, & per vim rem suam recuperare?*

I. **C**ertum est, restitutionem ex titulo rei acceptæ faciendam esse domino; Restitutionem vero ex titulo injustæ acceptionis faciendam esse illi, cui damnum illatum est, aut bonum injuste est impeditum, vel illi, qui successit in jure illius, cui damnum illatum est. Ratio est, quia sic, & non aliter ponitur per restitutionem æqualitas inter creditorem, & debitorem: Quando autem incertus est dominus, cui facienda sit restitutio, diximus etiam quæst. superior, art. 3.

II. Ex hoc principio jacto sequitur primo, quod si una, eademque actione pluribus damnum inferatur, omnibus illis restitutio facienda sit: Verbi gratia, si quis vi, vel fraude efficiat, ut beneficium, vel officium conferatur indigno, quia damnum infert non solum digno habenti jus ad illud, sed etiam Ecclesiæ, vel Reipublicæ, quæ jus habet ad ministros dignos, idcirco non solum tenetur restituere damnum irrogatum digno, cum privaverit illum emolumento beneficii, vel officii, sed etiam damnum, quod patitur Ecclesiæ, vel Reipublica ex defectu ministri digni, juxta dicta quæst. 2. art. 1. Quod si quis vi, & fraude impediverit multos competitores ad aliquod beneficium, vel officium assequendum, tunc debet singulis restituere quanti judicio prudentium spes illorum existimatur, ut ibidem notavimus cum Dian. part. 3. tract. 6. resol. 33.

III. Eodem modo mandatarius do-

Part III,

nationis faciendæ, vel manifestandæ; si malitiose differat consignationem rei donatæ, vel manifestationem donationis usque ad mortem donantis, non solum tenetur restituere donatario, quod omnes Doctores docent, eo quod privaverit illum re donatæ, sed etiam probabiliter tenetur restituere integre hæredibus donantis. Ratio est, quia per mortem donantis expirat mandatum, & consequenter res donata debet a mandatario dari hæredibus donantis, si ante mortem hujus non sit consignata donatario. Ita Molin. apud Dian. part. 6. tract. 7. resol. 4. contra Sâ, & Tambur. lib. 8. cap. 1. §. 5., qui putant mandatum donationis, cum sit gratiosum, & favorabile, non expirare morte mandantis; unde in casu adducto restitutio facienda esset soli donatario, cui res deberetur, non vero hæredibus donantis.

IV. Sequitur secundo, quod si Cajus fur apud se habeat rem furtivam, & tu illam vel surripias, vel bona fide accipias, tenearis illam restituere domino. & non Cajo furi nullum jus habenti ad illam. Ratio est, quia res domino restituenda est, nisi iusta causa intercedat, propter quam alteri possit restitui; ut communiter docent apud Bonac. hic contra Navar. cap. 17. num. 19.: E contra, si rem apud Cajum depositam, vel illi commodatam, aut pignoratam, vel locatam abstuleris, teneris ipsi Cajo, non domino restituere: Ratio est, quia Cajus habet jus ad talem rem possidendam; unde illi faceres injuriam, si iusta possessione rei, quam iusto titulo possidet, illum privares. Si demum Cajus rem aliquam alienam bona fide possideat, & tu a Cajo illam surripias, teneris illam restituere, non Cajo, sed domino, ut notat Rebell. contra nonnullos apud Laym. lib. 3. tract. 2. cap. 9.; quia Cajus in tali casu nul-

O lum

lum verum jus habet possidendi rem illam, sicuti habet, quando illam ex contractu depositi, commodati, pignoris, locati, &c. possidet.

Sequitur tertio, quod qui accepit a fure rem alienam, sive bona, sive mala fide, solo titulo gratuito, verbi gratia, donationis, aut depositi, tenetur illam restituere domino, non furi; nisi forte aliquod sibi grave damnum timeat non restituendo illam furi, qui apud se illam deposuit. Si tamen eandem rem furtivam sive bona, sive etiam (ut probabiliter multi docent) mala fide accepit a fure titulo oneroso, verbi gratia emptionis, poterit reddi furi ad recuperandum pretium, ut diximus quæst. 2. art. 1. cum Molin., & Vasq. contra Rebel; Quod si nulla sit spes recuperandi pretium a fure, nec aliud grave damnum imminet, procul dubio restituenda erit domino, non furi.

Sequitur quarto, quod quæ male accepta sunt a filiofamilias, pupillo, religioso, furioso, uxore, &c. ex bonis, quorum administratio iis non competit, plerumque restituenda sint Patri, Tutori, Prælato &c., ut notant Gabriel, & alii ex leg. *Pupillus*, ff. *De actione*, alioquin iterum ipsam restituenda sunt.

V. Quæritur nunc primo, Utrum qui bona fide post mortem domini non restituit hæredibus, sed in pia opera pro anima defuncti insumpsit bona restituenda, teneatur iterum restitutionem facere hæredibus?

Respondendo, communiter affirmare; quia per primam restitutionem non compensavit, ut debebat, damnum illatum: Sicuti qui furatus est a Paulo, & non restituit illi, sed dispensat res furtivas pauperibus pro anima illius, tenetur iterum restituere. Molin. tamen apud Bonac. excusat a nova restitutione illum, qui debens hæredibus rem aliquam in individuo, sive

ex re accepta, sive ex contractu, illam bona fide impendit in opera pia; Et enim in tali casu neque videtur reus novæ restitutionis ex re accepta, cum nihil alienum apud se habeat; neque ex injusta acceptione, cum non peccaverit sic impendendo, excusante illum ignorantia invincibili; Neque tenetur ex contractu, cum non se obligaverit ex contractu ad huiusmodi restitutionem in tali casu faciendam.

Eodem modo Tambur. tract. 4. cap. 1. §. 3. excusat a nova restitutione illum, qui ex consilio incauto Confessarii rem furtivam dispensat pauperibus; quamvis deinde Confessarius advertat, & moneat illam fuisse domino restituendam. Ratio est, quia dominus non debuit in tanta pietate huius poenitentis esse invidus; Præsertim quia cum talis eleemosyna profuerit ejus animæ, par non est, ut res illi iterum debeat.

Sequitur ultimo, quod si equum furtivum, verbi gratia, bona fide emeris a Titio fure, & bona etiam fide revendideris, probabiliter tenearis contractum venditionis rescindere, cum fuerit nullus; non secus ac si vitrum pro gemma bona fide vendideris, ut diximus quæst. 3. art. 2. ex Less. cap. 14. dub. 5. contra Navar., & alios apud Dian. part. 1. tract. 8. resol. 68. Quamvis opposita sententia visa sit nobis probabilior loc. cit. Sitamen Cajus, cui rem furtivam vendidisti, non compareat, aut non possit, aut nolit rem furtivam emptam restituere, tu nihil teneris restituere, nec Cajo, qui nullum habet damnum, nec Titio furi, aut domino, cum nullum damnum iis intuleris bona fide revendendo; Immo si carius vendidisti, quam emeris, quamvis factus sis ditior, non per hoc quicquam teneris restituere, ut diximus loc. cit. ex Tambur.

Addit Less., quod si bona fide tale equum revendidisti, quando ad-

ver-

vertis illum esse furtivum, non tenearis nec dominum, nec Cajum, cui revendidisti, monere, quod equus ille sit alienus, quando ex tali monitione tibi grave damnum imminet, puta quod non possis pretium recuperare datum bona fide: Ratio est, quia non teneris cum tanto incommodo procurare, ut dominus rem suam habeat, quando nullius damni fuisti causa injusta. Idem dicas, si aurichalcum, verbi gratia, pro vero auro bona fide emeris, & eodem pretio bona fide revenderis, non teneris monere emptorem, si non poteris recuperare pretium, quod bona fide solvisti, ut Bonac. notat quest. 4. punct. 2.

Dubium tamen est, An si Cajus, cui revendidisti equum furtivum bona fide, restituat illum domino, tenearis tu pretium reddere Cajo?

Respondet Bonac. hic ex Less. loc. cit., quod si ex tali redditione pretii incurras damnum, quod non possis recuperare ali, quod solvisti Titio furi, a quo equum emeris, non tenearis Cajo reddere pretium ab eo acceptum. Ratio est, quia potes uti compensatione damni, quod tibi Cajus intulit, dando immediate equum domino, quin prius id tibi significaret, ut ita posses recuperare pretium tuum: Quod si non fuerit tibi causa talis damni, certe teneris illi suum pretium restituere: Quamvis nonnulli apud Dian. loc. cit. putent satis esse in foro conscientie, quod tantum cedas Cajo actionem, quam habes in Titium furem.

Quod diximus de equo furtivo, quem emisisti bona fide, & revendidisti, dicas de re miscibili, puta de frumento, &c., si illud in individuo, sicut emisisti, ita revendidisti: Si tamen illud bona fide emptum cum tuo frumento miscuisti, & vendidisti bona fide, nullatenus teneris contractum rescindere, nec quicquam restituere, si

in nihilo factus es ditior; Ratio est, quia per hoc, quod illud cum tuo miscueris, factum est tuum, & tanquam tuum venditum est Cajo, qui proinde nihil etiam restituere tenetur, ut notavimus quest. 2. art. 1.

VI. Quæritur secundo, Num qui restituit Creditori sui creditoris, satisfaciatur debito suo, an teneatur iterum suo creditori restituere?

Respondeo cum Medin., Valent., & aliis communiter, quod satisfaciatur, si debitum sui creditoris sit liquidum. Ratio est, quia sic non inferit damnum suo creditori immediato, cum liberet illum a suo debito, & sibi potius damnum afferat, eo quod possit ipse ab eo compelli per Judicem ad iterum restituendam rem debitam sibi, quando res, quam restituit creditori mediato, non erat illi obligata: Et quamvis creditor immediatus forte sit invitatus, quod restitutio fiat creditori mediato, quia tamen non est rationabiliter invitatus, quando suum debitum est omnino liquidum, ideo nulla alia restitutio est facienda.

VII. Dubium hic est, An si ego sciam, quod Titius nolit restituere Cajo centum, quæ illi debet, possim ego auctoritate propria accipere illa centum a Titio, & dare Cajo, cui debentur?

Respondeo, quod sicut potest ipse Cajus servatis regulis compensationis illa sibi accipere, ita possum ego in gratiam Caji servatis iisdem regulis illa accipere, & dare Cajo. Ratio est, quia quod Cajus potest facere per se, potest etiam facere per alium: Verum sicut ipse Cajus non potest per vim ea sibi accipere, nisi quando reperitur fur in flagranti delicto, ut communiter docent contra Vasq. cap. 5. de restitutione §. 1. dub. 8. ita multo minus ego, qui non sum dominus, possum auctoritate propria per vim extorquere illa centum a Titio, ut

Q 2 red-

reddam Cajo, cui debentur.

VIII. Aliqui tamen apud Lessl. cap. 9. dub. 11., Vafq. Reginald. relati a Bonac. disp. 1. quaest. 1. sect. 1. punct. 10., probabiliter putant, licitum esse domino, ingredi domum furis, & rem suam per vim contra furem resistentem recuperare, quando res eadem in individuo extat apud furem, & non potest aliter per iudicem sine magna molestia recuperari. Ratio est, quia fur quamdiu rem meam detinet, videtur mihi facere injuriam, & res meas aggredi; Unde in tali casu dominus defenderet potius res proprias, quam furem aggrederetur. Quod si hæc opinio est probabilis, potest consequenter dominus hoc ipsum per alium præstare, si potest per seipsum. In praxi tamen id nullatenus suadendum.

ARTICULUS II.

Ubi, & cujus expensis facienda sit Restitutio?

- I. *A Possessore mala fidei restituenda res est domino propriis expensis, reponendo illam, ubi dominus illam possessoris esset, si non fuisset furto sublata.*
- II. *Qui restituere non potest sine expensis majoribus, quam res ipsa valeat, ad quid tenetur? Num possit uti beneficio Bullæ compositionis?*
- III. *Possessor bona fidei non tenetur suis expensis rem domino restituere, aut illum monere, ut rem suam sibi capiat: Quod si sine magnis expensis id fieri nequit, nec speratur, quod dominus velit amplius sibi rem accipere, potest dari pauperibus, ac potest etiam ipse sibi eam retinere.*
- IV. *Quæ debentur ex contractu, vel quasi contractu, restitui debent in loco, ubi res accepta fuit: Si tamen aliter sit convenitum, compensanda*

sunt expensa.

V. *Si contractus cedit in bonum debitoris, expensis istius facienda est restitutio; Sicut si cedat in bonum creditoris, hic debet solvere expensas; Et si in bonum utriusque, uterque.*

VI. *Utinam restituenda sint res ex testamento donata, aut commodata, vel pensiones &c.?*

VII. *Res ex contractu debita, quæ sine magnis expensis non potest domino restitui, vel potest dari pauperibus, vel resinori a debitore, si forte dominus compareat.*

I. **E**X triplici capite oriri potest in re præstenti obligatio restituendi. Primo ex capite injustæ acceptionis, sub quo comprehenditur injusta damnificatio, & injusta detentio, seu culpabilis mora restituendi. Secundo, ex capite rei acceptæ. Tertio, ex contractu.

Quæritur nunc primo, Ubi, & cujus expensis fieri debet restitutio, quando ejus obligatio oritur ex injusta acceptione, seu quando facienda est a possessore malæ fidei?

Respondeo, restitutionem in tali casu faciendam esse expensis debitoris in eo loco, in quo dominus illam possessoris esset, si non fuisset illi sublata. Ita communiter: Et ratio est, quia dominus nullum debet reportare damnum ex alieno delicto: Si tamen dominus in mutando domicilio facinus fuisset aliquas expensas ad asportandam rem illam, posset possessor malæ fidei tales expensas detrachere, quia non est necesse, ut dominus ex furto sibi facto reportet lucrum, sed satis est, si servetur inde: mnis.

II. Dubium tamen est; An si in restitutione sic facienda majores expensæ faciendæ sunt, quam res ipsa valeat, teneatur illas facere possessor malæ

malæ fidei; Exempli gratia, si dominus in Indias perrexit, teneor ne ad illum transmittere gladium suum meis expensis.

Navar., Cajet., Valent. apud Vafq. cap. 10. num. 27. affirmant; Sed communius cum Less., Molin. negant. Ratio est, quia dominus in tali casu regulariter loquendo non censetur rationabiliter invitus, quod differatur restitutio, quousque sine tanto debitoris detrimento fiat; Justitia enim non adversatur charitati, quæ non patitur, quod debitor gladii valentis decem argenteos debeat impendere mille aureos, verbi gratia, ut transmittat gladium in Indias; Nisi forte majus etiam damnum creditor subiret ex carentia rei suæ; nam in pari gradu damni melior debet esse conditio creditoris, quam debitoris injusti; Universim ergo creditor non debet exigere, ut restitutio fiat expensis majoribus, quam res ipsa valeat; nam per restitutionem poni debet æqualitas inter creditorem, & debitorem; In hoc autem casu magna poneretur inæqualitas.

Quod si debitor non speret fore, ut possit rem alienam sine tantis expensis restituere, non potest illam sibi retinere, sed debet in pauperes, & in pia opera erogare pro anima domini, aut dare illam consanguineis illius, præsertim si sint pauperes; hæc enim censetur rationabilis voluntas domini: Vel possit uti beneficio Bullæ compositionis, ut notat Tambur., adeundo Episcopum suppresso nomine ad compositionem obtinendam. Idemque dicas de illo debitore, qui propter magnam inopiam non potest ne mediocres quidem expensas facere ad rem domino transmittendam, vel ad dominum admonendum, quavis consultius esset restituere quod potest.

III. Queritur secundo, Ubi, & Cuius

expensis facienda sit restitutio, quando ejus obligatio non oritur ex delicto, aut contractu, sed præcise ex re accepta, seu a possessore bonæ fidei.

Respondeo, satis esse, si fiat in loco, ubi est ipse debitor, vel ubi est res restituenda, & dominus admonetur, ut sibi illam capiat; Si tamen ad dominum transmittenda est, potest expensis illius transmitti, quia possessor bonæ fidei debet in restitutione facienda servari indemnus, ex lege *Possessor bonæ fidei, ff. De petition, hereditat.*. Si tamen sine magnis expensis, quæ rei valorem superent, transmitti non potest ad dominum, quippe qui longissime abest, nec potest admoneri, nec spes est, ut unquam adveniat, aut possit rem suam, ejusque pretium recuperare, non solum potest ea res dari pauperibus, vel pro ea peti Bulla compositionis, sed etiam probabiliter ex Tambur. §. 8. num. 7. potest debitor illam sibi retinere, quia æquiparatur res illa rei habenti dominum ignotum.

IV. Queritur ultimo, Ubi, & Cuius expensis facienda est restitutio orta ex contractu?

Respondeo, & dico primo; Quando obligatio restitutionis oritur ex contractu, vel quasi contractu, idest ex officio, facienda est restitutio in eo loco, in quo res accepta fuit, nisi aliter sit in contractu expressum. Ratio est, quia restitutio est depositio rei in pristino statu; ergo in eodem loco res restituenda est, in quo fuit accepta; Nec potest in ipso contractu apponi onus, ut alibi restituatur, nisi tale onus ut libere a debitore assumatur, aut iusta mercede compensetur, cum sit pretio æstinabile, ut notant Bonac., Less., Vafq., & alii communiter contra Navar.

Aliquando tamen tacite designatur locus, in quo restitutio facienda est, ut

ut si mutuum petas ab amico in via, & ibi tradatur, non est credibile, quod debeat in via talis restitutio fieri, sed in ea domo ubi mutuator habitat. Ratio est, quia in tui gratiam voluit in via mutuum tradere, cum potuisset tibi dicere, ut domum adires. Ita Rebel.

V. Dico secundo. Quando contractus cedit in utilitatem solius debitoris, ut mutuum, commodatum, &c., tunc restitutio facienda est expensis debitoris: Si cedat tamen in utilitatem creditoris, tunc hujus expensis fieri debet restitutio, ut depositum, &c. Demum fiet expensis utriusque, si contractus in utriusque utilitatem cedat, ut locatum, &c. Ita Tambur. hic; Aequum enim est, ut qui sentit commodum, & utilitatem contractus, sentiat etiam onus expensarum.

VI. Hinc sequitur, quod quae relicta sunt ex testamento, donatione, vel alio titulo gratuito, reddenda sint in loco, ubi erant, quando donata sunt; nihil enim testator, aut donans hic & nunc intendit, quam ut donatarius rem illam donatam sibi accipiat, si velit: Quod si haeres rem alio voluntarie transtulit, debet suis expensis restituere in loco, ubi erat, quando donata fuit, ut notat Bonac.; cum donatarius habeat jus ad rem sibi donatam accipiendam in loco, ubi erat tempore donationis; secus vero si sine culpa haeredit, aut depositarii res alio sit translata.

Sequitur secundo, quod Censui reales super rebus stabilibus, puta super domo, praedio, feudo, &c., solvi debeant in loco, ubi sunt res hypothecatae, nisi aliter conventum fuerit; cum census sit quasi pars fructuum domini; Et idem dicas de pensionibus, quae ibi debent solvi, ubi est beneficium, quamvis saepissime vel expresse, vel tacite conveniatur, ut solvantur, ubi degit pensionarius.

Sequitur tertio; quod qui contractus commodati, vel mutui accepit equum, vel pecuniam, verbi gratia Neapoli, debeat quidem suis expensis restituere illam Neapoli; Si tamen dominus mutavit domicilium, & se transtulit Romam, non tenetur Commodatarius, aut Mutuatarius suis expensis restituere equum Romae; modo per ipsos non steterit, ne dominus secum res suas transtulerit; Nam tunc etiam debent equum, vel pecuniam Romam transferre, deductis expensis, quas dominus fecisset, si secum ea transtulisset. Ratio est, quia sicuti non est aequum, ut creditor subeat damnum expensarum, quando recedit debitor e loco, in quo celebratur contractus commodati, & mutui; ita nec e contra, ut notat Molin., & Reginald. apud Bonac. hic: Qui etiam notat, quod quando debitor non potest aliter, quam suis expensis restituere rem domino, si timeat eas sibi non esse refarciendas a creditore, prout tenetur, potest expensas deducere ex re ipsa restituenda; Quae si dividi non possit, vendi potest totum, ut retineatur, quod debetur propter expensas, & residuum mittatur domino.

VII. Dico ultimo. Quando sine magnis expensis, quae rei valorem superant, transmitti non potest ad dominum res debita ex iusto contractu, nec potest dominus admoneri, non solum potest ea dari pauperibus, sed etiam probabiliter potest debitor rem illam sibi retinere animo reddendi vel rem ipsam domino, si forte compareat, & nondum consumperit eam, vel id, in quo factus est ditor. Ratio est, quia pariter res ista aequiparatur rei habenti dominum ignotum, ut notat Navar. apud Tambur. tract. 4. cap. 5. §. 3. num. 23. & 31. cum Molin., Vasq., Pal., Dicast.

ARTICULUS III.

Quando facienda est Restitutio?

I. Restitutio fieri debet statim, non physice, sed moraliter, & humano modo; præsertim si non fiat ex delicto, nec grave damnum afferat brevis dilatio.

II. Consumm solutio non solet fieri sine pravia creditoris mentione; si tamen hæc non fiat ob verecundiam, aut timorem, peccat, qui diu solutionem differt.

III. Qui culpabiliter solutionem debitam differt, nec vult solvere, nisi cogatur a iudice, teneatur compensare damnum, quod patitur creditor.

IV. In nonnullis casibus potest creditor petere, ut ante præfixum terminum reddantur res sue.

Prima huc pertinentia diximus quæst. 1. art. ultimo; sicut etiam art. 2. ubi explicavimus, quot peccata committat, qui oblata opportunitate restituendi, illam negligit, & restitutionem culpabiliter differt.

Quæritur nunc primo, An debitor differe possit restitutionem debitam per breve tempus sine gravi culpa?

Respondeo, Dicastis. hic apud Tambur. putare, quod dilatio unius, vel duorum, immo trium dierum non sit gravis, si domino damnum grave non emergat. Ratio est, quia restitutio debet fieri statim, eo quod præceptum restituendi includat præceptum negativum non retinendi alienum, unde obligat semper, & ad semper. Attamen *hæc statim* non accipiendum physice, sed moraliter, & humano modo: Immo si restitutionis obligatio nascatur ex contractu, non ex delicto, P. Molina apud eundem Tambur. putat non peccari graviter, si solutio non fiat die in contractu præscripta,

etiam quando intercessit iuramentum. Ratio est, quia iuramentum intelligitur humano modo: Quare quando dilatio nullum damnum infert creditori, sed certo est futura solutio, non est censenda dilatio mortalis.

II. Eodem modo nonnulli excusant a gravi culpa illum, qui cum debeat, verbi gratia, singulis Calendis centum aureos, eos non solvit, nisi a domino monetur. Ratio est, quia hic est modus ordinarius humanus solvendi tales census.

Notandum tamen, quod si creditor sit rationabiliter invitatus, quod differatur solutio, nec audeat exigere illam propter nobilitatem, aut potentiam debitoris, procul dubio peccabit mortaliter debitor, si expectat, ut a creditore monetur; nam dies in contractu definita interpellat pro domino, ex cap. fin. *De locato, & conducto*. Verum quidem est, quod si creditor sciens, & volens solutionem non petat, censetur dilationem differe; Unde non peccat mortaliter debitor non restituendo; at si creditor non petat ob timorem, & impotentiam, vel oblivionem, debitor dicitur alienum retinere invito domino, & censetur esse in mora non restituendo, ut notat Reginald., & alii communiter apud Bonac. hic.

III. Addit Molin. apud eundem Bonac., quod non facile dammandus sit de lethali culpa renitens, quando differt restitutionem debitam ex contractu, quamvis creditor sæpe petierit solutionem, dummodo debitor intentionem habeat solvendi, nec debitor periculum subeat amittendi rem suam; præsertim si debitor non potest commode restituere. Ratio est, quia huiusmodi dilatio non videtur adeo iniuriosa creditori, ut debitor facile iudicetur reus gravis culpæ. Qui tamen non restituit, cum possit, tenetur restituere damnum secutum ex dilatione

ne

ne solutionis, quia differendo solutionem, peccat contra iustitiam cum damno creditoris? Univerſim enim ex peccato contra iustitiam cum damno alterius oritur obligatio restitutionis. Eodem modo, qui ſciens ſe vere debere, non vult ſolvere, donec a Iudice cogatur, non ſolum peccat, ſed etiam tenetur reſtituere expenſas ſuo creditori. Demum, ut notat Molin. apud Laym. lib. 3. tract. 2. cap. 12. ſi mercator multis debitis gravatus reſtituit paulatim per partes in commodum etiam creditorum, ut interim augendo bona ſua poſſit omnibus ſatisfacere, tenetur pariter compenſare illis intereſſe proveniens ex dilatione; niſi forte præſumat, quod relaxetur, eo quod ſic conſulat bono creditorum.

IV. Quæritur ſecundo, Quandonam creditor poſſit petere, ut reddatur ſibi res ante terminum præfixum in contractu?

Reſpondeo, tribus in caſibus. Primo ſi debitor vergat ad inopiam. Secundo, ſi fugam pareat. Tertio, ſi incipiat eſſe ſuſpectus de non ſolvendo; tunc enim cogetur vel reddere, vel cautionem præſtare.

ARTICULUS IV.

Quomodo facienda ſit Reſtitutio?

- I. *Poteſt reſtitutio fieri per alium. At quid, ſi ad dominum non perveniat, quando ſit per Confeſſarium?*
- II. *Quod ex delicto debetur, totum ſimul reſtitui debet; Et in qualibet pecunia fieri poteſt reſtitutio, niſi aliter ſit conveniunt.*
- III. *Debitor ad infamiam declinandam poteſt reſtituere privatim. At qui publice alios fraudavit, tenetur ex charitate publice reſtituere ad ſcandalum vitandum.*
- IV. *Poteſt debitor ad infamiam vitan-*

dam fingere, quod debitori donet id, quod debet reſtituere. Quod ſi hoc inſinuat aliquid redonatum eſt, reſtitui debet.

V. *Num ſatisfaciat, qui debens centum Tizio, immemor talis debiti ei donet centum? Aut Beneficiarius, qui poſt horarum omiſſionem elemoſynas erogat ignorans, aut non adveniens, quod debeas reſtituere fructus Beneficii?*

I. Certum eſt primo, reſtitutionem fieri poſſe ſive per ſe, ſive per alium; tum quia *Qui per alium facit, per ſeipſum facere videtur*, ex regul. juris in 6., tum etiam quia utroque modo tollitur inæqualitas inter debitorem, & creditorem, ad quod dirigitur reſtitutio: Quod ſi reſtitutio fiat per alium, puta per Confeſſarium, qui tamen rem domino non reddit, utrum nova reſtitutio faciendâ ſit, diximus quæſt. ſuper. art. 3.

II. Certum eſt ſecundo, reſtitutionem debitam ex delicto, vel ex recepta fieri debere totam ſimul, quando fieri poteſt; debitam vero ex contractu fieri debere vel ſimul, vel per partes, juxta conventionem, & pactum contrahentium, cum fides ſervanda ſit.

Certum eſt tertio, reſtitutionem fieri poſſe in quavis pecunia, ſive argentea, ſive aurea, &c., niſi aliter conventum ſit; Si enim mutuans auream conveniat cum mutuuario, ut reddat etiam auream, ne ſubeat aliquod incommodum in numerandis monetis minutis, non poteſt reſtitutio aliter fieri, quam in moneta aurea.

III. Quæritur primo, An reſtitutio fieri poſſit ſemper privatim?

Reſpondeo, ſive publice, ſive privatim fiat reſtitutio, eodem modo ſatisfieri debito reſtituendi; cum eo-

dem

dem modo tollatur inæqualitas. Verum quando debitor dubitat, quod ex publica restitutione subire possit infamiam, debet illam facere occulte; Si enim ad vitandam infamiam potest restitutio vel omitti, vel differri, cum melius sit nomen bonum, quam divitiæ multæ, a fortiori fieri potest occulte: qui tamen publice alios fraudavit, (ut publicus usurarius) tenetur ex charitate ad tollendum scandalum publice restitutionem facere: Quod si illam fecerit occulte, non tenetur ad vitandum scandalum iterum restituere, sed satis est, si alia media adhibeat, quibus ostendat restitutionem jam esse factam.

IV. Quæritur secundo, An satisfaciat ille, qui ita occulte restituit, ut ne ipse quidem creditor advertat factam esse restitutionem; puta si fingat donare Titio id, quod furatus est, ne prodar latrocinium?

Respondeo cum Tambur. tract. 4. cap. 1. §. 5. rite fieri sic restitutionem, quando aliter fieri non potest; nam si ad vitandam infamiam potest restitutio omitti, ut diximus, a fortiori potest eo modo fieri; quamvis certo moraliter sciam, quod Titius ex gratitudine sit mihi aliquid aliud redonaturus, quod cæteroqui non facturus esset; cum enim redonatio sit ex liberalitate, nec induxerim, aut obligaverim Titium ad redonandum, non dicor esse causa, sed occasio, ut illa fiat; ad vitandam autem infamiam sum sufficienter excusatus, si præbendo talem occasionem, cooperor ad novum detrimentum, quod patitur amicus redonando in gratitudinem mei fidei muneris: Si tamen potest aliter restitutio fieri, non est licitum talem occasionem præbere redonationis; vel debet deinde quod redonatur restituere.

V. Quæritur tertio, Utrum qui immemor sui debiti aliquid donat creditori suo, possit deinde memor debiti præteriti compensare illud per donationem factam, & sic deobligari a restituendo?

Respondeo, affirmare Sanch. lib. 1. cap. 13. num. 11., Trul., aliosque apud Tambur. loc. cit., & apud Dian. part. 5. tract. 13. resol. 94. ob voluntatem interpretativam, quod noller ille donare, si adverteret ad debitum; unde hi Doctores putant, quod Beneficiarius, qui tenetur ob horarum omissionem restituere fructus perceptos, satisfaciatur, non quidem per eleemosynas erogatas ante horarum omissionem, ut constat ex thesi trigesima tertia confixa ab Alex. VII. sed per eleemosynas postea erogatas, quamvis tunc esset debiti immemor. Communius tamen negant cum Pal. tract. 3. disp. 1. punct. 17. §. 8., Bonac. de restitutione disp. 1. quest. ultima punct. 2. num. 16.; quia restitutio debiti, quæ est actus iustitiæ, non potest esse actus liberalitatis, & beneficii, & consequenter nequit esse donatio.

ARTICULUS V.

Quo ordine facienda est Restitutio Creditoribus?

- I. *Præter ordinem servandum inter Personas, quæ debent restituere, attendendus est ordo servandus inter Personas, quibus fieri debet restitutio, quando bona debitoris non sufficiunt ad integre solvendum omnibus.*
- II. *Quid sit ius in re, quod habent Creditores Reales, quid vero ius ad rem, quod habent Creditores Personales, & Chirographarii?*
- III. *In quo differat Pignus ab Hypotheca, quæ multiplex est?*
- IV. *Debitor habens rem alienam in dividuo restituere illam debet, an-*

P 10-

sequam aliis Creditoribus satisfaciat; etiamsi dominus ignoretur, dando tunc illam pauperibus.

V. Si adhuc extans apud emptorem sit credito vendita, praferendus est venditor aliis Creditoribus: Non tamen si ab emptore sit revendita alteri.

VI. Debita certa praferenda sunt incertis.

VII. Probabilius neque debita ex delicto praferenda sunt debitis ex contractu, neque ista illis, sed pro rata utriusque satisfaciendum.

VIII. Debita ex contractu oneroso praferenda sunt debitis ex contractu gratuito. Quid tamen de legatis, de expensis funeris, aut fidei causa testamenti?

IX. Creditoribus realibus habentibus hypothecam, vel pignus prius satisfaciendum, quam Chirographariis. Et prior hypotheca praferenda posteriori, exceptis nonnullis casibus.

X. Prior emptor praferendus est secundo, nisi res sit huic tradita, exceptis etiam nonnullis casibus.

XI. Creditores Chirographarii priores probabilius non sunt praferendi posterioribus,

XII. Inter aequales creditores videtur praferendus petens, etiam extra iudicium, aliis non petentibus. Peccat tamen contra iustitiam debitor, si praferat creditorem, qui non est praferendus.

XIII. Num Creditor, qui iniuste a debitorum praferatur aliis, possit sibi revindicare, quod sibi debetur?

XIV. Num possit Creditor pauper ex solo titulo paupertatis aliis praferri?

XV. Qui titulo aut gratuito, aut oneroso, sive bona, sive mala fide accepit aliquid ab eo, qui non est solvendo suis creditoribus, ad quid tenetur?

XVI. Debitor, qui suis creditoribus non est solvendo, peccat contra iusti-

tiam, si repudiet donationem, aut hereditatem, qua possit satisfacere.

I. **D**iximus quest. 2. art. 7. de Ordine servando inter personas, quae restituere debent, itaut omnium primus restituere debeat possessor, deinde mandans, tum exequens, & post executorem aliae causae, sive positive, sive negative ad damnificationem concurrerint: Agendum nunc de Ordine servando inter personas, quibus restitutio facienda est; Quoniam scilicet aliis praferenda, quando bona debitoris non sufficiunt ad extinctionem omnium debitorum; nam si sufficient, nullus ordo necessarius est in restituendo.

II. Notandum tamen primo, Creditores alios dici Reales, qui scilicet habent jus in re, seu habent actionem ad rem debitoris: alios vero dici Personales, seu chirographarios, qui non habent jus in re, sed ad rem, eo quod habeant directe jus, & actionem in personam debitoris, non vero ad ipsius bona, nisi indirecte ratione ipsius debitoris. In eo itaque differt jus in re a jure ad rem, quod jus in re tribuit actionem realem in rem ipsam, jus ad rem non tribuit actionem ad rem, sed in personam, quae mihi tradere debet rem; Verbi gratia, si ego aliquid a te emanis, quod nondum mihi tradidisti, habeo jus ad rem, idest contra personam tuam, non vero jus in re, exceptis quibusdam casibus, de quibus sermo erit, cum de Contractu venditionis: Econtra postquam mihi tradideris rem, quam a te emi, habeo jus in re. Unde fit, quod si postquam mihi rem vendidisti, antequam tradas illam mihi, alteri vendas, non habeam ego actionem nisi contra te, qui me defraudasti tradendo alteri rem mihi venditam. Eodem modo concurrentibus duobus

bus in causa beneficii, dignior ante collationem dicitur habere jus ad rem, seu actionem contra Episcopum, qui tenetur illi tale beneficium conferre; post collationem vero beneficii dicitur habere jus in re, seu actionem in ipsum beneficium.

II. Notandum secundo, quod quando res aliqua traditur Creditori pro securitate, talis res dicitur Pignus, ut si detur torques; Quando vero res aliqua non traditur, sed assignatur res creditori pro securitate, talis res dicitur hypotheca, ut si assignetur ager: Hypotheca autem alia est Generalis, quando scilicet omnia bona debitoris assignantur pro securitate; alia est specialis, quando scilicet obligatur res ipsa particularis, verbi gratia talis domus, vel ager. Rursus alia est Expressa, quæ scilicet ex conventionem partium verbo, aut scripto apponitur; alia est Tacita, quæ scilicet imponitur a jure absque conventionem partium, qualis est hypotheca dotis, ratione cujus omnia bona mariti obligantur pro dote uxoris; & ideo dos solvenda est ante alios habentes tacitas hypothecas absque alio privilegio prælationis, ex lege *Assiduis*, Cod. *Qui potiores in pignore*; Non tamen ante alios habentes hypothecam expressam potiores, cum non sit æquum, ut isti damnum patiantur ob nuptias debitoris supervenientes; Similiter ex Bonac. hic contrahitur tacita hypotheca ab eo, qui contrahit cum hico, ipsius enim bona remanent tacite huic hypothecata, ex lege 2., Cod. *In quibus casibus pignus, vel hypotheca contrahitur*. Tacite etiam hypotheca dicuntur bona defuncti pro omnibus Creditibus, & legatariis. His explicatis,

IV. Queritur primo, Quonam Ordine servandus a debitore, qui habet rem ipsam alienam restitutioni obnoxiam?

Respondendo cum communi illam pri-

mo loco restituendam, etiam si dominus ignoretur; cum enim possessor non acquiritur illius rei dominium, consequenter nec Creditores talis possessoris possunt in illam rem ullum jus habere. Quare si dominus ignoretur, danda est res illa pauperibus pro anima illius, ut notat Lessi., aliique communiter; Si vero dubitetur sine Titio, an Caji, dividenda est inter illos.

V. Dubium hic est, an si ego vendiderim credito vestem Titio, & postea Titius non possit omnibus debitoribus satisfacere, debeat vestem illam adhuc extantem mihi ante alios restituere?

Respondendo affirmative cum Cajet., Medin., & Bonac., Lessi. dub. 2. hic contra Vasq. cap. 2. dub. 1., Medin., Navar., aliosque. Ratio est, tum quia videtur contra rectam rationem, ut res adhuc extans apud emptorem nondum soluto pretio tradatur potius extraneo, quam illi, qui eam vendidit; tum etiam quia qui credito vendit rem, censetur ita transferre dominium rei in emptorem, ut velit posse habere recursum, & regressum ad rem suam, si pretium non persolvatur; Unde censetur habere aliquam hypothecam in rem venditam, donec pretium accipiat. Verum quidem est, quod si Titius in proposito casu vestem a me credito venditam alteri vendidisset, ego nec possem illam repetere a secundo emptore, nec possem mihi vindicare pecuniam, quam Titius habuit a secundo emptore; Non tamen sequitur hinc, quod si vestis extet apud Titium, non possum illam mihi vindicare. Ratio est, quia vestis illa, quam vendidi credito, est solum mihi imperfecte hypothecata, non perfecte (uti sunt omnes hypothecæ speciales introductæ jure positivo;) Pecunia vero, quam Titius habet a secundo emptore, nullo modo est mihi hypothecata; ergo solum quando vestis extat apud Titium, cui credito illam

vendidi, possum mihi illam vindicare; ita ut cæteris creditoribus Titii præferendus sim.

VI. Quæritur secundo, Sintne debita certa præferenda incertis?

Respondeo cum communi affirmative; Et ratio est, tum quia debita certa solvenda sunt creditoribus jure naturæ, debita vero incerta solvenda sunt pauperibus solum jure positivo, ut communius Doctores docent; nam si jure naturæ deberentur pauperibus, non posset aliquando Pontifex in alia opera erogare; Jus autem naturale præferendum est positivo: Tum etiam quia minus ægre ferunt personæ indeterminatæ, quod sibi restitutio non fiat, quam personæ determinatæ.

VII. Quæritur tertio, Sintne præferenda debita ex contractu licito debitis ex delicto?

Respondeo, Medin., Salon., & alios apud Bonac. asserere, quod habens plura debita, alia ex contractu licito, alia ex delicto, puta ex furto, usura, &c., prius solvere debeat debita ex delicto. Navar. econtra, & Cajet. putant prius solvenda debita ex contractu licito. At communius Doctores cum Molin., Vasq., Lessl., quod neutra debita possint aliis præferri, quando non extat res aliena in individo; Unde debent omnia per ratam restitui. Ratio est, quia bona debitoris non sunt magis hypothecata creditoribus ex contractu, quam aliis.

Dices: Major injuria irrogata est creditoribus, quibus facienda est restitutio ex delicto, puta ex furto debitoris, quam aliis, ergo illis prius restituendum est.

Respondeo, nego consequentiam; sicuti si quis abstulerit Titio centum, & Cajo quinquaginta, majorem injuriam irrogavit Titio, non tamen illud debitum tenetur præferre huic.

VIII. Quæritur quarto, Sintne præferenda debita ex contractu oneroso,

puta ex emptione, debitis ex contractu gratioso, puta ex donatione, legato, &c.?

Respondeo cum Covar. affirmative. Et ratio est, quia semper in promissione gratuita subintelligitur illa conditio, Si decet, Si potero sine magna difficultate. Nisi status rerum mutetur; Quare quia superveniente inopia debitoris, qui non est omnibus solvendo, status rerum notabiliter mutatur, nec potest sine magna difficultate debitor stare promissis, ideo tenetur prius restituere debita ex contractu oneroso, quam gratioso.

Illud hic notat Bonac., quod si hæres post acquisitionem hæreditatem contrahat debita ex contractu oneroso, prius debeat solvere legata, quam ista debita. Ratio est, quia bona illa defuncti sunt tacite hypothecata pro legatis, & fideicommissis, ex lege *Quia*, Cod. *Communium, De legatis*; quæ lex intelligenda est, dummodo bona illa satis sint ad satisfacienda debita defuncti. Verum tamen est, quod expensæ necessariæ ad funus debitoris, juxta qualitatem defuncti, præcedant omne debitum, ex lege *penult.*, *Authent. De reliquiis, & sumptibus funerum*; sicut etiam expensæ factæ causa hæreditatis, ut in testamento, inventario, &c.; quia non est æquum, ut hæres ex hæreditate sentiat solum onus expensarum, & nullum commodum reportet, quando omnia bona defuncti debentur creditoribus, ex lege *Sancimus*, Cod. *De jure deliberando*.

IX. Quæritur quinto, Sintne præferenda debita creditoribus realibus habentibus pignus, vel hypothecam, quam debita creditoribus chirographariis non habentibus pignus, aut hypothecam?

Respondeo cum communi affirmative, quod constat tum ex lege *Eas*, Cod. *Qui priores in pignore*; tum quia pignus, & hypotheca ideo dantur credi-

creditori, ut in omni eventu possit ex iis curare sibi satisfieri; Si tamen eadem res fuerit pluribus hypothecata, regulariter loquendo præferendus est ille, cui prius fuerit hypothecata, etiamsi prior hypotheca fuerit tantum tacita, aut generalis, & posterior fuerit expressa, aut specialis, ut constat ex illa regula juris in 6. *Qui prior in tempore, potior in jure*.

Dixi, regulariter loquendo, cum in jure nonnulli casus excipiantur, in quibus posterior tempore præferendus est priori habenti hypothecam etiam expressam, & specialem. Primo enim si quis mutuavit pecuniam ad emptionem, vel refectionem, vel conservationem rei, verbi gratia, navis, aut domus alteri prius hypothecata; aut si quis mutuavit pecuniam, ut satisfaceret pro mercium vectura, aut pro conductione Aedium, in quibus merces istæ asservarentur. Et ratio est, quia sine talimutuo hypotheca illa non existisset; Unde prior creditor nihil, aut parum commodi ex ea reportaret; adeoque non debet ægre ferre, si postponatur illi, ex cuius pecunia res salva facta est. Secundo, hypotheca dotalis, per quam bona mariti sunt obligata uxori, ejusque descendentes, præfertur aliis habentibus eadem bona obligata per hypothecam tacitam, non vero expressam, ut notat Less. lib. 2. cap. 15. disp. 4. Ubi etiam notat ex Sylvest. quod quamvis expressa hypotheca prior præferatur doti posteriori, & dos præferatur mutuo posteriori per refectionem, non tamen sequitur, quod hypotheca expressa prior præferatur mutuo posteriori per refectionem, quia in jure humano non tenet hæc illatio A. vincit B., & B. vincit C., ergo A. vincit C. Tertio, quando ex pecunia pupilli aliquid emitur, illud remanet hypothecatum pupillo, itaut aliis prioribus præferendus sit. Quarto, si quis contraxit cum fisco,

manent ejus bona fisco obligata cum privilegio prælationis. Demum, quando quis mutuat alicui pecuniam ad militiam, videlicet ut equum, vel arma emat, aut in militia se sustentet, habet hypothecam jure prælationis etiam ante dotem, etsi dote sit posterior. Verum de his consule Less. loc. cit., & Juristas.

X. Petes, An eodem modo, quando eadem res fuit multis in solidum vendita diversis temporibus, præferendus sit primus emptor?

Respondeo cum communi præferendum esse primum emptorem, si res nulli fuerit adhuc tradita, cum non possit tradi secundo emptori sine injuria primi; Si tamen alicui ex emptoribus fuerit tradita, is præferendus est, quia per traditionem translatus est huic dominium rei, itaut habeat jus in re, alii vero habeant jus ad rem, ut supra explicavimus. Excipiendum tamen, tum quando primo emptori res fuit etiam expresse hypothecata, tum quando secundus emptor, cui res fuit tradita, sciebat rem illam in fraudem primi emptoris alienari; tum demum, quando fuit vendita, aut donata Ecclesiæ, Monasteriis, Civitatibus, Hospitalibus, aliisque locis piis, quæ absque traditione acquirunt rei dominium, ex lege ultima, Cod. De Sacrosanctis Ecclesiis, ut notat hic Bonac.

XI. Quæritur sexto, Sintne præferendi creditores chirographarii (seu personales non habentes hypothecam) priores posterioribus?

Respondeo cum communi apud Less. disp. 6. contra Gabriel., Salon., Tolet., Sæ negative, sed restitutionem illis faciendam ad ratam quantitatis debiti, & juxta proportionem debiti ad debitum, ex lege 6. §. De Separationibus: Etenim Creditores isti æquale jus habent; Et regula illa, *Qui prior in tempore, potior in jure*, valet solum in creditoribus realiter habentibus hypothec-

pothecam supra eandem rem , ut notat Lessi ; quamvis opinio contraria non sit improbabilis ob auctoritatem Doctorum .

XII. Quæritur septimo , An inter Creditores personales non habentes ullum jus prælationis , præferendus , qui petit debitum , aliis non petentibus ?

Respondeo cum communi affirmative , sive in iudicio , sive extra iudicium exigat debitum suum , ex lege *Pupillus* 24. §. *Qui in fraudem Creditorum* (quamvis Valq. cap. 2. dub. 3. id neget de illo , qui petit extra iudicium .) Ratio est , quia diligentia posterioris creditoris facit illum melioris conditionis , sicut hypotheca , & privilegium . Quod si nemo petat , nemo potest præferri , & peccaret lethaliter contra iustitiam , qui aliquem præferret ; Sicut etiam qui prædictum ordinem in restitutione facienda non observaret , quia ordo legis civilis , quæ non nititur falsæ præsumptioni , obligat in conscientia , ut docent communiter apud Bonac.

XIII. Dubium tamen est primo , An creditor possit sibi retinere id , quod debitor sibi non petenti ante alios solvit ?

Respondet Lessi. dist. 5. cum Molin. & aliis affirmative ; quia non retinet rem alteri hypothecam , unde utitur iure suo , retinendo quod sibi debetur . Communis tamen cum Bonac. hic , Rebel. , Azor. negant , quia facit contra jus aliorum creditorum , qui habent æquale jus in bona debitoris .

XIV. Dubium est secundo , An debitor possit aliquem pauperem creditorem præferre aliis ex solo titulo paupertatis ?

Respondet D. Th. opusc. 73. cap. 18. cum Valent. Medin. , Sz. apud Lessi. affirmative , quia plus læsus est pauper ablatione rerum suarum , & plus indiget . Communis tamen negant , quando pauper non est in ex-

trema , aut gravi necessitate , eo quod omnes creditores habent æquale jus in bona debitoris .

XV. Dubium est tertio , An qui rem alteri non hypothecam accipit ab eo , qui non est solvendo omnibus suis creditoribus , teneatur ad restitutionem ?

Respondeo , si illam rem accipiat titulo gratuito donationis , ignorans acceptionem illam esse in fraudem creditorum , tenetur solum ad restitutionem ejus , in quo factus est ditior ; modo repetatur a creditoribus intra annum a die scientiæ , ex lege *Ignoti* . Cod. *De revocandis iis , quæ in fraudem Creditorum* apud Bonac. hic . Si vero non accipit rem illam donatam , ignorans esse in fraudem creditorum , sed sciens , vel dubitans probabiliter donari in fraudem creditorum ; communis docent , quod teneatur restituere omne id , in quo per talem donationem læsi sunt creditores , quia culpabiliter cooperatus est actioni iniuste damnificativæ . At Molin. , Navar. , & alii apud Bonac. negant , si donatarius non induxit donantem ad donandum , quia accipiendo rem illam , videtur sibi iure suo , quamvis per accidens sequatur alteri damnum .

Quod si non accipiat res illa titulo gratuito , sed titulo oneroso , verbi gratia emptionis , eodem modo distinguendum ; nam si bona fide contrahens processit , non tenetur quicquam restituere , neque ratione rei acceptæ , neque ratione iniustæ acceptionis , cum bona fide perceperit , neque ex contractu , cum non se obligarit accipiendo rem nulli alteri obligatam ad quicquam restituendum ; si vero processit mala fide , communis docent contra eosdem Molin. , & Navar. apud eundem Bonac. , quod ad restitutionem teneatur , quatenus ex contractu læsi sunt creditores . Ex quibus

Inferitur primo , nihil accipi posse per ultimam voluntatem , testamen-

tum .

tum, fideicommissum, vel donationem causa mortis ab usurario, vel alio donatore, qui non est solvendo suis creditoribus.

Infertur secundo, uxorem, quæ consumit res illas, quarum dominium habet maritus, teneri ad restitutionem, si hoc faciat in fraudem creditorum; secus vero si non plus infumat, quam ipsi a marito datum sit.

Infertur tertio, filios, qui suo labore, aut aliis inserviando sine dedecore, aut alia ratione possunt se sustentare, non posse sustentari a parentibus in fraudem creditorum.

Infertur quarto, eum, qui rem alteri venditam, & nondum traditam mala fide emit, teneri ad restitutionem, cum cooperetur ad actionem injustam.

Infertur ultimo, eum, qui contraxit cum filia usurarii, qui non est solvendo suis creditoribus, non posse quicquam in dotem accipere, si sciat foret non esse solvendo; Si vero bona fide contraxit, posse promissam dotem accipere saltem pro rata cum aliis creditoribus.

XVI. Dubium est quarto, An debitor impotens satisfacere suis credi-

toribus, peccet contra iustitiam, si repudiet donationem, legatum, aut hæreditatem, qua possit suis creditoribus satisfacere?

Respondeo cum communi apud Sanch. de Matrim. lib. 6. disp. 4. contra Gomez, & alios affirmative. Ratio est, quia cum debitor teneatur satisfacere creditoribus, tenetur consequenter ex iustitia ponere ad ralem finem ea media, quæ sine gravi incommodo potest ponere; atqui sine gravi incommodo potest acceptare hæreditatem, quæ est medium ad talem finem; ergo ex iustitia tenetur hæreditatem acceptare: Sicut igitur peccat contra charitatem, qui respuit, verbi gratia, cibum sibi oblatum, quo possit proximum existentem in gravi necessitate sublevare; ita peccat contra iustitiam, qui respuit oblatam sibi hæreditatem, qua possit creditoribus satisfacere, cum ex eadem virtute, ex qua obligamur ad ponendum finem, obligemur ad media, quæ facile poni possunt. Verum quidem est, quod repudiatio talis hæreditatis esset valida in foro externo; ex lege, *Qui autem si. Qua in fraudem creditorum*; non tamen esset licita.

Q U Æ S T I O VI.

De Causis, ob quas omitti, vel differri possit Restitutio.

Causæ, ob quas restitutio licite differri potest, sunt, Primo, damnum ipsius debitoris. Secundo, damnum creditoris, vel tertie personæ. Tertio, impotentia, præsertim si cum cessione bonorum adjungatur. Addunt quarto nonnulli apud Less. cap. 16. dub. 9. excommunicationem creditoris; communius tamen id negant; si enim potest excommunicato dari elemosyna, immo debet illi dari, ex obligatione charitatis in gravi necessitate, a fortiori debet illi dari, quod ex obligatione justitiæ ei debetur, excusante ab hoc parvo commercio necessitate, vel utilitate creditoris; Quamvis si sit excommunicatus vitandus, & in judicio exigat debitum, possit repelli, ex cap. *Pia de Exceptionibus in 6.*

Causæ vero, ob quas restitutio licite omittitur, Primo sunt Remissio creditoris. Secundo, Compensatio. Tertio, Compositio. Quarto præscriptio. Quinto, Aliquando rei alienæ interitus. Sexto, Judicis, vel juris auctoritas. Septimo, Aliquando etiam ingressus in religionem; Ac demum juxta dicta art. 1. superioris quæst. Solutio facta creditori Creditoris. Hæc autem omnia frequentibus articulis examinabimus.

ARTICULUS I.

De Causis, ob quas differri potest Restitutio.

- I. Differri potest restitutio, si debitor restituendo patiatur damnum duplo majus, quam patiatur creditor ex tali dilatione; vel si pati deberet infamiam famæ, aut alterius damni notabilis.*
- II. Potest etiam differri, si deberet aliter vendere centum aureis rem valentem biscentum; aut si deberet vendere instrumenta sua artis, aut si deberet vir nobilis artem manuum exercere.*
- III. Sicut etiam si deberet cadere de proprio statu iuste acquisito, quamvis debita ex delictis contracta sint. At si per nuptias status sublimior acquisitus sit, etiam heredes cum mutatione status tenentur restituere.*

re; Sicut etiam si res in individuo restituenda sit.

IV. Nequis restitutio differri, ne quis magno lucro privetur.

V. Differenda est restitutio, si ex ea grave damnum alteri sequatur.

VI. Quenam impotentia dilationem restitutionis permittat?

VII. Num licite differens restitutionem teneatur ad interesse?

VIII. In gravi necessitate licitum est restitutionem differre, non tamen furari. In extrema necessitate dives tenetur ex charitate offerre pauperi res necessarias; & ex justitia tenetur non impedire, ne illas sibi accipiat.

IX. Cessio bonorum, seclusa impotentia, non excusat a statu restituendo. Quid ea ferat pro foro externo? Nequis Clericus cedere bonis cum ignominia sui status.

X. Qui cedit bonis, quantum possit occultare ad benefice vivendum?

XI.

XI. Artifex, qui bonis cessit, tenetur exercere, sicut prius, artem suam, ut possit suis creditoribus satisfacere quantum potest. Quid si religionem ingreditur?

I. **O** Ueritur primo, Num possit restitutio differri, ne magnum damnum debitor patiatur?

Respondeo, quod si debitor restituendo pateretur damnum longe majus, quam patiatur creditor ex dilatione restitutionis, licite differri potest restitutio; (vocat autem Rebel. damnum longe majus, quod esset duplo majus.) Ratio est, tum quia creditor est in tali casu irrationabiliter invitatus, quod ei restitutio differatur, cum iustitia non debeat adversari charitati; tum etiam, quia restitutio facienda est, ut ponatur æqualitas; in hoc autem casu non videretur poni æqualitas, sed inæqualitas per restitutionem, & ideo supra diximus, quod quando in restitutione plures expensæ faciendæ sunt, quam res ipsa valeat, potest restitutio differri: Si tamen damnum, quod sequeretur debitori ex restitutione, non esset longe majus, quam illud, quod ex dilatione pateretur creditor, restitutio non potest differri; quia in pari damno potior est conditio innocentis: Verbi gratia, si ex falsa testificatione a te facta imminet alteri periculum suspendii, debet falsa testificatio retractari, etiam cum pari periculo, quod tu sis suspendendus, dummodo ex retractione speretur utilitas.

Inferitur hinc primo, quod si potest licite differri restitutio, quando imminet grave damnum temporale longe majus, quam patiatur creditor ex dilatione restitutionis, a fortiori differri potest, quando imminet debitori, aut alteri grave damnum spirituale; verbi gratia, si ex restitutione debitor conjiciat se in laqueum ex impatien-

Part. III.

tia, aut filii latrocinii se immisceant, aut uxor sui copiam aliis faciat, &c., Quia tamen hujusmodi damnum spirituale non est necessarium, sed voluntarium, ideo notat Pal. tract. 32. disp. 1. punct. 17., quod in eo solum casu possit restitutio differri, in quo ex charitate teneretur creditor tali dilationi consentire; nam alias si creditori ex dilatione grave damnum temporale eveniret, ex quo non teneretur consentire dilationi restitutionis, deberet statim fieri restitutio.

Inferitur secundo, non teneri debitorem restituere bona inferioris ordinis cum jactura notabili boni ordinis superioris. Ordo bonorum temporalium is est, ut in infimo loco ponantur res pretio æstimabiles, ut pecunia, vestis, &c.; in medio ponatur honor, & fama; in supremo vita, libertas, virginitas, sanitas, membra, &c. Quare non tenetur restituere pecuniam, qui non potest illam restituere, nec per se, nec per alium, sine notabili jactura famæ, aut valetudinis; & consequenter fœmina, quæ ex adulterio peperit, non tenetur cum periculo vitæ, vel famæ manifestare adulterium ad impediendum damnum filiorum legitimorum: Si tamen jactura boni superioris non sit notabilis, non excusat; unde infamatus propter aliquam furta tenetur ad restitutionem novi furti cum periculo novæ infamiæ; quia non videtur pati notabilem infamiam, qui jacturam suæ famæ fecit propter aliqua furta.

II. Inferitur tertio, debitorem, ut restituat, non teneri aut seipsum vendere, aut vendere domum, vel agrum multo vilius, quam valet; Verbi gratia domum valentem ducentis aureis non tenetur vendere, si nonnisi centum aureis potest vendere: Idque verum est, etiamsi obligatio restituendi oriatur ex delicto, ut docet Lessi. dub. 1., Valent., Bonac., & alii contra

Q

Sot.

Sot., & Vasq.; Nec tenetur debitor vendere instrumenta suæ artis, quæ vitam sustentant; Nec vir nobilis tenetur artem manualement exercere, aut privare se obsequio omnium famulorum, aut equorum, ut restituat; Quamvis debeat attenuare, & diminuire victum, vestitum, & alias expensas, ut paulatim restituat servata decencia sui status.

III. Infertur quarto, posse licite differri restitutionem, quando debitor id non potest præstare, nisi cadat a proprio statu, iuste tamen acquisito; (alioquin si iniuste per rapinas, usuras, &c. statum suum acquisivisset, non diceretur cadere a proprio statu per restitutionem, sed potius transire ad proprium antiquum statum, restituendo;) Idque verum est, etiamsi debita contraxerit ex delicto, puta ex ludis, scortis, conversationibus, &c., ut communiter docent contra Less., Medin., Navar. apud Bonac.; debet tamen diminuire victum, vestitum, & alias expensas, ac dotem filiarum, ne creditor tantum detrimentum patiat.

Infertur ultimo, filium usurarii teneri ad restitutionem, etiamsi facere illam non possit sine mutatione status acquisiti per usuras, dummodo absit infamia: Et universim res aliena in specie existens restitui debet, etiam quando damnum debitoris est longe majus damno creditoris, ut notant Less., Bonac., & alii communiter, quia res semper clamat ad dominum.

IV. Opponitur contra prædicta: Nemo potest accipere alienum ad vitandum proprium damnum notabiliter majus; ergo neque potest retinere res alienas ad vitandum damnum suum notabiliter majus damno creditoris.

Confirmatur, quia nemo potest differre restitutionem, ne privetur notabili lucro; ergo neque potest differre restitutionem debitam, ne subeat damnum notabile.

Respondeo cum Less. cap. 6. dub. 1. nego consequentiam. Disparitas est, quia magis est rem alienam auferre, spoliando dominum possessione sua, quam rem alienam retinere; Sicuti magis est vulnus inferre, quam vulnere non mederi.

Ad confirmationem, nego etiam consequentiam propter eandem rationem, quia magis est pati damnum, quam non habere lucrum, nec æquitas postulat, ut creditor rebus suis careat ob lucrum debitoris, ut communiter docent Doctores; Qui tamen id limitant, nisi debitor tale lucrum quarat ad satisfaciendum aliis creditoribus, quibus alioquin non esset solvendo; In eo enim casu creditor non censetur rationabiliter invitus.

V. Quæritur secundo, Quandonam differri possit restitutio ob damnum imminens ipsi creditori, aut tertie personæ?

Respondeo, posse differri restitutionem, quoties censetur futura graviter perniciofa ipsi creditori, aut cuivis alteri. Ratio est, quia in tali casu dominus non censetur invitus, cum ex charitate, & æquitate teneatur pati dilationem ad vitandum grave damnum proximi, ut fusc ostendimus quæst. 4. art. 5.; Ubi etiam diximus cum Molin., Valent., Less. contra Sanch., & alios peccare graviter contra charitatem, qui restituit domino rem, qua ille peccaturus est contra alias virtutes a justitia, puta ad fornicandum, &c.; peccare vero probabilius contra iustitiam, qui restituit domino rem, quæ vel ipsi, vel alteri est nocitura, verbi gratia gladium, quo mors infligenda est, si tamen commode potest restitutionem differre.

VI. Quæritur tertio, Quænam impotentia permittat dilationem restitutionis?

Respondeo cum Tambur. hic, illam impotentiam excusare a restitutio-

tione, qua debitor Primo non habet, unde solvat, cum ad impossibile nemo teneatur. Secundo, qua si solvat,⁹ fit graviter indigens, seu qua, ut modo diximus, notabiliter cadit e suo statu; quamvis enim in gravi necessitate nemo possit furari, potest tamen restitutionem debitor differre, ne in gravem necessitatem incurrat, ut notat Bonac. hic. Tertio, & quidem a fortiori, qua si solvat, fit extreme indigens. Quarto, qua si solvat, cogitur subire damnum notabiliter majus, quam sit damnum, quod creditor ex tali dilatione pateretur; unde docet Bonac. num. 22., & Less. cap. 16. num. 22., posse differre restitutionem, quando ad restituendum statim oporteret vendere centum rem valentem biscentum: Ubi notandum ex Less. loc. cit., quod si tales sint circumstantiæ, ut nisi nunc fiat restitutio, non possit amplius deinde fieri, in tali casu si res injuste ablata est, restitui debet statim, etiamsi magni sumptus essent faciendi. Si vero res præsertim parvi momenti sine duplo, vel triplo sumptu restitui domino amplius non potest, probabile est ex Less. cap. 15. dub. 8. dari posse pretium æquivalens; præsumi enim potest id domino non displicere, quia iustitia charitati non adversatur, ut diximus quæst. 4. art. 2.

VII. Dubium est primo, an qui ob causas prædictas differt restitutionem, obligetur ad interesse, quod creditor patitur ex tali dilatione, videlicet ad lucrum cessans, & ad damnum emergens.

Respondeo juxta dicta, cum de possessore malæ fidei, teneri ad interesse, si differat solutionem debiti ex delicto; quia talis mora fuit culpabilis in causa, videlicet in injusta acceptatione. Ita Molin., Laym. contra Navar. sect. 10., Pal. Si vero differatur solutio debiti ex contractu, non tenetur ad interesse, ex Less., Vasq. Bonac.

quæst. 4. punct. 1. quia cum mora neque in se, neque in sua causa sit culpabilis, damnum illud imputari non potest debitori, atque adeo non debet compensari. Si tamen debitor differat solutionem ad vicandum suum magnum incommodum, videtur obligandus ad restitutionem damni, quod creditor patitur ex dilatione restitutionis, ex Molin., & aliis apud eundem Bonac.; quia par non est, ut debitor servet seipsum indemnem cum damno creditoris, quando debitor revera est solvendo, quamvis cum magno, aut notabili incommodo.

VIII. Dubium est secundo, An sicuti impotentia, & inopia debitoris excuset a restitutione, ita excuset etiam a peccato furti; unde liceat urgente necessitate accipere res alienas?

Respondeo, in communi, & gravi necessitate non esse licitum furari: Quicquid in contrarium senserint nonnulli apud Dian. par. 5. tract. 8. resol. 23., unde merito damnatur ab Innoc. XI. propos. 36. dicens, *Permissum esse furari non solum in extrema, sed etiam in gravi*: Econtra licitum est in extrema necessitate, in qua omnia sunt communia; Immo ex Less. cap. 12. num. 71., & aliis apud Hurtad., licitum etiam id est in valde gravi necessitate, quæ comparetur extremæ; cum quilibet nialit mori, verbi gratia, quam esse in proximo periculo stupri, servitutis, vitæ miserrimæ, &c.. Ratio est, quia jure naturæ talis necessitas facit res communes, sicuti erant ante divisionem, & appropriationem jure gentium, & civili introductam; Etenim jus positivum non potest præjudicare juri, quod a natura quisque habet tuendi vitam suam: Sicut autem potest sic indigens furari per seipsum, ita potest per alium, qui sit suum instrumentum, quando hic non potest de suo illum sublevare.

Notandum tamen, quod extreme

Q 2 in

indigens non potest ab extreme indigente furari, quia melior est conditio possidentis.

Dubium est tertio, Utrum extreme indigenti debeat quilibet subvenire ex iustitia, an solum ex charitate, & misericordia?

Respondeo cum Tambur., Pal., Lug., duas inesse diviti obligationes, prima est offerendi extreme indigenti res necessarias. Secunda, non impediendi, ne illas accipiat; sic enim satisfacit præcepto sublevandi proximum; Mandavit enim Deus unicuique de proximo suo: Obligatio tamen offerendi res necessarias est ex sola charitate, & misericordia, ad quam spectat sublevare miseras; obligatio vero non impediendi, ne illas accipiat, est ex iustitia; quia sicut quilibet habet jus accipiendi adespota, idest quæ sub nullius dominio sunt, ita extreme indigens habet jus accipiendi, quodcumque est sibi necessarium; cum tunc omnia sint communia: Unde fit, ut si dives impediat talem acceptionem, teneatur ad damna secuta; secus vero si solum non offerat. Utrum autem qui in extrema necessitate res alienas consumpsit, teneatur deinde res florentem fortuna restituere? diximus jam cum de possessore malæ fidei.

IX. Quæritur quarto, An cessio bonorum sit causa, ut differatur solum, an vero ut omittatur restitutio?

Respondeo, cessionem bonorum nullatenus in foro interno eximere ab obligatione statim restituendi, si non sit conjuncta cum impotentia debitoris. In foro autem externo post cessionem bonorum debitor non potest in carcerem detrudi, donec non acquisierit bona superflua ad sui, suorumque sustentationem, ex lege *Qui bonus*, ff. *De cessione bonorum*. Quare debita per cessionem bonorum nullatenus extinguuntur, sed solum in foro exter-

no conspiciuntur, (sicuti conspiciuntur in foro interno, quando debitor est vere impotens satisfacere,) etiam cessio bonorum fiat cum quibuscumque ignominiosis actibus juxta loci consuetudinem; verbi gratia, sedendo in loco publico cum corda capiti imposita, ut communiter docent apud Less. cap. 16. dub. 5. contra nonnullos. Ratio est, quia talis poena non potest extinguere obligationem naturalem restituendi; nec in foro externo imponitur, ut debitor a restitutione liberetur, sed ut plectatur culpa, quæ præsumitur ab eo admissa.

Notandum hic primo, Clericum inopem nec teneri bonis cedere, nec posse in carcerem detrudi ob debita, ut docet Abbas, Immola, & alii apud Less. ex cap. *Odoard. 3. De solutionibus*; quia Clericus non potest conveniri, nisi quatenus solvere potest, deductis necessariis alimentis, ne in opprobrium status Ecclesiastici cogatur mendicare; ut colligitur ex dicto Capit. *Odoardus*, & communiter Doctores docent. Nec potest Clericus huic privilegio cedere. Nomine autem Clerici non est intelligendus solum Clericus sacrorum Ordinum, & qui proprio ministerio Ecclesiæ inservit, sed omnes Clerici, ex Rebuff., aut saltem ex Less. omnes Clerici, qui ex Trident. sess. 25. cap. 6. gaudent privilegio fori, ut sunt, Primo, initiati Sacris ordinibus. Secundo, habentes beneficium Ecclesiasticum. Tertio, Clerici, qui deferentes habitum, & tonsuram alicui Ecclesiæ ex mandato Episcopi inserviunt. Quarto, Clerici, qui in seminario Clericorum, aut in aliqua schola, vel universitate de licentia Episcopi, quasi in via ad majores ordines versantur, & habitum cum tonsura gestant; Exceptis tamen conjugatis, qui si cum virgine contraxerint, & alicui Ecclesiæ de mandato Episcopi inserviant, & habitum, ac

ton-

confuram deferant, gaudent quidem privilegio Canonis, & fori, non ramen cæteris Clericorum privilegiis.

X. Notandum secundo, eum, qui cogitur cedere bonis suis, posse occultare quantum satis est, ne pro sua conditione indecore vivat, seu quantum satis est ad tenuem sui, & suorum sustentationem juxta statum suum, etiam si debita propter delicta notoria contraxerit, cum non teneatur ad restitutionem cum tanto suo incommodo, ut communiter docent contra Medin., & Adrian. apud Dian. part. 3. tract. 4. resol. 78. Quod tamen semper intelligendum est, nisi creditores ex defectu restitutionis cogantur in similem miserum statum descendere; nam in tali casu melior esse debet conditio creditoris innocentis, quam debitoris rei, & hic potius, quam ille debet e statu suo cadere. Hinc Sor., Azor., Coelestin., & alii apud Dian. part. 5. tract. 14. resol. 87. docent, quod uxores, & filii, quorum maritus, vel parentes ad magnam penuriam sunt redacti, sive culpabiliter, sive inculpabiliter, si post eorum mortem inveniantur impotentes solvere debita a marito, vel patre contracta, possint ex bonis relictis occultare, quantum satis est ad vitam, suumque statum honeste conservandum; & si in judicio requirantur, possint cum æquivocatione congrua jurare se nihil occultasse, hoc est, nihil aliis debitum; & propter eandem rationem non incurrant excommunicationem forte latam contra occultantes sua bona.

Notandum tertio ex Less. cap. 16. dub. 3., & Navar., quod qui credit bonis, habens debita ex delicto notorio, non possit tantum retinere, quantum si ex contractu debeat, & casu aliquo in grande infortunium incidere. Ratio est clara, tum quia æquum est, ut magis pariat, qui sua culpa non est solvendo, quam qui citra cul-

pam; tum etiam quia, qui alienis opibus novum statum acquisivit non dicitur cadere a proprio statu, si aliena restituens in statu humiliori sit.

XI. Rogabis: Num artifex, verbi gratia, qui cessit bonis, teneatur deinde exercere, sicut antea, artem suam, ut possit præter victum sibi necessarium acquirere, unde ex parte saltem creditoribus satisfaciatur, an vero possit licite otiosi?

Respondeo cum communi apud Tanibur. tract. 4. cap. 1. §. 9., quod teneatur operari, sicut antea, ut restituat quantum potest, tam debita delicto, quam ex contractu; cum enim per cessionem bonorum non sit extincta, sed consopita obligatio restitutionis, sequitur quod teneatur debitor facere quantum potest sine suo gravi incommodo, ut tali obligationi satisfaciatur. Et ratio a priori est, quia qui tenetur ad ponendum finem, tenetur etiam ponere media saltem ordinaria ad ponendum talem finem; Verbi gratia, qui tenetur recitare horas, tenetur etiam comparare breviarium, & paterfamilias, qui tenetur alere suos, tenetur pariter ex virtute pietatis ad conquirendum victum consuetis hominum laboribus, ut possit suam familiam alere; ergo pariter qui tenetur restituere, tenetur adhibere media ordinaria ad satisfaciendum, atque adeo tenetur exercere, ut antea, artem suam; quamvis non teneatur extraordinarios labores, aut cum gravi incommodo subire; Et ideo diximus, ex justitia obligari hujusmodi debitores ad non repudiandam hereditatem, aut donationem, qua possint suis creditoribus satisfacere.

Dices: Qui ære alieno gravatus, non habens unde reddat, religiosam vitam suscipit, non tenetur in religione laborare, aut hereditatem non repudiare, ut suis creditoribus satisfaciatur; ergo neque in casu nostro; Antecedens quam-

quamvis negetur a Lug. disp. 21. sect. 6., & Sanch. lib. 6. cap. 12. num. 26., videtur tamen admitti a Pal. tom. 3. tract. 16. disp. 3.. Et sane quod possit aere alieno gravari religionem ingredi, præcendendo a prohibitione Sixti V., docent D. Th., & alii apud Sanch. cap. 19. contra Molin. tom. 3. disp. 758., quia obligatio restituendi non est tanti, ut possit privare hominem bono superioris ordinis, quale est Deo vitam addicere in religione, ut dicemus in calce articuli sexti.

Respondeo, antecedens communius negari, & solum a Pal. disputationis gratia oppositam sententiam sustineri loc. cit. Verum admisso antecedente, negatur consequentia; Et disparitas est manifesta, quia religiosus quicquid acquirit, monasterio acquirit; Unde nihil prodesse potest creditoribus, quod debitor in religione aliquid suo labore acquirit, & consequenter non tenetur laborare, ut satisfaciat.

ARTICULUS II.

De Debiti remissione, quæ excusat a restitutione.

- I. Condonatio creditoris tunc excusat debitorem a restituendo, quando ea est plene libera, & a jure non irritatur.
- II. Remissio facta debitori fingenti se pauperem est invalida, nupere facta per dolum circa causam finalem.
- III. Si condonetur pars debiti ob metum injustum, ne scilicet totum creditum amittatur ob culpam debitoris, talis condonatio est invalida; secus vero si fiat ob metum justum, ne scilicet totum creditum amittatur ob debitoris inopiam.
- IV. Est etiam invalida, si metus a tercia persona incutatur ad remissionem extorquendam.

V. Debitor, qui sine fraude se comparsit cum creditoribus, non censetur deinde partem debiti sibi remissam restituere, si deveniat ad pinguinem fortunam; secus si sese in Ecclesiam recipiat, ne pars debiti sibi remittatur.

VI. Excusatur a restitutione debitor, cui constet de voluntate siue formali, siue præsumpta creditoris debiti remissionis; secus vero si de ea dubitet.

I. **O**uzitur primo, Quamnam condonatio creditoris excuset a restitutione debitorem?

Respondeo, excusare solum illam, quæ sit omnino libere, & a jure non impeditur; talis enim condonatio æquivaleret restitutioni, tollitque injuriam auferendam per restitutionem; eo quod scienti, & volenti, quod non fiat restitutio, nulla sit injuria. Quia tamen condonatio est quædam donatio, & donatio, ut sit valida, debet esse omnino libera, itaut si per metum fiat, sit invalida, ideo condonatio, quæ est involuntaria simpliciter, aut mixta cum involuntario, non deobligat a restitutione; ut si fiat per ignorantiam, per metum gravem, aut levem, quamvis reverentialem, per dolum, & fraudem debitoris; Et universim quæ donationem invalidant, pariter invalidant debiti condonationem.

Præterea condonatio, ut excuset a restitutione, debet a jure non impediri; nam, verbi gratia, furiosus, & pupillus sicut non possunt donare, ita nec debitum remittere, jure impediente talem donationem. Pariter si Episcopus aliquid in visitatione accipiat præter sumptus necessarios, & remissionem obtineat, invalida est remissio; Immo tenetur duplum restituere infra mensem sub pena interdicti ab ingressu Ecclesie ipso facto incur-

currenda, ex cap. *Exigit, de censibus, & exactionibus*. Similiter Canonicus, qui divinis officiis non interfuit, non potest retinere distributiones respondentes tempori absentiae, etiam si illarum remissionem obtineat a reliquis Canonicis; nam talis remissio impeditur, & irritatur a jure; ut constat ex Tridentino sess. 24. cap. 12.

II. Inferitur ex dictis primo, condonationem factam debitori fingenti se pauperem esse invalidam, si creditor illam faciat praetextu paupertatis; cum talis donatio facta per dolum circa causam non impulsivam, sed finalem, seu motivam, sit nulla, utpote involuntaria, ut notant Less. cap. 17. num. 33., Bonac. de Contractibus quaest. 1. punct. 2. §. 2., & alii communiter.

III. Inferitur secundo, quod quando creditor remittit partem debiti, timens, quod aliter totum creditum sit amissurus ob culpam debitoris, remissio etiam sit invalida: cum fiat per metum injustum, unde est involuntaria; sicut vero si creditor remittat partem debiti timens, ne aliter totum creditum sit amissurus sine culpa debitoris, verbi gratia, ob ejus inopiam; ut notat Rebel. lib. 2. cap. 16. Sanch. & alii; in tali enim casu videtur voluntarie remittere sine fraude, & violentia.

IV. Dubium est, An sit valida remissio partis debiti, quando fit ex metu, ne totum creditum amittatur, & metus non inicitur a debitore, sed a tertia persona?

Sylvest. V. *Restitutio*, & alii docent esse validam. Bonac. tamen hic verius negat, quoties metus inicitur ad extorquendam remissionem; cum non videatur talis remissio omnino libera.

V. Inferitur tertio, excusari a restitutione illum, qui a creditore petit, & obtinet remissionem, quamvis non offerat solutionem, nec sit paratus sol-

vere; per hoc enim non tollitur, quominus libere, & valide creditor remittat.

Inferitur ultimo, debitorem, qui se composuit cum creditoribus contentis minore summa, non teneri restituere totum debitum, si veniat ad pinguiorem fortunam; quia talis compositio habet vim remissionis, & donationis, dummodo abfuerit fraus, dolus, aut metus; Et ideo quando debitor potens omnibus satisfacere sese recipit in Ecclesiam, vel in locum distantem, ut debiti remissionem in totum, aut in partem obtineat, talis remissio est invalida, ut docent Sâ, Navar., Sylvest., & alii apud Bonac.; Quicquid alii sentiant in contrarium.

VI. Quaeritur secundo, An excusetur a restitutione debitor, cui constat de voluntate formali, vel praesumpta creditoris debitum remittentis?

Respondet cum communi affirmative, quoties id constat absque ullo dubio; cum in tali casu nihil retineatur invito domino: Unde fit excusari aliquando filiumfamilias, si non restituat ob praesumptam Patris voluntatem; quam licet conjicere ex amore Patris erga filium, ex modica quantitate rei ablatae respectu bonorum Patris, &c. Et Sâ V. *Restitutio* num. 31. addit, non teneri ad restitutionem illum, qui aliquid accepit a domino, quod si petuisset, ei libenter datum fuisset; non enim invito domino retinet: Si tamen dubitatur de voluntate creditoris aut formali, aut praesumpta, restitutio facienda est, cum in dubio judicandum sit in favorem possidentis.

ARTICULUS III.

De occulta compensatione excusante debitorem a restituendo.

- I. *Ut a restitutione reddas immunem, Compensatio occulta fieri debet cum suis requisitis.*
- II. *Debet quippe esse moraliter certum debitum compensandum, & non dubium, aut probabile.*
- III. *Debitum istud debet esse ex iustitia, non ex alia virtute, puta ex promissione, aut voto, vel ex gratitudine.*
- IV. *Res, qua fiat compensatio, debet esse ipsius debitoris, non deposita, aut alteri hypothecata.*
- V. *Requiruntur etiam, ut debitum non possit aliter recuperari sine gravi incommodo. Num sit mortale, cessante scandalo, hanc conditionem omittere?*
- VI. *Debet vitari grave damnum alterius, qui forte infamaretur, ac ipsius debitoris, qui fugit iterum restituere.*
- VII. *Num possit cum equivocatione iuratus negare, quod aliquid acceperit, qui accepit aliquid in compensationem?*
- VIII. *In quibus casibus possunt famuli sibi compensare ab heris suis, quod sibi iudicio prudentium propter famulatum debetur?*
- IX. *Si Sacerdos nequeat recuperare decem carolenos debitos a Titio, & hic det illi totidem carolenos pro decem missis celebrandis, poteritne ob compensationem omittere missarum celebrationem?*
- X. *Num filius laborans pro Patre possit pro tali labore aliquid sibi occulte compensare?*
- XI. *Num possit fieri compensatio in delictis, non restituendo, verbi gratia, famulam illi, quise infamavit*

Et num possit infamia compensari pecunia?

XII. *Possitne aliquando ob debitum probabile fieri compensatio? Praesertim si probabilitas versetur circa ius, non circa factum?*

I. **O** Ueritur primo, Quandonam Compensatio occulta excuset a restitutione?

Respondeo, occultam compensationem factam cum debitis requisitis excusare debitorem a restitutione, cum per illam tollatur inaequalitas. Quare si creditor compenset sibi creditum suum, accipiendo, quod sibi debetur, liberatur tam debitor ab onere novae restitutionis, quam ipse creditor ab onere restituendi id, quod compensationis causa alteri subtraxit; cum hic non sit rationabiliter invitatus: Si tamen sine debitis conditionibus fiat compensatio, peccatur ex D. Th. quaest. 66. art. 3.; quia fit injuria publice potestati, quae ad hoc constituta est, ut singulis tribuat jus suum.

II. Requisita autem ad licitam compensationem sunt, Primo ex Less. cap. 12. num. 58., ut debitum compensandum sit liquidum, & moraliter certum; nam si sit dubium, non est licita compensatio, cum melior in dubiis sit conditio possidentis; unde dici solet. *Liquidum ad non liquidum non est compensatio.*

III. Secundo, ut tale debitum sit ex iustitia, non ex promissione, ex voto, ex charitate, ex gratitudine, &c. Ratio est, quia sola lex iustitiae obligat ad restitutionem. Proinde communiter Doctores rejiciunt Petrum Navar. existimantem, quod in solo debito ex gratitudine possit fieri compensatio.

IV. Tertio, ut non accipias rem aliquam apud debitorem depositam, aut alteri hypothecatam, sed vel rem tuam, quae sit penes debitorem, vel
rem

rem ipsius debitoris, quia compensatio fieri debet ex bonis debitoris sine præjudicio alterius.

V. Quarto, ut non possis aliter creditum tuum recuperare, vel certe non sine notabili molestia, & expensis, aut non sine amissione benevolentiae, & favoris. Putant tamen Dian. part. 7. tract. 6. resol. 17., Moya part. 2. tract. 6. resol. 1., Trull., & alii non esse mortale, cessante scandalo, hanc conditionem omittere; quia non fit injuria Judici, nec turbatur Respublica, quando id fit occulte.

VI. Quinto, ut absit periculum scandalis, vel infamiae, ne tanquam fur infameris tu, aut alter, teneris enim ex charitate vitare damnum tertii innocentis, quoties notabiliter excedit damnum illius id, quod tu pareris, si compensationem omittes: Ex propter eandem rationem peccas etiam contra iustitiam, si accipias a debitore rem diversam tibi debitam cum damno debitoris, quod longe majus sit damno tuo; Cum enim in tali casu debitor non debeat restituere, sed possit restitutionem differre juxta dicta art. 1., tu sine rationabili causa eris causa illius damni, atque adeo ad restitutionem teneris.

Demum ex charitate vitare debes, si commode fieri potest, ne debitor, aut ejus hæres ignorans compensationem a te factam, vel iterum tibi debitum solvat, vel permaneat in peccato existimando se teneri ad restituendum; unde fingere poteris, quod illi debitum remittas, aut alia via id vitare.

VII. Ex dictis sequitur primo ex Less. cap. 12. num. 61. contra Joannem Medinam, quod si feratur excommunicatio contra eos, qui aliquid furripuerunt, talis excommunicatio non cadit in eum, qui aliquid in compensationem accepit, etiam si alia via id recuperare potuerit; dummodo de-

bitum sit liquidum, & res surrepta sit debitoris; Quamvis enim non servando reliquas conditiones compensationis peccarit, at non contra iustitiam; Judex autem per interminationem excommunicationis solum vult cogere injustum detentorem; Et ideo nonnulli docent, quod si is interrogetur a Judice, an aliquid acceperit, possit cum juramento negare, quod acceperit, id est injuste, prout Judex intendit; Probabilius tamen est, quod docet Navar. cap. 17. num. 114. apud eundem Less.: quod si non recte accepit, eo quod via juris facile illud recuperare potuisset, quamvis iuste retineat, juridice tamen interrogatus teneatur verum fateri; quia Judex habet tunc jus interrogandi, sicut & de aliis delictis; unde non potest uti æquivocatione, & artificio prædicto.

VIII. Sequitur secundo ex eodem Less. famulos non posse sibi compensare ex bonis dominorum, dum conquerruntur de salario, quod putant esse parvum, & opposita sententia damnata est ab Innoc. XI. in thesi 17., quæ habet: *Famuli, & famula domestica possunt occulte heris suis surripere ad compensandam operam suam, quam majorem judicant salario, quod recipiunt*: Tunc solum possunt famuli sibi compensare, quando judicio prudentium aliquid iis debetur, non ex obligatione gratitudinis, sed iustitiæ; Quod dupliciter potest contingere, Primo, si parvo quidem sit conventum a famulo, ea tamen mente, ut dominus servitio diligenter præstito esset suppleturus, & hanc mentem famuli dominus satis adverterit; tunc enim dominus tenetur supplere, seu salarium augere ex iustitia; quia hoc tacite in pacto continetur. Secundo, si famulus pressus necessitate exiguo convenit, cum dominus amplius dare noluerit; tunc enim operam suam pluriis valentem non sponte parvo locavit,

R sed

Part III.

sed involuntarie secundum quid, seu necessitate compulsus; Sicuti qui parvo, seu infra pretium infimum iustum vendit rem aliquam magni pretii, pressus necessitate, pariter compensare potest sibi usque ad pretium infimum iustum: Quare dominus in casu nostro ex iustitia tenetur supplere stipendium ad æqualitatem. Hoc tamen intelligendum, si dominus tali servitio egebat, aut si magnum ex eo caput emolumentum; aliter si ad tuas, vel alterius preces sine suo magno commodo in famulum te admittit, merito potuit minus offerre, & dare, cum merces ultroneæ vilescant. Sicut etiam potest minus offerre, quando ob multitudinem famulorum pretium famulatus decrevit.

Sequitur tertio, posse famulos retinere de victu sibi a domino præstito, quod sibi ex eo subtrahunt, alias comesturi; non tamen quod iis superset post saturitatem; Si tamen certa portio iis assignata sit, possunt de illa libere disponere, ut notant Sanch. Lug., Dian. part. 7. tract. 7. resol. 22.

IX. Sequitur quarto, posse Sacerdotem, qui pecunia credita decem missas celebravit, si non possit pecuniam hanc recuperare, oblati deinde decem carolensis pro aliis decem missis, pecuniam hanc retinere, & alias decem missas non celebrare, ut notat Peirinus apud Tambur. lib. 3. de Sacrif. Missæ cap. 1. §. 3.; dummodo tamen viat damnum tertii, videlicet aut animæ purgantis, aut infirmi, &c.; Si enim missæ pro istis petantur, & non pro ipso debitore, non videtur id licere, quicquid dicat Puente-Hurtad. in propos. 37. damnatam ab Innoc. XI.; Non enim esset æquum, ut illi pariantur tam grave damnum ob delictum debitoris, quamvis ad eundem debitorem pertineat.

X. Sequitur ultimo ex Dian. part. 4. tract. 4. resol. 66., Laym., Less.,

& aliis contra Molin., Petrum Navar., & alios communius, probabiliter excusari filium canponis, mercatoris, &c., si velit a patre salarium, quod alteri extraneo deberetur, adeo ut si ob metum reverentialem illud non exigat, possit clam a Patre accipere, demptis tamen expensis, quas in eo alendo pater infumit.

XI. Quæritur secundo, An licita sit compensatio non solum in facultatibus, seu in bonis fortunæ eo modo, quo diximus, sed etiam in delictis, seu in actionibus, quæ ex delicto nascuntur: Verbi gratia, si Titius, & Cajus se mutuo infamarint, & Titius nolit, aut non possit famam resarcire, poteritne Cajus uti compensatione, itaut nec ipse famam restituat?

Respondeo, Petrum Navar. negare; hinc enim sequeretur, quod sicuti qui potest compensare sibi pecuniam, potest non solum non restituere, sed etiam clam accipere pecuniam debitoris, ut sibi compenset; ita si Titius posset compensare sibi famam injuste ablatam a Cajus, posset pariter non solum non restituere famam Cajus, sed etiam positive illum infamare, quod nemo dixerit.

Verum communius cum Bonac. hic docent, licitam esse huiusmodi compensationem, non quidem ante factum, quia esset vindicta, sed post factum, dummodo servetur æqualitas delictorum. Et ratio est, quia paria delicta mutua compensatione tolluntur; Unde fit, quod quando uterque conjux commisit adulterium, neuter privetur jure petendi debitum, cum detur compensatio; Quinimodo nonnulli Doctores volunt etiam in delictis diversi generis licitam esse compensationem; Verbi gratia, si maritus occidit adulterantem cum sua uxore, potest consonam compensationem facere cum injuria ab occi-

eiso sibi illata per adulterium, quamvis homicidium, & adulterium sint diversi generis.

Addit Less. cap. 1. dub. 25., probabile etiam esse, quod possit fieri compensatio infamiae cum damno fortunarum; Unde si Titius, qui te infamavit, nolit, aut non possit famam restituere, possis tu illi denegare pecuniam, quam debes in ea quantitate, quam prudentes existimabunt.

Communius tamen id negant apud Bonac. disp. 2. quaest. 4. punct. 19., quia pecunia, & fama sunt in diverso genere, & unum non potest aequivalere alteri; Iustitia autem solum obligat, ut restituatur ablatum, vel aliud quod aequivalens; cum ergo pecunia non possit aequivalere famae, quia ex Ecclesiast. *Melius est nimium bonum, quam divitiis multa*; ideo qui non potest famam restituere, non tenetur ex iustitia illam pecunia compensare.

XII. Dubium est secundo, An possit fieri compensatio ob debitum probabile?

Respondeo, Doctores apud Dian. part. 7. tract. 10. resol. 16., & part. 9. tract. 9. resol. 46. negare; quia est veluti axioma in materia iustitiae, quod A non liquido ad liquidum non datur compensatio; Jus autem probabile ad rem non est liquidum, ergo non potest fieri compensatio ad rem liquidam. Ita Sanch. lib. 6. cap. 3. Suar. de Legibus lib. 5. cap. 18. Pal., Laym., Dicastil., & alii communiter.

Verum Joannes Lugo Card. disp. 16. de Iustitia sect. 5. distinguit, dicendo, quod quando opinio probabilis favens creditori versatur circa jus, possit probabiliter fieri compensatio, secus vero si versatur circa factum. Ratio est, quia si probabilitas versetur circa jus, Iudex proferre posset sententiam pro creditore, non obstante possessione debitoris; Immo deberet talem sententiam proferre, si

opinio probabilior staret pro creditore; Nam regula illa, *In pari causa favendum est potius reo*, locum habet in causa dubia dubio negativo, vel saltem in dubio probabilis circa factum, quia fundatur in alia regula, quod *Actore non probante reus absolvitur*. At si Actor fundet opinionem suam in probabiliori sententia legis, non dicitur non probare, nec dicitur esse par causa actoris, & rei; ergo si non potest creditor sine gravi incommodo ad iudicem recurrere, poterit sententiam, quam Iudex proferret, amplecti, & sic compensare sibi debitum probabile probabilitate juris; quamvis id in praxi sit valde periculolum.

Hinc primo multi Doctores cum Less. cap. 12. disp. 25., Molin., Ledesm., Dian. part. 2. tract. 5. resol. 30. docent, quod liceat infamare compensationem facere negando pecunias, quas debet Petro, qui non potest, aut non vult rescarcire famam, eo quod probabilis sit sententia docens infamiam compensandam esse pecunia, quando non potest in proprio genere restituere; Quamvis opposita sententia sit communior.

Secundo Sylvius, Malder., & alii docent, quod si duo se mutuo infamarunt, possint, quando damnum est aequale, compensare sibi, itaut neuter teneatur restituere, donec alter restituat; quod fundatur in opinione probabilis, quod licita sit in infamia compensatio; Quamvis opposita sententia sit probabilissima.

Tertio, docent multi cum Less. cap. 19. dub. 3., Molin., Granad., & aliis, quod qui ex testamento minus solemniter habere debet legatum, possit illud sibi retinere, vel compensationem facere, eo quod probabilis sit sententia, quod jure naturae hujusmodi testamentum sit validum, atque adeo in foro conscientiae debeatur legata in eo facta; Quamvis contra-

R. a. ria

ria opinio sit satis communis, & probabilis.

Quarto, docet Less. ibidem, posse heredem ab intestato utri compensatione occulta contra eum, qui bona defuncti possidet ex testamento minus solemnni; quia probabilis est sententia, quod ea bona debeantur heredi ab intestato, cui opinioni potest se conformare.

Neque obstat ratio adducta, videlicet iniquum videri, quod debitum incertum, & non liquidum cum liquido compensetur. Nam si quid probat hoc argumentum, probaret non solum contra compensationem, sed etiam contra solutionem. Probaret enim, quod qui habet creditum solum probabile, non possit petere, nec accipere solutionem a debitore; quia res certa solveretur pro debito incerto, & probabilis; Unde etiam sequeretur, quod neque in iudicio liceret agere, vel exigere, nisi cum evidenti iure; Quare iniquum duntaxat est, debitum non liquidum, seu dubium cum liquido compensare, non vero probabile probabilitate juris potiori. Et ratio a priori est, quia sicuti solutio, ita compensatio licita est eo ipso, quod nitur ratione probabiliori; sicuti in aliis materiis, verbi gratia, in jejuniis, in recitatione horarum, &c., si probabile est te excusari, poteris certe omittere jejuniis, & recitationem horarum ob rationem probabilem, & sic incertam; quamvis ob merum dubium non exculeris; ad licitam enim operationem universim satis est probabilitas. Qua de re plura congerit P. Andreas Zuccherius in suis valde eruditissimis Decisionibus Patavinis de Restitutione Casu 2. Mensis Martii.

Hinc Franciscus Lugo apud Dian. loc. cit. ad quæsitum, An si Petrus possideat equum, quem tu probabiliter putas esse tuum, possis illum eo spo-

liare? docet, communiter id negari; quia quamvis proprietatem possidentis sit solum probabilis, possessio tamen est certa, & ideo præponderat tui probabilis proprietati in contrarium; Deinde addit, Joannem Sanch. disp. 43. distinguere dicendo, quod si probabilitas sit orta circa factum, scilicet ex probationibus, & testimoniis, non possis ea re spoliare possidentem, nisi per auctoritatem iudicis; scilicet vero si probabilitas sit circa jus, verbi gratia, quia tibi debetur legatum ex testamento minus solemnni, aut ex alio probabilis titulo. Ratio est, quia possessio prævalet tantum contra dubium negativum, non vero contra probabilem opinionem circa jus; Immo Sancius num. 56. addit, aliquos viros doctos a se consultos putare, probabile etiam esse, quod talis compensatio fieri possit, etiam si opinio probabilis, quod res sit tua, sit circa factum, seu orta ex probationibus, & testimoniis; quam sententiam ipse etiam Franciscus Lugo ut probabilem amplectitur, quia si opinio probabilis sit circa factum, siue circa jus, possessio in utroque casu nititur proprietate, quæ solum est probabilis; unde non impedit usum contrariæ opinionis.

His tamen non obstantibus, dico cum communi Doctorum, in praxi ab hac opinione abstinendum esse, etiam cessante scandalo, sed juridice expectandam esse sententiam iudicis; Ratio est ex Cardinali Joanne De Lugo disp. 16. num. 106., quia scandalosum est, quod quilibet in re dubia sit iudex in propria causa: Hoc enim furis immensum ostium aperiret. Quod confirmatur ex propositione illa decima septima ab Innoc. XI. damnata, ut scandalosa, quod famuli possint occulte heris suis surripere ad compensandam operam suam, quam majorem judicant salatio, quod recipiunt;

Quæ

Quæ opinio non fuisset damnata ut scandalosa, si vera esset opinio adducta Joannis Sancio, quod possit tu spoliare Petrum re, quam possidet ob solam probabilitatem, quod ea tibi debeatur.

Adde, quod tenuis probabilitas non satis est ad licite operandum, ex propos. 3. damnata ab Innoc. XI. Atqui in opinione Joannis Sancio daretur solum tenuis probabilitas; ergo non subsistit. Probatur minor, quia probabilitas probabilitatis est tenuis probabilitas; in ea autem sententia daretur solum probabilitas probabilitatis; nam probabile est, quod possit fieri compensatio, quando probabile est, quod res, quam Petrus possidet, sit tua; ergo ex probabilitate, quod sit tua, oriretur probabilitas compensationis; Unde haberetur probabilitas probabilitatis, & sic tenuis probabilitas, quod non accidit in casu, quo quis non jejunet ex probabili opinione, quod non teneatur jejunare; Ceterum enim est in tali casu, quod non teneatur.

ARTICULUS IV.

De Compositione, & Judicis auctoritate excusantibus a restituendo.

seruim in penam delicti a creditore parati; Vel si ex aequitate aliquid alicuius adjudicet, quod ex rigore justitiae illi non debetur.

I. **Q**ueritur primo, Utrum compositio a Prælato obtenta liberet a restitutione debitorem?

Respondeo, procul dubio excusare compositionem obtentam a Pontifice, si tamen dominus rei alienæ ignoretur; videtur enim Pontifex in talicasu habere causam disponendi de rebus alienis; cum enim debita incerta ex jure tantum positivo restitui debeant pauperibus, & Pontifex possit in jure tantum positivo dispensare, potest pariter super istis debitis compositionem permittere; itaque, verbi gratia, debet centum aureos creditoribus incertis, solvat tantum viginti pro fabrica Divi Petri, aut aliis pauperibus, & sic liber maneat totaliter a debito, ut diximus quæst. 3. art. 6.; Ubi ostendimus, quod si post compositionem compareat dominus, probabile sit rem illam non esse restituendam, cum compositio æquivalet præscriptioni, & restitutioni: Ostendimus etiam, compositionem probabiliter posse etiam ab Episcopo fieri pro sua Diocesi.

II. Addimus nunc, quod si creditores sint certi, & cogniti, Pontifex non possit liberare a restitutione debitorem, nisi tamen gravis causa subsit; quia non potest Pontifex, aut Princeps absque justa causa donare bona unius alteri, cum non sit dominus bonorum subditorum, sed tantum defensor juris illorum, & judex, vindicæque criminum: Si tamen causa justa subsit, faciens ad spirituale regimen, potest dispensatio Pontificis a restitutione eximere debitorem, cum habeat Pontifex potestatem indirectam in bona temporalia subditorum; quatenus scilicet ad bonum illorum spiri-

I. *Liberas a restitutione debitorem compositio, qua fiat a Pontifice, vel ab Episcopo in propria Diocesi pro debitis duntaxat incertis. Et probabiliter si deinde dominus compareat, nihil ei debetur.*

II. *Quid requiratur, ne possit Pontifex pro debitis certis compensationem, aut dispensationem concedere? Sicut potest Pontifex in penam privare rem bonis temporalibus, ita potest deobligare debitorem a restitutione faciendâ alicui criminoso.*

III. *Multipliciter potest Judex eximere debitorem ab onere restituendi, præ-*

tua-

tuale conducunt; Unde sicut potest pro criminibus multas pecuniarias imponere, ita potest condonare restitutiones criminosis faciendas, ut notat Less. cap. 16. num. 81. Si enim potest Pontifex in pœnam alicujus criminis, puta hæresis, privare reum dominio rerum suarum, & eas addicere fisco; Si potest aliquando eximere subditos ab obligatione serviendi, obediendi, solvendi tributa, & ab aliis vinculis etiam jurejurando confirmatis, quare non potest pariter debitores eximere ab obligatione restituendi, cum hoc sit multo minus, quam illud?

III. Queritur secundo, Quandonam Juris, aut Judicis auctoritas excuset debitorem a restitutione?

Respondeo cum Less. hic excusare, Primo, quando res debita legitimo modo est præscripta, ut dicemus art. sequenti. Secundo, quando judex in pœnam alicujus delicti per sententiam imponit hanc multam, ne scilicet restituatur creditori, quod ei debetur. Verum in tali casu sententia debet niti veritate, & non falsa præsumptione delicti. Tertio, quando aliquis privatus est officio, beneficio, vel hæreditate per sententiam juris ordine latam, tunc qui ea poitca obtinet, non tenetur restituere, quamvis cognoscat condemnatum fuisse innocentem; dummodo non fuerit ipse causa talis injustæ condemnationis. Quarto demum, quando judex ex æquitate adjudicat alicui aliquid, quod alias in rigore justitiæ ei non deberetur, qui hoc percepit, non tenetur restituere.

ARTICULUS V.

De Præscriptione, quatenus a restituendo excusat.

I. Præscriptio legitima etiam pro foro interno a restituendo debet; con-

ceditur tamen locis piis, & minoribus restitutio in integrum.

II. Lex præscriptionis non est instituta in pœnam negligentia creditoris, sed ad lites innumeras vitandas; Nec nititur in falsa præsumptione culpæ illius.

III. Quinque sunt Præscriptionis conditiones, Possessio continuata, Capacitas possidendi, Bona fides, Titulus probabiliter præsumptus, & Lapsus temporis a lege definitus.

IV. Ad præscriptionem requiritur, & sufficit possessio civilis rei, quamvis sit sine naturali possessione.

V. Præscribere non potest Laicus res Ecclesiasticas. Nec religiosus aliquid præscribere potest. Quid de pupillo?

VI. Homo liber præscribi nequit. Nec res furtiva; At si bona fide hæc emantur, vel accipiantur, post annos triginta præscribi potest. Neque præscribi possunt res, quæ alienari non possunt, ut res Ecclesiastica, nisi spatio triginta annorum.

VII. Si bona fide per annos triginta possideatur jus non solvendi debitum, præscribitur. Non præscribitur tamen, qui dubia fide capis possidere, aut qui bonam fidem interruptit per malam fidem: Dubium tamen superveniens bonam fidem non interruptit.

VIII. Num possint heres, & legatarius præscribere, si bona fide habeant res, quas restantur, qui mala fide eas possidebat?

IX. Num possit prodesse ad præscribendum bona fides orta ex ignorantia juris clari, saltem post spatium triginta annorum?

X. Ignorantia juris, quæ non prodest ad præscribendam rem inalienabilem, prodest ad præscribendos fructus talis rei, relate ad quos ignorantia est potius facti.

XI. Titulus probabiliter præsumptus non eodem modo requiritur ad præscriben-

bendum, quam bona fides; sine illo quippe præscribitur spatium triginta annorum, vel quadraginta contra Ecclesiam, aut centum contra Ecclesiam Romanam: Et si ius commune repugnet ad præscribendum, adhuc sufficit tempus immemorabile, in quo titulus præsumitur: Nunquam tamen sine bona fide legitime præscribitur.

XII. Usucapio præter titulum, & bonam fidem, requirit triennium inter præsentem, & quadriennium inter absentes; Sine titulo autem requirit spatium triginta annorum. Præscriptio vero exigit decem annos inter præsentem, viginti inter absentes, & sine titulo triginta. At contra Ecclesiam quadraginta, & contra Ecclesiam Romanam centum.

XIII. Ut consuetudo contra legem præscribat, satis est, vel quod passim fiat contra legem consuetudo Superioris, vel quod infuso Superioris contra legem fiat per decennium.

I. **Q**Uæritur primo, Quandonam Præscriptio a restitutione debet obligari?

Respondeo, Præscriptionem, & usucapionem, ut diximus quæst. 2. art. 1., non solum in foro externo, sed etiam in interno excusare a restitutione, si adiant debita requisita. Ratio est, quia nemo tenetur rem suam restituere; atqui possidens rem alienam bona fide per continuationem temporis a lege constituti, facit rem suam, ut constat ex definitione Præscriptionis, quæ est *Acquisitio domini iuris, vel directi rei aliena per continuationem possessionis spatio temporis a lege constituti*, ex lege *Usucapio*, ff. *De usucapionibus*; ergo non tenetur ad restitutionem: Quamvis verum sit, quod locis piis, Ecclesiis, & minoribus concedatur restitutio in integrum auctoritate iudicis: Sicut etiam maioribus

ætate in præscriptione decem, & viginti annorum conceditur spatium quatuor annorum ad repetendam rem suam, dummodo probent, præscriptionem fuisse factam ipsis inficiis, & absque sua negligentia, ex lege 1. *De præscriptionibus* apud Less. lib. 2. cap. 6. dub. 18.

II. Opponitur primo ex Gabriel., Medin., Adrian. apud Less. dub. 17., Lex præscriptionis videtur instituta in pœnam negligentiam domini; ergo si nulla domini intercessit negligentia, nec culpa in inquirenda re sua, non debet dominus per præscriptionem ea privari; & consequenter præscriptio, licet excuset debitorem a restitutione in foro fori, non tamen in foro poli.

Respondeo, nego antecedens; lex enim præscriptionis instituta est ob bonum commune ad lites innumeras vitandas: Quare etiam sine culpa, & negligentia domini potest res præscribi, itaut non teneatur possidens unquam illam restituere.

Opponitur secundo; Is, cui res adjudicatur in pœnam per sententiam iudicis nitentem falsa præsumptione delicti, tenetur ad restitutionem, ut modo diximus art. 4. Atqui leges præscriptionis nituntur falsa præsumptione culpæ, & negligentiam domini in inquirenda re sua; ergo is, cui res per legem præscriptionis adjudicatur, tenetur semper in foro conscientiam ad restitutionem.

Respondeo, concessa maiore, nego minorem; diximus enim legem præscriptionis non nisi in præsumptione negligentiam domini, sed ordinari ad bonum commune. Verum concessa etiam minore, nego consequentiam; Disparitas est, quia iudex per illam sententiam non intendit transire dominium, sed solum declarare quoniam sit dominus rei; Unde si falsum sit fundamentum, in quo nititur sententia iudicis, ipsa quoque corrumpitur, nec est

est servanda in conscientia : Contra vero per præscriptionem vult Princeps transferre alteri dominium , ut diximus .

III. Quæritur secundo, Quenam sint conditiones legitima præscriptionis ?

Respondeo esse quinque . Prima est continuata possessio ; Secunda, Capacitas activa respectu possidentis , & passiva respectu rei , quæ possidetur , videlicet quod possidens possit possidere , & res possit possideri ; Tertia, bona fides ; Quarta, titulus probabiliter præsumptus ; Quinta , tempus a lege definitum .

IV. Circa primam conditionem , dubium est, quenam possessio requiratur ad præscriptionem, civilisæ, an naturalis ?

Respondeo cum communj requiri , & sufficere possessionem civilem , quæ scilicet quis nomine suo rem aliquam possidet , quamvis careat possessione naturali , seu quamvis rem illam apud se non habeat . Unde fit , quod habens rem aliquam apud se depositam , aut commodatam non possit illam præscribere ; quia quamvis illam possideat naturaliter , non possidet tamen civiliter , seu non possidet nomine suo , sed nomine ejus , qui eam deposuit , aut commodavit : sic Tutor , qui rem possidet nomine pupilli , Colonus , qui rem possidet nomine domini : Et eodem modo si rem indivisam communem pluribus aliquis apud se habeat , non potest illam præscribere , quia possidet saltem partialiter nomine alieno .

V. Ex secunda vero conditione sequitur primo, Laicum non posse præscribere res Ecclesiasticas , & jura spiritualia , verbi gratia jus cognoscendi causas Ecclesiasticorum , jus decimarum , primitiarum , oblationum , jurisdictionis relate ad Ecclesiam olim non subditam tali juri , & alia jura spiritualia , ex cap. *Causam* , de Pra-

scriptionibus ; Laicus enim caret capacitate activa , qua possit eas res , & jura possidere . Pariter Religiosus non potest aliquid præscribere , cum sit incapax domini , nec possit quicquam suo nomine possidere : Econtra Pupillus potest præscribere , quia potest aliquid possidere nomine suo , si mentis compos sit ; Sicuti etiam si mentis sit impos , dummodo incipiat possidere auctoritate Tutoris ; Furiosus etiam præscribere potest , si ante furorem cœpit possidere , cum habeat capacitatem activam , & per furorem possessio non interrumpatur .

VI. Sequitur secundo, quod homo liber præscribi non possit , itaut fiat servus , quia deficit in eo capacitas passiva : Propter eandem rationem non potest res furtiva præscribi tempore consueto , quamvis si bona fide ematur , vel accipiat , possit spatio triginta annorum præscribi , ut notat Azor. apud Bonac. hic .

Sequitur tertio , nec posse præscribi , nisi spatio triginta annorum res , quæ prohibentur alienari , quia pariter deficit iis passiva capacitas , ut ab illis possideatur ; unde res mobiles præscriptio alicujus Ecclesiæ , quæ servando servari possunt , usucapi triennio non possunt .

VII. Tertia conditio est bona fides , seu credulitas , qua quis prudenter judicat rem esse suam , vel saltem ignorat esse alienam , dummodo ignorantia non sit crassa . Ex quo sequitur primo , debitorem , qui triginta annis debitum non solvit mala fide , non posse illud præscribere ; si tamen bona fide triginta annis possederit jus non solvendi , eo quod crediderit se nihil debere , vel debitum esse aut solutum , aut condonatum , vel si nihil de tali debito recordatus sit , in tali casu illud præscribit , ex lege *Sicut in rem* , Cod. *De præscriptione* apud Bonac. , & Less. num. 19. , & 36 .

Sc:

Sequitur secundo, non posse præscribere eum, qui in principio possessionis dubitat, an res sit sua. Ratio est, quia hic occupando cum tali dubio rem, æquiparatur possessori malæ fidei, ut diximus suo loco; Nec potest præscribere, qui non habet bonam fidem continuatam, sed interruptam per malam fidem: Qui tamen post possessionem rei bona fide, dubitat an res sit aliena, & post debitam diligentiam non potest dubium deponere, bonam fidem non interrumpit.

VIII. Dubium est hic primo; An hæres, vel legatarius, si bona fide hæreditatem, vel legatum accipiat, possit præscribere res, quas mala fide testator possidebat?

Respondeo cum Molin., Bonac., & aliis, hæredem immediatum, seu qui succedit in omnia bona defuncti, non posse præscribere, quia talis hæres censetur una persona cum defuncto; unde sicut defunctus ob malam fidem præscribere non poterat, ita nec hæres, quamvis bona fide hæreditatem accipiat, ex lege *Simulafides*, Cod. *Communis*: Contra veto legatarius præscribere potest, quippe qui bona fide rem non furtivam accipit titulo donationis, venditionis, &c. Potest etiam præscribere hæres mediatas, seu hæres hæredis; quia non censetur moraliter una persona cum defuncto, qui mala fide rem possidebat. Verum Sylvest., Azor. lib. 2. cap. 6., & alii putant, quod sicut legatarius in casu posito præscribere potest, non quidem spatio consueti, sed spatio triginta, vel quadraginta annorum, ut diximus in tertia conditione, ita pariter hæres immediatus, cum uterque bona fide rem possideat. Ubi notandum, quod si testator, & hæres, vel legatarius possideant rem bona fide, tempus utriusque possessionis computandum sit ad præscriptionem.

Par. III.

IX. Dubium est secundo, Quznam ignorantia prodesse possit ad præscribendam rem bona fide possesam?

Respondeo, Medin. apud Less. cap. 6. dub. 3., putate, quamlibet ignorantiam inculpata tam juris, quam facti sufficere ad præscribendum in foro conscientie. Verum communiter Doctores cum eodem Less. docent, ad præscriptionem prodesse solam ignorantiam facti, & ignorantiam juris dubii, quando scilicet sunt opiniones utrinque probabiles circa jus, non vero ignorantiam juris clari. Ratio est, quia sic sancitum est in lege *Juris*, ff. *de Juris*, & *falli ignorantia*; Unde fit, quod si quis sciat, verbi gratia, non posse aliquid emi a fure, ignoret tamen Titium esse furem, & ab eo aliquid emat, præscribere possit, quia hæc est ignorantia facti; Et idem dicas in ignorantia juris dubii, verbi gratia si dubium sit, an prohibeatur aliquis contractus tanquam usurarius, eo quod sint utrinque opiniones probabiles. Ratio est, quia sequens opinionem probabilem non dicitur habere malam fidem; quando tamen jus est clarum, non potest prodesse præscriptioni ignorantia illius; unde non potest præscribere, qui aliquid accipit contractu usurario ignorans talem contractum esse injustum; Nec potest præscribere, qui aliquid dono accipit a religioso ignorans religiosum non posse largiri; Error enim nunquam prodest in usucapionibus, ut dicitur in lege *Nunquam*, ff. *De usucapionibus*.

Probabile tamen est ex eodem Less., quod ignorantia juris clari, si sit invincibilis, possit prodesse ad præscribendum, non quidem spatio consueti, sed post spatium triginta annorum, non secus ac possessio sine titulo. Ratio est, quia tantum error juris impedit præscriptionem, quia qui scit et rat, præsumitur habere malam fidem;

S

atqui

atque jure civili præscriptio tricenaria locum habet etiam in eo, qui præsumitur habere malam fidem, dummodo revera non habeat, sicut etiam in possidente sine titulo; ergo etiam in casu nostro.

X. Notandum tamen, quod quamvis ignorantia juris non prosit ad præscribendam rem, prodest tamen ad præscribendos rei fructus, ex lege *Bona fidei emptor*, si. *De acquirendo rerum dominio*. Ratio est, quia ignorantia circa fructus videtur potius ignorantia facti, cum possessor putet percipere fructus ex re sua, quæ tamen non est sua.

Ex dictis sequitur, ut notat Lef. cap. 6. num. 18., quod si quid emas a pupillo, vel prælato, &c., ignorans requiri consensum tutoris, aut Capituli, &c., talis ignorantia non prosit ad præscribendum, cum sit ignorantia juris: Contra vero si putes consensisse tutorem, aut capitulum, &c., quia hæc est ignorantia facti.

XI. Quarta præscriptionis conditio est Titulus probabiliter præsumptus; Etenim titulus est causa, & radix, ex qua oritur dominium, & jus; quare quando acquirimus rei dominium ex emptione, donatione, testamento, &c., ex his titulis dicitur dominium acquiri; Quod si isti tituli sint veri, verbi gratia, si vera est donatio, non requiritur præscriptio ad acquirendum dominium; secus vero si titulus non sit verus, sed probabiliter præsumptus, videlicet quia creditur bona fide, quod donans sit legitimus dominus, cum revera non sit. Ratio est, quia ad vitandas lites jura statuerunt, quod cum titulo præsumpto acquiratur dominium rei alienæ, modo adsit bona fides, & tempus a jure præscriptum.

Notandum tamen, ad præscriptionem magis requiri bonam fidem, quam titulum præsumptum; nam sine bona

fide nunquam res præscribitur: Contra vero sine titulo præsumpto; quamvis sine hoc titulo non præscribatur res tempore definito, videlicet decem annorum inter præsentem, & viginti inter absentes, at præscribitur post lapsum triginta, vel quadraginta annorum juxta qualitatem materiæ, quæ præscribitur, ex cap. *Si diligenti*, *De præscriptione*. Hinc fit, quod privatus, qui per quadraginta annos præscripsit contra aliquam Ecclesiam, non debeat allegare titulum; Er idem dicas de spatio centum annorum contra Ecclesiam Romanam. Hoc tamen intelligendum, dummodo jus commune non repugnet præscribenti; nam in tali casu vel probandus est titulus, vel ostendendum est tempus, quo res possidetur, esse immemorabile, seu cuius initium non extat memoria etiam apud seniores; nam ut bene Covar. cum tempore immemorabili præsumitur titulus. Unde fit, quod si Laici tempore immemorabili non solverint decimas Ecclesiæ, liberi sint, & immunes ab onere decimarum.

XII. Circa quintam conditionem, quæ est tempus a lege definitum ad præscribendum, sciendum, ad præscriptionem rerum mobilium (quæ proprie dicitur Usucapio) requiri præter titulum, & bonam fidem inter præsentem, seu inter eos, qui in eadem Civitate, vel in eadem parte Regni habitant, triennium, quadriennium vero inter absentes, seu inter eos, qui in diversis territoriis commorantur: Ad præscriptionem vero rerum immobilium contra privatos requiritur spatium decem annorum inter præsentem, & viginti inter absentes; Dixi, contra privatos; Nam contra Ecclesiam aliquam, sive locum pium requiritur spatium quadraginta annorum, & contra Ecclesiam Romanam centum anni.

Si tamen desit titulus præsumptus ad præscribendas res mobiles, etiam si sint

sint Ecclesiarum, etiam Romanarum, requiritur, & satis est spatium triginta annorum, quod spatium satis est etiam ad prescribendas res immobiles contra privatos; Contra Ecclesiam vero requiritur, ut diximus, spatium quadraginta annorum, & centum contra Ecclesiam Romanam. Prescriptio autem, ut notat Croix lib. 3. part. 2. n. 545. tunc dicitur interrumpi, quando ita cessat, ut totum tempus praecedens extinguatur, perinde ac non praecessisset, dicitur vero dormire, quando ob aliquod impedimentum cessat, eoque sublato tempus praecedens continuatur cum subsequente. Si desinat titulus, interruptitur, si desinat bona fides, probabiliter prescriptio dormit, sed probabilius ex Lugo, & Mol. interruptitur. Prescriptio contra Ecclesiam dormit, quamdiu haec vacat suo Praelato.

XIII. Dubium hic est; Quantum temporis requiratur, ut consuetudo praescribat contra legem?

Respondeo cum Leis. cap. 6. dub. 14. quod vel consuetudo contra legem viget sciente, & tolerante legislatore, & tunc non requiritur certum tempus, ut consuetudo legem abroget, sed satis est, quod passim fiat contra legem, quia dum legislator, seu superior scit legem non servari, & tolerat, videtur consentire, ut non servetur, ne Respublica perturbetur: Si tamen consuetudo viget ignorante Principe, tunc, ut praescribat contra talem legem, sive civilem, sive canonicam, probabile est, quod satis sint decem anni, quia lapsu decenni videtur legis vis esse antiquata.

ARTICULUS VI.

Num interitus rei alienae, aut ingressus in Religionem a restituendo excuset?

- I. *Interitus rei alienae in specie restituenda a restituendo excusat, si pereat citra culpam debitoris, nec aliter sit conventum.*
- II. *Probabiliter videtur posse secundum se aere alieno gravatum ingredi Religionem, & sic a restituendo deobligari, si alia via non possit. Sic sponsus post sponsalia iurata potest ingredi Religionem.*
- III. *Num teneatur hic Religiosus laborare iuxta suum statum de licentia Superioris, ut debitis satisfacias?*
- IV. *Num pariter teneatur acceptare donationes, aut hereditatem, qua datur Creditorebus?*
- V. *Religiosus, qui post professionem alias damnificavit, praesertim si sit Praelatus, ad quid teneatur, ut damnum refarciatur?*

I. **Q**Uaeritur primo, An rei restituienda interitus excuset a restitutione facienda?

Respondeo, multa super hac re nos dixisse, cum de possessore bonae, & malae fidei, videlicet quod si res aliena in specie restituenda intereat, talis interitus a restitutione excusat, quando non intercessit culpa debitoris, nec mora, nec pactum; Secus vero si aliquid horum intercesserit, nisi forte similiter ea res fuisset apud dominum peritura, quia in tali casu nullum damnum pretio aestimabile illatum esset domino; sicuti non infert damnum domino, qui ejus equum occidit, aut dolia expilat, quando jam jam incendio sunt conflagranda.

II. Quaeritur secundo: An gravatus

S 2 ztc

ære alieno possit licite Religionem ingredi, & sic, si non habet, unde reddat, excusari a restitutione?

Respondeo, Valent., Molin., Reg. in., Bonac. hic, Laym. cap. 12., & alios putare, quod debitor non possit ingredi Religionem, quando prævidet fore ut ingrediendo non possit Creditoribus satisfacere, quibus tamen satisfaceret, si maneret in sæculo, si ve debita sint ex contractu, si ve ex delicto; Et ratio est, tum quia obligatio iustitiæ præferenda est consilio; ingressus autem in Religionem est ex consilio, & restitutio debetur ex obligatione iustitiæ: Tum etiam quia qui violavit virginem sub spe conjugii, a Religionis ingressu retardatur, nisi illa sponte remittat: Tum demum quia si non licet furari, ut possit quis in Religionem distantem ingredi, nec licetum est alienum retinere ingrediendo Religionem. Verum D. Th. 2. 2. quæst. ult. art. 6., quem sequitur Tambur. tract. 4. cap. 1. §. 1. num. 7., & alii apud Sanch. lib. 4. disp. 4. cap. 59. putat, hunc non teneri manere in sæculo, quia iste talis putatur cedere bonis, quod cuilibet facere licitum est; Neque obligatio restituendi, quamvis iuramento firmata, est tanti, ut possit privare fidelem tam ingenti bono ordinis superioris, qualis est vitam domino mancipare. Lcfs. cap. 7. dub. 8. putat, quod si possit hic consuetis laboribus brevi creditoribus satisfacere, teneatur differre ingressum Religionis; Ad hoc tamen non obligat D. Th., & alii, quos laudavimus.

Notandum tamen, Sixtum V. vetasse, ne quis ingenti ære gravatus, vel reddendis rationibus obligatus, ad professionem admitteretur; voluitque istius professionem esse nullam, gravesque pœnas recipientibus injunxit; Quamvis deinde Clem. VIII. voluerit professionem esse validam, ut videre

est apud Lug. tom. 1. de iustitia disp. 21. quæst. 6. num. 86. Advertendum etiam, quod Sixtus V. prohibeat, ne ad professionem admittatur, qui ingenti ære alieno est gravatus, non qui quocumque est ære alieno gravatus.

Ad rationes in contrarium respondetur. Ad primam, quod quamvis status Religiosus sit ex consilio, est tamen talis, ut ob perpetuam mancipationem, quam affert hominis Deo, spoliaret illum bonis omnibus, atque incapacem dominii reddat, & ideo extinguat omnem obligationem iustitiæ circa bona fortunæ; sicuti ob eandem perfectionem extinguit omnem obligationem cuiuscumque voti facti in sæculo. Præterea status religiosus est maximum, & summum, quod potest homo Deo tradere, & ideo videtur irrationabile, ut tantum bonum a quocumque debito retardetur: Quare licet non possis, ut orationi vaces, & jejunes, omittere obligationes ex iustitia, poteris tamen eas omittere ut Religionem ingrediaris, ex præstantia, & perpetuitate talis status. Itaque ad argumentum respondetur, præferri obligationi ex iustitia id, quod est nuerum consilium, quando hoc extinguit omnem obligationem iustitiæ, & quando irrationabiliter debito pecuniario postponitur.

Ad secundam rationem, verum est, quod qui violavit virginem sub spe conjugii, non possit illa invita Religionem ingredi; Ratio tamen est, quia in hoc casu non concurrit debitum pecuniarium cum statu religioso, sed debitum assumptionis status matrimonialis cum assumptione status religiosi; concurrentibus autem his duobus statibus, debet prævalere is, qui ex iustitia debetur alteri: Quando autem concurrat debitum pecuniarium restituendi cum susceptione status religionis, bonum adeo excellens debet prævalere.

Ad-

Adde, quod sponsus etiam post sponsalia jurata potest Religionem ingredi; cum ea promissio habeat tacitam illam conditionem, nisi Religionem ingredi voluero; ergo etiam in casu nostro.

Ad tertiam, supra diximus magis requiri ad furandum, quam ad non restituendum; sicut magis ad vulnendum, quam ad non medendum vulnere alterius; unde quamvis non liceat furari, quando opus est pecunia ad assumendum statum religiosum, licitum tamen est non restituere, quando aliter fieri non potest.

III. Dubium est primo, An quis ingreditur Religionem, teneatur laborare, ut aliquod acquirat ad satisfaciendum Creditoribus, vel scribendo, vel concionando, vel aliud agendo ex licentia Superioris, quod statum religiosum deceat?

Respondeo, Molin., Navar., Bonac. hic docere, quod teneatur, quia obligatio illa satisfaciendi est ex jure naturæ, nec extinguitur per professionem Religiosam; immo docent, quod Superior teneatur ad id licentiam dare, si erat conscius debitorum, antequam illum ad Religionem admitteret. Pal. tamen apud Tambur. hic aperte docet, nec Religiosum ad id teneri amplius, nec teneri Superiorem aut concedere illi facultatem, ut laboret ad satisfaciendum, aut ex pecunia, quam ille suo labore monasterio acquisivit, satisfacere Creditoribus: Etenim per Professionem Religiosus factus est jam juris alterius, & incapax domini acquirendi; cum ergo non possit amplius habere dominium, sequitur, quod debita sint omnino extincta.

IV. Ex quo etiam videtur sequi, quod non teneatur hereditatem, donationes, aut legata acceptare ad satisfaciendum; quicquid enim acquirit Monachus, monasterio acquirit; cum

autem Monasterium non teneatur satisfacere debitis Religiosi ante ingressum contractis, nec tenetur Religiosus acceptare donationes ad satisfaciendum; & si acceptat, non tenetur monasterium ex iis rebus satisfacere Creditoribus. Hæc tamen disputationis gratia docuit Pal. tom. 3. tract. 16. dub. 3., Communis enim opinio docet oppositum, videlicet quod teneatur tales donationes acceptare, & ex iis tam ipse, quam monasterium teneantur satisfacere creditoribus: Sicut etiam communis opinio docet, quod talis Religiosus teneatur laborare ad satisfaciendum, quamvis nonnulli velint posse Prælatum dare suo subdito alias occupationes ad arbitrium, ut videre est apud Lug. tom. 1. disp. 21. §. 6. num. 79.

V. Dubium est secundo, Ad quid teneatur Religiosus, qui alios damnificavit post professionem, verbi gratia furando, vendendo supra pretium justum, occidendo, &c.?

Respondeo cum communi apud Tambur. tract. 4. cap. 1., quod si res aliena extet, aut in aliquo ipse, aut religio facti sint ditiores, procul dubio ad restitutionem tenentur; in contrario eventu tenetur religiosus restituere, si fruitur peculio, vel si potest ex iis, quæ sibi a Religione conceduntur, detrahare de non necessariis commoditatibus, ut notat Sanch. l. 7. in Decalog. cap. 19. num. 112. Quamvis possit Superior impedire, ne Religiosus hujusmodi debita sic solvat, quia fructus peculii, & quodcumque sibi subtrahit Religiosus a suis commoditatibus, subditur dominio Religionis; & ideo potest Prælatus nolle ea a se abdicare, & sic jure impedire, ne debita solvantur; Si vero non possit sic satisfacere Religiosus, certe Religio non tenetur, quia non debet vergere in damnum monasterii delictum Religiosi etiam Prælati, si non est

est commissum nomine totius Communitatis, & ut dicitur Capitu-

Q U Æ S T I O VII.

De Restitutione in particulari.

PLuribus articulis quæstionem hanc absolvemus, inquirendo ea omnia, quæ in præmio hujus tractatus innuimus, videlicet Primo, De restitutione faciendâ propter homicidium. Secundo, propter detractionem. Tercio, propter contumeliam, derisionem, susurrationem, ob judicium temerarium, & ob suspicionem. Quarto, propter secreti violationem. Quinto, propter furtum, & rapinam. Sexto, propter stuprum, & adulterium. Septimo, propter fraudatâ vestigalia. Octavo, propter simoniam, & usuram. Nono, propter omissionem divini officii: de quibus omnibus, prout vacabit, paucis agendum est.

ARTICULUS I.

De restitutione propter homicidium, & mutilationem.

- I. Provocatus ad pugnam, si alium occidas, non teneatur quicquam restituere, quamvis nonnihil excesseris. Qui tamen invaditur ab altero, ad restitutionem obligabitur, si notabiliter excedat occidendo invasorem.*
- II. Num peccet contra justitiam Clericus, qui potest fugere invasorem, sed non fugit, sed illum occidit cum moderamine debito?*
- III. Qui artificem occidit, tenetur etiam lucrum illi cessans ex sue artis exercitio restituere; Sed debetne estimationem laboris derivare? Debetne quicquam restituere Credituribus occisi?*
- IV. Num pro vita, pro mutilatione, pro cicatrice, pro fama injuste sublata aliquid restituendum sit? Et quid pro vita servi, aut animalis alterius? Quid pro homicidio, quod fecit filius?*

V. Qui collocat cadaver occisi ante domum Titii, prævicens, aut etiam intendens, ut Titius tanquam homicida puniatur, num teneatur ad restitutionem?

VI. Tam ex homicidio casuali, quam ex indirecto, non secus ac ex voluntario oritur obligatio restitutionis, supposita in iis gravi culpa contra justitiam.

VII. Num si reus homicidii vulnerans graviter Petrum, qui deinde ex Medicorum culpa decedat? Aut qui volens occidere Titium, casu occidat Cajum? Aut qui alium occidit in ebrietate?

VIII. Propter damnum illatum occiso in curatione vulnere, & oblutum, quod illi ante mortem cessavit, faciendâ est restitutio hereditatis, & hoc deficiente, pauperibus; Propter damnum vero, quod aliis ex homicidio confurgit, faciendâ est restitutio solum hereditibus necessariis, non aliis.

IX. In quibusnam casibus licitum est homini se ipsum occidere, aut mutilare? Num licite pueri castrantur ad vocem conservandam?

X.

X. Num possit aliquando indirecte innocens occidi? Num Saraceni innocentes occidi possint, ne fiant deinde hostes Christianorum? Num possit dari pharvacum gravidis cum periculo occidendi fœtum animalium?

XI. Quid requiratur, ut licito possimus invasorem occidere in propriam, aut proximi defensionem? Plures theses hac de re prescriptæ recensentur.

I. Cum homicida peccet contra iustitiam, examinabimus, Quid, & Cuinam teneatur ille restituere propter homicidium? Et deinde, In quo casu licitum sit seipsum, vel alios occidere, aut mutilare?

Queritur itaque primo, Quid debeat restituere homicida, aut vulnerator?

Respondeo, & dico primo; Qui provocatus ad pugnam alium occidit, nonnihil excedendo modum, & moderamen, non tenetur ad ullam restitutionem; Sicuti neque si duo se invicem provocent, & alter alterum occidat: Ita communiter contra Peregrin. apud Bonac. hic. Et ratio est, quia provocatus censetur cedere juri suo.

Dico secundo; Qui invaditur ab altero sine provocazione, si peccet mortaliter occidendo invasorem per hoc, quod notabiliter excedat moderamen inculpatae tutelæ, tenetur ad restitutionem. Ratio est, quia est causa injusta totius damni. Ita Less. dub. 21.: Qui tamen probabile censet prædictum teneri multo minus restituere, quam si ex insidiis, & dolo illum occidisset, qui enim invadit, videtur ex parte amittere jus ad compensationem.

II. Dico tertio; Qui invasus ab altero, sive armis, sive contumeliis, si potest fugere, & malum declinare, non tamen fugit, sed cum debita moderatione se defendit, & alterum oc-

cidit, non tenetur ad restitutionem. Ratio est, quia quamvis aliquando non fugiendo peccet contra charitatem, si scilicet sine dispendio honoris fugere poterat; ac non peccat contra iustitiam; ergo non tenetur ad restitutionem. Ita Less. dub. 21. contra Navar., qui apud Dian. part. 5. tract. 4. resol. 49. docet, Religiosum, ac Clericum peccare contra iustitiam, ac teneri ad restitutionem, si occidat invasorem, quando potest fugere, eo quod iis fuga non sit ignominiosa, sed gloriosa.

III. Dico quarto. Qui alium injuste aggressus vulneravit, aut occidit, tenetur restituere non solum damnum emergens, seu integras expensas factas in curatione vulneris, sed etiam lucrum cessans, seu totum illud, quod vulneratus consecutus esset ex suo officio, negotiatione, arte, &c., si non fuisset vulneratus, aut occisus. Et ratio est, quia injusta illa actio fuit causa efficax talis damni, & cessantis lucri: Arbitrio tamen boni viri statuendum est, quanti valebat spes lucri cessantis, detractis expensis, juxta regulas, quas tradunt Lug., & Less. cap. 9. dub. 20. Probabile autem est nihil detrahendum esse propter æstimationem laboris, ut docet Less. cap. 9. dub. 19.: Sicut si impedias aliquem a labore unius diei, teneris restituere totum lucrum absque deductione laboris, quia opifex vult laborare, & lucrari, & sæpe lucrum non est majus, quam ipsa æstimatio laboris, ut in artificibus, quæ multum laboris, & parum industriz requirunt. Nihilominus probabilius videtur, juxta doctrinam Rebelli apud Dian. part. 3. tract. 6. resol. 53., & part. 5. tract. 4. resol. 53. aliquid detrahi posse arbitrio prudentis, etiam pro æstimatione laboris, quantum scilicet artifex vulneratus libenter dedisset pro redemptione laboris, ut notat hic Bonac. sect. 2.: Ubi cum Molin. etiam docet, quod quia

diti-

difficile est ad unguem definire, quid restituendum sit, idcirco expeditissimum consilium est adhibere compositionem, & transactionem cum parte, cui facienda est restitutio, nullam vim, aut metum illi incutiendo, ne quasi coacte consentiat, eo quod non speret alia via debitam satisfactionem fore obtinendam.

Nota tamen, regulariter loquendo, pro expensis funeris nihil restituendum esse, quia illæ erant ceteroqui serius, ocyus faciendæ, & solum ex occisoris injuria anticipantur.

Dico quinto, restituendum pariter esse omne emolumentum, quod per mortem occisi cessat aliis cum occiso conjunctis, (videlicet uxori, filiis, &c.) puta vitalitios redditus, legata, hæreditates. Etenim occisor est causa injusta talis damni, ergo tenetur illud compensare: Quamvis expediât, ut diximus, adhibere transactionem, & compositionem. Docent tamen communius apud Lessl. cap. 9. dub. 26. non esse faciendam restitutionem creditoribus occisi, aut pauperibus, vel aliis, quos occisus sustentabat. Ratio est, quia per accidens hoc damnum sequitur illis, & in praxi difficilis est sententia opposita.

IV. Dico sexto; præcisè pro vita hominis, vel membro injustè ablato, aut pro cicatrice nihil restitui debet. Ita Sot., Sylvest., & alii communius apud Lessl. dub. 23., quamvis c. 11. dub. 16. n. 97. oppositam sententiam dicat esse probabilem. Ratio est, quia justitia respicit æqualitatem; atqui vita, & membrum sunt superioris ordinis ad reliqua bona, & supra omne pretium; ergo pro illa compensatio fieri non potest, & consequenter nec debetur restitutio. Minor probatur ex *leg. ult. ff. De his, qui effunderunt*, ubi dicitur, Cicatricum, aut deformitatis nulla sit æstimatio, quia liberum corpus nullam recipit æstimationem.

Neque dicas; pro vita servi, aut bonis occisi facienda est restitutio; ergo multo magis pro vita hominis, quæ est pretiosior.

Nam nego consequentiam; Disparitas est, quia vita servi, aut animalis pretio æstimatur, quod ad æqualitatem rependi potest; unde pro istorum vita tantum restituendum, quanti plurimi vendi poterant; & pro eorundem mutilatione, aut cicatrice restituendum, quanti pluris venderentur, si illæ fuissent: Econtra cicatrix hominis liberi, & a fortiori membrum, & vita, pecunia compensari non potest. Et propter eandem rationem neque tenetur ad restitutionem, qui injuste lædit aliquem in bonis spiritualibus, puta inducendo illum ad peccatum mortale, avocando a religione, detrudendo ad inferos, quamvis majus damnum inferat, quam furando, aut infamando. Denum propter eandem rationem probabiliter docent Lessl., Filliuc., Lugo, Laym., & alii apud Dian. part. 3. tract. 5. resol. 30., & Tambur. lib. 9. cap. 3. contra Molin., Valent., Sâ, Cajet., Sot., & alios eum, qui in honore, aut fama læsit proximum, si non possit famam, aut honorem restituere, non teneri ad satisfaciendum pecunia, quia fama est in ordine superiori, quam pecunia, nec potest per pecuniam compensari ad æqualitatem, juxta illud Scripturæ: *Melius est bonum nomen, quam divisa multa*; Tenetur tamen infamator pecunia famam sublatam compensare, quando ad id per Judicis sententiam compellitur, ut notat Lessl. cap. 11. dub. 16.

Dico ultimo; Si occisor moriatur antequam restituerit, quæ restituere debebat pro injuria reali, & pro damnis externis ex homicidio consecutis, juxta dicta in conclus. 2., & 3., satisfacere debent hæredes de bonis hæreditariis. Ratio est, quia bona defuncti

functi transeunt ad hæredes cum tali onere: Quare Pater non tenetur quicquam restituere pro homicidio, quod fecit filius, nisi quando filius habet bona castrensia, vel quasi castrensia; non enim Pater debet culpam filii luere, si eius bona non habet.

V. Queritur secundo, An similis restitutio facienda sit ex homicidio casuali, aut ex indirecto?

Explico prius terminos; Dicitur homicidium casuale, quod præter intentionem accidit, ut si quis venando occidat pro fera hominem, aut si volens percutere Petrum, Paulum occidat: Potest autem homicidium casuale esse graviter culpabile, & quidem etiam contra iustitiam, quando scilicet ex officio, quo quis fungitur, vel ex contractu tenetur periculum proximum mortis præcavere, & ex graviter culpabili negligentia non præcavet. Homicidium vero indirectum habetur, quando quis est causa moralis, ut homicidium a se factum alteri imputetur, & ille proinde occidatur: Verbi gratia, si Petrus indutus vestibus, & armis Pauli, vel in domo, aut agro, aut cum famulis Pauli, occidat Cajum, & Paulus tanquam occisor comprehendatur, & occidatur vel ab hostibus, vel a Republica, in tali casu Petrus dicitur esse homicida directus relate ad Cajum, & homicida indirectus relate ad Paulum, cum fuerit causa moralis, cur homicidium Caji illi imputaretur, & sic occideretur. Si tamen Petrus non sit causa moralis talis imputationis, non peccat contra iustitiam relate ad Paulum, sed solum contra charitatem, si præviderit, quod Paulo tale homicidium imputandum esset.

Dubium tamen est apud Doctores; Num si Petrus occidat Cajum, & collocet ejus cadaver ante januam Pauli, ex quo Paulus a Iudice capite damnetur, Num, inquam, Petrus sit causa

moralis, an vero solum occasio, seu causa accidentalis istius condemnationis? Sanch. putat esse veram causam moralem, & sic teneri ad restitutionem: Negat Tambur. num. 5., quia ex tali collocatione cadaveris ante januam alterius non sequitur ut plurimum illi imputatio homicidii; potuit enim casu ibi mori, licet alibi vulneratus sit: Quod si quis cadaver occisi inventum ante propriam januam collocet ante januam alterius, non solum prævidendo, sed etiam intendendo, ut illi occisio imputetur, existimo cum Lug. disp. 8. de Iustitia sect. 6. num. 74. contra nonnullos ab eo relatos, quod ad restitutionem teneatur; quia id, quod de se non est causa moralis damni, nec connectitur cum damno alterius, ratione talis intentionis sepe connectitur, & est causa illius: Sicut restituens gladium domino furioso prævidendo innocentis occisionem, peccat solum contra charitatem; at si eo animo restituat, ut innocentem occidat, peccat etiam contra iustitiam, quatenus ratione talis intentionis est causa moralis homicidii: Sicut etiam si ponam venenum in loco remotissimo, prævidens, quod forte aliquis sit eo interficiendus, non pecco contra iustitiam, si periculum sit remotissimum. At si eo animo illud ibi ponam, & de facto aliquis interficiatur, pecco contra iustitiam, teneor ad restitutionem, & sum irregularis. Nonne peccat contra castitatem, qui cenat eo animo, ut sequatur pollutio? (immo peccat contra iustitiam adversus conjugem, si hic sit conjugatus.) At nullatenus dicitur peccaminosa comestio, ex qua prævidetur per accidens secutura pollutio.

Neque dicas, non peccare contra iustitiam Iudicem, qui iuste aliquem occidit, sed animo iniquo; Nec qui cum moderamine occidit invasorem, quamvis ex odio, & prava intentio-

T ne

previdens, quod facile poterat in ebrietate alium occidere, voluit se inebriare non adhibendo cautionem ad homicidium præcavendum; in tali enim casu homicidium dicitur volitum in causa, & imputatur ad culpam cum obligatione restituendi.

VIII. Quæritur tertio, Quibusnam facienda est restitutio pro homicidio?

Respondeo cum Less. dub. 11., Bonac. hic, & aliis, pro homicidio duplicem faciendam esse restitutionem, alteram propter damnum illatum occiso in curatione vulnerum, & ob lutrum, quod illi ante mortem cessavit; Alteram vero propter damnum, quod aliis confurgit ex homicidio. Prima restitutio facienda est hæredi, & si nullus sit hæres, pauperibus, ut profit animæ occisi: Ita communiter apud Tambur. §. 3. num. 9. Secunda restitutio facienda est solum hæredibus necessariis occisi, non vero aliis; quia scilicet illi solum tam stricto vinculo cum occiso sunt conjuncti, ut reputentur una persona cum illo: Dicuntur autem hæredes necessarii, qui non possunt privari in totum hereditate, ut sunt filii, uxor, Pater, & Mater, ut docent Doctores cum de Testamentis: Illi vero, qui succedunt in hereditatem ab intestato, sed privari tamen possunt hereditate, ut sunt fratres, sorores, & alii, dicuntur hæredes non necessarii, & isti nihil restituendum; quia cum non censeantur una persona cum occiso, non dicitur occisus esse læsus in re sua per hoc quod damnum aliquod fratribus obveniat ex homicidio. Ita etiam communiter contra Sanch., & Dian.; Nec restitutio facienda est, ut supra diximus, creditoribus occisi, nec pauperibus, qui ab illo alebantur; nisi tamen occidens haberet animum iis nocendi, ut docent Clavis Regia, & Salon. contra Bonac. hic punct. ult.

IX. Quæritur quarto, In quo casu

licitum est seipsum, vel alios occidere, vel mutilare?

Respondeo, neminem posse seipsum, aut alios directe occidere, vel mutilare, cum homo non sit dominus vitæ, aut membrorum; Sapienter enim 16. habetur: *Ipse solus vita, & necis potestatem habet*. Potest tamen aliquis ex præcepto divino seipsum occidere, (ut de Sampson probat D. Th. 2. 2. quæst. 64. art. 4.) aut publica auctoritate ad mortem suam cooperari iis actibus, qui non habent crudelem modum pænæ, ut est sumptio veneni; cum talis cooperatio, si sit coacta, non sit contra jus naturæ, ut docet Sæ, & Bonac. hic contra Less., Salas, Vasq.: Potest etiam ex rationabili causa permittere mortem suam, puta non occidendo invasorem, quando non potest aliter vitam defendere, modo ipse invasus non sit Reipublicæ utilior: Potest pariter pro amico, pro patria, pro fide vitam exponere periculo; Verbi gratia in naufragio potest quis dare tabulam Patri, vel amico, quamvis ipse non habeat aliam spem evadendi: Potest etiam detentus in carcere non fugere, quamvis sciat esse morte plectendum, si non fugiat: Damnatus ad pereundum fame potest cibum oblatum respicere; Potestque malefactor offerre se Judici plectendum; Nec tenetur aliquis exquisitissimis cibis, aut medicamentis vitam conservare, aut immenso pretio redimere vitam, etiam si cæteroqui occidendus sit: Nec tenetur relinquere patriam, ut ad aerem salubriorem se transferat. Demum ex Less. cap. 9. dub. 6. num. 32. licitum est militibus, & sociis navalibus de communi consensu ignem pulveri injicere, & se mari committere, ne ipsi, & navis veniant in Infidelium hostium potestatem; ne scilicet hostis cum publico damno navi potiat, & ut seipsum, quoad ejus fieri potest, a morte certissime ab hoste

inferenda eripiant; Necnon possunt milites injicere ignem in pulverem ad evertendam turrim hostilem, etsi certissime momento dissipandi sint; in hoc enim casu non se ipsi interimunt, sed permittunt ob rationabilem causam mortem suam; non secus ac qui se obicit telo, ut corpus Principis salvet: Qua de causa Ambrosius laudat factum Eleazari, & multi dicunt Sampsonem sine spiritus sancti iussione potuisse permittere mortem suam; Sicut potest quis mortem suam permittere serviendo peste infectis, quando impossibile moraliter est mortem evadere.

Circa mutilationem vero dico, nulli licere membrum sibi amputare, cum vita constet ex integritate membrorum; Tunc solum licitum est, quando membri amputatio necessaria est ad salutem totius corporis: Immo in tali casu datur obligatio amputandi, si dolores sint exigui, quia quilibet tenetur vitæ suæ opitulari remediis ordinariis non valde difficultibus: Non licet tamen membrum amputare ad sedandas tentationes carnis, aut ad peccatum fugiendum; quia non est hoc medium necessarium ad talem finem. Si tamen alia via non suppetaret ad fugandam meretricem sollicitantem ad libidinem, quam particulam linguae mutilare, & in faciem expuere, licitum est, ut de quodam adolescente testatur D. Hieronymus de Vita Pauli.

Dices: Matth. 4. habetur, *Si oculus scandalizat te, erue eum*; ergo licitum est amputare membra ad peccatum fugiendum. Respondeo eum Doctorem huic non esse intelligendum de corporali abscissione, sed de spirituali, videlicet de remotione ocalionum; Et quod dicitur Matth. 16. *Sinite, qui se castraverunt propter Regnum Caelorum*, non est intelligendum de reali sectione, sed de illis, qui se addixerunt castitati per votum, ut notant August.

& Chrysost. apud Bonac. hic.

Dubium est; An licitum sit Patri filium castrare ad vocem conservandam?

Respondeo communis id negare cum Laym., Tanner., Bonac., Lezan., Dian. part. 6. tract. 8. num. 36., quia nemo est dominus membrorum suorum, & solum ad conservationem vitæ rescindi possunt. Pasqualig. tamen decis. 498., & Salon. 2. 2. tom. 1. quest. 65. id permittunt, si absit periculum vitæ; quia videtur esse iusticiens causa talis decisionis, ut possit Eunuchus voce, & cantu Ecclesiae servire, & ut possit cum honore apud Principes, & cum amplo proventu vitam sustentare; plus enim commodi inde percipit, quam si sit habilis ad generandum.

X. Queritur quinto, An liceat aliquando occidere innocentem?

Respondeo, nunquam licitum esse directe illum occidere; quia solus Deus, ut diximus, est vitæ dominus: Potest tamen aliquando aliquis cooperari indirecte ad mortem innocentis, verbis gratia si Tyrannus minetur urbi excidium, nisi occidatur innocens, certe non potest Respublica illum occidere, potest tamen illi præcipere, ut Tyrannum adeat, & nisi obediat, illum in penam interficere: Ad eum modum, quo potest præcipere militi, ut in statione sua persistat, etiamsi de interficiendus. Eodem modo si Princeps sit in extrema necessitate constitutus, nec suppetat nisi unus panis hominis privati, potest hic cogi ad cedendum panem Principi, etiamsi sit fame moriturus. Possunt etiam in bello iusto subverti mania, etiamsi multi innocentes occidendi sint, quando hoc est necessarium ad victoriam; Et qui fugit inimicum, potest fugere per angustum iter, ubi conculcet infantem baptizatum, si aliter non potest evadere, ut docet Lessi. cap. 9. dub. 9. con-

contra Petrum Navar.; non tamen si non sit baptizatus, quia præferenda est vita spiritualis alterius vitæ propriæ temporali: Eodem modo si invasus non possit se defendere, nisi occidendo tam invasorem, quam innocentem, quo invasor se protegit tanquam clypeo, ut notat idem Less.

Dices: Si tyrannus minetur urbi excidium, nisi detur sibi vitgo ad illam violandam, non potest virgini præcipi, ut tyrannum adeat; ergo neque id præcipi potest innocenti. Respondeo nego consequentiam. Disparitas est, quia virgo non tenetur cum periculo animæ suæ adire tyrannum; e contra innocens tenetur cum periculo vitæ illi in tali casu adire: Quamvis autem Respublica non possit virginem illam cogere, ut tyrannum adeat, potest tamen illam ex urbe excludere, quia non tenetur cum tanto suo incommodo illam defendere.

Rogabis, An liceat pueros Saracenorum, qui in bello iusto capiuntur, aut alios innocentes occidere, ne postquam adoleverint, fiant hostes Christianorum?

Respondeo negative cum Bonac. hic, Victor. Aragon, & aliis; potest enim tali periculo occurrere damnando illos trireribus, nemo enim occidi potest pro injuria futura, sed solum pro delicto præterito. Hinc nec licet occidere obliques innocentes, licet qui eos miserunt, non stent promissis.

Rogabis secundo, An possit dari pharmacum prægnanti, quando periculum est, ne moriatur foetus?

Respondeo cum communi apud Sanch. de Matrim. lib. 9. disp. 30. Less. Bonac. hic, nunquam licere dare pharmacum ordinatum ad abortum; pharmacum tamen ordinatum ad servandam vitam matris, licet mors foetus nondum animati per accidens secutura sit, dari potest; Eo modo, quo potest dari ægroto medicamentum,

quamvis per accidens secutura sit pollutio, aut ebrietas: Unusquisque enim habet jus servandi vitam per remedia ordinaria, quamvis per accidens sequatur mors alterius; Sitamen factus est animatus, aut dubitatur, an sit animatus anima rationali, non potest tale pharmacum adhiberi, quia vitæ matris prævalet bonum spirituale foetus existentis in extrema necessitate: Quando vero non est spes, quod foetus edatur vivus, tunc potest adhiberi pharmacum illud, quod sit æque sanativum matris, ac occisivum foetus, eo quod cesset ratio aduersæ boni spiritualis. Animatur autem anima rationali masculus die quadragesimo, femina octogesimo, ex Aristot. lib. 5. de Anim. cap. 3. & 5.; Et ex Hippocrate masculus aliquando trigesimo die, aliquando autem usque ad quadragesimum quintum, femina aliquando trigesimo quinto, aliquando pariter usque ad quadragesimum quintum.

XI. Queritur sexto, An liceat, & teneamur occidere alios in defensionem nostram, vel proximi?

Respondeo, & dico primo, regulariter loquendo, nunquam nos teneri ad occidendum invasorem. Si enim possumus ex charitate exponere laudabiliter vitam nostram pro aliena, consequenter non tenemur alios occidere ad vitam nostram defendendam; Teneremur solum in aliquo raro casu, videlicet quando invasus est valde utilis Reipublicæ, vel quando est valde necessarius suæ familiæ, vel quando putat esse in peccato mortali, & timet damnationem æternam, &c.

Dico secundo; licet possumus occidere injustum aggressorem in defensionem vitæ, & membrorum nostrorum. Ratio est, quia vim vi repellere permittitur in omnibus legibus, ut ait Alex. III. in cap. *Si vero, De sententia excommunic.* Debet tamen id fieri, primo cum moderamine inculpatæ

patæ tutelæ, itaut non inferatur invadenti majus damnum, quam sit necesse ad declinandam invasionem, alioquin non esset defensio, sed ultio; secundo, ut invasus probabiliter credat se graviter lædendum, si vim non repellat; non enim possumus inferre grave malum alteri ad declinandum leve malum nostrum. Tertio, ut occisio non fiat neque ante, neque post aggressionem injustam, sed in ipso actu aggressionis; quia jus naturæ solum concedit vim vi repellere, dum actu vis inferitur.

Hinc sequitur primo, ut notat Molin., non esse licitum occidere eum, de quo vehementem suspicionem habemus, quod nobis paret mortem, nisi forte admonitus aut nolit desistere ab iis actionibus, quæ talem suspicionem ingerunt, aut non reddat sufficientem cautionem, qua timor repellatur.

Secundo, neque est licitum prævenire aggressorem propriæ vitæ, antequam inceperit moraliter ipsum actum aggressionis; Unde adultera, quæ mortem sibi a marito timet, non potest illum occidere, si maritus nondum se paravit ad illam occidendam, verbi gratia, aut parando venenum, aut collocando pugionem sub cervicali ad ejus necem, aut mandando illius occisionem Sicario, vel maleficæ, &c.; in hoc enim casu potest illum occidere, antequam injuste occidatur, si non sit alia spes evadendi.

Tertio, non possum occidere illum, qui postquam me percussit, fugit desistendo jam a percussione; hæc enim esset ultio, non defensio; & ideo damnata est ab Innoc. XI. propos. 30. dicens: *Fas est viro honorato occidere invasorem, qui nititur calumniam inferre, si aliter hac ignominia vitari nequit: Idem quoque dicendum, si quis impingat alapam, vel fuisse percussat, & post impactam alapam, vel ictum*

fussis fugiat.

Quarto, tunc possunt occidi satellites, quando injuste invadunt innocentem, & ipsis constat eum esse innocentem; si enim bona fide suum munus obeant, non possunt occidi; nam bonum publicum postulat, ut ministris bona fide publicum officium obeantibus injuriæ, aut damnum non inferatur.

Neque dicas, prohiberi in scripturis occisionem in propriam defensionem; Etenim Christus Dominus Matth. 26. Petro volenti se, & ipsum Dominum defendere dixit; *Omnis, qui acciperis gladium, gladio peribis*; Et ad Roman. 12. dicitur: *Non vos defendentes charissimi, sed date locum ira*. Nam hæc loca intelligenda sunt de vindicta, aut de defensione non necessaria, aut de aggressionem, ut ait S. August. apud Lellium; Vel importante consilium, non præceptum.

Neque dicas secundo; plus tenemur diligere æternam salutem proximi, quam nostram vitam; ergo invadens non potest occidi in defensionem propriæ vitæ, dum est in discrimine mortis æternæ.

Nam antecedens tunc est verum, quando proximus est in extremo discrimine, nec potest se ab illo, nisi mea ope liberare, puta si infans esset moriturus sine baptismo; Non est autem verum, quando proximus libere ponit se in discrimine salutis, & potest se libere ab eo eximere, & ex malitia sua vult in eo versari.

Dico tertio; Omnibus, etiam Clericis, licitum pariter est occidere cum moderamine dicto invasorem suarum faculatum, dummodo sint magni valoris. Ratio est, quia licitum est vim vi repellere non solum a propria vitæ, sed etiam ab iis, sine quibus commode, aut convenienter sustentari vita non potest, ut habetur in cap. *Dilecto*, *De sententia Excommunicationis*; *Damnata autem*

tem est ab Innoc. XI. propos. 31. dicens, *Regulariter occidere possum furem pro conservatione unius auri*; Molin. tamen, Reginald., & Bonac. hic docent, quod si rem parvam quis furetur, faciendo vim domino, vel custodi, possit occidi, quia invasor non solum auferit rem, sed magnam infert contumeliam, quæ potest per vim repelli; Damnata etiam est ab Alex. VII. propos. 8. dicens: *Licet interficere accusatorem, falsos testes, ac etiam Judicem, a quo iniqua certo imminet sententia, si alia via non potest innocens damnum evitare*; Et ab Innoc. XI. damnatur propos. 32. dicens: *Non solum licitum est defendere defensione occisiva, qua actum possidemus, sed etiam ad qua inchoatum habemus, & qua nos possessuros speramus*; Nec non 33. dicens: *Licitum est tam heredi, quam legatario contra iniuste impediens, ne hereditas adeatur, vel legata solvantur, se taliter defendere*; Si cuius ius habemus in Cathedrali, vel Prabendam contra eorum possessorem iniuste impediens.

Ex dictis sequitur primo, posse occidi furem, dum fugit, quia tunc censetur aggressio adhuc durare; Si tamen fur se inturum recepit, & rem incepit quiete possidere, non possum illum occidere, quia non dicitur vim inferre, sed intulisse; unde non esset defensio, sed ultio. Notant tamen Less, Reginald., Vasq., Bonac. hic probabile esse, quod possit dominus ingredi domum furis, & rem suam in individuo extantem per vim contra furem resistentem recuperare, quando dominus non potest illam ob Reipublicæ perturbationem aliter recuperare. Ratio est, quia hæc non videtur aggressio, sed defensio rei propriæ; nam quando fur retinet rem meam in individuo, videtur res meas invadere. In praxi tamen id est periculosum, & scandalis obviu.

Sequitur secundo, non solum non esse contra iustitiam, sed aliquando neque contra charitatem occidere furem invadentem res meas, quas non possum deinde recuperare, nisi magnis molestiis; quia ordo charitatis non obligat ad negligendas res proprias valde conducentes ad corporis, & animi quietem propter proximum non existentem in necessitate.

Dico quarto. A fortiori licitum est occidere invasorem inferentem iniuste ignominiam, quæ aliter vitari nequit; Nam melius est bonum nomen, quam divitiæ multa, Proverb. 22. Quare potest occidi, qui alapam impingit, aut magnam infert ignominiam; Nec tenemur fugere, quando fuga est ignominiosa, ut notat Molin., & Less. apud Bonac. hic: Immo qui alapam accepit, potest speculative loquendo repercutere, & insequi fugientem, quantum satis est ad recuperationem honoris, quando aliter recuperari nequit; hoc enim non est ulcisci, sed honorem defendere; quia dum adversarius fugit, & percussus insequitur, durat congressus, & invasio, ut docent uterque Navar., Rodriq., Bonac. hic contra Less., Molin., Azor., contra quos idem Petrus Navar., & Rodriq. docent posse etiam occidi, qui aliquem afficit contumeliis atrocibus sive per verba, sive per signa, quando honor aliter defendi nequit. Communiter tamen docent, doctrinam hanc esse nimis liberam, præsertim quia contumeliæ istæ possunt aliter repelli: Immo si inferantur Clericis, Religiosis, aut personis infimæ notæ, quæ non subeunt ignominiam fugiendo, aut patienter sustinendo, certum est, quod peccent contra iustitiam, si occidant; unde ab Alex. VII. damnata est propos. 17. dicens: *Est licitum Religioso, vel Clerico calumniatorem occidere, quando alius modus defendendi non suppetit*. Nec laicis ad impediendam ini-

fi-

famiam licitum est acceptare duellum, quia hoc non est medium ad id ordinatum, cum potius Trident. sess. 14. cap. 14. decreverit perpetuam infamiam certantibus in duello. Unde damnata est ab Alex. VII. propos. 2. dicens: *Vir equestris ad duellum provocatus potest illud acceptare, ne similitudinis notam apud alios incurrat.*

Dico quinto, pro defensione pudicitie licitum est occidere invaluorem, si vociferando, aut aliter defendi non potest. Ratio est, quia præstantius bonum est castitas, quam facultates. Molin. tamen notat, posse condonari vitam invaloris patiendi violationem sui, si non extat periculum consensus; nam teste D. Lucia, non coinquinatur corpus nisi de consensu mentis.

Dico sexto, Etiam pro defensione vitæ, pudicitie, aut bonorum proximi, possumus invaluorem occidere, si ea aliter defendi non possint. Ratio est, quia possumus suscipere partes innocentis; innocens autem hoc loco dicitur, tam qui gratis invaditur, quam qui licet dederit causam invasioni, aut invaserit a principio, tamen deinde vult desistere.

Rogabis primo, tenemurne sic proximum defendere?

Respondco cum communi Doctorum contra Lessl. nos teneri, quando possumus sine nostro notabili incommodo, quia tenemur ex charitate diligere proximum, & suscipere causam innocentis indigentis nostro auxilio: Verum sicut non tenemur secundum se occidere invaluorem ad defendenda bona propria, ita nec tenemur illum occidere ad defendenda bona proximi.

Rogabis secundo: An teneamur defendere proximum, qui non vult defendi?

Respondco, quod cum invasus non sit dominus suæ vitæ, non potest illam alteri donare, unde tenemur il-

lius vitam, etiam cum morte invaloris, si opus est, defendere, quando possumus sine notabili incommodo: Contra vero, bona proximi non tenemur, nec possumus defendere, si ipse nolit; cum possit ea donare invalori; Demum possumus, & non tenemur defendere alicujus conjuncti pudicitiam, etiam si ille nolit defendi; quia ipsius injuria redundat in nos; unde possumus illius infamiam a nobis avertere.

ARTICULUS II.

De Restitutione propter detractionem.

I. In quo differat detractio a contumelia, suffragatione, & derisione?

II. Detrahitis directe Imponens, Augens, Manifestans, in mala vertens; Indirecte vero Qui negat, aut minuit, reticet, laudatque remisse.

III. Quanquam in detractioe dicatur materia gravis?

IV. Num liceat uni, vel alteri viro prudenti verum crimen alterius manifestare citra mortale? Quod si ab eo deinde aliis manifestetur tale crimen, quid faciendum a primo detractore?

V. Num sit mortale citra asseverantiam referre alterius crimina audita?

VI. Ad vitandum grave damnum innocentis occulta crimina delinquentis deieci possunt.

VII. Num citra mortale possit delictum Petri publicum in uno loco, aut tempore publicari ubi, & quando ignoratur.

VIII. Infamatus in uno genere num possit citra mortale in alio genere infamari?

IX. Regulariter non est mortale seipsum infamare. Nec est de se mortale imponere sibi falsum crimen citra perjurium ad vitanda gravia tormentum.

memia. Verum autem alterius crimen occultum detegere possumus ad vitandum grave damnum. Numquam tamen citra mortale potest grave crimen alteri imponere ad se defendendum.

X. Ad quid tenetur qui audis detrahentem?

XI. Quoniam pacto fama restituenda sit; præsertim si famosis libellis sit sublata?

XII. Oïto de causis potest quis a restitutione fama excusari, nempe si detur impotentia physica, si moralis, si compensatio, si Condonatio, si crimen sit oblitum, si infamia sublata, si crimen factum est publicum, si detractio fuit inefficax.

XIII. Impotentiam famam restituere non tenetur illam pecunia compensare; quamvis probabiliter possit infamatus clam accipere aliquid ab illo in compensationem.

I. **D**etractio est Injusta, & occultæ læsio fama, ad distinctionem contumeliæ, & inhonorationis, quæ non fit occulte, sed coram obicitur alteri aliquod crimen, unde Detractio tollit famam, seu bonam opinionem apud alios, Contumelia vero tollit honorem, seu reverentiam qua quis testatur, & manifestat verbis, vel signis bonam opinionem, quam habet de alterius virtute, & excellentia. Differt etiam Detractio a Sufuratione, & Derisione; nam per Sufurationem non solum læditur fama, sed etiam seminantur discordiæ, seu narratur alterius crimen animo dissolvendi aliquorum amicitiam: per Derisionem vero intenditur, ut proximus, cui detrahitur, pudore suffundatur, vel animo perturbetur. Porro detractio alia est formalis, qua quis intendit tollere famam proximi; Alia vero materialis, quæ fit absque intentione auferendi famam; Et utraque

Part III.

est peccatum mortale, nisi excuset materiæ parvitas, vel indeliberatio; utraque enim per hoc, quod sit injusta læsio famæ, infert notabile damnum proximo. Demum octo modis fieri potest detractio, qui duobus illis verbis comprehenduntur.

Imponens, Augens, Manifestans, in mala vertens,

Qui negat, aut minuit, reticet, laudatque remittit.

II. Primis quatuor modis tollitur fama directe, videlicet imponendo alteri falsum crimen, amplificando verum crimen, manifestando crimen occultum, & interpretando in sinistram partem factum honestum. Aliis modis tollitur fama indirecte, videlicet negando, aut minuendo recte facta, laudes, & bona alterius, vel reticendo, quando reticentia accipitur pro tacita vituperatione, aut demum laudando frigide, unde id potius cedat in vituperium laudati.

III. Quæritur nunc primo, Quænam sit materia gravis in Detractione?

Respondeo esse id, per quod graviter læditur fama proximi; unde quia narrando de milite, quod commiserit duellum, habeat concubinam, &c., de adolescente, quod sit deditus amoribus, ut plurimum non læditur notabiliter istorum fama; Contra tamen quia aliquando dicendo de viro probò, quod sit solitus mentiri, graviter læditur ejus fama: idcirco aliquando non habetur peccatum mortale detractiōis narrando peccata mortalia alterius, aliquando vero habetur peccatum mortale etiam narrando venialia; Immo etiam defectus naturales animæ, vel corporis; ut si quis vel obiciat alicui, quod sit imprudens, parvi iudicii, nothus, vel natus ex Hebræis, &c., vel aliis id dicat, quando res est occulta, & manifeste fert periculum notabilis contristationis proximo.

IV. Dubium est apud Doctores;

V

An

An sit mortale manifestare uni, vel alteri viro prudenti crimen alterius? Afirmant communius, quia aliquando magis displicet, quod crimen manifestetur uni prudenti, præsertim superiori, quam multis externis. Negant tamen Cajet., Petrus Navar., & Azor. apud Bonac., quia hæc videtur secundum se parva detractio, & leve detrimentum in fama.

Neque obstat, quod iudicium temerarium de se sit mortale, quamvis apud solum temere iudicantem lædatur bona existimatio proximi. Nam per iudicium temerarium ex levibus iudiciis imponitur alteri falsum crimen, & ideo est gravis injuria; Econtra per hanc detractioem manifestatur viro taciturno crimen verum. Unde fit, quod qui refert alteri injuriam sibi factam, probabiliter non peccet mortaliter, si solum manifestet iis, a quibus vel consilium capiar, vel solamen; Durum enim videtur, quod injurias non possimus cum amico prudenti conferre ad dolorem mitigandum, & leniendum. Et ideo communius docent licitum esse manifestare complice in confessione, quando opus est vel ad integritatem confessionis, vel ad consilium a Confessario capiendum.

Dubitatur secundo, Num qui revelavit crimini alterius Cajo, teneatur non solum restituere famam apud Cajum, sed etiam apud illos, quibus Caju tale crimen manifestavit?

Respondeo cum communi non teneari, si Caju habebatur taciturnus, & prudens, quia damnum secutum censetur omnino casuale respectu primi revelantis; Contra vero si revelans sciebat, vel dubitabat, quod Caju esset aliis illud revelaturus, tenetur etiam apud illos famam restituere; quia sua detractio censetur causa efficax infamie apud illos.

V. Quæritur secundo, An sit mor-

tale referre citra asseverationem crimina alterius audita?

Respondeo cum Less., & aliis communiter, tunc solum non esse mortale, quando referens non est tantæ auctoritatis, ut facile credantur ea esse vera, nec audita auget, aut confirmat, nec refert audisse a persona fide digna, nec refert coram iis, qui eadem sint aliis manifestaturi, & exaggeraturi, nec narrat crimina valde enormia, ut hæresim, sodomiam, &c. Nam suspicio, quæ ingeritur de crimine atroci, potest esse peccatum grave. Quando autem omnes istæ conditiones concurrunt, non est peccatum mortale detractiois, & contra iustitiam, narrare aliena crimina audita sine asseveratione: Quod si narrentur coram iis, qui ex sua levitate sunt ea credituri, non peccatur contra iustitiam, quia talis narratio non est de se læsiva famæ proximi, sed peccatur contra charitatem, eo quod quilibet ex charitate tenetur cavere sine suo incommodo, quantum potest, notabile damnum proximi.

VI. Quæritur tertio, Utrum liceat manifestare alterius crimina ad vitandum damnum notabile proximi?

Respondeo cum communi licere; sicut enim licitum est ea manifestare ob bonum ipsius detractoris, ita a fortiori in bonum Tertii innocentis. Immo tenemur ista manifestare, quando damnum, quod impeditur, est magni momenti, nec potest aliter vitari, & damnum, quod sequitur, ex revelatione, non præponderat damno, quod impeditur. Ratio est, quia tenemur consulere bono publico, & bono innocentis, & delinquens non habet jus retinendi famam cum damno gravi alterius. Ex quo sequitur, Advocatum, aut Medicum imperitum, & Pharmacopolam infidelem in pharnacis dandis esse revelandum iis, quibus damnum impendit: Sicut qui no-

vit

vit aliquem esse furem, debet admonere eos, cum quibus habitat, ut sibi caveant : Et capientibus informationem de aliquo, ut ad dignitatem aliquam provehatur, vel ut ineat matrimonium, manifestandi sunt ejus defectus, quando nec per correctionem fraternam, nec aliter damnum impediri potest.

VII. Quæritur quarto, Si ne mortale contra justitiam crimen in uno loco, vel tempore publicum manifestetur nbi, vel quando est occultum?

Respondeo cum communi apud Dian. part. 4. tract. 4. resol. 128., & part. 3. tract. 5. resol. 17. negative; tum quia per criminis publicitatem (quæ per notorietatem juris, aut per notorietatem facti, aut per famam publicam habetur,) delinquens amisit jus ad famam; tum etiam quia consuetudine receptum est, ut delicta publica historiis commendentur. Peccari tamen graviter potest contra charitatem, quando scilicet ex manifestatione delicti delinquens graviter contristaretur; nam qui est causa gravis mæroris proximi, peccat graviter contra charitatem, ut docent communiter apud Bonac. hic punct. 6. Præterea peccatur contra justitiam, si reveletur crimen præteritum alicujus, ostendendo quod etiam nunc iste sit improbus, quando vere resipuit. Unde historiographi narrantes peccata publica mortuorum tenentur narrare etiam emendationem, si vere resipuerunt.

Fagund. tamen 2. præcept. lib. 3. cap. 3. num. 14. hæc habet: Vera sententia docet, non esse peccatum mortale, neque contra charitatem, neque contra justitiam detegere notorium crimen facti, vel juris (hoc est vel per rumores, & famam publicam, vel per sententiam Judicis,) in alio loco, & regione, ubi ignorabatur, & personis, quæ nihil de illo sciebant;

sive fama illuc brevi, sive post longum tempus, sive nunquam perventura sit: Esse tamen veniale contra charitatem refricare vulnere alterius nemo dubitat; Immo probabilius esse, quod sit mortale, docet Nugnez apud eundem Dian., si id fiat ex levitate, & non ex bona fide.

VIII. Quæritur quinto, An infamatus in uno genere possit citra mortale in alio genere infamari?

Respondeo, si delicta habeant connexionem, non peccari mortaliter, puta si de concubinario dicas, quod miserit literas amatorias, de fure, quod rapuerit aurum: hoc tamen intelligitur, modo non manifestetur crimen atrox, puta, quod expilaret ærarium Regium, quia graviter fama læderetur. Si tamen delicta non habeant connexionem, Sylvest. putat, quod non peccet mortaliter, qui infamatum in delicto graviore unius generis infamet in leviori, aut etiam simili alterius generis, puta si de publico homicida dicas, quod fornicatus sit: Communius tamen docent esse mortale, quia fama, seu bona opinio non consistit in indivisibili, sed constat ex multis partibus, quarum una potest amitti sine alia; Sicut potest aliquis amittere vestem non amisso equo.

IX. Quæritur sexto, An sit mortale seipsum infamare?

Respondeo regulariter non esse mortale, sicut non est mortale secundum se disperdere, aut donare suas facultates; etenim quilibet ita dominus est suæ famæ, sicut est facultatum; nam sicut acquiruntur divitiæ propria industria, ita & fama; ut communiter docent contra Cajet., & Valent.; qui putant, infamantem seipsum peccare mortaliter, quia sicut nemo est dominus suæ vitæ, sic nec suæ famæ. Dixi, regulariter non peccari mortaliter, nam quando infamia redundat in com-

plicem, in familiam, in Religionem, &c., vel quando est causa scandali, aut periculum, quod injuste delinquens occidatur, procul dubio est mortale. Ex dictis inferitur, ex rationabili causa licitum esse manifestare propria peccata, ut fecit D. Augustinus in suis confessionibus, D. Anselmus, qui suam virginitatem amissam scripsit, D. Ambrosius, qui, ut Episcopatum fugeret, fœminas in cubiculum ad se vocatas venire finxit, & alii; Sic etiam licitum est prodigere suas facultates ex causa rationabili.

Rogabis: An sit mortale imponere sibi falsum crimen sine perjurio ad vitanda tormenta gravia?

Respondeo negative, quia nemo tenetur cum tanto cruciatu vitam custodire: Ita Sâ, Tolet., Lessi., Navar., Molin., Regin.; Communiter etiam docent, quod possit quilibet crimen suum occultum manifestare, non solum Judici interroganti iudice, quod est certum, sed etiam injuste interroganti, ad vitanda etiam levia tormenta, quamvis inde mors secutura sit; Etenim cum vere crimen commissum sit, quod meretur mortem, potest illam sibi iudice procurare propter finem honestum.

Rogabis secundo, An peccet mortaliter filius, qui imponit sibi falsum crimen, puta homicidium, ut liberet a morte, vel a tormentis amicum, vel patrem, cui imputatur?

Respondeo, peccare mortaliter, quando Iudex iudice procedit; quia per mendacium impedit executionem dignæ mortis, & deludit publicam potestatem; Quando vero Iudex non procedit iudice, non videtur peccare mortaliter, dummodo non pejeret: Etenim sæpe licitum est pro amico, vel parente vitam exponere.

Rogabis tertio, An ad vitanda gravia tormenta possis alterius peccatum occultum aperire, præsertim si mors

illi immineat?

Respondeo cum Lessi. cap. 11. dub. 7. affirmative; Etenim nemo tenetur cum tanto incommodo famam alterius servare; sicut nec alterius pecunias penes se occultatas. Hinc etiam Doctores docent cum Bonac. hic punct. ultim. ad infringendam auctoritatem infamantis licitum esse ejus occulta crimina pandere; quia nemo tenetur famam alterius servare cum iactura propriæ famæ. Peccat tamen mortaliter, qui falsum crimen alteri imponit, ut suam justitiam, & honorem defendat, unde neriio damnata est ab Innoc. XI. tam propof. 43. quæ habet: *Quidni veniale sit detrahentis auctoritatem magnam sibi noxiam falso crimine elidere?* quam 44. quæ habet: *Probabile est non peccare mortaliter, qui imponit falsum crimen alicui, ut suam justitiam, & honorem defendat.*

X. Quæritur septimo, An mortaliter peccet, qui audit detrahentem?

Respondeo, audientem posse audiendo movere detractorem ad detrahendum, & posse tantum in eo delectari, & posse etiam dumtaxat non corrigere. Certum est primo, quod si audiens detractionem aliquo modo moveat ad illam, peccet gravius, quam peccet ipse detractor; peccat enim tum contra justitiam, quia est causa injusta talis damni, quod a detrachente inferitur, unde ipse etiam ad restitutionem famæ tenetur, tum etiam peccat peccato scandalii contra charitatem inducendo detrachentem ad detractionem. Qui tamen sua interrogatione est causa, cur manifestentur aliorum defectus, invincibiliter ignorans futuram detractionem gravem, excusatur a culpa, & consequenter a restitutione propter invincibilem ignorantiam. Certum est secundo, quod si audiens nullo modo incitet ad detractionem, sed solum delectetur, non quidem de auditione rei novæ, sed de malo proximi, quod

resul-

refultat ex detractione, peccet mortaliter contra charitatem, non tamen contra iustitiam, si ipse nec sit causa damni, nec teneatur ex officio impedire detractionem, secus vero peccabit contra iustitiam, & ad restitutionem obligabitur. Certum est tertio, quod audiens detractionem, si non corrigat detrahentem, per se loquendo peccet mortaliter contra charitatem; facit enim contra præceptum congregationis fraternæ in re gravi. Excusatur tamen, si res sit publica, aut si non speret correctionem profuturam, aut si timeat sibi grave damnum corrigendo, puta verbera, iniurias; aut si habeat rationabilem verecundiam, ut si sit audiens famulus, aut nullius auctoritatis: In his enim casibus debet audiens vel discedere, si commode potest, vel sermonem divertere, vel vultum non hilarem, sed tristem præferre, habetur enim Proverb. 25. *Ventus aquilo dissipat pluvias, & facies tristis linguam detrahentis.* In dubio autem, an res sit publica, & an detrahens peccet graviter detrahendo, non tenetur audiens illum corrigere, quia præsumere non debet, quod peccet graviter, nisi sufficientes conjecturas habeat in contrarium. Verum qui ex officio tenetur custodire famam subditorum, & detractiones impedire, si non impediatur, peccat etiam contra iustitiam, & tenetur ad restitutionem, ut communiter docent. Putat tamen Rebell. apud Bonac. hic, quod Prælati non peccet contra iustitiam commutativam, nec teneatur ad restitutionem, si non obstat subditis detrahentibus, quia ex officio tenetur tantum curare salutem subditorum, non vero conservare famam alienam.

Ubi advertit, quod qui peccat contra iustitiam mortaliter peccato detractionis, sive detrahendo, sive incitando, sive non obstando ex officio,

non solum teneatur restituere famam, & damna, quæ consecuta sunt ex infamia, sed etiam lucrum cessans, videlicet officium, aut beneficium, quod ille propter infamiam non est consecutus; ut constat ex dictis de Restitutione in genere.

XI. Quæritur octavo, Quomodo fama restituenda est?

Respondeo, modum restituendæ famam esse huiusmodi; Qui crimen falsum imposuit, tenetur retractare, quod dixit, dicendo se falsum dixisse; immo tenetur addere iuramentum, si opus est; Quod si nec iuramentum sufficiat ad famam integre restituendam, tenetur ex Less. adhibere testes, & si publice famam abstulit, tenetur publice etiam illam restituere; Non tenetur tamen dicere se mentitum esse, & seipsum infamare, cum satis sit, si testetur, se falsum dixisse: Qui vero non imposuit crimen falsum, sed manifestavit injuste crimen occultum, non potest dicere se falsum dixisse; mentiretur enim, nisi aliquando æquivocaret dicendo, se non dixisse verum, scilicet veritate publica, quæ solum manifestari potest, ut notat Lug. num. 30. Quare solum tenetur sæpius honorare, & laudare infamatum apud eos, coram quibus detraxit. Si tamen probabiliter credatur, quod crimen manifestatum sit oblivioni traditum, quia scilicet multum temporis lapsus est sine ejus mentione, verbi gratia viginti anni, ut notat Azor., tunc non est opus refricare vulnus, nec famam restituere; sicut nec etiam si infamatus bonis actibus famam recuperavit: Ad eum modum, quo fur non tenetur ad restitutionem equi, quando dominus sua industria illum recuperavit. Pariter qui invincibiliter famam alterius sustulit, ubi advertit, tenetur famam refarcire; Sicut qui inculpabiliter domum, aut agrum alicujus incendit, tenetur ex justitia

sticia impedire, ne damnum ulterius protrahatur, extinguendo ignem quoad poterit.

Rogabis: Quomodo tamam restituat, qui confecit libellos famosos?

Respondetur, eo modo restituendam esse, quo ad æqualitatem restituatur, videlicet vel scriptura publica, vel voce præconis, aut concionatoris, vel alia via, iudicio prudentis, & docti confessoris. Sciendum tamen primo, libellum famosum dici scripturam, vel picturam, vel signum ordinatum ad publicanda crimina infamatoria alterius, ut si quis schedulam, ubi narrantur talia crimina, in loco publico ponat, aut sinat eam cadere in terram in loco publico, aut si quis cornua ad alicuius januam depingat ad significandum conjugem esse adulteram. Quare non dicitur libellus famosus, aut epistola missa ad privatum, in qua narrantur vitia occulta; aut scriptura publica, in qua narrantur vitia publica alicuius.

Sciendum secundo, conficientem libellos famosos jure communi esse excommunicandum; Et in foro externo damnandum esse poena capitis tam conficientem, quam scribentem, aut edentem, ut notat Molin. tract. 4. disp. 39.

XII. Queritur ultimo; Quænam sint causæ excusantes a restitutione famæ?

Respondetur esse octo. Prima est impotentia physica; nam ad impossibile nemo tenetur. Secunda est impotentia moralis, puta si quis non possit famam restituere sine periculo vitæ, aut sine iactura longe majori propriæ famæ, aut cum damno notabiliter majori, quam sit damnum illatum, ut diximus de Restitutione in genere. Tertia est compensatio, quæ fieri etiam potest in restitutione famæ, modo servetur æqualitas. Quarta est condonatio obligationis libere facta, & non in præjudicium alterius. Quinta, si

infamia jam abjicit oblivionem. Sexta, si infamia sublata est bonis actibus infamati, aut proborum virorum testimonio. Septima, si crimen occultum manifestatum jam factum est aliunde publicum, unde ille amiserit jam jus ad famam. Octava, si detrahitio fuit inefficax, vel quia audientes non crediderunt, vel quia similia jam noverant.

XIII. Dubium est, An impotens restituere famam debeat illam pecunia compensare?

Respondetur cum Less. cap. 12. dub. 16., Azor., Navar., Bonac., & aliis contra Sayrum, Sz., & alios, non teneri ex iustitia famam pecunia compensare: Etenim, ut supra diximus art. super. quæst. 1., iustitia obligat ad restituendum, quod est ablatum, vel aliquid æquivalens; atqui fama ablata non potest restitui in casu nostro, & pecunia non est quid æquivalens famæ; cum hæc sit in ordine superiori, nec sit pretio æstimabilis, juxta illud Ecclesiast. *Melius est bonum nomen, quam divitiæ multa*; ergo non potens restituere famam non tenetur illam pecunia compensare: Sic impotens restituere pecuniam non tenetur orationibus illam compensare; nec qui vi, aut fraude aliquem induxit ad peccatum, aut occidit, tenetur pecunia rependere. Quia tamen opposita sententia ex Less. loc. cit. est satis probabilis, hinc probabiliter potest infamatus debens pecuniam infamatori, illam sibi in compensationem retinere, quantum iudicio prudentis requiritur ad satisfaciendum; & consequenter potest per occultam compensationem pariter sibi satisfacere, ut diximus quæst. super. art. 3. ubi de Compensatione excusante a restitutione, inquirentes, num possit compensatio occulta fieri propter debitum probabile: Quamvis enim id unversim non liceat; admittitur tamen probabiliter ob rationem spe-

specialem compensatio isthæc in casu nostro a Lessi. cap. 12. dub. 25. cum Molin., Ledesma., Dian. part. 2. tract. 5. resol. 30., & in casibus similibus, de quibus diximus quæst. 6. art. 4. Sed ab hac sententia in praxi abstinendum, ut advertit Lug. disp. 16. de Justit. num. 106., eo quod sit periculosa, & contra communiorum Doctorum sensum.

ARTICULUS III.

De Restitutione facienda ob contumeliam, derisionem, susurrationem, judicium temerarium, & suspirationem.

- I. Contumelia de se fert positivam inhonorationem, unde non opponitur Observantia, sed Justitia commutativa, & ex suo genere est mortale.
- II. Compensatur universim debonoratio isthæc per petitionem veniæ.
- III. Derisio fert debonorationem cum animo confundendi derisum, & fieri solet verbis irrisoriis: Subsannatio vero fit signis derisoriis. Utrique fert culpam mortalem, si prævideatur derisus graviter contristandus.
- IV. Susurratio ordinatur ad seminandas discordias inter amicos, manifestando eorum defectus; De se est mortalis, & fert omnes restitutionis.
- V. Judicium, & Suspicio temerarie deducuntur ad detractionem tanquam altus internus ad externum: cum inducant malam opinionem, & contemptum proximi, ferunt de se mortalem culpam, & omnes restitutionis.
- VI. Facilius a mortali excusatur suspicio, seu opinio temeraria, quam iudicium certum temerarium. Si indicia sint probabilia, opinio non esset temeraria, sed ea nequit sine causa aliis communicari.
- VII. In dubiis regulariter possumus licite assensum suspendere, quin censea-

mur bene opinari, sed solum censemur non male opinari de proximo.

VIII. Si tamen agitur de damno vitando, possumus dubia in deteriorem partem interpretari solum conditionate, & sic damnum præcavere.

IX. Superiores ob indicia dubia possunt aliquam panam subditos punire, eo quod non abstineant a specie mali.

I. **O**uzitur primo, Quid pro contumelia restituendum sit?

Respondeo, contumeliam esse injuriam, qua alteri obijcitur proprius defectus in sua præsentia; non dicitur universim contumelia omisso quæcumque honoris debiti, quia talis omisso opponitur Observantia; Contumelia vero opponitur Justitiæ commutativæ, & ideo importat positivam inhonorationem: Verum aliquando omissio honoris continet interpretativam, & virtualem contumeliam; ut si transeunte Prælato, subditus non aperiat caput, sed illum torvis oculis aspicit, aliis assurgentibus. Contumelia ex suo genere est mortale, ut constat ex illo Christi D. Marth. 5. *Qui dixerit fratri suo, fante, reus est gehenna ignis.* Verum excusat sæpe a mortali materiæ parvitas, vel quia invincibiliter ignoratur læsionem gravem inde secuturam, ut solet accidere, quando homines irati dicunt quicquid in buccam venit; cum enim eorum verbis non soleat fides adhiberi, non multum læditur ipsorum honor. Restitutionem faciendam esse pro contumelia, constat ex iis verbis, quæ addit Christus Dominus; *Si ergo offers munus tuum ad altare, & recordatus fueris, quod frater tuus habet aliquid adversum te, vade prius reconciliari fratri tuo.*

II. Sufficenter restituitur honor per petitionem veniæ; ad hanc tamen non obligatur, qui potest aliter honorem restituere, videlicet ostendendo extraordinariam benevolentiam, &c. Univer-

verſum tamen familiaris converſatio non eſt indicium, quod qui injuriam accepit, illam remiſerit, niſi adſint expreſſa indicia talis remiſſionis; quia familiaris converſatio poteſt accidere vel cauſa indigentiz, vel cauſa ſcandalii vitandi, &c.

III. Quæritur ſecundo de Reſtitutione ob deriſionem, & ſubſannationem faciendâ.

Reſpondeo, per deriſionem, ut diximus, violari honorem alterius cum intentione confundendi illum, & inducendi erubefcentiam: A contumelia differt deriſio, quia hæc fit joco ad inducendum erubefcentiam, illa fit ſerio: Differt a ſubſannatione, quia deriſio ſolet fieri verbis irriſoriis, ſubſannatio vero ſignis deriſoriis, ut naſo rugato, &c.

Ex genere deriſio eſt mortale, præſertim ſi adſit intentio graviter confundendi proximum, vel ſi manifeſtetur grave vitium; ut ſi quis obijciat Petro uxoris adulterium, vel quando prævidetur deriſus graviter contriſtandus; inducitur proinde per illam onus compenſandi damnum illatum.

IV. Quæritur tertio de reſtitutione faciendâ ob Suſurrectionem.

Reſpondeo, Suſurrectionem eſſe manifeſtationem defectus proximi ad ſeminandas diſcordias inter amicos: Quare Suſurrectio vel continet detractiõnem, ſi manifeſtetur crimen occultum in abſentia, vel contumeliã, ſi in præſentia. Ex genere ſuo eſt mortale contra juſtitiam, & obligat conſequenter ad reſtitutionem: Verum licitum eſt manifeſtare alterius vera crimina ad diſſolvendam amicitiam pernicioſam, verbi gratia concubinariorum; Nec eſt peccatum dirimere aliquorum amicitiam, ut ſibi illa concilietur, dummodo non fiat modis illicitis, ut docet Sotus, Aragon. contra Bannez, Azor., & Salon.; ſicut non eſt peccatum orare aliquem, ut legatum, quod

vult facere Titio, faciat ſibi.

V. Quæritur quarto de Reſtitutione propter judicium temerarium, & ſuſpicionem.

Reſpondeo, judicium, & ſuſpicionem temerariam reduci ad detractiõnem, tanquam actum internum ad externum. Differt autem judicium a ſuſpicionem temeraria, quod judicium hoc habetur, quando quis ex levibus indiſciis aſſentitur firmiter malitiæ proximi; Suſpicio vero, quando ex levibus indiſciis aſſentitur cum formidine oppoſiti; vel ex Leſſ. cap. 29. dub. 2., quando ita quis dubitat ex levibus indiſciis, ut inclinet potius ad unam partem, quam ad aliam, & hujusmodi ſuſpicio dicitur etiam Opinio temeraria: Utrumque in materia gravi eſt peccatum mortale contra juſtitiam; tum quia quilibet habet juſ, ne grave malum de ipſo aut firmiter judicemus, aut ſuſpicemur, ſeu opinemur ſine ſufficientibus indiſciis; unde quilibet exiſtimat ſibi gravem injuriam fieri, ſi gratis credatur improbus; tum etiam quia judicium, & ſuſpicio temeraria inducunt malam opinionem, & contemptum proximi; tum demum quia ſicut eandem malitiam habent volunras occidendi, & occiſio exterior, ita judicium temerarium, & detractio, cum ſe habeant invicem, ſicut actus internus, & externus. Judicium enim temerarium lædit famam proximi apud ſe, & detractio apud alios; damnum autem quod inferitur proximo per judicium, & ſuſpicionem temerariam, cum ſint actus interni, compenſatur per actus externos oppoſitos, deponendo illos.

VI. Facilius tamen excuſatur a mortali ſuſpicio, quam judicium temerarium, quia per illam non tam graviter læditur fama proximi: Cæterum ſi quis de viro integerrimo ſuſpicaretur hæreſim, vel adulterium, &c., procul dubio peccaret mortaliter: Quod ſi quis

quis ex indiciis valde probabilibus iudicet de altero, aut ex indiciis dubiis dubitet, & opinetur rem esse probabilem, certe non peccaret. Non potest tamen aliis communicare suum dubium, aut malam suspensionem, quia bonam proximi opinionem laderet; nisi tamen indicia essent manifesta, & ad bonum finem illud communicaret.

VII. Rogabis: An teneamur dubia interpretari in meliorem partem?

Respondeo regulariter loquendo in dubiis posse nos suspendere iudicium, verbi gratia, si videam Cajum bene comedentem, & dubitem, num comedat ex gula, an vero ex necessitate? non teneor iudicare, quod comedat ex necessitate, sed possum suspendere iudicium; etenim proximus non habet jus, ut de ipso bene opinemur, sed solum ne male opinemur, seu ne penam certam inferamus ob culpam incertam, quod est contra iustitiam.

VIII. Verum si agatur de damno vitando, possumus interpretari dubia in peiorem partem, non iudicando absolute, sed conditionate, & per quandam suppositionem: Verbi gratia, si recipiam in domo hominem ignotum, quamvis non possim iudicare illum esse furem, possum tamen custodire res meas, perinde ac si esset fur. Ratio est, quia si licitum est cum damno famæ alterius aperire delictum ad vitandum damnum proprium, vel proximi, a fortiori licitum est ad vitandum damnum interpretari dubia ista in peiorem partem per quandam suppositionem; cum hoc fiat sine detrimento famæ: Cavendum autem est, ne ex hac cautela oriatur aliqua suspicio mala de proximo.

Hinc potest Pater videns adolescentem ante portam removere occasionem, ne cum filia colloquatur, perinde ac si ille esset fornicarius; quin proinde iudicari possit prudenter, quod ille sit fornicarius: Si tamen indicia sint ita dubia, quod ille sit fornicarius,

Part III.

ut propter talia indicia possit prudenter timeri, quod ad finem fornicandi stet ante portam, debet talis occasio removeri, etiamsi detur sufficiens fundamentum suspicandi, quod ille sit fornicarius, propter rationem adductam. Immo potest etiam Superior ob indicia dubia coarguere, & punire subditos tanquam malos ad cautelam, & emendationem ipsorum, perinde ac si aliquid mali commisissent; etenim quamvis sint forte innocentes, tamen in iis circumstantiis se posuisse, in quibus dubitari prudenter potest de eorum innocentia, reddit illos dignos aliqua pœna, ut notant Molin., Sanchez., & alii apud Bonac. quest. 7.

IX. Et Less. lib. 2. cap. 29. dub. 4. docet, Superiores posse aliquali pœna punire subditos ob indicia dubia, quia subditi debent abstinere non solum ab omni malo, sed etiam ab omni specie mali, ut loquitur Apostolus; Quia tamen forte sunt innocentes, ideo Superior internam assilationem, & affectionem erga tales subditos, quos punit, minuire non debet.

ARTICULUS IV.

De Restitutione facienda ob secreti violationem.

- I. Peccat contra iustitiam commutativam, qui revelat, quæ sub sigillo naturali accepit.
- II. Num sit gravis culpa ea uni, vel alteri viro prudenter revelare?
- III. Violans sigillum naturale tenetur compensare damna, quæ inde sequuntur, etiamsi cum pacto tacito secretum committatur.
- IV. Num, & quando graviter peccet, qui aperit literas sigillo munitas?
- V. Non peccat, qui ad vitanda gravia tormenta secretum revelat; nisi id cedat in damnum publicum, aut ex officio ad sigillum teneatur.

Σ

VI. Li.

munitatis, aut innocentis. Solum itaque secretum sacramentale in nullo casu revelandum est; Secretum vero naturale revelari debet in casu dicto, etiam si committens secretum dicat illud manifestare sub sigillo Confessionis, quando revera non habet animum confitendi, nec recipiendi Sacramentum Pœnitentiæ.

ARTICULUS V.

De Restitutione faciendâ ob furtum, rapinam, necnon ob spiritualia damna alteri illata.

- I. *Furtum specie differt a Rapina; hoc enim superaddit furto violentiam, & injuriam personalem.*
- II. *Excusatur a mortali, qui rem alienam accipit, quando dominus est solum in usus quoad modum, non quoad substantiam.*
- III. *Ratificatio de futuro, seu licentia præsumpta excusat a furto, & Religiosum a vitio proprietatis; Sed ea non sufficit ad sacramentaliter absolvendum, aut ad dispensandum.*
- IV. *Pauperum paupertatis comparatur cum licentia, tanquam cum conditione; lex vero comparatur cum dispensatione, tanquam cum ejus destruetivo.*
- V. *Quantitas requisita ad furtum mortale varia est pro varietate Personarum, quæ damnificantur. Aliquando acus a saviore ablati fert damnificationem gravem, esto furtulum istud in ratione furis non sit grave, nec irabatur excommunicationem latam contra furantes.*
- VI. *Num peccet mortaliter, qui post completam materiam notabilem, parum aliquid iterum furatur?*
- VII. *Num teneatur ad restitutionem sub gravi, qui advertit se per plurima furtula venialia pervenisse ad mate-*

riam notabilem, quin sit factus dicitur?

VIII. *Quid si plures modicum quid surripiendo damnum notabile eidem inferant, advertendo damniarum, sed non concurrendo ad aliorum furtula? Si adversus istos feratur excommunicatio, quare sub gravi teneantur restituere modicum, quod surripuerunt?*

IX. *In gravi necessitate differri probabiliter potest restitutio; sed non licet furari, nisi necessitas sit extrema, aut valde gravis, seu extrema affinis.*

X. *Famuli, alique inservientes non possunt occulte ab Heris suis surripere, quod ipsi iudicant deberi ultra salarii, nisi id sit manifestum, & citra controversiam.*

XI. *Quid possint filii a Parentibus occulte surripere citra mortale tam de bonis Profectitiis, quam de Adventitiis? Etenim Castrensis, seu quasi Castrensis ad filios spectant.*

XII. *Uxor quandonam mortaliter peccat surripiendo aliquid de bonis mariti, aut de bonis communibus, quæ scilicet percipiuntur de fructibus dotis, & Arrharum?*

XIII. *Qui sine vi, & fraude induxit aliquem ad culpam, aut retraxit illum ab ingressu in Religionem, peccavit damniarum contra charitatem; at peccat contra iustitiam, & ad restitutionem damnorum teneatur, si id faciat per vim, aut fraudulenter, aut si quomodocumque inducat alium ad damnificandum.*

I. **F**urtum est Ablatio rei alienæ invito rationabiliter domino; Rapina vero est Ablatio rei alienæ per violentiam, sive quia dominus omnino dissentit, sive quia per vim, & metum consentit. Specie differt furtum a rapina, quia diversa est injuria, quæ irrogatur domino, auferendo illi rem suam occulte, ac auferendo per vim.

vim. Ex genere suo utrumque est morale, nisi excuset parvitas materiæ, aut indeliberatio, aut etiam si dominus rei, quam quis furatur, sit solum invitus quoad modum, non quoad substantiam; Verbi gratia, si non ægre ferat, quod res, quæ aufertur, evadat furantis, sed solum ægre ferat rem illam non peti, vel accipi ad ludum; &c.

II. Ex quo fit, quod filius clam accipiens aliquid a Patre, & uxor a marito, amicus ab amico, &c., non peccat mortaliter, quando verosimiliter ob justam causam creditur dominus illud concessurus, si peteretur, quia scilicet dominus in tali casu non censetur invitus quoad substantiam, sed quoad modum. Ita Rebel., Molin., Sā, Navar., & alii apud Bonac. hic quæst. 8. num. 6.

III. Gerunda pag. 145. ex Suar. tom. 3. de Relig. lib. 8. cap. 11. advertit, ratihibitionem hanc de futuro excusare a mortali tam cum, qui sibi aliquid vindicat a domino tantum quoad modum invito, quam Religiosum, qui propter huiusmodi ratihibitionem Superioris aliquid sibi arrogat, (dummodo, ut advertit Lug. disp. 3. de iustitia num. 125. Superior ratione modi, qui displicet, non sit etiam invitus quoad substantiam, seu quoad modum non sit invitus notabiliter) non vero cum, qui sacramentaliter absolvet putans probabiliter, quod Superior jurisdictionem concederet, si peteretur; aut cum, qui duceret consanguineam in quarto gradu credens, quod Pontifex facile dispensaret. Disparitas est, quia in primo casu actio non est absolute prohibita, & contra legem, sed est tantum prohibita, si fiat sine voluntate domini, aut superioris, atque adeo est solum prohibita secundum quid: In secundo vero casu actio est prohibita simpliciter; unde in primo casu tantum requiritur

licentia, in secundo requiritur collatio jurisdictionis, ac dispensatio: Per licentiam autem lex non destruitur, sed sub tali conditione obligat; Per dispensationem vero lex veluti destruitur, unde ad dispensationem, sicut etiam ad conferendam jurisdictionem requiritur ratihibitio de presenti; ad licentiam vero satis est ratihibitio de futuro, seu licentia solum præsumpta, ut constat ex usu, & consuetudine: Et ratio ulterior est ex eodem Lug., quia ad vitandum furtum, & ad vitandam in Religioso transgressionem voti paupertatis sufficit, quod dominus, aut superior non sit invitus; Contra vero ad conferendam Sacerdoti jurisdictionem, & ad dispensandum in lege requiritur positivus consensus Superioris; & ideo sicut declinatur furtum, si dominus non sit invitus, ita declinatur transgressio voti paupertatis, si superior non sit invitus, seu si non ægre ferat rei usurpationem; quod tamen ad valide absolvendum, & ad dispensationem in lege non sufficit.

IV. Constat hoc etiam, quia votum paupertatis comparatur cum licentia, tanquam cum conditione, & circumstantia; nam non fit votum nihil habendi, sed nihil habendi sine licentia: E contra lex cum dispensatione comparatur tanquam cum destructivo legis prohibentis, ut proinde dispensatio dicatur esse vulnus legis.

V. Quæritur nunc primo, Quznam quantitas ad furtum mortale requiratur?

Respondeo, illam quantitatem requiri, quæ infert grave damnum, aut privat notabili utilitate. Hæc autem varia est pro varietate personarum, quibus tale damnum irrogatur: Regulariter in personis, quæ vivunt ex redditibus, ut sunt communes divites, probabiliter quatuor regales circiter sunt magna quantitas, quia deservunt ad comparandum proprium victum te-

nuem unius diei; Dixi circiter, quia aliquis potest pati notabile damnum etiam a tribus regalibus, & aliquis forte nec a quinque; Unde Laym. hic, & Marchant. apud Dian. in summa cum aliis apud Croix putant, universim quantitatem sufficientem ad furtum mortale esse victum unius diei ejus personæ, a qua quis furatur. Quare in personis, quæ se sustentant suo artificio, & opera, sunt probabiliter duo regales circiter, quia isti sunt pretium laboris unius diei, & sufficiunt ad comparandum victum pro uno die; In iis vero, qui mendicant, unus dumtaxat regalis, & aliquando dimidius potest esse materia gravis, quia potest iis inservire pro victu unius diei. Unde fit, quod respectu Regis, vel personæ prædicitæ duo, vel unus aureus possit esse materia gravis, quatenus sufficiunt ad victum iis consentaneum unius diei, aut ad stipendium menstruum unius militis, aut infirmi famuli.

Notandum tamen, quod si quis auferat acum, verbi gratia a fartore, ex cujus ablatione Sartor magnum habet damnum, eo quod multos dies ab opere desistat, in tali casu furans acum non peccat mortaliter ratione furti, (etenim furatur materiam secundum se parvam respectu fartoris) sed peccat mortaliter ratione injustæ damnificationis; unde peccat graviter contra iustitiam damnificando, non vero furando: Eodem modo si quis auferat fructum valde charum domino, ex cujus ablatione magnam capit tristitiam, peccat solum mortaliter contra charitatem; Et ideo non incurritur in his casibus excommunicatio, si forte lata sit contra furantes.

Notandum secundo, quod major requiratur quantitas, (videlicet dimidio major ex Tambur. lib. 8. tract. 2. cap. 3., & aliquando duplo major) si quis a pluribus aliquid furetur, vel si pluribus vicibus paulatim ab eodem;

Et major quantitas requiritur, si quis paulatim ab eodem aliquid furetur post longum tempus, quam si post breve, ut patet; quia minus damnum infert sic furando. Pariter major quantitas requiritur in furtis filiorum, & Religiosorum, præsertim circa esculenta, quia domini respectu istorum sunt minus inviti. Unde Sanch. apud Tambur. lib. 8. tract. 2. cap. 4., & Dian. part. 1. tract. 6. resol. 36. in furtis Religiosorum requirunt quatuor argenteos; & Ledelm. octo, vel novem, si semel, aut bis in anno sumantur, & Monasterium sit locuples: Et Henr. apud Dian. part. 5. tract. 5. resol. 34. permittit uxori, ut possit vigesimam partem redditum mariti expendere; quod etiam docet Bannez apud Tambur. lib. 8. tract. 2. cap. 3., cui tamen id laxum videtur. Præterea Molin., & Lessi. apud Laym. hic putant non esse mortale, si filius familias a Patre divite duos, vel tres aureos furetur; Et Sal. docet, filium unicum a patre habente aureos annuos mille, & quingentos posse absque mortali furari viginti, vel triginta quotannis, ut notat Tambur. lib. 8. tract. 2. cap. 3. num. 3. Et eodem modo Laym. num. 6. ex Sanch., Molin., & aliis docet, quod si quis per temporum intervallo, videlicet per quatuor annorum spatia absque discedendi proposito furetur vel duos, aut tres aureos a pluribus, vel aureum ab eodem, non videatur devenire ad mortale. Quamvis autem Rebel. apud Tambur. lib. 8. tract. 2. cap. 3. §. 1. num. 3. putet magnum reputari intervallum quatuor annorum, Sanch. unius anni, alii sex mensium, alii unius mensis, alii quindecim dierum, tamen regula prudentiæ est melior, spectata quantitate furtuli, & conditione personæ.

VI. Quæritur secundo, An qui sæpius furatur minima, peccet mortaliter, & obligetur ad restitutionem?

Re-

Respondeo, certum esse, quod peccet mortaliter in quovis minimo furtulo, si furetur animo perveniendi successively ad materiam notabilem. Secundo, quod teneatur sub mortali ad restitutionem, quando pervenit ad summam notabilem, & oppositum damnatur in prop. 38. ab Innoc. XI., quæ habet: *Non tenetur quis sub pena peccati mortalis restituere, quod ablatum est per pauca furtia, quantumcumque sit magna summa totalis*. Tercio, quod ultima acceptio non sit mortalis, quando fur non est memor præteritorum furtulorum. Dubitatur solum, an talis acceptio sit mortalis, si fur sit illorum memor? Aliqui apud Sanch. lib. 7. Summæ cap. 21. cum Navar., Grass. negant, quia nunquam ex plurimis venialibus coacervatis pervenitur ad mortale; Sed communius affirmant, quia dum memor præteritorum furtulorum vult furari materiam parvam, quæ cum reliquis facit materiam notabilem, eo ipso habet animum damnificandi notabiliter; ergo peccat lethaliter. Qui enim sciens, quod ex actu suo levi sequitur damnum proximi notabile, vult talem actum facere, peccat mortaliter, puta si quis mentiatur sciens se cuturum ex mendacio damnum proximi notabile; ergo etiam in casu nostro. In tali autem casu datur obligatio sub mortali restituendi id, quo restituto damnificatio proximi non remanet gravis; unde si saltem restituatur, quod ex ultimo furtulo sublatum est, non est peccatum mortale, ut docent communiter cum Sanch. contra Medin., & Cordub.

Dubitatur etiam, An si post minimum furtum complens materiam notabilem committatur aliud minimum, iterum peccetur mortaliter? Aliqui apud Rebel. docent peccari solum venialiter: Sed communius cum Sanch., Bonac., quod mortaliter, quia tale furtulum continuatur cum præcedentibus,

dum veluti renovatur voluntas damnificandi proximam notabiliter; Si tamen post ablatam notabilem quantitatem fur debeat de furto, & dum expectat opportunitatem restituendi, committat aliud furtulum, puto cum Bonac., quod peccet venialiter; quia in tali casu quantitas furtulorum non continuatur mortaliter.

VII. Dubitatur tertio, Num qui commisit decem furtula nunquam peccando graviter, eo quod non advertit ad præterita furtula, cum quibus ultimum furtulum complevit materiam gravem, teneatur sub gravi ad restitutionem, etiamsi res iis furtulis sublata non extet, nec ex iis sit factus ditior? Videtur quod non, quia in casu neque tenetur ad restitutionem ex re accepta, ut patet; neque videtur teneri ex injusta acceptione, eo quod ex culpa veniali non oritur obligatio gravis restituendi, ut alias dictum est.

Respondeo, communiter cum Lug., Carden., Tambur., & aliis contra nonnullos apud Moyam tract. 6. disp. 6. quæst. 4. putare, quod in tali casu detur obligatio gravis restituendi, non quidem orta ex culpis venialibus præteritis, sed quia dum fur advertit se per plurima furtula deliberata pervenisse ad notabilem quantitatem, advertit se damnificasse graviter cum plena deliberatione, & catenus teneri ad resarciendum grave damnum illatum; quod si non resarciat, tunc graviter peccat. Et ratio ulterior ex Lug. est, ut diximus quæst. prima. art. 4. num. 6. quia fur furando, verbi gratia quinquies singulis vicibus singulos carolenos, singulis vicibus contraxit obligationem restituendi singulos carolenos; quando autem advertit se contraxisse obligationem restituendi quinque carolenos, quæ supponatur materia gravis, tunc advertit se sub gravi teneri ad hanc summam gravem restituendam, & ideo si non restituat, pec-

peccat graviter.

Neque dicas, legem justitiæ non imponere poenam gravem pro culpis venialibus adversus hanc virtutem; & ideo si quis incendat domum alienam cum culpa levi ex semiplena deliberatione, non tenetur damnum hoc grave libere causatum compensare; ergo neque in casu nostro.

Nam contra est, quia in casu nostro non datur ex justitia obligatio restituendi in poenam culparum venialium, quas fur commisit in singulis quinque furtulis, sed tenetur ex justitia sub gravi compensare damnum grave quinque carolenorum ex vi contractus initi cum damnificato in singulis furtulis compensandi tale damnum, ita ut ad restituendos singulos carolenos solum obligetur sub levi ratione parvitatæ materiæ: Quando autem advertit materiam, quam tenetur restituere, esse gravem, puta quinque carolenorum, tunc vi contractuum præterito rum advertit se sub gravi teneri ad talem restitutionem; Quod non habetur in casu adducto de damnificatione gravi causata cum culpa levi ex semiplena deliberatione.

VIII. Quæritur tertio, An si plures furantes modicum notabiliter damnificent alterum, peccent singuli mortaliter?

Respondeo juxta fusius dicta quæst. pr. art. 4. num. 7. & quæst. 3. art. 6. num. 7. indubitatum esse, quod peccent mortaliter, si constituent unam causam, seu si de communi consensu damnificent, unde in solidum ad restitutionem tenentur; Si vero non de communi consensu, sed quilibet sciat, quod alii etiam ea modica furentur, Sanch. lib. 7. Summæ cap. 21. num. 28. putat, quod non peccent mortaliter; cujus sententiam putat probabilem Tambur. hic, eo quod unus nullo modo est causa furti alterius. Communius tamen docent eos mortaliter

peccare, quia quilibet ut causa partialis sciens, & volens concurrir ad damnum notabile proximi, unde pariter quilibet sub mortali tenetur restituere id, quo restituto tollatur notabilis damnificatio proximi: Et nisi restituant, excommunicationem incurunt, si qua lata est contra damnificantes: Immo si quilibet ignarus aliorum leviter damnificaverit, & feratur excommunicatio contra non restituentes, peccant mortaliter non restituendo, non ratione retentionis illius modicæ quantitatis, sed quia transgrediuntur grave præceptum Ecclesiæ, quod juste imponi potest, quamvis materia restituenda sit levis, eo quod intendatur compensatio gravis damni illati proximo a pluribus, ut diximus quæst. 1. quærendo an pro veniali detur obligatio restituendi. Ita Bouac. hic.

IX. Quæritur quarto, An liceat in gravi necessitate furari?

Respondeo, sententiam affirmativam olim docuisse utrumque Navar. Angel. Sylvest. Sæ: Etenim cum dives in tali casu ex lege charitatis teneatur largiri sic egenti, videbatur irrationabiliter invidus, quod sibi clam auferretur, quod opus erat ad tollendam gravem necessitatem, (quam scilicet patiuntur ii, qui non habent necessaria ad statum suum) Verum hæc sententia merito damnata est ab Innoc. XI. propos. 36. quæ habet: *Permissum est furari non solum in extrema necessitate, sed etiam in gravi*: Etenim quamvis dives teneatur lege charitatis largiri, at non tenetur lege justitiæ; in debitum autem ex sola justitia licita est occulta compensatio, non vero in debitum charitatis, aut alterius virtutis, unde vere furatur, & peccat, qui invito domino surripit ea, quæ sibi dominus debet ex alia virtute, quam ex justitia: Exempli gratia, si quis voleat dare pauperi centum, & nolit votum servare, non proinde licitum est

est pauperi ea surripere. In extrema autem necessitate, (quam scilicet patiuntur ii, qui non habent necessaria ad sustentationem vitæ) quilibet potest aliena surripere, quamvis dominus debeat solum ex charitate ea subministrare; Et ratio est, quia in tali necessitate omnia sunt communia, itaut quilibet habeat jus accipiendi propria auctoritate, quod sibi est necessarium, & sic comparare dominium rei acceptæ, quin possit accipiens impediri a domino; & si impediatur, potest se tueri, & illum cum moderamine occidere, ut notat Less. cap. 12. dub. 12. apud Bonac; Nisi tamen dominus sit in pari necessitate, etenim tunc melior esset conditio possidentis, ut diximus quæst. super. art. 1. Et ratio radicalis est, quia divisio rerum introducta jure gentium non potest adimere jus naturæ; jure autem naturæ quilibet habet jus utendi rebus ab auctore naturæ positis ad hunc finem, ut possint homines per illas vitam suam conservare; ergo jure naturæ quilibet potest in extrema necessitate usurpare ea, quibus extreme indiget. Lessius putat hunc discursum etiam militare in necessitate valde gravi, verbi gratia morbi, nuditatis, quia hæc videtur esse affinis necessitati extreme, cum vita isthæc miserrima deterior ipsa morte reputetur; unde possit homo cum Jona cap. 3. dicere: *Melius est mihi mori, quam vivere*; Neque propositio damnata loquitur de necessitate hujusmodi valde gravi, sed solum de gravi necessitate, per quam scilicet quis deberet a suo statu decidere, in qua solum implorari potest officium Judicis Ecclesiastici, ut cogat divites ad largiendum, ut notat Laym. hic num. 8. ex Abbat., Sylvest., & Navar., Potest enim Judex compellere ad largiendum, quod solum ex charitate debetur.

Adde, quod quamvis non liceat in

gravi necessitate furari, probabiliter tamen potest differri restitutio, ut idem Laym. notat lib. 3. tract. 2. cap. 12. ex Less., Navar. contra Riccard., & Medin.: Quod ex illis duabus regulis evincitur. Prima est ex utroque Navar., quod nemo tenetur restituere cum suo detrimento notabiliter majore, quam sit commodum creditoris. Secunda est Scoti, Gabriel, & aliorum, quod quoties creditor rationabiliter contentus esse debet, ut restitutio differatur, potest differri, licet sit invitus, *argum. cap. Ne quis 22. quæst. 2.*

X. Quæritur quinto, An famuli possint occulte surripere heris suis ad compensandam operam suam, quam majorem judicant salario quod recipiunt?

Respondeo. Sententiam affirmativam damnatam esse ab Innoc. XI. in propof. 37. quæ habet: *Famuli, & famula domestica possunt occulte Heris suis surripere ad compensandam operam suam, quam majorem judicant salario, quod recipiunt*; Docuerunt quidem Molin., Less., & alii apud Laym., quod si li- quido constet de inæqualitate stipendii, possint uti occulta compensatione: Sicut enim qui necessitate, verbi gratia, coactus minoris justo vendidit mercem, potest in foro conscientie exigere defectum pretii; ita famulus exigere potest defectum stipendii, si ob necessitatem, vel errorem, &c., operam suam minoris justo locavit; Sicut etiam si manifestum sit, quod dominus considerato eorum labore, & consuetudine loci, non præbeat illis victum sufficientem. Verum laudati Doctores docuerunt, quod hoc debeat esse manifestum, nec satis sit, quod ita ipsi judicent; hoc enim jure merito damnatur a Pontifice: Raro autem est id manifestum, nam primo si dominus non indigebat opera famuli, sed rogatus illum conduxit, non potest hic conqueri de pretii exiguitate,

tate; siquidem merces ultroneæ vilescunt. Secundo, si multi reperiantur, qui non eadem necessitate coacti, sed libenter cum eodem stipendio inservirent; nam sicut merces vilescunt ex multitudine vendentium, ita operæ ex multitudine locantium. Tertio, quia dominus forte promisit famulo remunerationem, quam deinde daturus est, ut diximus quæst. super. ubi de occulta compensatione.

XI. Quæritur sexto, An filii peccent mortaliter peccato furti accipiendo occulte bona Patris?

Respondeo prænotando bona filiorum esse diversi generis, Castrensia, quasi Castrensia, Profecticia, & Adventitia. Primo itaque Castrensia sunt, quæ acquirunt filius militando, aut quæ ratione militiæ illi traduntur; & ad hæc reducuntur, quæ filius in palatio Regis, vel donatione Regis acquirit: Et horum bonorum tam dominium, quam ususfructus, & libera administratio pertinet ad filium invito Patre, unde potest de iis donare, & testari, nisi ætas impediat. Secundo, quasi Castrensia sunt, quæ gaudent privilegio Castrensi, quanvis non acquirantur ex militia; Ea autem sunt, quæ acquiruntur ex officio publico, ut Advocati, Medici, Tabellionis, &c., aut ex professione alicujus ex septem artibus liberalibus, aut Theologiæ, vel Juris Canonici, aut Cæsarei, &c. Ad hæc reducuntur, quæ Clericus acquirit ex officio, vel beneficio Ecclesiastico; item alia bona, quæ respectu laicorum sunt adventitia, respectu Clericorum sunt quasi Castrensia, si post clericatum acquisita sint. Tertio, Adventitia bona dicuntur ea, quorum proprietatem habet filius, & Pater ususfructum, & ea sunt, quæ filius acquirit suo labore, industria, fortuna, vel jure hereditario, aut a Matre, Avis maternis, consanguineis, amicis, &c., modo non sint bona castrensia.

Part. III.

Quarto demum Profecticia sunt, quorum tam proprietates, quam ususfructus pertinet ad Patrem; Et ea sunt, quæ dantur filio principaliter intuitu Patris. Bona autem, quæ a Patre assignantur filio ad Ordines Sacros, aut filii in dotem, aut causa nuptiarum, sunt profecticia, quatenus computantur in partitione hereditatis cum fratribus; sed eorum proprietates, & ususfructus pertinet ad filios. In dubiis autem, an aliqua bona sint profecticia, an adventitia, aut Castrensia, judicandum in favorem possidentis, & si neuter possideat, dividatur, ut docet Tambur. lib. 1. cap. 3. §. 7. V. *Peculium filiorum*. In quibus autem casibus possit filius testari, & in quibus donare causa mortis, aut exponere ludo talia bona, consule eundem Tambur. lib. 3. cap. 4. §. 1. His prænotatis.

Dico, filios tunc peccare mortaliter peccato furti, & teneri ad restitutionem, quando accipiunt notabilem quantitatem ex bonis, quorum possessio, vel ususfructus pertinet ad patrem, videlicet de bonis profecticiis, aut etiam adventitiis, non vero de castrensibus, aut quasi. Ita Less. cap. 12. dub. 13., & alii communiter apud Bonac. hic. Ratio est, quia accipiunt rem alienam accipiendo bona non solum profecticia, sed etiam adventitia; etenim ususfructus istorum ad patrem pertinet.

Dubium est, An filius, qui gerit negotia Patris, possit pro sua industria sibi accipere quicquid daretur exterius?

Respondeo cum Less., & Bonac. citatis affirmative. (nisi filius intendat id facere gratis) cum non sit deterioris conditionis, quam extraneus, nec teneatur jure naturæ laborare pro patre, quando iste non eget. Tria tamen requiruntur, ut id licite fiat. Primo, ut ususfructum istius lucrari non sibi vindicet filius ante mor-

Y. ctm

tem patris, cum numeretur inter bona adventitia. Secundo, ut conslet Patrem non inventurum alium, qui id faciat gratis, aut minori pretio. Tertio, ut filius saltem tacite ostendat, quod nolit gratis inservire; fortasse enim pater sibi alia via consulat, si id sciat; Quod si præ verecundia nolit id ostendere, debet saltem constare, quod pater non sit sibi aliaratione consulturus.

XII. Quæritur septimo, An uxor peccet accipiendo bona mariti?

Respondeo, peccare, si absque expresso, aut præsumpto consensu accipiat aut bona communia, aut bona, quorum administratio, & usufructus spectant ad maritum, eo quod rem alienam acciperet invito domino; Quare non peccat, si accipiat paraphernalia, utpote quorum administratio, & usufructus ad uxorem spectat; Nec peccat, si largiatur sive ad elemosinas, sive ad honestas recreationes, quæ largiri solent aliæ mulieres suæ conditionis; cum non possit circa hæc maritus esse rationaliter invitatus: Sicut nec peccat mortaliter, si accipiat aliquid, quod maritus rogatus facile concederet ex præsumpta ejus voluntate. Et Dian. part. 5. tract. 8. resol. 34. cum Bannez, Maldic., Ledesma, Granad. putat posse uxorem infcio marito in elemosinas, ac honestos usus sibi decentes disponere citra mortale de vigesima parte proventuum annualium.

Norandum itaque, alia bona esse solius mariti, alia solius uxoris, alia communia. Primo sunt bona communia, quæ conjuges percipiunt ex fructibus dotis, & arrharum, quamvis horum administratio, & usufructus pertineant ad solum maritum. Secundo, sunt bona tantum mariti, quæcumque maritus possidet, dempta dote, & donatione facta causa nuptiarum, atque adeo sunt ma-

riti, quæ maritus acquisivit hereditate, aut propria industria, aut labore: Demum sunt bona tantum uxoris tam dos, quam paraphernalia, seu quæ mulier habet alio titulo, quam dotis, puta quæ ipsa acquisivit donatione, hereditate, aut labore, aut industria extraordinaria, præter laborem, & industriam debitam in administratione domus, juxta qualitatem familiæ, & dignitatem uxoris. Illud tamen interest inter dotem, & paraphernalia, quod dotis administratio, & usufructus ad maritum pertineat; Econtra paraphernalium ad uxorem.

XIII. Quæritur octavo, Utrum peccet contra justitiam, & teneatur ad restitutionem, qui alium inducit ad peccatum, aut retrahit a bono opere, puta ab ingressu in Religionem?

Respondeo cum communi distinguendo: Etenim si id fiat sine vi, aut fraude, non peccatur contra justitiam, & ideo inducens ad culpam, quæ non sit contra justitiam, solum ex charitate tenetur curare, ut ille a peccato, ad quod induxit, respiciat; si enim unicuique mandatum est de proximo suo, a fortiori tenetur, qui fuit causa peccati, aut abduxit a bono opere; Si vero id fiat per fraudem, aut vim, certe ex justitia tenetur ille non solum fraudem aperire, aut vim tollere, si perseveret, sed etiam precibus, aut alia via curare, ut alter a peccato respiciat; etenim qui est causa injusta damni, ex justitia tenetur damnum illarum resarcire. Idem dicas de eo, qui falso dogmate circa fidem, vel mores aliquem decipit, quia per falsitatem, & per fraudem illum induxit ad peccatum.

Qui vero alium movet, aut quomodocumque inducit ad inferendum grave damnum alteri, procul dubio contra justitiam peccat, & ad restitutionem damni illati obligatur, ut constat ex thesi 39. confixa ab Inno.

XI.

XI. quæ habet: *Qui alium movet, aut inducit ad inferendum grave damnum Tertio, non tenetur ad restitutionem illius damni illati.*

Ex dictis sequitur, quod qui per vim, aut fraudem retrahit aliquem ab ingressu in Religionem, non solum teneatur ex iustitia vim, & fraudem tollere, quod omnes Doctores asserunt, sed etiam teneatur restituere damnum inde secutum, non solum ipsi avvocato a Religione, sed etiam Religioni, habita ratione spei, quam habebat utilitatis ex tali viro, necnon periculi, quod ille mutaturus esset voluntatem. Ita Vasq., Molin. contra Sal. Aragon. apud Bonac. hic. Ratio est, quia sicut qui alterum impedit per vim, aut fraudem a consecutione aliqujus beneficii, officii, dignitatis, vel hereditatis, tenetur ad restitutionem, quanti spes illa valet arbitrio prudentis viri, ita in casu nostro.

ARTICULUS VI.

De Restitutione facienda ob stuprum, & adulterium.

I. *Ad quid teneatur deflorator Virginis, qua in stuprum sponte consentit? Et quid, si per vim, aut fraudem illam defloravit?*

II. *Qui Virginem defloravit sille matrimonium promittendo, teneatur illam ducere, quin satis sit illam dote, seclusa disparitate inter illos.*

III. *Adulter ob injuriam personalem marito irrogatam, teneatur petitione venia, aut aliis signis satisfacere. Prolem suam tenetur alere post iterum annum.*

IV. *Si nobis inter legitimos a Matre supponatur, teneatur adulter compensare damnum, quod legitimi patiuntur.*

V. *Adultera tenetur compensare damnum,*

quod ex prole illegitima patiuntur legitimi, non non tamen se infamando.

I. **O**uzitur primo, Ad quid teneatur Stuprator, qui non promittit Virgini matrimonium?

Respondeo, quod si sine vi, aut fraude illam induxit, ad nihil teneatur; nisi forte lesa sit in honore ejus familia. Notandum tamen, quod si sponte Virgo consentit, corruptor Virginis non dicitur stuprum commississe, sed fornicationem, ut communiter docent contra Cajet. Etenim si illa consentiat, nulli sit injuria; Ubi econtra in adulterio fit injuria ipsi vinculo maritali indissolubili, & ipsi Sacramento, si committatur consentiente uxore, & marito: Si vero per vim, aut fraudem aliquis Virginem defloravit, tenetur vel illam ducere, vel damnum aliter reparare, verbi gratia, constituendo dotem, &c.; etenim damnum cum injuria illatum rependi debet. Notandum tamen, quod si sic deflorata obtinuit deinde commodas nuptias, itaut nihil detrimenti acceperit ex defloratione, nihil ei restitui debeat propter periculum non invenendi commodas nuptias, quia nihil restitui debet pro periculo, quamvis sit pretio æstimabile, quando non sequitur damnum; neque propter deflorationem pudicitie quicquam restituendum, quia hæc non est pretio æstimabilis; sicut nec pretio æstimabile est membrum, quod abscinditur: Quia tamen periculum non invenendi commodas nuptias est pretio æstimabile, ideo si post deflorationem accepit, verbi gratia, centum propter tale periculum, & deinde bene nupsit, itaut nihil incommodi passa sit ex defloratione, non proinde tenetur restituere illa centum. Ratio est, tum quia probabiliter multi sustinent oppositam sententiam, quod scilicet tale pericu-

lum debeat pecunia compensari; tum etiam quia sicut potest quis pacisci certo pretio de lucro cessante, aut damno emergente, ita ut possit exigere, nedum retinere tale pretium, quamvis deinde nullum lucrum cesset, aut damnum emergat, ita in casu nostro potest quis post deforationem pacisci certo pretio de periculo, quod subiit, ita ut possit retinere, & exigere tale pretium, quamvis deinde nullum damnum sequatur.

II. Quæritur secundo, Ad quid teneatur corruptor Virginis, qui siste matrimonium promissit?

Respondeo, ex dictis in de Sponsalibus teneri eam ducere, nec satis esse eam docere, dummodo non sit disparitas inter illos. Ratio est, quia in omni contractu oneroso tenetur quilibet ex iustitia ponere verum consensum, atque adeo tenetur ex iustitia in casu nostro vere promittere matrimonium, & sic illud ponere; Etenim iustitia obligat ad ponendum idem numero, quod debetur, nec satis est ponere æquivalens invito domino. Quod si sint disparis conditionis, quamvis multi etiam apud Less. cap. 10. dub. 3. doceant, quod teneatur eam ducere, si illa ignorabat hanc disparitatem, nec aliunde suspicabatur fraudem, & deceptionem, probabile tamen est, quod non teneatur, sed possit pecunia damnum refarcire; quia iustitia obligat tantum ad ponendum æquale, & non superexcedens.

III. Quæritur tertio, Ad quid adulter teneatur?

Respondeo, & dico primo, pro mera injuria, quæ fit marito, non teneatur adulter rependere nisi meram satisfactionem per signa doloris, petitionem veniæ, &c. si illam cupiat. Ratio est, quia pro injuria mere personali nihil est restituendum, ut diximus cum de Contumelia; Siquidem injuria personalis diversi generis est

ab injuria reali.

Dico secundo, Adulter, si partus sequatur, & agnoscat illam esse suam prolem, ita ut non habeat justam, seu probabilem rationem dubitandi, teneatur restituere, quæ impensa sunt in alimentis prolis a tertio ætatis anno, & deinceps. Ratio est, quia usque ad tertium annum inclusive tenetur mater alere prolem, ex cap. 2. *De Conversione infidelium*, deinde tenetur pater quousque proles possit sibi de alimentis providere. Non est autem verum, quod aliqui docent, videlicet ad id teneri quandocumque probabiliter credit esse suam prolem, sed requiritur, quod non habeat probabilem, ac solidam rationem in contrarium; etenim communiter Doctores docent neminem teneri solvere, nisi ei constet se debere, ita ut oppositum non sit solide probabile. Quod si solum dubitetur, num ea proles sit mariti, an adulteri, in tali casu videtur, quod stet in possessione delictum, & dubia sit excusatio, unde teneatur adulter prolem alere saltem pro rata dubii. Sed communius apud Tamb. lib. 7. cap. 3. §. 4. docent ad nihil teneri adulterum, nisi certus moraliter sit illam esse suam prolem, quia in tali dubio melior est conditio possidentis: Sicuti si venenum propinem Sorti, qui pariter venenum sibi propinaverat, in dubio num ex meo veneno interierit, ad restitutionem non teneor, quia non constat de damno a me causato. Contra vero, si dubitetur uter ex duobus adulteris sit pater natæ prolis, uterque in solidum tenetur ad restitutionem, cum constet de damno ab iis causato. Non secus ac si duo jacent suam sagittam in Sortem, & non constet ab utra ex iis sagittis sit confossus, uterque ad restitutionem in solidum obligabitur. Quicquid in contrarium dixerint nonnulli apud Gobar relatum a Croix lib. 3. p. n. 704.

IV. Difficultas est, an si nothus reputetur legitimus, & dividatur inter illum, & legitimus hæreditas, tunc adulter teneatur compensare damnum, quod patiuntur legitimi in diminutione hæreditatis?

Aliqui apud Lefs. lib. 10. dub. 5. negant, quia scilicet adulter non fuit causa, ut a matre supponeretur inter legitimus, nec id intendit, aut consiluit: Et confirmatur; si enim mater procuraret sibi abortum, adulter non diceretur causa abortus; ergo si mater supponat nothum inter legitimus, adulter non dicitur causa talis suppositionis, & fraudis; in utroque enim casu damnum sequitur ex perversa voluntate matris suppeditante tantum adultero materiam circa quam, videlicet prolem. Verum communis opinio affirmat. Ratio est, quia per hoc, quod adulter fecerit prolem ex aliena uxore, sufficienter supponit illam marito suo, perinde ac esset sua proles; Neque enim opus est ad suppositionem, ut mater dicat illam esse prolem mariti, sed satis est, ut illa ex ejus utero nascatur, & non sit suspicio adulterii; Unde patet disparitas circa abortum, ad hunc enim requiritur nova actio positiva matris, & ideo huic tantum imputatur.

V. Queritur quarto, Ad quid teneatur Adultera?

Respondeo teneri sine famæ, aut vitæ dispendio curare, ne legitimi hæredes damnum patiantur ex prole illegitima; quare tenetur parapherna, si habeat, relinquere legitimis in compensationem, aut imminuere solitos sumptus, vel labore majori plus lucrari; ac demum si aliter non possit vitare damnum legitimorum, tenetur inducere nothum ad Religionem capeffendam; Non tenetur tamen cum periculo famæ se prodere, ut communiter docent contra Sot., quia fama est superioris ordinis, quam pe-

cunia, & ideo non est exponenda pro rebus ordinis inferioris. Quod si adultera sit suspecta, nec magnum damnum in fama pateretur se prodendo, certe teneretur se prodere, si speraret inde profectum; quod tamen raro accidit, quia filius non tenetur credere matri prodenti suum adulterium, etiam si in articulo mortis id fateatur, cum non teneatur credere femina infami.

ARTICULUS VII.

De Restitutione facienda ob fraudata vectigalia.

- I. *Lex de solvendis vectigalibus iuste impositis ad Principis sustentationem, & Regni defensionem verius non est pure penalis. Quid si imponantur in rebus usualibus?*
- II. *Num deus obligatio solvendi vectigalia, si dubitetur negative num iuste imponantur?*
- III. *Etiā exieri tenentur solvere vectigalia iusta.*
- IV. *Num sponse aperienda sint custodi- bus merces, pro quibus vectigal solvendum est?*
- V. *Custodes non obstantes fraudibus; prout ex iustitia tenentur, probabiliter non tenentur ad restitutionem pena, quam fraudatores vectigalium solvissent, si manifestarentur, licet teneantur compensare damnum, quod domini subeunt.*
- VI. *Ecclesiastici quandenam tenentur vectigalia solvere?*
- VII. *Clerici conjugati, quamvis gaudeant privilegio Canonis, si Virginem duxerint, & gestens habitum, ac tonsuram, non eximuntur tamen a solutione vectigalium: Nec Clerici relate ad bona, qua adveniunt ad negotiandum.*
- VIII. *Si custodibus non constet, quod bona sint Ecclesiastica, iuramento solum standum est.*

I. **O**uartur primo, An fraudans vectigalia iusta teneatur ad restitutionem?

Respondeo, nonnullos apud Less. lib. 2. cap. 32. dub. 8. contra Navar., Angel., S2, & alios negare; siquidem putant legem vectigalium esse pure poenalem, atque adeo non obligare ante sententiam iudicis. Communior tamen, & verior sententia affirmat; tum quia Christus Dominus rogatus Matth. 22. *An liceat dare censum Cæsari?* respondit, *Reddite quæ sunt Cæsaris, Cæsari, & quæ sunt Dei, Deo*; tum etiam quia tenetur populus ex iustitia sustentare Regem, a quo defenditur; vectigalia autem imponuntur ad Principis sustentationem; tum demum quia si vectigalia sint iusta, iuste exiguntur, ergo debentur; aliter daretur bellum iustum ex utraque parte. Verum Molin., Cajet., Sal., & alii apud Bonac hic excusant probabiliter fraudulentis vectigalia imposita non in rebus, quæ ad negotiationem emuntur, sed in usualibus, videlicet in cibo, & vestitu necessario, in pane, carnibus, piscibus, frumento, oleo, &c.; tum quia ita usu videtur receptum; tum etiam quia in iis plus gravantur pauperes, quam divites, ut videre est apud Dian. part. 2. tract. 17. resol. 28., & tract. de Legibus resol. 19.; Et ideo multi docent contra Molin., Suar., & Vasq., quod iniuste exigantur; præsertim si nulla necessitas cogat ponere in iis vectigal, quod posset in aliis rebus ad negotiationem pertinentibus imponi, in quibus parum pauperes gravarentur, ut notat Less. dub. 9.

II. Quæritur secundo, An quando dubitatur, num vectigal sit iustum, detur obligatio illud solvendi?

Respondeo, Navar., Less., Sal., Vasq. apud Bonac asserere, quod detur obligatio, quando scilicet tale dubium est negativum, quia præsumendum est in

favorem superioris possidentis facultatem præcipiendi; Immo etiam in dubio positivo præsumendum esse in favorem Superioris, docuit Less., & alii contra Suar., & Vasq.; quia scilicet ut Princeps iuste exigat vectigal, non debet esse certus speculative, sed practice de eius iustitia; ergo quamvis detur probabilis ratio, quæ suadet iniustitiam talis vectigalis, si tamen detur probabilis ratio de eius iustitia, potest iuste illud exigere, & sic debetur ex iustitia, aliter daretur bellum iustum ex utraque parte. Verum alii negant dari obligationem solvendi, etiam in dubio negativo, cum Salo., Cajet., Molin. disp. 674., & aliis, quia subditus possidet immunitatem a vectigalibus, & dominium pecuniæ suæ; in dubio autem melior est conditio possidentis. Ad rationem adductam in contrarium respondent, non posse dari ex parte objecti bellum iustum ex utraque parte, itaut Superior vere habeat jus exigendi, & subditus non habeat debitum solvendi; siquidem jus, & debitum sibi correspondent. Verum per accidens potest ita res apparere, ut Superior possit exigere, & subditus non teneaturolvere; ut accidit, quoties superior sequitur opinionem probabilem faventem sibi, & subditus opinionem oppositam, unde potest dari bellum iustum ex utraque parte rantum secundum apparentiam, & per accidens, non vero per se, & secundum rei veritatem.

III. Quæritur tertio, An etiam exteri peccent, fraudando gabellas?

Respondeo affirmative; tum quia legitima consuetudine id introduci potuit, ut exteri sub ea conditione admittantur ad negotiandum; aliter multi incolæ fraudarent gabellas fingendo se extraneos; Tum etiam quia hoc onus compensatur per protectionem, quæ mercatores exteri protegentur a

su.

superioribus loci, in quo vestigal exigatur.

IV. Rogabis hic: Num sponte apereienda sint custodibus merces, pro quibus vestigal solvenda est, an vero possit expectari, ut vestigal exigatur?

Respondeo, Sot., Tabien., & alios putare, quod non teneamur merces manifestare, sed satis sit expectare, ut exigatur vestigal, modo nulla ad sit fraus. Alii tamen cum Salon., Sal., Lessl. putant servandam esse loci consuetudinem.

V. Diximus autem supra cum de Muto, seu de non manifestante damnificationem domino illatam, ex Bonac. disp. 3. quæst. 2. punct. 11., Custodes vestigalium teneri quidem ad restitutionem damni, quod domini patiuntur non manifestando fraudatores; sed probabiliter ex Vasq. contra Navar., & Molin. non tenentur ad restitutionem pœnæ, quam fraudatores solvissent, si acculati fuissent: tum quia id usu est receptum: tum quia non obligantur ad id ex pacto inito Custodes: tum quia talis pœna non debetur ante sententiam Judicis.

VI. Quæritur quarto; An etiam Clerici ad solutionem vestigalium teneantur?

Respondeo, imponentes, & exigentes vestigalia a personis Ecclesiasticis incurrere excommunicationem in cap. *Quamquam*, *De Consensu* in 6., & in Bulla Cœnæ, quæ cum quotannis renovetur, omnem consuetudinem in contrarium revocat: Incurritur etiam talis excommunicatio, ut dicemus cum de Censuris in Bulla Cœnæ, si exigantur onera a Clericis sponte dantibus, si scilicet exigantur, seu petantur tanquam a debitore, non vero si simpliciter rogentur, itaut nulla vi, aut metu, aut precum importunitate cogantur: Tunc solum cogi possunt Ecclesiastici a Superiore pariter Eccle-

siastico ad communes aliquas expensas, quando agitur de reparando aliquo damno, quod æque principaliter tangit Clericos, & Laicos; verbi gratia, si agatur de reparando flumine, quod minatur ruinas directe agris Clericorum, & laicorum, vel si agatur de reparanda via penitus destructa prope fundum Clericorum, itaut nequeant Clerici ducere plaustra ad suos agros. Econtra quando agitur de reparando damno, quod principaliter, & directe lædit laicos, & solum indirecte Clericos, in quantum scilicet sunt pars Communitatis; ut si imponatur gabella pro reparatione mœnium, pontium, viarum, &c., Clerici non tenentur, quia cæteroqui nunquam essent exempti a gabellis, cum quolibet gabella imponatur propter bonum Communitaris. Ita communiter apud Bonac., & alios.

VII. Notandum tamen, quod Clericus conjugatus, qui duxit Virginem, & gerit habitum, & tonsuram, solum gaudet privilegio Canonis, non vero exemptione gabellarum; ut ostendit Quarant. V. *Vestigal* contra Tuscum; Nec est exemptus Clericus in rebus, quas negotiationis causa advehit, ex Cap. *Quamquam*. Præterea si Clericus acquirat, vel emat bona affecta aliquo onere, verbi gratia reparandi vias publicas, solvendi censum Principi, &c., tenetur tale onus subire; ea enim de causa rem illam emit minore pretio: Et ratio ulterior est, quia res transit cum onere, ex cap. *Pastoralis*, de *Decimis*, & leg. *Mulier*, ff. *De distractione pignorum*.

VIII. Petes, Quid si non constet exactori, quod res, quæ a Clerico venduntur, aut invehuntur, sint fructus percepti ex agris Clerici, & non ex alieno agro, qui negotiationis causa invehantur?

Respondeo cum Gloss., & aliis relatis a Quarant. apud Bonac., standum esse

esse juramento Clerici, & ipsius nunciorum, nisi aliud suadeant circumstantiæ.

ARTICULUS VIII.

De Restitutione ob simoniam faciendâ.

- I. *Simonia habetur per studiosam voluntatem emendi, vendendi, aut permutandi pretio temporalis rem spirituales, aut spiritualis annexam, sive pretium sit a manu, sive a lingua, sive ab obsequio.*
- II. *Ad simoniam requiritur pactum saltem implicitum, seu animus obligandi alium ad conferendam rem sacram propter temporalem, aut econtra.*
- III. *Dividitur Simonia in Mentalem, Conventionalem, & Realem. Mentalis autem requiritur actionem externam positam animo simoniaco. Simonia Conventionalis in Beneficiis potest esse sive Mentalis, sive Conventionalis, sive Realis. Qualibet istarum est casus reservatus, sed pana Simoniacorum incurritur solum a Simonia reali in Beneficiis.*
- IV. *Simonia prohibetur tam iure Divine, ac Naturali, quam Humano. Aliqua tamen simonia est solum iuris Ecclesiastici, & in hac dumtaxat dari potest materia parvitas.*
- V. *Materia Simonia est res sacra, seu quomodocumque Spiritualis, ac supernaturalis, puta Sacramenta, Reliquia, Beneficia, Prestimonia, Sacramentalia, &c.*
- VI. *Quid de Cappellaniis, de Commendis, de Ficiariis Episcopi, de Recloribus Hospitalium, de labore in administrandis Sacramentis, & de rebus consecratis?*
- VII. *Quid de alienante alium rebus temporalibus ad conferendas res spiri-*

tuales? Quid de reportante stipendium propter concionem, aut pro docenda Theologia?

VIII. *Quid de transference ius patronatus sive reale, sive personale propter pretium? Quid de resignante similiter Beneficium? Quid de commutante res spirituales lacrimis asferentes?*

IX. *Quanam Pensis sit materia Simonia? Quanam etiam Resignatio Beneficiorum? Quanam redemptio vexationis licita est in Beneficiis? Quanam etiam transactio inter litigantes?*

X. *Pro alibus jurisdictionis Ecclesiastica nihil accipi potest. Quomodo pro dispensationibus a Curia Romana aliquid accipitur?*

XI. *Num Pontifex possit simoniam incurvere etiam iuris Ecclesiastici?*

XII. *Excusaturne a Simonia iuris humani, qui illam scienter, & dissimulante Pontifice exercet?*

XIII. *Sex de causis, seu titulis excusari potest a simonia, qui dat temporale occasione spiritualis; nempio titulo sustentationis, liberalitatis, laboris extrinseci, privationis alicujus lucri, redemptionis vexationis iniusta, & ratione consuetudinis.*

XIV. *Qui, verbi gratia, celebrat, si datur stipendium, aliter eo die non celebraturus, non habet pro motivo secundario preste dicto stipendium, sed solum pro motivo excusante, & occasionali; aliter esset simoniacus.*

XV. *Quanam redemptio iniusta vexationis licita sit?*

XVI. *Simoniace datur pecunia intercessori immediato ad Beneficium obtinendum. Sed quid si desor intercessori mediato?*

XVII. *Beneficii collatio facta Titio ignorantis Simoniam ab alio commissam ad tale Beneficium obtinendum est irrita, nisi in fraudem simoniam committatur, aut nisi electus resistat. Gaudet tamen hic beneficio triennalis potest.*

possessionis.

XLIII. Quanam censura ferantur in Simoniacos? Quinam actus simoniaci sine invalidi; & quanam restitutio eis imponatur?

XIX. Pretium simoniace acceptum danti ne, an pauperibus restituendum est?

XX. Pretii hujus restitutio facienda est, etiamsi non detur obligatio ex iustitia ponendi rem sacram, qua venditur.

XXI. Quid si conferens rem sacram privet se in gratiam alterius commodo aliquo sive temporali, sive spiritali?

XXII. Qui rem sacram emit, illam non tenetur restituere, quamvis vendens teneatur restituere pretium, quod pro illa accepit.

XXIII. De Restitutione ob usuram faciendam remissive.

I. **F**Use egimus de Simonia in tertio ex Opusculis Theologico-Moralibus, agentes de Beneficiis Ecclesiasticis: Hic ea omnia digna quidem scitu paucis perstringimus, ut innotescat, quamam restitutio ob tale scelus facienda sit.

Quartur primo, Quid sit Simonia?

Respondeo, Simoniam esse *Sacrilegium* consistens in studiosa voluntate emendi, vendendi, seu permutandi pretio temporali rem sacram, seu spirituale, vel spiritali annexam. Appelatur autem Simonia a Simone mago, qui Actor. 8. emere volebat Dei donum, seu Spiritum Sanctum. Ita communiter cum Less. lib. 2. disp. 33., Bonac. tract. 2. quest. 1., & aliis. Explicatur isthuc definitio, dicitur esse *Sacrilegium*, quia opponitur virtuti Religionis assimilare res sacras tanquam profanas: Dicitur *Consistens in studiosa voluntate*, tum quia etiam mentaliter committitur Simonia; tum etiam quia

Part III,

magna ex parte pendet ex intentione operantis, ex Cap. Tua nos, De Simonia; nam si tradens, verbi gratia, pecuniam non det animo emendi rem sacram, sed alio titulo, non committit Simoniam. Dicitur *Emendi*, aut *Vendendi*, &c., quo significatur committi simoniam per quemcumque contractum onerosum, & non gratuitum. Dicitur *Pretio temporali*, nam si detur spirituale pro spiritali, extra materiam Beneficentiam, non est Simonia, quæ præcise consistit in hoc, quod credantur spiritalia posse pretio temporali compensari. Est autem pretium temporale triplex, scilicet muneris, linguæ, & obsequii, seu pretium a manu, a lingua, & ab obsequio; Pretium muneris, seu a manu, est pecunia; equus, vestis, & alia, quæ solent vendi: Pretium linguæ est laus, vel vituperatio, patrocinium Advocati, commendatio apud Principem: Pretium obsequii dicitur ministerium aliquod in rebus temporalibus, ut est famuli, Æconomi. Dicitur *Rem sacram, seu spirituale*, quia res mere temporalis non est materia simoniæ: cum Simonia in eo consistat, quod res spiritalis putetur posse pretio æstimari: Dicitur autem res spiritalis non quodcumque est incorporeum, sed quod est aliquo modo supernaturale, ut sunt Virtutes supernaturales, Gratia gratis data, Sacramenta, Consecrationes, & omnis usus potestatis supernaturalis. Dicitur demum *Vel spiritali annexam*, seu quæ connexionem habeat cum re spiritali; Quod tripliciter accidere potest ex Less., antecedendo, comitando, & consequendo; Antecedit enim, verbi gratia, rem spiritualem Juspationatus, quia supponitur presentationi ad Beneficia; item vestes Sacræ, Tempia, Altaria, quippe quæ referuntur ad Missam; Comitatur rem spiritualement labor in ministerio Sacramentorum;

Z Con-

Consequitur rem spirituale Beneficium Ecclesiasticum, quia supponit divinum Officium Sacrum, propter quod datur.

II. Ex quibus sequitur primo, non esse Simoniam vendere doctrinam; quamvis enim sapientia non possit auro aestimari, non tamen in hoc sit ulla irreverentia divino dono, etiamsi supernaturaliter collato, cum possit sapientia aliter comparari. Sequitur secundo, in statu purae naturae, in quo nihil supernaturale daretur, impossibile fore Simoniam. Sequitur tertio, esse a labe simoniae immunem, qui dat alicui Beneficium Ecclesiasticum, ne sibi noceat, aut ut sibi faveat, si nullum intercedat pactum, nec intentio illum obligandi: Contra vero committitur Simonia, si intercedat pactum, aut intentio illum obligandi, *sive temporale deum in pretium, sive tanquam motivum conferendi spirituale, sive etiam quando temporale est gratuita compensatio pro spirituali, aut econtra*, ut dicitur in propol. 45. damnata ab Innoc. XI. Quare, ut notat Less. cap. 31. dub. 20., ad Simoniam requiritur, ut adsit intentio obligandi, & quoddam tacitum pactum, quia hoc est pecunia possidere Spiritum Sanctum, quod volebat Simon Magus; Idcirco dare temporale non tanquam pretium, sed ut motivum, per quod intendas alium obligare ad dandum spirituale, procul dubio est Simonia: Contrarium si des temporale omnino gratis, quamvis ab illo speres aliquod spirituale. Sicut neque est simonia, si sine pactum de danda sustentatione congrua Sacerdoti pro Missa, pro Litanis, &c., quia est debita jure naturali sustentatio laboranti, ut infra dicemus. Est pariter Simonia, si des temporale in gratuitam compensationem pro spirituali, putando quod possit compensari, seu aequè pensari temporale cum spirituali, seu obligatio or-

ta ex dono temporali cum collatione doni spiritualis; Sed non est Simonia inservire Episcopo, non quidem animo obligandi, ut tibi conferat Beneficium, sed animo ostendendi idoneitatem ad inserviendum Ecclesiae, a qua Episcopus moveatur ad conferendum tibi gratis Beneficium; In quo tamen casu Episcopus esset simoniacus, si Beneficium conferret in gratuitam compensationem pro servitio sibi praestito.

III. Quæritur secundo, Quotuplex sit Simonia?

Respondeo, esse triplicem, Mentalem, Conventionalem, & Realem. Simonia mentalis non est intelligenda, quæ solum mente concipitur sine actu externo; quia Simonia, quæ subjacet poenis Ecclesiasticis, non potest in solo actu interno consistere, cum Ecclesia non judicet de internis; Et saltem de facto non reservat peccata mere interna, quamvis juxta sententiam Vasq. possit ea reservare; Sicut potest dispensare vota interna: Quare pro Simonia mentali venit actio externa, quæ fit animo simoniaco, quamvis ipsa secundum se labem Simoniae non præferat; ut si Sacerdos accipiat elemosinam, quæ datur pro missa, tanquam pretium missæ; vel si quis ad Chorum accedat intendens distributiones accipere, non tanquam sustentationem celebrantis, & canentis, sed tanquam pretium celebrationis, & Divini Officii, nullo de hoc dato externo signo; Ad eum modum, quo dicitur Sacrilegium mentale committere, qui expuit in Ecclesia animo illam contemnendi, quamvis non prodatur sacrilegam hanc intentionem. Quod si quis per actionem spiritualem principaliter intendat commodum temporale, verbigratia celebret principaliter propter stipendium, secus non celebraturus, aut econtra per actionem temporalem intendat principaliter ali-

quid

quid spirituale, ut qui Episcopo invenit principaliter ad obtinendum Beneficium, Simoniam mentalem committeret, quia dum dat spirituale principaliter propter temporale, videtur velle unum cum alio commutare, & magis æstimare temporale, quam spirituale, nam Propter quod unumquodque tale est, & illud magis.

Si tamen quis primario celebraret intendendo cultum Divinum, & secundario, ac occasionaliter stipendium, Simoniam non committeret, esto verum sit, quod si hic non haberet stipendium, a celebratione missæ abstineret.

Simoniam Conventionalis consistit in pacto, seu conventione expressa, vel tacita commutandi spirituale cum temporali. Denum realis Simonia habetur per hoc, quod de facto tradatur, vel accipiat res spiritualis pro temporalis, aut e contra.

Rogabis primo, Ad quod genus Simonia reducatur Simonia Confidentialis in Beneficiis, seu Confidentialia beneficialis?

Respondeo, aliquando reduci ad Mentalem, aliquando ad Conventionalem, aliquando ad Realem. Est enim Simonia Confidentialis mentalis resignare, verbis gratia, beneficium intentione obligandi alterum ad solvendo fructus, aut pecuniam, sed non manifestando illi suam intentionem. Est vero Conventionalis, si pactum meas resignandi Beneficium, vel conferendi, vel aliquem præsentandi, aut instituendi ad hoc, ut Beneficium tibi, vel alteri restitueretur, vel ut sibi, vel alteri pars fructuum tradatur: Est denum Realis, si Beneficium re ipsa renuncietur, vel conferatur cum tali pacto. Verum ad incurrendas pœnas latas a Pio IV., & a Pio V. contra committentes Simoniam confidentialem in Beneficiis requiritur ipsa reals receptio Beneficii in confidentiam; Hæc autem

quatuor modis contingere potest: Primo, si recipiatur Beneficium ab altero, qui illud resignet cum spe, & confidentialia, quod recipiens Beneficium illud postea dimittat, vel solvat fructus in favorem resignantis, aut alterius, quem resignans destinaverit; Nec est necesse, quod tale pactum sit expressum, sed satis est, si resignans cum hac spe resignet, & resignatarius advertat talem animum resignantis, etiam si ipse talem animum non habeat; quia sic censetur tacite in illum animum consentire, & Simoniam committere, non quidem directe, sed indirecte, quatenus ad illam concurreret; Quicquid sit, an hic excommunicationem tunc incurreret? quod discutit Suarius disp. 22. de Censuris sect. 6. n. 18. Secundo, committitur Simonia confidentialis in Beneficiis, si quis conferat Beneficium alteri sub dicta spe, & confidentialia, quæ scilicet implicitum pactum contineat. Terrio, si quis eligat aliquem ad Beneficium sub eadem spe. Quarto, si Patronus, licet laicus, aliquem præstent cum præfata spe.

Rogabis secundo, Num Simonia ficta reducatur ad Conventionalem; ut si quis promittat Beneficium pro pecunia, intentione solum recipiendi pecuniam, non tradendi Beneficium?

Respondeo cum communi contra Navar. negative; Simonia enim ficta non est Simonia; sicut homo pius non est homo, & consequenter ad nullam Simonia speciem reduci debet. Ex quo fit, quod simoniacus fictus pœnas contra simoniacos latas non incurrat.

Notandum tamen, quod Clemens VIII. prohibuit, ne Regulares absolvant non solum a quavis Simonia reali, sed etiam a confidentialia beneficiali, unde quælibet confidentialia beneficialis etiam mentalis, & conventionalis, quæ in opus externum prodit, est

casus reservatus, licet pœnæ a Pio IV., & V. latæ restringantur ad Realem. Nonnulli tamen putant solani Confidentiani Beneficiale reale a Clem. VIII. reservari; quia sola hæc habet annexam censuram, & casus Pontificii reservati universum censuram habent annexam. Advertit autem Suarius loco laudato, censuram latam a Pio V. adversus committentes crimen Simoniacæ Confidentie beneficalis incurri duntaxat a recipientibus beneficium sub confidentia, non a dantibus, quia homines procliviores sunt ad recipiendum, quam ad dandum.

IV. Quæritur tertio, Quonam jure simonia prohibetur?

Respondeo, prohiberi jure Divino, naturali, & humano: Divino quidem, tum quia 1. & 3. Regum reprehenditur Jeroboam, quod daret Sacerdoti pretium; tum etiam quia Christus Dominus Matth. 10. dixit, *Gratis accepistis, gratis date*. Jure etiam naturæ, quia ratio dicat Sancta sancte tractanda; non tractantur autem sancte, si permutantur pro re temporali, quæ vilis est, juxta illud, *Quis non putet vile esse, quod venditur?* Unde Actor. 8. D. Petrus dixit Simoni mago: *Pecunia tua tecum sit in perditionem, quoniam domum Dei existimasti pecunia possideri*. Demum jure humano prohibetur in toto titulo de Simonia.

Notandum autem, aliquam Simoniam solo jure humano prohiberi; Sicut enim dum Papa prohibet, ne ab Ecclesia quisquam extrahatur in reverentiam Ecclesiæ, committitur Sacrilegium, si aliquis extrahatur, quod tamen præcisa Papæ prohibitione non esset Sacrilegium; ita dum Papa prohibet, ne res aliqua temporalis spiritali annexa vendatur in reverentiam talis rei, committitur Simonia, si vendatur; quæ Simonia jure tantum humano est talis, nam præcisa tali prohibitione non esset Simonia; Unde o-

ritur alia celebris divisio Simonie in Naturalem, & Ecclesiasticam, seu in Simoniam juris Naturalis, quæ scilicet jure naturali prohibetur, & juris Ecclesiastici, quæ scilicet prohibetur jure humano.

Hujusmodi autem Simonie jure tantum humano prohibite plures sunt. Primo juxta sententiam Navar., & aliorum communiter tamen rejectam, si vendantur Beneficia, (non quidem ratione tituli, quod sane jure Divino prohibetur,) sed ratione fructuum temporalium, & emolumentorum, sicut venduntur vasa sacra ratione materiæ: Communiter tamen Doctores apud Less. cap. 35. dub. 2. censent etiam hoc pacto invendibilia Beneficia jure divino, quia dum venduntur ratione fructuum, venditur jus ad fructus; sed jus ad fructus habetur ratione officii spiritualis; ergo sic venderetur officium spirituale, quod jure divino est illicitum. Illud certissimum est, esse contra justitiam, si sic vendantur Beneficia: damnata quippe est ab Alex. VII. propos. 22. dicens, *Non est contra justitiam Beneficia Ecclesiastica non conferre gratis, quia collator non exigit pecuniam pro collatione Beneficii, sed veluti pro emolumento temporali, quod sibi conferre non tenebatur*; Cum enim gratis ea dari debeant, contra justitiam est aliquid pro iis accipere, si vel talis Simonia sit juris divini, si vel solius juris humani.

Secundo, est Simonia solius juris humani permutatio Beneficii cum alio Beneficio facta propria auctoritate. Tertio, resignatio Beneficii propria auctoritate facta cum reservatione pensionis. Quarto, acceptio alicujus rei occasione examinis, ex Trident. sess. 24. cap. 15. Quinto venditio officiorum Ecclesiasticorum spiritualium, seu habentium onus spirituale, necnon venditio Officii Dispensatoris, seu Procuratoris, aut Œconomi, sicut etiam

De

Defensoris, seu Syndici, aut Judicis, aut Primicerii, seu Magistri Chori, cujus est Clericos instruere, & Chorum dirigere.

Notandum demum, non dari in Simonia juris naturalis parvitatem materię; Nam si pro re spiritali detur modica pecunia, major irreverentia irrogatur rei sacrę; Unde fit, excommunicationem latam contra Simoniacos incurri, etiamsi pretium, quod traditur, modicum sit: Et idem dicas si res spiritalis sit parva; Quicquid in contrarium sentiant nonnulli apud Ugolin. de Simonia cap. 16.; nam semper habetur tota malitia Simonię consistens in hoc, quod temporale æque pensetur, ac spirituale: Sicut non datur parvitas materię in perjurio, quia quanvis in re levi juretur falsum, habetur tamen semper eadem malitia perjurii per hoc, quod Deus in testem falsi adducatur: Contra vero in furto levi, verbi gratia, quamvis habeatur injustitia, habetur tamen injustitia levis, seu damnum leve, & ideo datur parvitas materię; Sicut etiam datur materię parvitas in Simonia, quę sit solius juris Ecclesiastici, puta si detur modicum quid pro consequendo officio Economi, ut notat Bonac. cum aliis.

V. Quæritur quarto, Quęnam sit materia Simonię?

Respondet esse rem sacram, seu quocumque modo spiritualement, & supernaturalem; cum Simonia opponatur Religioni, & cultui debito rebus sacris. Hinc primo est materia Simonię gratia sanctificans; ut si vendatur Baptismus, vel Absolutio Sacramentalis. Secundo Eucharistia, si verbi gratia vendatur ad magicas artes. Tertio Reliquię, & earum retentio, sunt enim res sacrę, nec expetuntur, nisi ob sanctitatem ejus, cujus sunt reliquię. Quarto Præstimonія, quę tanquam Beneficia conferuntur a solis

Prælati Ecclesiasticis, & instituta sunt ad alendos in studiis Clericos pauperes, ut possint inservire Ecclesię; Pius enim V. adjunxit illis Officii divini obligationem, & ideo hujusmodi Beneficia habent titulum spiritualement.

VI. Quinto, Cappellanię collativę, seu erectę auctoritate Episcopi, non tamen non collativę, ex Pal.; quamvis gratis dari debeant, unde citra Simoniam, sed contra justitiam venderentur.

Item Commendę spirituales, seu Vicarię, quę pariter habent pensum Canoniarum horarum, & administrationem Sacramentorum: Commendę vero militares Equitum Hierosolymitanorum non sunt materia Simonię, quia non sunt quid spirituale, & conferuntur solum titulo laico in stipendium pro temporalibus servitiis, quamvis non dentur nisi Religiosis professis. Vicariatus autem Episcopi materia quidem Simonię est, cum jurisdictionem habeat spiritualement; at qui illum emit, probabiliter non tenetur resignare, ut docet Sanch. lib. 2. Opusc. cap. 3. dub. 113. contra Navar., & Lopez, eo quod non sit Beneficium.

Sexto, Rectorię, seu Officia regendi, & gubernandi Hospitalia Episcopi auctoritate erecta; Et ratio est, quia habent spiritualement administrationem annexam; scilicet vero si tantum habeant administrationem temporalem, & curam infirmorum.

Septimo, Sacramenta, vel Sacramentalia, aut ipsorum usus, quamvis non committatur Simonia accipiendo aliquid pro materia remota Sacramentorum, videlicet pro pane, oleo; Nec in Matrimonio pro ejus materia proxima, scilicet pro traditione corporum, quia talis traditio non est actus potestatis spiritalis, ut notat Suar. lib. 4. cap. 11.; Nec si aliquid accipiat pro labore, & desatigatione extraordinaria in Sacramentis administranda.

strandis; Dicitur autem labor extraordinarius, qui per accidens coniungitur cum Sacramentorum administratione, & sine quo adhuc Sacramenta administrari possent; verbi gratia, si longum iter faciendum sit, ut missa celebretur: Pro labore autem intrinseco, seu necessario requisito nihil accipi potest, ex regula Urbani in Cap. *Si quis obiecerit* 1. quæst. 3., ubi dicitur, *Qui horum alterum vendiderit, sine quo nec alterum provenit, neutrum invenditum derelinquit*; Unde nihil accipi potest, aut tradi pro functionibus Ordinum, puta pro lectione Epistolæ facta a Subdiacono, pro Divinis Officiis persolvendis, pro recitatione litaniarum, &c., & aliis privatis orationibus, quæ impulsu Spiritus Sancti sunt, & ad spirituales effectum ordinantur: Potest tamen accipi ab administrante Sacramenta, & a persolvente Divina Officia solum id, quod præcise requiritur ad sui sustentationem, quamvis aliunde habeat, unde sustentetur; Nam sicut gratis dicitur laborare Artifex, cui dantur tantum necessaria ad sustentationem, ita in casu nostro; Immo sustentatio potest deduci in pactum, ex Bonac. hic, Suar., Valent. contra Sylvest., & alios; quibus videtur favere D. Th. 2. 2. quæst. 100. art. 3., Et ratio est, quia quilibet in pactum deducere potest, quod sibi iure naturæ debetur, sicut est sustentatio.

Octavo, omnes res consecratæ, ut Calix, Ecclesiæ, &c., ratione materiæ vendi possunt, nisi specialiter prohibeatur; Sicut prohibetur in iure Canonico venditio sepulchræ, etiam ratione soli; sic etiam Chrismatæ, balsami; Et Romæ specialiter prohibetur venditio effigiei Cereræ (dicitur Agnus Dei) benedictæ, ad vitandum periculum Simoniz, etiam si non vendatur pluri ob consecrationem; Consuetudo tamen obtinuit vendendi ad Cap-

pellam extruendam cum sepultura certum locum Ecclesiæ, vel Cæmeterii, quæ consuetudo, si fuit legitime præscripta, potuit abrogare jus humanum.

Neque dicas, si potest sine Simonia vendi Calix ratione materiæ, quare non potest vendi actio, verbi gratia, sacrificandi ratione laboris intrinseci annexi?

Respondeo cum Suar. cap. 14. disparitatem esse, quia in primo casu materia antecedit spirituale, nec valorem suum amittit per conjunctionem cum spirituali; in secundo casu labor non antecedit actionem sacrificandi, sed ipsam comitatur, & veluti cum illa permiscetur, & fit totum quoddam quasi spirituale, unde fit invendibilis iure Divino: Quare vendi possunt ratione materiæ solum quæcumque antecederent sunt connexa cum spiritualibus, ut Calix consecratus &c., qui scilicet antecederent ad consecrationem est pretio æstimabilis, & ætenuis vendi potest; prout dicemus de bonis, quibus annectitur jus patronatus, quin tamen ipsum jus patronatus vendi possit.

Nono, Quæcumque concomitanter sunt annexa cum spiritualibus, ut labor intrinsecus rei sacræ, vendi non possunt, nec vendi possunt quæcumque sunt annexa rei sacræ consequenter, ut Beneficium, in quo jus ad fructus consequitur ad officium spirituale. Ratio est, quia hoc jus pendet a re sacra, sicuti accessorium a principali; Et aperte constat id non licere ex illa regula in cap. *Si quis obiecerit* 1. quæst. 3. *Qui horum alterum vendiderit, sine quo nec alterum provenit, neutrum invenditum derelinquit*.

VII. Decimo, qui promittit alteri aliquid temporale cum pacto, quod bonum opus aliquod faciat, verbi gratia, quod fiat Christianus, quod recitet rosarium, &c., est simoniacus obligando alterum ex contractu oneroso;

fo; Si tamen promittatur aliquid sub conditione, quod fiat opus spirituale, intendendo tantum spirituale bonum operantis, non est Simonia: Verbi gratia, si dicas sine ullo pacto, Dabo tibi centum, si fias Christianus: Etenim in hoc secundo casu non habetur contractus onerosus, sed liberalis donatio facta animo alliciendi illum ad opus spirituale. Ita Bonac. quest. 4. §. 7. §. 1. & Less. dyb. 12., Ubi docet, aliud esse offerre aliquid ad alliciendum animum alterius, ut ponat opus bonum, aliud esse offerre aliquid ad obligandum illum, ut ponat opus bonum, quod ipsimet donatario prodest.

Undecimo, Aliquid tradere pro ingressu in Religionem, vel ob professionem, tanquam pretium, est simonia. Dari tamen aliquid potest pro congrua sustentatione ejus, qui Religionem ingreditur; sic enim datur temporale pro temporali, videlicet pro onere alendi illum, sicut in matrimonio datur temporale ad onera matrimonii sustinenda.

Duodecimo; Nihil accipi potest pro concione Sacra, quippe quæ actus sacer est, cum Concionator sit veluti legatus Dei ad hoc missus; Et constat, quia Christus Dominus mittens Apostolos ad prædicandum Matth. 10. eodem modo loquitur de prædicatione, ac de curatione morborum, & mortuorum resurrectione, dicens, *Euuite prædicare, dicentes, quia appropinquavit Regnum Dei, infirmos curate, morbos suscite, leprosos mundate, demones ejicite; gratis accepistis, gratis date;* ergo concionari non gratis, sed accepto pretio, Simonia est; Solum pro sustentatione potest aliquid accipi, & in pactum deduci, ut diximus de stipendio Missæ. Ita communiter apud Bonac. §. 10.: Contra tamen potest aliquid accipi pro docenda Theologia sive morali, sive scholastica, quia actiones magistri docentis Theologiam sunt naturales pretio æstimabiles: Idem di-

cas, si detur consilium in materia theologica pretio accepto, etiamsi detur tale consilium ad pacandam conscientiam; quia consilium est aliquid naturale, quod etiam a non Theologo dari potest. Idem etiam dicas, si aliquid accipiat pro docenda doctrina Christiana, ad instruendum intellectum, & exercendam memoriam, ut sit in scholis; Secus vero si doceas illam concionando, persuadendo, ostendendo ejus credibilitatem. Nec est simoniacus, qui vendit licentiam docendi Theologiam, aut Magisterium, seu doctoratum theologicum, cum actus docendi, ad quem doctoratus dirigitur, non sit spiritalis, secus vero pro licentia concionandi, audiendi confessiones, &c.

VIII. Decimotertio, Jus patronatus, (sicut etiam Præsentatio) cum habeat pro objecto Beneficium, est aliquid spirituale, quod vendi non potest; bona tamen, quibus Jus patronatus annexum est, vendi possunt, dummodo non pluris vendantur ratione Juris patronatus annexi, quia sunt antecessenter connexa cum re sacra. Notandum tamen, quod solum Jus patronatus reale, quod annectitur bonis, quæ vendi possunt, cum iis transferatur, in quibus fundatur, sicut accessorium transfertur cum principali, ut consecratio Calicis cum ipso Calice; Jus patronatus vero personale solum transferri potest per liberalem donationem, interveniente Episcopi consensu, dummodo non transferatur in Religiosos, ex cap. *Illud, De Jure patronatus*.

Decimoquarto, Qui alteri resignat Beneficium, non potest quicquam exigere a resignatario ratione fructuum, quia Beneficium annectitur rei sacræ consequenter: Et ratio a priori est, quia persona privata non potest separare præbendam, seu fructus, & emolumentum ab ipso Beneficio; ergo cum non possit quicquam exigere ratio-

tio.

tione Beneficii, nec poterit quicquam exigere ratione emolumentum, & ideo communius docent Theologi cum Cajet., Valent., Azor., Bonac. contra Ugolin., Navar., & Canouistas, quod in tali casu committeretur Simonia juris Divini. At potest Papa conferre Beneficium, reservata sibi, vel alteri pensione; quia potest separare Beneficium a fructibus; Cum enim Beneficium duo dicat, jus ad sacrum ministerium, & jus ad fructus, & hujusmodi duo jura ex auctoritate, & institutione Summi Pontificis connectantur, poterunt eadem auctoritate separari; nam res per quas causas nascitur, per easdem dissolvitur. Præterquamquod Papa si non est dominus, est saltem administrator bonorum Ecclesiasticorum cum maxima facultate, & jure; ergo potest uni Beneficium conferre cum jure ad partem fructus, alteri vero jus ad alteram partem fructus. Episcopi vero quia non possunt separare a Beneficiis emolumenta, jure positivo id prohibente, ideo nec possunt conferre Beneficia cum pensione, exceptis quibusdam casibus. Primus est, dum senex Beneficium renunciat; tunc enim nonnulli Doctores docent, posse Episcopum reservare pensionem ad vitam renunciantis propter senium. Secundus in transactionibus, & concordia litium potest pensionem personalem imponere, ex Cap. *De Cetero*, ut videre est apud Suar. de Simonia lib. 4. cap. 24.

Decimoquinto, Commutari quidem potest res pure spiritualis cum spirituali, puta missa cum missa, quia non fit injuria rei sacræ; ut communiter docent contra Sylvest., Armil., & alios apud Dian. part. 4. tract. 4. resol. 13., scilicet si permutetur res non pure spiritualis cum altera, puta corona benedicta materiæ pretiosæ cum corona vilis materiæ, cui sint annexæ indulgentiæ; quia sic videtur permutari

spirituale cum temporale: Et ideo neque etiam potest permutari, quod est spirituale antecederet cum eo, quod est spirituale consequenter, puta Calix consecratus cum Beneficio. Quamvis autem Calix consecratus permutari possit cum alio ejusdem valoris, at ex jure positivo nullum Beneficium potest privata auctoritate cum alio commutari, ex Cap. *Quasimus*, *De rerum permutatione*, & ex cap. ult. *De pactis*, ubi omnis omnino pactio prohibetur in Beneficiis. Puto proinde, quod in permutatione Beneficiorum facta privata auctoritate committeretur Simonia juris humani, non divini, ut communiter docent contra nonnullos apud Azor. cap. 12., Sicut etiam si commutentur actiones pertinentes ad provisiones Beneficiorum, ut si dicatur, Tu elige hunc, & ego eligam, vel præsentabo illum.

Quod autem attinet ad Superioratus Religionum, dubium est, an includantur nomine Beneficii ad incurrendas has penas permutantium? Affirmant Suar., Navar., & alii communius contra Barbof., Bonac. quæst. 7. §. 2., Lessi. dub. 25. Azor., & alios apud Dian. part. 4. tract. 4. resol. 156., qui putant nomine Beneficii venire tantum ea, quæ rigoroſe Beneficia vocantur, & ideo non esse simoniacum pactum, quo duo convenient invicem ad dandum alteri suffragium pro Superioratu; Ex qua quæſtione dependet illa alia, num scilicet Mediatores simoniacæ electionis ad Superioratus incidant in excommunicationem; Incidunt enim, si Superioratus habeant rationem Beneficii preſſe dicti; Secus vero non incidunt.

Permutationes tamen Beneficiorum, si pure fiant, & sine pensione fieri, possunt auctoritate Episcopi loci, in quo situm est Beneficium, ex Cap. *Quasimus*, *De rerum permutatione*: Si tamen inæqualitas fructuum compenſanda sit

per:

pensione, aut pecunia, communius docent contra Sylvest., Cajet., Fabian., quod non satis sit auctoritas Prælati, sed requiratur auctoritas Papæ.

IX. Decimosexto, Pensio temporalis, seu laicalis non est materia Simoniz, cum non sit spiritualis; Contra vero pensio clericalis, sive spiritualis ea sit, (quæ scilicet fundatur in titulo mere spirituali, ut quæ datur concionatori, vel adjutori Episcopi, aut Parochi,) sive media, quæ scilicet non fundatur in officio spirituali, sed in statu spirituali, ut quæ datur Clerico pauperi, aut Parocho seni, ut se sustentet. Ratio est, quia utraque pensio habet onus recitandi officium Beate Virginis, & ideo non datur titulo spirituali, seu propter causam spiritualem. Sed Avil. 2. parte cap. 6. dub. 5. putat probabiliter, esse temporalem pensionem fundatam non in officio, sed in statu spirituali: Potest tamen Pensionarius vendere fructus pensionis etiam ad totam vitam, dummodo retineat titulum pensionis; quia hoc haberet rationem veluti locationis, vel anticipatæ venditionis fructuum.

Decimoseptimo, Resignatio Beneficiorum, si non sit pura, est simonica; quia omnis pactio in spiritualibus simoniam continet, ex Cap. final. *De Pænis*. Verum Soc., Covarr., Sylvest., & alii cum Less. cap. 35. dub. 14. docent, resignationem Beneficii in favorem tertii factam in manibus Ordinarii cum clausula, Non aliter, nec alias, non esse illicitam, cum non contineat Simoniam nec juris Divini, nec humani; Non Divini, quia nihil temporale accipitur pro tali renunciatione conditionata; & sane si permutatio Beneficiorum non continet hujusmodi Simoniam, a fortiori nec cessio; Nec continet Simoniam juris humani; quia nulla hic intervenit pactio, cum non habeatur ulla promissio Ordinarii, sed solum habeatur resignatio conditiona-

Part III.

ta, quam si Prælati acceptare nolint, nihil actum est.

Decimo octavo, Dubium est, an redemptio vexationis licita sit in Beneficiis? Equidem dico cum Less. dub. 18., quod qui habet jus in re ad Beneficium per hoc, quod sit institutus, aut confirmatus, aut per hoc, quod libero illud sit jam collatum, potest pecuniam offerre ei, qui vult impedire possessionem. Ita communiter, quia possessio est quid temporale: Qui vero habet tantum jus ad rem, aut remotum per hoc, quod est dignus, aut habet propinquum, per hoc, quod sit præsentatus, vel electus, vel postulatus, sed nondum institutus, aut confirmatus, non potest vexationem redimere ab iis, qui possunt prodesse, ut scilicet non opponant, quæ jure possunt opponere, quia sic pecunia iteraretur via ad Beneficium; Sed potest vexationem redimere ab iis, qui modis aperte iniquis possunt obesse, verbi gratia, infamando electum, &c., quia offerretur pecunia solum ne inique noceatur, & omnis hujusmodi injusta vexatio redimi potest.

Decimonono, Litigantes Simoniacam transactionem facerent, si remitterent jus spirituale pro temporali, ut patet; Unde non licet litem circa Beneficium, aut circa jurisdictionem spiritualement, aut circa reliquias componere tradita pecunia, ex cap. *Consummus*, *De transactionibus*; quia sic permutaretur spirituale cum temporali; Licita tamen est transactio compensando unam rem spiritualement cum altera, quamvis talis transactio in materia beneficii fieri non possit privata auctoritate ob periculum Simoniz, ex cap. *Super eo*, *De transactionibus*; Possunt tamen facere amicabilem compositionem, seu amicabiliter stare judicio alicujus prudentis Arbitratoris, (quatenus sit Clericus,) quod idem est ac facere compromissum in aliquem Clericum,

A a

ricum,

ricum, qui litem dirimat, & perinde ac si esset Iudex, partes componeret, exigente id æquitate, & bono pacis, ut notat hic Bonac. quæst. 4. §. 15., juxta doctrinam Suarii, Tabienæ, & Azorij p. 3. lib. 12. cap. 8.

X. Vigesimo, Pro actibus jurisdictionis fori interni nihil accipi potest, puta pro dispensatione votorum, aut pro absolutione a Censuris, &c., quamvis possit dari pecunia injuste deneganti absolutionem, ad redimendam injustam vexationem: Pro actibus vero jurisdictionis laicæ, & temporalis non est Simonia aliquid accipere, Verbi gratia si Prælati pretio concedat licentiam docendi, vel legitimandi ad honores temporales, aut ad successionem in bonis; quia non exercet jurisdictionem spiritualem secundum se, sed quatenus continet temporalem; Contra tamen Simonia est accipere, vel dare aliquid pro actibus Ecclesiasticæ jurisdictionis, etiam fori externi; quia talis jurisdictio est spiritualis, & supernaturalis. Unde Trident. sess. 25. cap. 18. generaliter decernit dispensationes Ecclesiasticas gratis concedendas, alioquin censendas esse surreptitias. Receptum tamen est stylo Curie Romanæ, ut in dispensationibus concedendis aliquid solvatur. Primo, pro sustentatione Papæ. Secundo, pro labore, & sustentatione Officialium; quamvis enim pro tali labore nihil accipi possit jure Ecclesiastico, dispensat tamen Pontifex in hoc casu, ut docent Suar., Azor., Bonac. Tertio, quia Pontifex commutat unum opus in aliud, hoc est dispensat relaxando vinculum, & imponendo solutionem pecuniæ erogandæ in pios usus. Quarto, in poenam delicti. Quinto, ne facile dispensationes petantur.

XI. Quæritur quinto, Quinam possint Simoniam peccatum incurrere?

Respondet, omnes homines posse incurrere in Simoniam Divino, & na-

turali jure prohibitam, quia omnes naturali juri subjiciuntur; unde esset Simoniacus Papa, si prævio pretio conferret Ordines Sacros, & Paganus, qui emeret Baptisimum, aut ad Simoniam cooperaretur. Verum Simonia non committitur ex pacto cum Deo inito, verbi gratia, si illi permittatur res temporalis in casu, quod donet prophetiam; nam nihil temporale donari potest Deo, quia dominus est universorum; Solum potest illi dari obsequium spirituale, dando verbi gratia eleemosynam; unde spirituale in tali casu cum spirituali, nempe cum prophetia, commutaretur.

Præterea Simoniam jure humano prohibitam possunt omnes fideles incurrere, quia omnes legibus Ecclesiasticis subjiciuntur, etiam Papa, quatenus secundum vim directivam etiam iis legibus subditur: Quamvis præsumendum, quod habeat justam causam dispensandi secummet, quando eas leges transgreditur; quia in facto Principis non præsumitur delictum, ut bene Suar. lib. 4. cap. 52. Non dispensat tamen in ulla lege, quando vendit aliqua officia Ecclesiæ, quia nulli supremo Principi prohibetur vendere officia vendibilia suæ Reipublicæ, ut notat Azor. part. 3. lib. 12. cap. 29.

XII. Dubium est, An Simoniam jure humano prohibitam incurrant, qui illam exercent, scientes, & dissimulantes Pontifice? Sanch. lib. 3. disp. 35., Sal., & alij putant non incurrere, quia Papa nunquam præsumitur delinquere; Si autem dissimularet Simoniam, & non in ea dispensaret, delinqueret; ergo præsumenda est dispensatio. Verum Suar., Sayr., & alij putant, non excusari a tolerantia Pontificis, quoties aut non habet Pontifex certam scientiam de re, quam tolerat; aut tolerat, quia non expedit omnes punire ad vitanda peiora mala; aut non est talis consuetudo in contrarium, ut judi-

judicio prudentum ea lex sublata censetur. Ratio est, quia in dubio obligationis legis judicandum in favorem legis, quæ stat in possessione; atqui tolerantia Pontificis in his casibus ad summum reddit tantum dubiam obligationem legis; ergo lex non cessat obligare. Minor probatur; nam taciturnitas, & tolerantia non semper arguit consensum; præsertim quia delictum aliquando non punitur, quia non denunciatur, vel quia non expedit omnes delinquentes punire, vel quia ex negligentia aliqua Superior tacet, quin factum approbet.

XIII. Quæritur sexto: Quibus de causis excusari possit a labe Simoniz accipiens temporale occasione spiritualis?

Respondeo, sex causas, seu titulos enumerari. Primus est titulus debitæ sustentationis. Secundus titulus liberalitatis, seu gratitudinis. Tertius, labor extrinsecus, seu per accidens annexus operi spirituali. Quartus, privatio libertatis, vel alterius commodi temporalis, seu lucrum cessans, ut exerceatur spirituale. Quintus, redemptio vexationis. Sextus, consuetudo accipiendo temporale pro spirituali in aliquo casu, in quo jure tantum humano id prohibetur, cum consuetudo possit legem humanam abrogare; De singulis nonnulla dicemus.

Primo itaque sine Simoniz labe potest accipi aliquid pro spirituali titulo sustentationis; Nani Simonia tunc habetur, quando accipitur aliquid indebitum; Sustentatio autem jure naturæ est debita; Etenim *Dignus est operarius cibo suo*, Matth. 10., & *Qui altari servit, de altari vivere debet*, ad Rom. 15. Ita communiter: Sicut enim qui contractum onerosum iniret de Missa dicenda, dummodo sibi dentur candelæ, hostia, vinum, & alia necessaria, certe gratis celebraret, ita qui pactum facit de celebrando, dummo-

do sibi detur sustentatio, quæ pariter necessaria est ad Sacrificium; Etenim cum homo priver se negotiis temporalibus, quibus posset lucrum capere, & se sustentare, ut vacet Sacris ministeriis, par est, ut sustentatio illi detur; Nec per hoc non gratis Sacra peragit: Sicut mutans per hoc quod exigit a Mutuatario lucrum cessans, non dicitur non mutuare gratis.

Azor. tamen negat hoc licitum esse ei, qui aliunde potest sustentari. Sed rejicitur communiter, quia quod aliunde habeat, est per accidens, nec per hoc privandus est sustentatione jure naturæ debita; cum nemo teneatur militare suis stipendiis, ut bene Suar. c. 45. Tunc peccaret accipiendo sustentationem, quando ex officio teneretur ministrare spiritualia, & ratione officii haberet alios redditus sufficientes.

Hinc sequitur cum Navar., Suar., Sot., Valent., Bonac. hic, posse sustentationem deduci in pactum, quia quilibet deducere potest in pactum, quod sibi jure naturæ debetur; Sequitur secundo, hac ratione excusandos Ministros Ecclesiæ, Concionatores, Confessarios, &c. accipientes pias oblationes, vel alia stipendia ex consuetudine, vel ex legibus Ecclesiæ præscribentibus aliquid dari pro certis muneribus. Neque dicas, in cap. ult. *De pactis* prohiberi omnem passionem in spiritualibus. Nam vel non est ibi sermo de sustentatione jure naturæ debita, vel dicendum, quod in quibusdam functionibus contraria consuetudo legem illam abrogat.

Secundo, potest aliquid accipi titulo liberalitatis, aut gratitudinis, dummodo non sit gratuita compensatio pro spirituali, quod damnatur ab Innoc. XI. prop. 45. seu non detur ad compensandum spirituale cum temporali; nam hæc compensare, seu æque pensare, apertissima Simonia est; Nec debet ullum tacitum pactum præfuisse;

¶ 2 2 quia

quia sic non gratis, & liberaliter daretur, sed ad satisfaciendum obligationi ex iustitia ratione illius taciti pacti contractæ. Si tamen aliquid detur ad satisfaciendum soli obligationi antidotali, seu morali, ortæ ex virtute gratitudinis, nullo precedente pacto implicito, non habetur Simoniam, cum non detur ut pretium, nec detur intentione permutandi temporale cum spirituali, ut advertit Suar. tom. 1. De Relig. lib. 4. cap. 36., Filiuc., Navar., Valent., & Bonac. hic; Et quamvis dare aliquid titulo gratitudinis non sit gratis dare, sed sit dare titulo Beneficii accepti, tamen quia non datur ad satisfaciendum ulli obligationi ex iustitia, aut ex pacto, ideo non sufficit ad Simoniam; Quod etiam notat Lessl. dub. 20. ex Suar., Navar., & aliis, ubi tamen pariter notat, periculosum id in praxi esse.

Dices, qui titulo gratitudinis dat spirituale pro temporali, obtinet remissionem, seu extinctionem obligationis antidotalis, quæ est pretio æstimabilis, non secus ac remissio debiti ex iustitia; Unde recurrit, quod temporale cum spirituali commutaretur. Sed respondeo cum Suar. num. 23., Navar., Filiuc. apud Bonac. quæst. 6. punct. 1. negando, remissionem, seu extinctionem talis obligationis esse pretio æstimabilem; Etenim sicut naturaliter confurgit ex largitione doni obligatio ex gratitudine, ita ut ad contrahendam talem obligationem non requiratur novum pactum, nec nova voluntas præter voluntatem accipiendi donum; ita extinctio talis obligationis naturaliter consequitur per recognitionem gratuitam: Ex quo fit, quod qui dat spirituale titulo gratitudinis, & ad extinguendam obligationem antidotalen, vere det gratis, nec aliquid pretio æstimabile acquirat, dum acquirit id, quod naturaliter consequitur ad gratuitam recognitionem: Sicut qui li-

beraliter donat, omnino gratis donat, quamvis acquirat obligationem, quæ confurgit in douatario ad recognitionem; quia talis obligatio naturaliter confurgit, & ideo non dicitur esse pretio æstimabilis. Certum tamen est, ut diximus, quod si quis det temporale obligando donatarium, ut satisfaciatur obligationi gratitudinis redonando spirituale, committit Simoniam; quia ex tali pacto sive expresso, sive tacito confurgeret nova obligatio ex iustitia, quæ est pretio æstimabilis; & ideo qui dat mutuum obligando ex pacto mutuarium, ut remutuet, usurarius est, eo quod præter obligationem generalem, & antidotalem inducitur ex pacto nova obligatio civilis, & specialis.

Hinc fit, quod si quis det temporale intentione acquirendi spirituale ex titulo gratitudinis, non committit Simoniam; Si vero det temporale intentione, ut ille veluti ex pacto tacito obligetur ad redonandum spirituale, ad satisfaciendum obligationi ortæ ex gratitudine, Simoniam mentalem committat, ut notat hic Bonac. Denique si quis gratis det temporale sine ullo pacto implicito, & deinde petat, ut titulo gratitudinis sibi spirituale conferatur, non committit Simoniam, cum non petat indebitum, (quamvis in praxi id etiam valde periculosum sit,) Sicut nec committit usuram, qui petit, ut ex gratitudine sibi remutuetur. Immo nec Simoniam committitur ab iis, qui tradunt Religiosis eleemosynas petendo, ut in gratitudinem orent pro se, nec a Religiosis, qui id promittunt: Etenim non petitur eleemosyna in pretium, esto ea non daretur, nisi sperarent orationes, (sicuti non eliceretur actus contritionis, nisi immineret mors,) siquidem illud est motivum extrinsecum impellens, non finalizans; Ad eum modum, quo in actu contritionis metus mortis est motivum solum extrinsecum, & impellens. Quod tamen

men

men in materia Beneficiorum, orationum, vel simili materia periculosum est in praxi, ne quis velut donum Dei pecunia possidere, quamvis nolit illam dare in pretium: Sicut Simon Magus nolebat dare pecuniam in pretium rei spiritualis, nam pretium est mensura valoris rei; Quis autem est, nisi factus, qui velit spirituale cum temporali posse in valore proportionari? Si in humanis nec amor, nec sapientia pretio aestimantur, ut dicitur Sapient. c. 7., quanto magis supernaturalia? Quare permutare spirituale pro temporali in lata significatione dicitur vendere spiritualia; Sicut Judas dicitur vendidisse Christum, eo quod sic permutarit, & D. August. 4. Confess. cap. 2., quia Rhetoricam mercede docuit, dixit se illam vendidisse.

Quod hæc in praxi sint periculosa, in materia præsertim beneficiaria, patet ex Cap. *Tua nos, De Simonia*, ubi Urbanus II. dixit esse simoniacum Clericum, qui offerebat bona sua Ecclesie, ea conditione, ut in Canonicum reciperetur, & esse simoniacos illos, qui non admissuri erant illum in Canonicum, nisi bona sua largitus esset. Ratio a priori est, quia quamvis pecunia in tali casu esset finis secundarius, tamen movebat voluntatem, tanquam causa principalis partialis, atque adeo in eodem ordine ponebatur pecunia, & finis spiritualis; Etenim uterque simul movebat voluntatem ad conferendum Canonicatum, & solus finis spiritualis non sufficiebat. Præterquamquod non dabatur gratis, & sine pretio; solum enim quando paciscitur sustentatio, datur res spiritualis sine pretio; cum non sit indebita sustentatio, sed jure naturæ debita.

XIV. Notandum tamen, quod si quis susceperet extremam Unctionem non solum pro remissione peccatorum, sed etiam ut liberetur a morbo, quando illam etiam susceperet, quamvis mor-

bum non curaret, tunc ita habet pro fine secundario aliquid temporale, ut non peccet; quia finis secundarius in tali casu cadit a ratione finis rigorose dicti, (qui scilicet magis aestimatur, quam medium,) cum non magis aestimetur, quam opus, quod ad ipsum ordinatur: Quare pro fine secundario sæpe idem significatur ac per accidens, ac de consequenti, non vero significatur finis presse dictus, qui magis intendatur, & aestimetur, quam opus, quod ad illum ordinatur.

Hinc qui opus conjugii intenderit primario propter prolem, secundario propter voluptatem, certe peccaret, quia nullo pacto potest esse finis operationis presse dictus voluptas, nisi apud Epicureos. Quamvis autem aliquis abstineret ab opere conjugii, nisi esset in eo voluptas, non hinc sequitur, quod habeat pro fine secundario voluptatem; sicut non quia aliquis abstineret a celebrando, nisi rogaretur ab amico, vel nisi daretur elemosyna, inde fit, quod pro fine secundario celebrationis habeat obsequium erga amicum, & elemosynam; tum quia potest nisi ordinari ad finem spirituales, quamvis rogatu amici celebretur, sicut rogatu poenitentium audimus confessiones, quas tamen ad finem spirituales ordinemus; tum etiam quia preces amici, & elemosyna possunt esse tantum motivum occasionale, non finale, seu causa excitans, & impulsiva ad celebrandum, vel causa applicationis ad celebrandum, quin sit causa finalis, & secundaria, juxta distinctionem Juristarum; In quo sensu Deus promissit Hebræis obedientibus bona temporalia, ut eorum spe excitarentur, non ut pro fine illa haberent, nani quod habet rationem finis, pluris aestimatur, quam medium, juxta illud essatum: *Propter quod unumquodque tale, & illud magis*; Unde si Deo obediremus præcise propter bona temporalia, quæ pro-

mittat,

mittit, hoc actu magis hæc bona, quam Dei obedientiam æstimaremus, quod est absonum.

Tertio excusat a simonia titulus laboris extrinseci, seu per accidens conjuncti cum actione spirituali, quia huiusmodi labor est pretio æstimabilis, sive labor extrinsecus præcedat, sive comitetur, ut docent communiter: Secus tamen dicendum de labore intrinseco, ex regula illa Urbani in cap. *Si quis obijerit* 2. quæst. 3. *Qui horum alterum vendiderit, sine quo nec alterum provenit, neutrum invenditum derelinquit*; ut communiter etiam docent contra Hadrian. quodlib. 9., Majorem, & alios.

Proinde Suar., Filliuc., & alii apud Bonac. docent, posse quidem accipi aliquid pro obligatione celebrandi tali hora, pro longo itinere, quod quis suscipit ad celebrandam missam, non tamen pro labore, & defatigatione, quæ in missa habetur. Et quamvis multi doceant, quod possit aliquid accipi propter magnam contentionem animi, vocis, virium, præsertim si ex circumstantia personæ oriatur talis defatigatio, ut si peragens sacra sit senex infirmus, delicatæ complexionis, sicut etiam si quis magna voce concionetur, aut multum studeat pro paranda concione, aut si multum laboraret in mandando illam memoriæ; Hoc tamen a Filliuc., & Suar. rejicitur, quia existimant pretium sumi non posse pro laboribus quomodocunque necessariis ad peragendum sacrum ministerium, prout ab hominibus moraliter exerceri potest. Admittit tamen Suar. cap. 21. num. 15. Lessi., Valent., & alii, quod Cantor aliquid possit exigere pro cantu in Missa, vel divinis officiis, quia talis labor censetur extrinsecus. Docet etiam Lessi. dub. 8. num. 45., Navar., Cajet., quod possit aliquid accipi pro obligatione exercendi aliquid spirituale, nam sicut in

mutuo nihil accipi potest; tamen potest aliquid accipi pro obligatione mutuandi: ita in casu. Et sic excusant Capitula, quæ suscipiunt onus celebrandi quotannis anniversaria. Sed verius dicendum cum Laym. tract. 4. num. 4. ab his pretium accipi non pro tali onere, sed pro sustentatione, vel quia privant se libertate ad alia opera, ut mox dicemus.

Quartus titulus est privatio libertatis ad alia opera, & privatio commoditatum, & emolumenti, quod tunc haberetur, si aliis operibus vacaretur. Ratio est, quia privatio hæc est pretio æstimabilis; Sicut enim in mutuo potest accipi lucrum cessans, & damnum emergens; ita in casu, ut notat Lessi. loc. cit. cum Bonac. Hinc Suar., & Filliuc. docent posse pecuniam accipi a procurante Beneficium ratione laboris in scribendo, in peragendo iter, & ratione privationis liberi, & commodi temporalis, quo se eo tempore privat; hæc enim sunt pretio æstimabilia. Certe pro privatione libertatis ad vacandum alijs negotiis temporalibus, quibus unusquisque posset capere lucrum ad se sustentandum, debita est Sacra peragenti sustentatio; ergo si quando quis se privat in alterius commodum lucro majori, videtur posse illud exigere, non secus ac exigit sustentationem.

XV. Quintus titulus est Redemptio injustæ vexationis; Quare licitum est dare pecuniam nolenti conferre Baptismum; tum quia id colligitur ex cap. *Dilectus*, *De Simonia*; tum etiam quia in tali casu temporale non datur pro Baptismo, sed pro tollendo impedimento injusto, quod est temporale, atque adeo temporale non datur pro spirituali, sed pro temporali. Hinc fit, quod possit quidem dari temporale ad tollendam vexationem injustam, non tamen potest dari spirituale. Verbi gratia non potest dari Beneficium alicui,

ne

ne tibi mortem intenter, aut ne injuste impediat alienationem Beneficii pinguioris, adducendo scilicet hoc in pactum; (nam si des alicui sine pacto Beneficium, timens alioquin, ne te occidat, non est Simonia, ut notat Less. dub. 21.) Ratio est, quia spirituale daretur pro temporali; Si tamen Episcopus injuste vexet me dando Beneficium indigno, aut *volendo* dare mihi, cui revera debetur, non possum dare pecuniam ad hanc vexationem tollendam, nam in tali casu pararem mihi pecunia viam ad Beneficium, eo quod in tali casu remotio vexationis idem est ac collatio Beneficii; Possum tamen dare pecuniam, ne eligat indignum, seu ne faciat malum, non tamen ut eligat me: Et si quis muneribus pervertat electores, possum quidem pecuniam offerre illi, ne electores pervertat, non tamen possum ego pervertere electores muneribus largioribus, quia non est faciendum hoc, quod est intrinsece malum, ad vitandam vexationem injustam; nec compensatio licita est in delictis patrandis. Quod si vexatio sit iusta, non potest dari pecunia ad illam redimendam, quia pecunia pararetur via ad rem spirituales.

Sextus titulus est Consuetudo adversus Simoniam pure Ecclesiasticam, quia consuetudo legem Ecclesiasticam abrogat, nulla tamen consuetudo abrogat jus naturale, aut Divinum. Ad agnoscendum autem, num lex sit abrogata per consuetudinem, iudicium ferendum ex communi sensu Doctorum, vel ex praxi Prelatorum, & Confessoriorum, vel ex usu, & stylo Romanæ Curie, ut Suar. cap. 61., Quare qui redditus sufficientes habent ad sustentationem ex officio Ecclesiastico, possunt per consuetudinem acquirere jus ad majores proventus, ut scilicet proventus ad sustentationem assignati augeantur, ut notat Bonac.

hic, dummodo talis consuetudo non habeat speciem Simonie, & turpis avatitæ; quia in tali casu non esset censenda consuetudo, sed corruptela.

XVI. Quæritur septimo, An sit simonia dare pretium alicui, ut intercedat pro consecratione alicujus Beneficii?

Respondeo, certum esse, quod dare pretium intercessori immediato pro obtinendo Beneficio contineat Simoniam jure Ecclesiastico prohibitam. Negant nonnulli apud Dian. part. 4. tract. 4. resol. 131. esse Simoniam etiam jure Divino; quia revera non emittitur Beneficium, sed intercessio, quæ videtur quid temporale. Communius tamen, & probabilius Suar., Laym. de Simonia §. 6. num. 65., Filliuc., & alii apud Bonac. quæst. 1. §. 1. num. 14., Sanch. dub. 26. affirmant; quia non datur pecunia pro intercessione quacunque, sed pro intercessione inquantum ordinata ad Beneficium obtinendum: quare licet non detur pecunia ad emendum Beneficium, tamen pecunia datur, ut per ipsam Beneficium, seu res spiritualis obtineatur; quod est vere simonia; cum Simon Magus noluerit emere Spiritum Sanctum, sed solum pecunia Spiritum Sanctum possidere. Confirmatur, quia si hæc non esset Simonia juris Divini, eo quod solum ematur intercessio, quæ est quid temporale, nec esset Simonia dare Episcopo pecuniam, ut se benevolam mihi ostendat in collatione Beneficii, unde me possit præferre aliis æque dignis, eo quod nec emeretur Beneficium, sed affectus Episcopi, qui est quid temporale.

Confirmatur secundo, quia quavis in tali casu Episcopus gratis det Beneficium, tamen qui dat pecuniam intercessori, ut apud Episcopum intercedat, non recipit Beneficium sine pecunia; sed recipere pretio rem spirituales est verissima Simonia jure Divino prohibita; ergo dare pecu-

cu-

cuniam intercessori immediato ad Beneficium obtinendum est Simonia juris Divini.

Verum quia multi cum Navar. docent, (ut diximus quæsit. 3.) jure tantum Ecclesiastico esse prohibitam venditionem Beneficiorum ratione emolumentorum, ratione quorum possent vendi jure naturæ, non secus ac vas sacra ratione materiæ, jure vero Divino prohiberi venditionem Beneficiorum ratione tituli; Hinc qui emeret intercessionem ad obtinendos fructus Beneficii, juxta hanc sententiam committeret Simoniam jure Ecclesiastico duplici titulo prohibitam, & quia emeret fructus Beneficii, & quia pactum iniret pro consecutione Beneficii, siquidem omne pactum pro consecutione Beneficii jure Ecclesiastico est prohibitum; Immo specialiter est prohibitum dare pecuniam pro commendatione, seu intercessione, ex Extravag. *Cum desestabile*, *De Simonia*; ubi excommunicatur quicumque alteri per Simoniam realem confert, vel procurat Beneficium eligendo, præsentando, postulando, instituendo, confirmando, &c.

Notat tamen Bonac. cum Suar., Sylvelt., Azor., Sanch. loc. cit., non esse Simoniam, si detur aliquid familiaribus Episcopi, a quo Beneficium conferendum est, non ut intercedant, sed ut aditum aperiant, vel facilem ingressum concedant, sive ut certiores faciant Prælatum de meritis Oratoris, dummodo non se habeant ut intercessores, sed ut informatores; quia hoc, quod emeretur, esset mere obsequium temporale. Nec est Simonia, si intercessori aliquid detur præcise ob laborem accidentalem, eundo, & redeundo ad collatorem, aut in compensationem lucri cessantis, vel damni emergentis, ut notat Navar., quia hujusmodi labores extrinseci in aliis actionibus pure spirituali-

bus possunt sine labe Simonie commensari.

Dubium est ulterius, At sit Simonia dare pretium pro intercessione mediata apud collatorem Beneficii? Circa quod hæc habet Sanch. apud Dian. part. 4. tract. 4. resol. 151. Si daretur pretium cuidam tertio, ut intercedat apud alterum, cui non incumbit conferre, nec eligere, nec præsentare, ut ille tertius obsecret, ut detur illi Beneficium, hoc non est illicitum, & nullo modo est Simonia: quia datur pro re mere temporali, nec paratur via immediate, & proxime ad Beneficium; Sic Gabriel, Vasq. disputato casu Matrii; Et alii juniores dicunt, hoc esse probabile, licet sentiant, oppositum esse probabilius; & consequenter ad hanc sententiam dicunt non esse simoniam, nec peccatum dare aliquid famulo Auditoris, ut obsecret suum herum, ut me proponat Regi ad Beneficium, quia Auditores non præsentant ad Beneficia, sed Rex, & eorum suffragium est tantum consultivum, & sic non paratur via immediate ad Beneficium; secus si daretur aliquid famulo Archiepiscopi Granatensis, ut precibus ab ipso Archiepiscopo obtineret, ut me præsentaret Regi ad Beneficium illius Regni: Sic docti Recentiores. Ad licet hoc probabile sit, probabilius tamen est oppositum, quia non potest negari directe parari viam ad Beneficium pretio, & sic emi Beneficium. Hætenus Sanch. loc. laudato.

Hanc sententiam non consulerem; etenim sic etiam per pecuniam paratur via ad Beneficium, quandoquidem qui Beneficium accipit, illud vere possidet per pecuniam, quam obtulit non quidem danti, aut intercessori immediato, sed mediato.

Idem Sanch. lib. 2. Consil. cap. 3. disp. 33. docet, quod si quis post obtentum, & possessum Beneficium ve-

xatur iuste, verbi gratia, quia vult illum accusare, ut deponatur, vel agitat litem, quæ non est evidenter iniusta, Simoniam sit offerre pecuniam, ut desistat.

Addit idem Sanch. dub. 33. Simoniam esse dare alteri pecuniam, ne se opponat contra me ad Beneficium; sicut etiam si dicatur, Ego non me oppono tibi ad hoc Beneficium, cum pacto tamen, ut non te opponas mihi ad aliud, quia hoc est pretio estimabile, & per hoc paratur via ad Beneficium.

Utrum autem licitum sit offerre pecuniam competitoribus, & concurrentibus, ne concurrant? Dicendum, nullo pacto id licere, quia immediate per pecuniam pararetur via Beneficio, seu tolleretur iusta vexatio, & impedimentum immediatum: Secus vero si offeratur pecunia, ne intercessor mediatius intercedat pro concurrentibus; in hoc enim casu tolleretur impedimentum remotum, quamvis hoc esset etiam vexa, quæ iuste poni potest.

XVII. Queritur octavo, An collatio, vel provisio Beneficii facta per Simoniam ignorantem illam sit irrita?

Respondeo cum communi, esse ipso iure irritam, & qui Beneficium obtinuit etiam ignoranter, inhabilis est non modo ad illud, sed etiam ad alia Beneficia obtinenda in posterum, nisi habilis efficiatur per dispensationem Pontificis in dignitatibus, aut Beneficiis curatis, vel per dispensationem Episcopi in Beneficiis simplicibus, ut notat Bonac. num. 20., & Laym. num. 73. ex Cap. *Nobis fuit, De Simonia*; Ubi dicitur, quod si Beneficium sit simplex, provisio ignorante, ac ratam non habente Simoniam ab aliis commissam, post liberam huius resignationem possit Episcopus dispensare; Ex quo sequitur, quod non possit Episcopus dispensa-

Part III.

re, nisi post resignationem liberam nec in Beneficiis duplicibus, nec si provisos sciat Simoniam; nec si illam ignoravit ab aliis commissam, & deinde ratam habuerit. Excusatur tamen electus, tum si alii Simoniam commiserint in fraudem, scilicet ut is reddatur inhabilis ad Beneficium; tum etiam si hic expresse dixerit aliis, ne per Simoniam procurent Beneficium.

Notat etiam Laym. num. 74., quod quamvis ex Bulla Pii V. Simoniacus in Beneficio sit inhabilis etiam ad alia Beneficia obtinenda, nihilominus ex Suar. cap. 58. talis constitutio secundum hanc partem non est usu recepta; Unde probabile est, quod docet Navar., quod possit sine dispensatione alia Beneficia obtinere. Bonac. etiam num. 20. notat, quod qui bona fide Beneficium obtinuit, ignorans Simoniam ab alio commissam, gaudere possit regula de triennali possessione, ita ut post triennium elapsum turbari nequeat circa illius Beneficii possessionem.

XVIII. Queritur ultimo: Quas penas incurrant Simoniaci?

Respondeo, tres penas incurrere. Prima est excommunicatio, & alie censuræ, quibus Simoniaci in Ordine, in ingressu in Religionem, & in Beneficio ligantur. Secunda, quod actus simoniace facti sint irriti. Tertia, quod debeat restitui acceptum per Simoniam.

Circa censuras, fertur excommunicatio, Primo a Pio IV. contra committentes Simoniam confidentialem in Beneficiis, & pensionibus. Secundo a Paulo II. contra committentes Simoniam, aut ad id cooperantes in Beneficiis, vel Ordinum collatione, & suspensio in Ordinato. Tertio ab Urbano IV. contra dautes, vel recipientes aliquid ex pacto pro ingressu in Religionem, & Capitulis suspensionem injunxit: Quod tamen

B b

non

non est intelligendum, si quid detur pro sustentatione, ut notant Sot., Mirand., Bonac., Idque verum est, etiam si Monasterium sit dives; Quod si pecunia, prandia, aut aliquid ad usum Ecclesiæ pacificentur, &c., incurritur excommunicatio.

Circa invaliditatem, aut validitatem actorum Simoniacorum, Primo, Sacramentum Pœnitentiæ solum per accedens est irritum; quia scilicet a Pœnitente peccatur, non quia Ecclesia tollit jurisdictionem Confessorio, ut poterat tollere; quare si peccatum abesset, validum esset Pœnitentiæ Sacramentum Simoniaci collatum; puta si solus Pœnitens bona fide pro absolutione obtinenda pretium conferret. Secundo, valida est emptio Officii Ecclesiastici temporalis, ut Æconomi, Advocati, Procuratoris, Defensoris bonorum Ecclesiasticorum. Tertio, consecratio Calicis, aut Ecclesiæ, & quodcumque ex Ordine pendet. Quarto, professio facta per Simoniam, quia nullibi irritatur. Quinto, licentia simoniace concessa, aut sententia data ob pecuniam. Sexto, probabiliter collatio pensionis; quia licet sit res spiritalis, non est proprie Beneficium Ecclesiasticum. Septimo Officia spiritalia Religionum, ut Abbatis, Prioris, &c., ut Lefs., Azor. contra Suar., Filliuc., qui putant ea esse Beneficia, & ideo invalide per Simoniam conferri, & contrahi inhabilitatem ad idem, & alia omnia Beneficia obtinenda. Porro sunt irritæ actiones jurisdictionis, ut administrationis ordinatæ ad obtinendam provisionem Beneficii, ex cap. *Sicut tuis*, De *Simoniam*.

XIX. Denique quod attinet ad restitutionem, Dico primo, Qui pretium accepit pro re spiritali, jure Divino tenetur illud restituere danti, antequam illi tradat rem spiritualem; ut patet; quia sub ea conditione datur, unde conditione non impleta non

transfertur dominium; Nec potest tradi res spiritalis ad conditionem implendam, quia iam compleretur Simonia: Post traditam tamen rem spiritualem, qui pretium accepit pro re spiritali, tenetur in solis tribus casibus ex jure Ecclesiastico restituere pretium acceptum, videlicet, si acceperit pretium pro Beneficio, pro collatione Ordinum, & pro admissione in Religionem; Et quidem probabilius videtur cum D. Th. 2. 2. quæst. 32. art. 7., Lefs., quod tale pretium sit restituendum pauperibus, vel Ecclesiæ, cui facta est injuria; videtur enim esse contra mentem Ecclesiæ imponentis restitutionem in penam delicti, quod restituatur ipsi danti, qui etiam deliquit; quamvis probabilis etiam sit opinio Sanch. dicentis restituendum esse danti, quia lex pœnalis Ecclesiastica non obligat ante sententiam judicis.

Notat tamen Sanch. apud Dian. part. 4. tract. 4. resol. 167. pretium simoniace acceptum pro gratia, & justitia ex Bulla Gregorii XIII. restituendum esse pauperibus, datum vero ob ingressum in Religionem, ex cap. *Veniens*, De *Simoniam*, restituendum esse ipsi danti. Pretium tamen acceptum pro Beneficio ante sententiam judicis restituendum est, ex cap. *De hoc*, de *Simoniam*; ubi dicitur, retineri non posse sine periculo propriæ salutis, ut docent Suar., Lefs. contra Ugolin. apud Bonac.: Idemque docet Sanch. lib. 2. Moral. cap. 3. dub. 112. de pretio accepto pro conferendis Ordinibus, ex Extrav. 2. de *Simoniam*.

XX. Dico secundo, Ex jure Divino obligatur ad restituendum pretium ipsi danti, qui pecuniam accepit pro quacumque re spiritali, quam ex justitia tenebatur ponere; Vtbi gratia, Parochus, cui assignata est congrua sustentatio, tenetur ad restitutionem, si pro Sacramentorum administratio-

ne

ne pecuniam accipiat; non secus ac Judex si pretium exigat pro ferenda sententia iusta; cum ex iustitia ad id teneatur. Ita omnes.

Qui vero accipit pretium pro re spirituali, quam non tenetur ex iustitia ponere, puta si vendat reliquias, aut administrationem Sacramentorum, docet Navar. cum communi Theologorum, & Canonistarum usque ad tempus suum, Cajer., Sylvest. Viſtor., & aliis cap. 23. num. 103., non teneri ad restitutionem jure Divino: Additque Sanch. in Opuscul. lib. 2. cap. 3. dub. 113. apud Dian. part. 4. tract. 4. resol. 167., pretium hujusmodi simoniace acceptum ne jure quidem Ecclesiastico restituendum esse ante Judicis sententiam, exceptis illis tribus casibus, si scilicet Simonia committatur in Ordine, Beneficio, & ingressu Religionis. Verum Sor., Henr., Molin., uterque Medin., & alii probabilius apud eundem Dian. sentient, quodlibet pretium Simoniacae acceptum jure Divino restituendum esse; gratis quippe dandæ sunt res spirituales, quas gratis a Deo accepimus.

XXI. Dico itaque tertio cum Lef., Qui accipit pretium pro conferenda re spirituali, quam potest sine suo incommodo conferre, & quæ non habet annexum ullum commodum spirituale, ut sunt Sacramenta, Sacramentalia, &c., tenetur jure Divino ad restitutionem, nisi putetur illud gratis donatum, aut non excedat rationabile subsidium sustentationis. Ratio est, quia tenemur hæc ex præcepto Christi Domini gratis dare, uti gratis accepimus; Unde fideles habent jus iustitiæ divinitus concessum ad ea gratis accipienda. Et quamvis qui non est Patrochus, non teneatur ea conferre ex iustitia, quilibet tamen si vult ea conferre, tenetur ex iustitia conferre gratis, sicut nemo tenetur

ex iustitia mutare, sed si vult mutare, ex iustitia tenetur mutare sine usuris.

Qui tamen Simoniam commisit accipiendo aliquid pro pretio functionum spiritualium, potest ex tali pretio solum retinere, quod sibi debitum esset ad sustentationem pro tali actione spirituali, ut notat Suar. apud Bonac.

Quod si quis in gratiam alterius privat se aliqua re spirituali cum aliquo suo incommodo, pretium, quod pro tali incommodo subit, non est restituendum jure Divino, si ille privet se re illa spirituali cum aliquo incommodo temporalis, ut si resignet Beneficium; si cum aliquo incommodo spirituali, ut si privet se reliquiis, corona benedicta; (quamvis Bonac., & alii contradicant) Ratio est, quia nemo jus habet, ut sui causa gratis incommodum ullum siue temporale, siue spirituale subeam; unde si exigatur aliquid in compensationem, non irrogaretur injuria. Nec proinde sit, quod liceat reliquias vendere; etenim quamvis hoc non sit contra iustitiam, est tamen contra reverentiam debitam rebus Sacris, quod pretio humano æstimetur.

Ex hac ratiocinatione inferunt nonnulli, quod neque jure Divino restituendum sit, quod accipitur pro re spirituali, quæ habet annexum commodum temporale; ut si vendatur Canonicatus, Episcopatus, ingressus in Religionem, quod habet conjunctum commodum alimentorum per totam vitam: Quamvis enim peccatum sit ea non conferre gratis, non videtur tamen peccatum hoc esse contra iustitiam, quia est pretio æstimabile emolumentum, quod conferitur; Et quod Prælati exclusis aliis te præferat, & affectum suum ad te determinet, est pretio æstimabile.

Huic tamen sententiæ nullatenus ad hærendum puto, quandoquidem ex

B b 2 hoc

hoc sequeretur, quod pariter si quis ex legato deberet dare centum alicui pauperi, non teneretur ad restitutionem, si a Titio paupere nonaginta acciperet, ut sibi potius, quam alteri talem elemosynam largiretur, quod nemo dixerit. Et ratio a priori est, quia commodum temporale annexum rei spirituali gratis debet dari, sicut ipsa res spiritualis, ex intentione instituentis illud; non secus ac elemosyna ex institutione testatoris debet dari pauperi gratis. Ita Suar., Filliuc. apud Bonac. quæst. 7. punct. 3. diti- cult. 1. num. 7.; Laym. num. 79. Quod pariter constat ex thesi 21. ab Alex. VII. proscripta, quæ habet: *Non est contra iustitiam Beneficia Ecclesiastica non conferre gratis, quia collator non exigit pecuniam pro collatione Beneficii, sed veluti pro emolumento temporalis, quod tibi conferre non tenebatur.*

XXII. Dico quarto, Qui e contra accepit rem spiritualement pro pretio, non tenetur jure Divino illam restituere, cum nulli fecerit injuriam; jure tamen Ecclesiastico solum Beneficium simoniace acceptum restituendum est; unde qui pretio reliquias, verbi gratia, accepit, non tenetur ullo jure eas restituere. Et ratio a priori est, quia licet pretium pro re sacra detur conditionate, videlicet quatenus ex iustitia debetur, & cum non debeatur ex iustitia, eo quod res sacra danda sit gratis, ideo pretium simoniace acceptum restituendum est; At res sacra datur absolute, & ideo pretio restituito ea restitui non debet.

Dubium est, An fructus Beneficii simoniace accepti ante sententiam Judicis restituendi sint a Beneficiario?

Respondet cum communi affirmative, cum nullo justo titulo retineri possint; etenim adeptio, seu provisio Beneficii simoniaca est ipso facto irrita, ex Extravag. Cum decessabile, De Simonia, ubi expresse dicitur, Be-

neficiarius nec jus ullum acquirere, nec facere fructus suos; Quare fructus restituendi sunt Camere Apostolicæ, nisi compositio ab ipsa obtineatur vel in pios usus, aut Ecclesiæ, quæ laesa fuit.

XXIII. Mittimus hic agere de Restitutione ob usuram faciendam, quoniam abunde hac de re egimus in quarto ex Opusculis Theologico-Moralibus in lucem jam editis, agentes ex professo de Usuris. Et plurima etiam de eadem dicemus in tractatu sequenti de Contractibus, ubi disceptabimus Deo danæ de Muruo, & Usura; Et in eodem tractatu agentes de Ludo, dicemus de Restitutione ob ludum faciendam.

ARTICULUS IX.

De Restitutione faciendam ob Horarum, & Residentiæ omissionem.

- I. Beneficarii post sex menses a Beneficii possessione, si Horas non recitent, tenentur ante sententiam Judicis fructus restituere pro rata omissionis, erogando illos aut in fabricam Beneficii, aut in pauperes. Explicavit Pins V. quid sonet ly pro rata omissionis.
- II. Probabiliter non tenentur ad restitutionem, qui inculpabiliter Horas omiserunt.
- III. Datum ob causam restituendum est causa non subsecuta, nisi aliud constet ex voluntate dantis.
- IV. Omittens partem aliquam minorem, quam sit Hora parva, probabiliter nihil restituere debet.
- V. Qui recitat quidem Horas, sed sine attentione debita, sicut peccat graviter, ita ad restitutionem fructuum obligatur.
- VI. Pariter Canonici recitantes in Choro sine debita attentione distributiones retinere non possunt.

VII.

VII. Beneficiarius in excommunicationem lapsus, si recitet Horas, & munus suum praestet, potest fructus Beneficii retinere. Quid de excommunicatione vitando?

VIII. Sicut infirmus, ita injuste detrusus in carcerem, aut excommunicatus potest distributiones lucrari, quamvis absit a Choro; cum non debeat innocens hanc penam subire.

IX. Qui iuste est excommunicatus, non potest distributiones lucrari, quamvis per ipsum non sit, quominus absolvatur.

X. Beneficiarius post sex menses omittens officium, si monitus non respiciat, Beneficio privandus est.

XI. Restitutio potest fieri non solum pauperibus, aut in utilitatem fabricae Ecclesiae, sed etiam in utilitatem fabricae domus Beneficii, aut in meliorandis agris; Et potest etiam fieri offerendo suffragia pro defunctis; Quod si ipse Beneficiarius sit pauper, potest sibi applicare fructus restituendos.

XII. Pauper, antequam sibi tradantur in elemosynam fructus restituendi, non potest eos Beneficiario ipsi donare; Nec talis donatio est valida, si sit coacta.

XIII. Restituendi sunt dumtaxat fructus respondentes oneri Horarum, non vero respondentes aliis oneribus, quibus sit satis. Sed quota sit ea pars?

XIV. Quinam teneantur in Choro officium recitare?

XV. Perstringuntur, quae spectant ad restitutionem faciendam a Beneficiariis non residentibus.

I. **D**iximus in explicatione primi praecepti Decalogi, Beneficiarios omitendo aliquo die Horas Canonicas, vel partem notabilem illarum peccare mortaliter, & ad re-

stitutionem fructuum Beneficii obligari pro rata omissionis; Examinandum nunc, quod spectat ad huiusmodi restitutionem faciendam tam ab iis, qui privatim officium non recitant, quam ab iis, qui officium in Choro non canunt; addendo pariter in calce nonnihil de restitutione facienda a Beneficiariis non residentibus in loco Beneficii, quando ad id teneantur.

Quaeritur itaque primo, In quonam casu teneantur Beneficarii ad huiusmodi restitutionem?

Respondeo, certum esse ex decreto Concilii Lateranensis sub Leone X. innovato, & aucto a Pio V. anno 1571., quod Beneficarii ante sententiam Iudicis teneantur ad restitutionem fructuum Beneficii pro rata omissionis officii, si elapsis sex mensibus post obtentam Beneficii possessionem officium culpabiliter non recitaverint, quamvis alio die pensum praetermissum suppleant; nisi forte pars omissa sit levis: Declaravitque Pius V., Primo, quod Beneficiarius officium omittens culpabiliter non faciat suos fructus Beneficii, & ideo tanquam injuste perceptos ante sententiam iudicis debeat vel in fabricas ipsorum Beneficiorum, vel in pauperum elemosynas erogare. Secundo, quod qui uno, vel pluribus diebus omnes Horas intermiserit, debeat restituere omnes Beneficii, vel Beneficiorum suorum fructus, qui illi, vel illis diebus responderent, si quotidie dividerentur; Qui vero matutinum tantum, dimidium illorum; Qui ceteras omnes horas, aliud dimidium; Qui harum singulas, sextam partem fructuum ejusdem diei amittat. Tertio, quod qui Choro additus praesens cum aliis sit in officio recitando, ipse tamen non recitet, quamvis praetendat lucrificasse fructus, & distributiones sorte assignatas assistentibus sola praesentia, nihilo-

minus hic etiam amittit fructus, & distributiones, & noverit se peccatum mortale commississe. Quarto, quod qui primis sex mensibus officium non recitat, quamvis ad restitutionem fructuum non teneatur, sciat se peccatum mortale committere horas omitiendo, nisi legitimo impedimento excusetur. Quinto, Beneficiarius etiam, qui officium parvum Beatæ Virginis, ad quod tenetur, omisit, teneatur ad restitutionem, eodem modo ac Beneficiarius.

II. Infertur hinc primo, quod omittens Divinum officium ad nullam restitutionem teneatur, si nullos fructus percipit ob onus recitandi officium; nec peccet omitiendo, nisi aliunde ad recitationem horarum teneatur.

Infertur secundo, non improbabili- ter docere Ledesm., & alios contra Sanch., & Less. cap. 34. num. 80., teneri ad restitutionem Beneficiarium, qui inculpabiliter officium omisit; Quamvis enim jure positivo ea pœna imponatur omissioni culpabili, ut colligitur ex Bulla Pii V., at jure naturali non potest facere fructus Beneficii suos,posito, quod sub ea conditione dentur, quod officium recitetur; Nam datum ob causam non acquiritur, causa non subsecuta; & ideo dicimus non esse improbabile, quod inculpabiliter non recitantes teneantur ad restitutionem; Sed probabilior, & communior est sententia opposita docens, quod inculpabiliter omittentes recitationem horarum non teneantur ad restitutionem; quia fructus Beneficii non videntur dari, sicut datur pretium mercenariis pro opere diurno, sed dantur in sustentationem Beneficiarii sub onere, quod recitet horas; ita tamen, ut si citra culpam omittat, non teneatur ad restitutionem.

Infertur tertio, quod omittens ho-

die, verbi gratia, Divinum officium debeat restituere fructus uni diei respondentes, etiamsi cras dicat officium hodiernum, & crastinum. Ratio est, quia jam non satisfacit præcepto recitandi officium hodie, & ideo tenetur ad pœnam a Superiore impositam restitutionis faciendæ. Ita communiter contra Ledesm., Major., Paludan. apud Henr., quibus adhæret Suar. cap. 27. num. 5., & cap. 109. num. 12., Molfes. num. 17., Filiuc. cap. 10. quæst. 2. num. 307. putantes non teneri ad restitutionem, si suppleat alio die pensum horarum, aut compenset aliis piis operibus; quorum opinio censetur probabilis a Bonac. numer. 5.

Neque obstat, quod Cappellanus, qui ex onere Cappellanix tenetur celebrare, liber sit ab onere restituendi, si alio die celebrat, siquidem jam rependit æquale. Nam disparitas est, quia onus celebrandi non est ita affixum diei, ut transeat cum ipso die, sicut transit onus recitandi officium; unde quamvis recitetur deinde officium prætermisum, non inde fit, quod possint percipi fructus, quos ipso facto amisit, quamvis æquale pensum rependar.

Infertur quarto, quod quamvis Cappellano, qui omisit die debito celebrare, debeat injungi, ut statim vel per se, vel per alium celebret; at Beneficiario, qui omisit recitare horas, non debet a Confessario injungi, ut statim illas recitet; Sicut ei, qui omisit die festo audire missam, non debet injungi, ut statim illam audiat, quia tale onus elapso die jam transiit. Neque dicas cum Paludan., Beneficiarium omitendo horas violare justitiam commutativam, quæ obligat tantum ad rependendum æquale. Nam elapso termino præfixo non potest amplius rependi æquale; verbi gratia elapso die Dominico potest quin-

dena

dem recitari officium Dominicæ, sed non potest recitari officium die Dominico, ad quod ille tenebatur, & ideo fructus Beneficii illi diei respondentes non potest facere suos.

Inferitur quinto, restitutionem hanc faciendam esse in conscientia ante sententiam iudicis, quia, ut diximus, fructus Beneficii non acquiruntur, nisi sub ea conditione, quod officium recitetur. Neque dicas, poenam, quam ad sui executionem requirit hominis actionem, non esse subeundam ante sententiam iudicis. Nam hoc fallit, quoties aliter constat de voluntate Legislatoris volentis poenam incurri ante iudicis sententiam, & de facto declaravit Pius V., & constat ex thesi 20. proscripta ab Alex. VII. quæ habet: *Restitutio a Pio V. imposita Beneficialis non recitanti non debetur in conscientia ante sententiam declaratoriam iudicis, eo quod sit poena.*

Inferitur sexto, quod Beneficiarius omittens horas primis sex mensibus post obtentam possessionem Beneficii peccet quidem mortaliter, quia transgreditur in re gravi legem Ecclesiasticam, non teneatur tamen ad ullam restitutionem, neque ex lege positiva, ut constat ex dictis constitutionibus, neque ex lege naturali, ut docent communis cum Vasq. contra Suar. tom. 2. de Relig. lib. 4. cap. 29., Valent., & alios; Ratio est, quia Pontifex concedit etiam pro illis sex mensibus Beneficiario fructus Beneficii; etiam si officium non recitet, dum non obligat ad restitutionem.

III. Neque obstat, quod datum ob causam retineri non possit, causa non subsecuta; Beneficia autem dantur propter officium. Nam tunc id est verum, quando non constat de voluntate concedentis aliquid, etiam causa non subsecuta, ut de facto Pontifex non obligando primis sex mensibus ad restitutionem, concedit fructus Be-

neficii, etiam officio non recitato; Sicut famulis ex recepta consuetudine, & voluntate tacita dominorum conceditur salarium, etiam si aliquo die in debito famularu deficiant: Cæterum præcisa hac voluntate Pontificis, quæ ex usu, & lege positiva constat, vera esset opinio opposita ex ratione adducta, quia scilicet omittens horas violat obligationem contractus, Do, ut facias, & ex violatione iustitiæ oritur ex natura rei obligatio restituendi.

Inferitur septimo cum Filliuc. contra Valent., quod si quis primis sex mensibus officium omittat, & iis elapsis adhuc illud omittat per aliquod tempus, puta per hebdomadam, debeat tantum restituere fructus respondentes tali hebdomadæ, non vero respondentes primis sex mensibus, quia Pius V., & Concilium Lateranense tollunt hanc obligationem.

IV. Rogabis primo, An omittens partem officii minorem, quam sit hora parva, debeat aliquid restituere?

Respondeo cum Tolet. Navar., quod omittens, verbi gratia, unum Psalmum, aut aliam partem minorem, quam unius horæ integræ, probabiliter non debeat aliquid restituere, etiam si fructus illi parti respondentes sint magnæ quantitatatis. Ratio est, tum quia Pius V. solum obligat ad restitutionem, qui horam parvam integram omittit, tum etiam quia usus Ecclesiæ fert, ut Canonicis integræ distributiones conferantur, quamvis non semper inveniantur in Choro in principio officii.

Neque dicas: Quæ ratio est totius ad totum, eadem est partis ad partem, ex lege *Qua de tota, ff. De rei vindicatione*; Sed si totum officium una die omittatur, debent ex natura rei, & ex lege positiva restitui omnes fructus respondentes uni diei; ergo si omittatur pars officii, restitui etiam de

debent fructus respondentes tali parti, itaut obligatio hæc sit gravis, si materia sit gravis. Nam sicut Pius V. eximit ab obligatione restitutionis, qui officium primis sex mensibus omittit, ita videtur eximendus ab eadem obligatione, qui omittit parvam officii partem, dum decernit Pontifex restituendam esse dimidietatem fructuum respondentium uni diei ab eo, qui omittit matutinum, vel ab eo, qui recitato matutino reliquas horas omittit, & sextam partem ab eo, qui omittit parvam horam. Non negaverim tamen, probabilem esse sententiam oppositam Bonac. putantis, quod Pius V. definiat restitutionis quantitatem pro singulis horis, ut quilibet sciat quid pro singulis, aut illarum partibus omisissis restituere debeat, non ut eximat illos, qui notabilem quantitatem alicujus horæ parvæ omittunt.

V. Rogabis secundo, An officium recitans sine attentione debita debeat fructus Beneficii restituere?

Respondeo cum communi contra Cordub., Tolet., Medin., & alios affirmative; quia ex cap. *Veniens, De Presbytero non baptizato*, idem est aliquid non facere, ac non facere recte quoad substantialia: Attentio autem est de substantia orationis; ergo si desit debita attentio, perinde est ac si officium non recitetur; & ideo confurgit onus restitutionis.

VI. Ex qua ratiocinatione sequitur, quod neque Canonicus possit distributiones recipere, si recitat in Choro officium sine debita attentione. Neque dicas; Trident. sess. 24. cap. 12. velle, ut distributiones recipient ii, qui statutis horis interfuerint Choro, absentes vero iis careant, quavis collusionione, aut remissione exclusa; ergo sola præsentia videtur sufficere ad distributiones lucrandas. Nam Trident. vult, distributiones dari iis, qui inter sunt Choro moraliter, non vero

etiam iis, qui in Choro verbi gratia dormiunt; Unde nisi aliud ferat consuetudo, vel institutio, non possunt distributiones recipi ab iis, qui recitant officium in Choro sine debita attentione; etenim non censetur præsens, qui non attendit: Quicquid in contrarium dicar Malder., Garz., & alii apud Bonac.: Quenam autem sit attentio requisita in recitatione horarum? expendimus in tractatu de Præceptis Decalogi agentes de Horis recitandis; ubi diximus probabiliter sufficere attentionem externam, supposito animo orandi, consistentem in eo, quod excludatur omnis actio externa incompossibilis cum interna attentione sive ad Deum, sive ad sensum verborum, & habeatur ad hæc virtualis quædam attentio, ut ibi explicavimus.

VII. Rogabis tertio, An excommunicatus si officium recitet, possit retinere fructus Beneficii, aut distributiones?

Respondeo, & dico primo, si Beneficium obtinuit, quando erat excommunicatus, cum collatio fuerit invalida, non potest fructus retinere; quare si excommunicatio esset occulta, quando Beneficium conferendum est, debet se alio titulo excusare; Quod si non possit sine sua infamia, debet deinde statim ac potest occulte dispensationem petere, & fructus interim perceptos restituere.

Dico secundo: Qui post Beneficium obtentum lapsus est in excommunicationem, non amittit fructus Beneficii, si suum munus præstet, & recitet officium. Ita felse Kon. disp. 14. dub. 9. num. 80., Sanch. lib. 3. disp. 51. num. 12., Avil., & alii contra Suar. disp. 13. sect. 2., Filliuc., Reginald. Ratio est, quia quamvis in Cap. *Pastoralis* dicatur, quod huic fructus Beneficii subtrahantur, at hoc non significat privationem ipso facto, & ante sententiam iudicis, ita ut ex-

com-

communicatus non faciat fructus Beneficii suos, etiamsi valide suum munus exerceat; tum quia ex tractatu de legibus rous non tenetur sponte poenam subire, quando ad executionem poenae aliqua requiritur actio, nisi aliter constet de mente Legislatoris; tum etiam quia versamur in materia odiosa, quae mihi interpretanda est, quam fieri potest. Hinc fit, Cappellanum excommunicatum toleratum, (licet peccet celebrando) percipere posse sicut stipendium Missae, ita fructus Cappellaniae, aut Beneficii. Si tamen sit excommunicatus vitandus, non potest percipere omnes Beneficii fructus, quia ejus sacrificium, quamvis proficit ex opere operato, quatenus offertur nomine Christi Domini, at non prodest quoad valorem, quem habet Sacrificium ex parte Ecclesiae, ut docent communiter in de Censuris: Et idem dici potest de excommunicato vitando recitante officium in Choro, qui non videtur posse integras distributiones percipere, quia Divinum officium non videtur alteri prodesse, prout nomine Ecclesiae persolvitur, quia Ecclesia hunc repellit, & non vult per ipsum orare.

VIII. Dico tertio, Qui ob injustam excommunicationem, aut carcerem cogitur abesse a Choro, potest distributiones, & fructus Beneficii percipere. Ita Avil., Sá, Filiuc., & alii contra Ugolin., qui putat posse hunc repetere distributiones ab eo, qui injuste eum excommunicavit. Ratio conclusionis est, quia privatio distributionum est poena, quae non debet infligi sine culpa, & ob injustam alterius actionem; Unde sicut infirmus percipere potest distributiones, ita injuste excommunicatus. Idque verum est ex Petro Navar. contra Bonac., & Covar., etiamsi infirmus, & injuste excommunicatus ante infirmitatem, aut excommunicationem non consuevisset

assistere Divinis officiis; posset enim nunc mutata voluntate interesse.

IX. Dico quarto, Excommunicatus non assistens Choro non potest percipere distributiones, etiamsi per ipsum non stet, ne absolvatur. Ita Suar. disp. 13. sect. 2., & alii communius contra Ugolin., Henr., Sá. Ratio est, quia hic iuste prohibetur non interesse Choro; ergo iuste privatur distributionibus, dummodo tamen injuste, & per injuriam illi absolutio non denegetur.

Neque dicas, Qui dedit causam suae infirmitati, potest percipere distributiones respondentes tempori, quo in infirmitate detinetur, quia est legitime impeditus. Ergo etiam qui dedit causam suae excommunicationi, si per ipsum non stet, ne absolvatur; quia pariter est legitime impeditus; Disparitas enim est, quia quamvis culpabiliter aliquis egrotaverit, tamen huic culpae non est imposita poena privationis distributionum, nam universim egrotos distributiones conceduntur; At culpae, cui est annexa excommunicatio, est pariter annexa poena privationis distributionum, quousque iuste perseverat excommunicatio.

X. Rogabis quarto, An Beneficiarius omitens divinum officium, praeter onus restitutionis, contrahat aliam poenam?

Respondeo, contrahere etiam poenam privationis Beneficii, si post sex menses admonitus Beneficiarius officium recitare neglexerit; ut constat ex Lateranensi; Quare admonitio facienda est post sex menses; Sicut obligatio restitutionis est etiam post sex menses a possessione Beneficii; Ille autem dicitur negligere officium ad hunc effectum, ut possit Beneficio privari, qui intra quindecim dies saltem bis illud non recitat, ut notat Suar. tom. 2. de Religione lib. 4. cap. 30. ex eodem Lateranensi.

Pars III.

C c XI.

XI. Quæritur secundo; Cuinam facienda est restitutio fructuum Beneficii?

Respondeo, ex dictis faciendam esse fabricæ Beneficii, aut pauperibus. Et eadem est ratio de Pensionario; Quod tamen intelligendum est, dummodo aliud non ferat institutio Beneficii, aut consuetudo alicubi recepta.

Inferitur hinc primo, restitutionem fieri posse non solum in utilitatem Ecclesiæ Beneficii, sed etiam in utilitatem fabricæ domus Beneficii, in qua Beneficiarius habitat, aut in emendis, vel meliorandis agris, ut fructus in perpetuum augeantur, ut notat Vasq., & Suar. loc. cit; quia etiam hoc venit nomine fabricæ Beneficii.

Inferitur secundo, quod licet restitutio fieri possit pauperibus quibuscunque, sive sint loci, in quo Beneficium existit, sive alterius loci, quia Pontifex loquitur indefinite, dum dicitur fieri posse pauperibus, non tamen fieri potest in reparationem Ecclesiæ, aut bonorum alterius Beneficii, quia Pontifex vult faciendam esse restitutionem vel pauperibus, vel fabricæ ipsius Beneficii; quando tamen reparatio alterius fabricæ redundaret in utilitatem pauperum, qui in eo loco aluntur, tunc censeretur fieri pauperibus.

Inferitur tertio, posse restitutionem hanc fieri in celebrandis missis, aut aliis suffragiis offerendis pro defunctis; quia isti in Purgatorio sunt maxime egeni, unde apte veniunt nomine pauperum, ut notant Filiuc., & Suar. loc. cit., dummodo aliud non ferat specialis institutio, aut municipalis consuetudo; aut aliud de voluntate Pontificis rationabiliter non præsumatur.

Dubium est primo, An si beneficiarius sit pauper, possit sibi applicare restitutionem faciendam pro horis omisiss?

Respondeo affirmative cum Less., & aliis communiter; quia non debet esse deterioris conditionis aliis pauperibus; quamvis enim peccarit omittendo officium, tamen quia pauperibus dari debent fructus Beneficii, potest etiam ipse venire nomine pauperum, quia sic non tam ipse sibi, quam Pontifex per illum faceret elemosynam. Neque dicas hinc sequi, quod posset pauper in fraudem officium omittere, sciens, quod potest titulo paupertatis sibi retinere fructus Beneficii. Nam responderi potest, quod in tali casu non præsumatur vel le Pontificem, quod possit sibi restitutionem applicare, eo quod fraus nulli parrocinari debeat; nisi forte Beneficiarius in gravi necessitate reperiat, & poenitentia ductus proponat in futurum emendationem.

XII. Dubium est secundo, An si pauperes, quibus facienda est restitutio, donent Beneficiario, quod restituendum est, possit iste titulo donationis retinere?

Respondeo cum Bonac., quod si remissionem obtineat a pauperibus, antequam tradat eis fructus Beneficii restituendos, non possit illos sibi retinere; quia pauperes, quibus fructus nondum traditi sunt, non habent jus ad illos certum, & in re, sed jus vagum pendens a voluntate Beneficiarii, ad quem spectat pauperis electio, cui restituitur; Et facta promissione uni illorum, hic habet solum jus ad rem ante traditionem, unde non potest remissionem facere illorum, quia non potest promissarius donare, nisi jus, quod habet promissarii; Jus autem promissarii relate ad illos fructus non facit promissarium dominum fructuum, unde non potest illos donare, aut condonare. Notat tamen Less. cap. 3. n. 16. ex lege positiva, non jure naturæ traditione rerum dominia acquiri, ex leg. *Traditionibus* 92. Cod. *De pactis*; quam-

quamvis excipiantur hæreditas, legatum rei Sacre, donatio facta Civitatibus, & locis piis, Beneficio, &c., quorum jus in re, & quasi dominium per donationem, & acceptionem acquiritur: Quod si Beneficiarius traderit pauperi fructus restituendos, tunc certe liberum erit pauperi illos Beneficiario iterum tradere, & donare, dummodo talis donatio sit libera, & non meticulosa, nec cum pacto implicite inito inter Beneficiarium, & pauperem, quod ideo Beneficiarius eligat talem pauperem, quia hic est donaturus deinde partem illorum eidem Beneficiario.

XIII. Queritur tertio, An Beneficiarius restituere debeat omnes fructus Beneficii respondentes diebus, quibus omisit divinum officium, etiam si alia onera Beneficii iis diebus impleverit? Verbi gratia, si Beneficium habeat curam animarum, ut est Episcopatus, & Parochia, & Episcopus, vel Parochus suum munus exerceant, & solum omitant recitare horas, possuntne retinere partem aliquam fructuum Beneficii ratione aliorum onerum, quibus satisfaciunt?

Respondeo, Azor., Valent., Suar. loc. cit. velle, quod omnes omnino fructus respondentes iis diebus, quibus officium prætermisum est, debeant restitui, quia Bulla indistincte loquitur, dum dicit absolute, & simpliciter restituendos esse omnes fructus pro iis diebus perceptos. Sed probabilis est sententia Less. cap. 34. dub. 32., Henr., Tolet., Sà, & aliorum putantium, Bullam posse aliquam interpretationem recipere, ita scilicet ut Beneficiarius omitens horas uno die, verbi gratia, non debeat omnes omnino fructus respondentes uni diei restituere, sed solum respondentes uni diei relate ad onus dumtaxat divini officii; Unde Episcopus, vel Parochus, si omitant uno die officium,

debeant restituere solum tertiam, vel quartam partem fructuum respondentium uni diei, retinendo alios ob alia onera proprio muneri annexa, quibus satisfaciunt; Canonici vero, alique habentes onus residendi debeant restituere, (ut putant aliqui contra Bonac.) dimidiam partem; habentes onera Cappellanæ debeant restituere dimidiam, vel tertiam partem; Beneficiarii vero simplices debeant omnes fructus pro rata officii restituere. Ratio est, quia quando Beneficiarii recipiunt fructus Beneficii, non solum pro recitatione horarum, sed etiam pro aliis oneribus, si illis satisficiant, non videtur rationabile, quod æque puniantur per omissionem horarum, ac Beneficiarii simplices, qui nullum aliud onus sustinent; Nec est rationabile, quod æque puniantur, quando omitunt horas Beneficiarii habentes alia onera, sive iis satisficiant, sive non; Unde præsumendum, quod Pontifex, dum dicit omitentem divinum officium debere omnes fructus restituere, nolit, quod restituantur nisi omnes fructus respondeantes oneri divini officii, quousque non exprimat oppositum. Addit Henr., Beneficiarium simplicem posse etiam aliquid sibi retinere propter onus gestandi habitum, & tonsuram, & vivendi caste, & observandi alia, quæ in jure præscribuntur, si huic oneri satisficiat. Hoc tamen merito non admittit Bonac., nam hæc onera sufficienter compensantur cum aliis privilegiis Beneficiorum.

XIV. Queritur quarto, Quam teneantur sub mortali, & sub onere restitutionis officium in Choro recitare?

Respondeo, & dico primo, Clericos Ecclesiarum Collegiatarum, & Cathedralium obligari ad officium in Choro singulis diebus recitandum, nisi aliud ferat consuetudo, aut Ecclesiæ institutio, aut necessitas. Ita communiter

niter ex Cap. 1. *De celebratione missarum*: Quare ubi est consuetudo, vel Ecclesiæ institutio, ut aliquoties tantum in Choro officium persolvatur, non teneantur Clerici quotidie in Choro convenire; quando vero necessitas cogit, ut in alio loco extra Ecclesiam officium persolvatur, tunc licitum est de licentia Episcopi, quando ad ipsum aditus patet, alibi officium celebrare; quamvis si aliquando, verbi gratia, ob frigoris asperitatem officium in Sacristia caneretur sine Episcopi licentia, putat Bonac. Canonicos non esse privandos distributionibus, quia moraliter conferrentur in Ecclesia recitasse; præsertim si ratione necessitatis per Episcopam facultas Episcopi præsumatur.

Dico secundo, Etiam Regulares Choro deputati, & Moniales tenentur, non quidem ex jure Canonico, sed ex suis regulis, aut consuetudinibus ad divinum officium in Choro celebrandum. Unde fit, gravius peccare Beneficiarios Choro addictos, si non intersint, quam Regulares, quia illi tenentur ex officio, atque adeo ex iustitia, quæ ex genere obligat sub mortali; isti vero tenentur tantum ex vi regulæ, quæ ut plurimum non inducit obligationem sub mortali, sed tantum solet obligare Regulares sub pœna, quod officium privatim recitent, si Choro non intersint. Et obligatio sub gravi canendi in Choro afficit solum totam Communitatem religiosam, non singulos Regulares; nam, ut diximus cum de horis canonicis, Prælati tenentur sub mortali curare, ne desit Chorus; & alii tunc solum tenentur sub mortali, quando aliter Chorus non fieret. Utrum autem Moniales teneantur sub mortali ex vi consuetudinis privatim recitare horas, si Choro non intersint? Diximus in de Horis Canonicis teneri, ut fert communior, & verior opinio; quicquid

in contrarium sentiat Marchantius apud Diam. part. 9. tract. 6. resol. 7. & Lessi putantes consuetudinem istam non obligare sub gravi.

Dubium tamen est, An Beneficiarii Choro addicti, & Canonici, si ad Chorum non accedant, sed privatim recitent, peccent tantum venialiter, an mortaliter?

Respondeo, peccare mortaliter per se loquendo, si ultra tempus a Tridentino permissum notabiliter absint a Choro. Ita Filliuc., Vasq., Suar. lib. 4. de religione cap. 10. num. 7., & cap. 13. apud Bonac. contra Valent., Reginald., Cajet., & alios putantes peccare solum venialiter, quando eorum absentia non est causa, ut dimittatur, aut destruat Chorus; (ad quem constituendum saltem quatuor requiruntur) Ratio nostræ doctrinæ est a pari, quia Beneficiarius, qui privatim non recitat officium, peccat mortaliter; ergo etiam qui obligatus in Choro recitare, ibi non recitat; Et ratio a priori est, quia utraque est obligatio ex iustitia, quæ per se graviter obligat; Beneficium enim Canonicis datur, non solum ut officium recitent, sed etiam ut recitent in Choro. Immo Suar. loc. cit. addit, peccare mortaliter Canonicum, etiam si solum partem notabilem officii in Choro non recitet, quamvis habeat animum recitandi illam privatim; Quod tamen non ausim dicere; quia sicut Beneficiarius, qui per aliquot dies ultra tempus permissum absit a loco suæ residentie, non peccat mortaliter, ita nec peccat mortaliter, qui per aliquot dies absit a Choro sine licentia, dummodo privatim officium recitet. Ratio autem doctrinæ est, quia præceptum divini officii est annexum diei, & Superior præcipiens officium respicit singulas recitationes per se ipsas, ut constat ex sensu communi Doctorum: Econtra Superior præcipiens

piens residentiam, & Chorum, respicit residentiam, & recitationem in Choro per totum annum; Unde si aliquot diebus Beneficiarius absit a Choro, aut non resideat, ratione parvitate materiz non peccat mortaliter; Quod si absentia sit notabilis, sicut graviter peccat, qui ultra tempus a jure præscriptum notabiliter non residet in loco sui Beneficii, ita etiam peccat graviter, qui notabiliter absit a Choro, quandoquidem residentia in loco Beneficii idcirco præcipitur, ut possit Beneficiarius interesse divinis officiis. Permittit autem Trident. sess. 24. cap. 13. obtinentibus dignitates, Canonicatus, præbendas, aut portiones in Cathedralibus, aut Collegiatis, ut possint singulis annis per tres menses abesse; Et Sacra Congregatio declaravit, quod tempore absentiz distributiones non acquirant, nec excusentur ulterius a residentia per hoc, quod consentiant in amissionem distributionum quotidianarum, sed hujusmodi puniendi sint. Immo ex cap. Clericus dist. 91. deponendus est, qui omittit officium in Choro, depositio autem cum sit poena gravis, supponit gravem culpam.

Dico tertio, Episcopus, per se loquendo, non tenetur Choro interesse, ne festis quidem diebus. Ita Valent., Filliuc., Bonac. ex D. Th. 2. 2. quæst. 91. art. 2. contra Sylvest., Tabien., Navar.. Ratio est, tum quia usu, & consuetudine ita introductum est; tum quia gravioribus negotiis ad jurisdictionem spectantibus, quæ Chori assistentiam non patiuntur, vacare debet. Quod spectat ad Parochos, deberent quidem ex vi juris antiqui in Parochialibus Ecclesiis publice divina officia persolvere singulis diebus, ut ostendit Bonac., sed a desuetudine in contrarium deobligantur.

Ex dictis sequitur, quod Canonici, & alii Choro deputati non solum te-

neantur Choro interesse, sed etiam canere, non quidem ut obligationi officii satisfaciant, nam si submissa voce recitent partem suam, & aliam audiant, satisfaciunt obligationi recitandi officium; sed canere debent, ut satisfaciant servitio Chori. Ratio est, quia redditus Ecclesiastici dantur Canonici, ut carent cum aliis, ex Clement. 1. De Celebratione Missarum: Ita Suar., Filliuc., Navar., Less. apud Bonac.; Unde sit, eos aliter non posse distributiones saltem integras percipere; quia Qui non facit, quod debet, non recipit, quod oportet. Ubi notandum, obligationem recitandi officium in Choro esse personalem, ut est obligatio recitandi officium privatum, unde non potest per alium impleri, præcisa consuetudine in contrarium.

XV. Quod attinet ad restitutionem faciendam a Beneficiariis, qui non resident in loco sui Beneficii, quando ad id obligantur, abunde diximus in Opusc. De Beneficiis Ecclesiasticis qu. 3. art. 3. Summatim hic ea perstringimus. Et sane fructus Beneficii a non residentibus restituendi sunt ante sententiam judicis, non quidem omnes, sed qui respondent oneri residentiz. Sicut autem invalide, nedum illicite Pontifex in voto dispensaret sine causa; ita invalida est facultas non residendi sine justa causa, atque adeo in tali etiam casu restitutio facienda est. Episcopis Trident. sess. 23. cap. 1. facultatem concedit non residendi solum per duos, aut tres menses quotannis; Parochis vero per duos menses dumtaxat, si simul, sive interrupte. Dubitatur, num Parochi, ut absint per bimestre, indigeant etiam licentia Episcopi? Sed hac in re standum consuetudini loci. Non est facienda isthac restitutio, si inculpabiliter non resideant; at facienda est si solum materialiter resideant, non inserviendo Ecclesiz.

clesiæ. Olim jure Canonico omnes Beneficarii ad residentiam obligabantur, de facto tamen vi consuetudinis contrariæ, exceptis Canonicatibus, & Dignitatibus. Beneficium simplex ad residentiam non obligat. Canonici autem, & Præbendati si absint a Choro ultra trimestre sibi permissum a Trident. sess. 24. cap. 12. sine legitima causa, communius apud Croix lib. 4. num. 876. docent, quod mortaliter peccent, & procul dubio tenentur ad restitutionem distributionum, & fructuum respondentium oneri residentie. Fructuum autem istorum restitutio solum fieri potest in utilitatem fabricæ Ecclesiæ, aut pauperibus loci ipsius Beneficium; ubi restitutio ob omissionem horatum fieri potest pauperibus cum juscumque loci, ac in utilitatem non

solum fabricæ Ecclesiæ, sed etiam Beneficium, aut in agris meliorandis, ut supra diximus; immo etiam in suffragium defunctorum. Potest tamen Episcopus justis de causis cum Canonicis, & Præbendatis dispensare, ut diutius absint; præsertim ob studium Theologiæ, aut juris Canonici; & quidem per quinquennium. Sed ut per trimestre absint quotannis, licentia non requiritur, etiamsi absint recreationis causa, dummodo distributiones non lucrentur; quas tamen lucrantur, si ægritudinis causa non resideant; dummodo non causent sibi ægritudinem ea de causa, ut ad residentiam, & ad Chorum non teneantur. Sed non vacat ulterius hac in re immorari. Sit itaque annui penſi (Sed oh ubi Æternitatis!)

F I N I S.

A. M. D. G.,

ac Deiparæ sine labe Conceptæ.

SYNO-

SYNOPSIS OMNES.

Quæ in singulis Articulis Tractatus hujusce de
Restitutione habentur, hic colliguntur.

QUÆSTIO I.

De iis, quæ ad ipsum Restitutionis
actum pertinent.

ARTICULUS I. *ibid.*

Num ex violatione solius justitiæ com-
mutativæ oriatur onus Resti-
tutionis?

*1. Restitutio large dicta fert iterato a-
liquem statuere in possessionem rei sue.
Presse vero dicta est Actus justitiæ com-
mutativa, quo quis damnum a se illa-
tū proximo refarcit. 11. Ad justitiā com-
mutativā spectat tribuere unicuique jus
suum, & partes inter se iustare, &
exæquare. 111. In quo differat Restitu-
tio a redditione depositi, aut commodati,
a solutione mutui, & a satisfactio-
ne? 1v. Per quid discriminetur justitiā
commutativa a distributiva, a legali,
& a vindicativa? v. Onus restitutionis
non oritur ex violatione justitiæ pure di-
stributivæ, & ideo solius justitiæ commu-
tativa est actus Restitutio. vi. Quid im-
portat jus strictum in re, & ad rem?
Quid etiam sit dominium, Usus, & U-
susfructus? vii. Quando donatur ali-
quid distribuendum pluribus pro merito
personarum, qui habet plura merita,
habet jus strictum ad majorem sum-
mam, & ideo violatur justitiā commu-
tativa, si ea non solvatur. At nemo pri-
vatus habet jus strictum ad bona commu-
nia, quæ non sunt distribuenda primario
propter bonum privatum, sed propter*

*bonum publicum; unde per violationem
justitiæ distributivæ non oritur obligatio
restituendi. viii. Episcopus conferens
beneficia minus dignis seneat refarcire
damnum concurrentibus, & Ecclesiæ,
non ex violatione justitiæ distributivæ, sed
commutativæ. ix. Num peccet mortali-
ter Episcopus conferendo beneficia simpli-
cia minus dignis, emissis dignioribus?
Num etiam Princeps sic conferendo offi-
cia Gubernatoris, Judicis, &c. x.
Dux non distribuendo spolia hostium pro
merito militum peccat contra justitiā
commutativā. xi. Ob lesionem justitiæ
vindictiva tunc datur onus restituendi,
quando simul violatur commutativa.
xii. Qui negavit in judicio veritatem,
non tenetur ad restitutionem damni seculi;
secus vero si falsum testatus est.
Quid de Confessario, qui omisit poeniten-
tem monere de Restitutione faciendā?
Tenetur Confessarius, si posiverit poeniten-
tem deobligari: Sicut Advocatus, & Pro-
curator, Gubernator, & Index, si cul-
pabiliter sint causa damni. xiii. Pro-
babiliter peccat solam contra charitatem,
& ad restitutionem non tenetur, qui emittit
omnes merces alicujus generis, ut postea
carius illas vendat.*

ARTIC. II. 10

De Necessitate Restitutionis
faciendæ.

*1. Necessarium ad salutem bifariam
sumi potest, vel pro necessario necessita-
te mediæ, vel pro necessario necessitate
precepti. 11. Restitutio est ad salutem
ne.*

necessaria solum necessitate precepti. III. Cur Baptismus in re, aut in voto sit necessarius necessitate mediis. IV. Preceptum de restituendo videtur principaliter esse de alio positivo, atque adeo affirmativum, & minus principaliter negativum. V. Preceptum restituendi diversum est a precepto non furandi; hoc est negativum, illud vero positivum. VI. Sunt duo precepta, Non furari, & Non retinere rem alienam; quia tamen eidem virtuti opponuntur, non committit duo peccata specie diversa, qui utrumque preceptum transgreditur. VII. Quot peccata committit, qui oblata opportunitate restituendi non restituit? VIII. Alius nostri non interrumpitur moraliter per alius contrarios damnat, sed etiam aliis viis.

ARTICULUS III. 13

Quznam sint radices, unde provenit obligatio restituendi?

1. Duplex est radix, ex qua sequitur obligatio restitutionis, videlicet Injusta acceptio, & Res accepta. II. Obligatio restitutionis oritur ex prima radice injusta acceptationis haberi non potest citra alionem damnicativam; secus vero si oriatur ex secunda radice rei accepta. III. Non cessat obligatio restitutionis citra restitutionem, si ea oriatur ex prima radice; potest tamen sine restitutione cessare, si ex secunda radice oriatur. IV. Quando oritur onus restitutionis ex prima radice, nullum debet pati damnum damnicativum; quando vero oritur ex secunda, nullum debet pati damnum, qui restituit. V. Sicus non consumit onus restitutionis ex laesione iustitie distributiva, Legalis, aut Vindictiva, ita neque ex damnicatione contra alias virtutes a iustitia. VI. Hinc non tenetur ad restitutionem Medicus, si ex incuria aegrotum occidat, quando nullo accepto stipendio medetur: Nec

Clericus alium inadvertenter occidens vacando venationi prohibita: Nec omittens succurrere extreme indigenti: Nec violanti iustitiam legalem. VII. Qui alium inadvertenter infamavit, ubi id adversis, tenetur famam restituere ex titulo injusta acceptationis potius, quam rei accepta. VIII. Iudex ad restitutionem tenetur, si pecuniam accipiat pro ferenda sententia iusta, non tamen si accipiat pro ferenda sententia injusta, patrato tali scelere.

ARTIC. IV. 16

Ex quam culpa contra iustitiam oritur obligatio Restitutionis?

1. Culpa alia est Theologica, alia Iuridica, & illa vel moralis, vel venialis, sive ex parvitate materiae, sive ex imperfecta deliberatione; Hec vero vel lata, vel levis, vel levissima. II. Ad contrahendam obligationem restitutionis requiritur culpa Theologica contra iustitiam communitivam: Lata culpa iuridica dicitur trahere onus restitutionis, quatenus raro admodum reperitur sine culpa Theologica. III. Si culpa isthaec Theologica sit levis ex parvitate materiae, trahit onus restitutionis sub levi; si vero sit levis ex imperfecta deliberatione, probabiliter ne sub veniali quidem parit nullam obligationem restituendi, etiam in materia gravi. IV. Leges civiles obligantes ad compensationem damni non obligant in conscientia, si absit culpa Theologica, qua ab iis presumuntur. V. Si tamen leges civiles non sint presumptivae, sed dispositivae, obligant in conscientia ad damnum compensandum, sed post sententiam Iudicis. VI. Ex peccato veniali ex parvitate materiae contra iustitiam potest per accidens oriri gravis obligatio restituendi; ut si in ultimo furculo per accidens non advertatur ad praeterea. VII. Quoties plures ab eodem parvam materiam furantur, stant

ita ut unus advertat ad furta aliorum; sed non fit causa moralis talis damni gravis, probabilis non tenetur ad restituendum parvam illam materiam sub gravi; nisi forte ad id ex praecepto superioris adigatur. viii. Ad quid tenetur, qui per negligentiam leviter culpabilem grave damnum inferit? Aut qui volens leviter damnificare, casu graviter damnificat? Aut Medicus, qui ex culpa levi iuridica aegrotum occidit? ix. Levis negligentia, qua excusat a compensando damno Depositarium, non semper excusat Commodatarium, aut Locatarium. x. In dubio num res perierit ex culpa gravi, an levi, damnum onus restituendi? xi. Probabiliter propter grave damnum causatum ab actione externa de se leviter damnificativa, posita cum intentione nocendi graviter, non datur onus restituendi sub gravi; Nec inveniunt irregularitas, aut censura, vel reservatio propter tale delictum externe leve, sed interne grave, si verbi gratia, sic aliquis occidatur. xii. Non tenetur ad restitutionem, qui grave damnum intulit cum ignorantia antecedente; & probabiliter nec tenetur, si illud intulit cum ignorantia concomitante; sedens vero si intulit cum ignorantia affectata, aut etiam crassa. xiii. Cur tenetur ad restitutionem, qui volens comburere domum Petri inimici, per accidentem comburit domum Pauli amici; & ad restitutionem probabiliter non tenetur, qui volens occidere feram, per accidentem occidit inimicum, quem conditionate vellet occidere, si ibi adesset?

ARTICULUS V. 26

Quomodo se gerat Confessarius cum obligato ad restituendum?

1. Nequius citra sacrilegium absolvi, qui non vult restituere statim totum, quod potest. 11. Nam possit permitti dilatio restitutionis ob lucrum, quod a debitoribus
Par. III.

speratur sine damno creditoris? Debet quidem hac in re Confessarius accommodare se opinioni probabili penitentis. 111. Debitor volens restituere, dum est in articulo mortis, non potest haredibus committere, ut restituant, si potest tunc ipse restituere. 1v. Restitutio facienda est a penitente antequam accedat ad Sacramentum Penitentiae. Quod si ea non possit fieri, nisi post aliquod tempus, non est deneganda absolutio. v. In iure saltem pro foro externo precipitur, ut non impendatur absolutio a censuris non promissa satisfactione. vi. Qui promissit restituere statim, & non stetit promissis, non est de facili iterato absolvendus, multo minus tertia, aut quarta vice. vii. Tenetur ipse Confessarius restituere, si positive deobligavit culpabiliter penitentem a restituendo: Quod si culpabiliter solum omiseris illum monere, & Confessarius sit Parochus, qui ex officio tenetur confessiones audire, adhuc ipse probabiliter tenetur restituere. Et probabiliter etiam alii Confessarii. viii. Parochus, si non moneat penitentem de restitutione facienda, ad restituendum ipse obligabitur ex levi culpa iuridica; Alii vero Confessarii solum ex culpa lata.

QUAESTIO II. 30

De Persona restituyente.

ARTICULUS I. ib.

Quisnam teneatur restituere ex injusta acceptione?

1. Ad restitutionem tenetur tam qui rem alienam sine iusto titulo habet, quam qui damnum alteri injuste intulit; quod multipliciter contingere potest. 11. Recensentur praecipuae actiones injustae, quae parvant onus restitutionis. 111. Pressum simoniace acceptum restituendum est Ecclesiae, vel probabiliter ipsi danti. Sic
D d pa.

pariter elemosyna magna erogata fingenti paupertatem restituenda sunt vel danti, vel aliis pauperibus. Munera pariter, qua dantur Iudici pro ferenda sententia iusta. iv. Qui aliquid a pupillo per contrallum onerosum acquisivit, num teneatur iure natura illud restituere? v. Qui alium impedit a consecutione boni debiti ex iustitia, ad restitutionem tenetur; Sic ut etiam si quis malis artibus illam impediat ab alterius boni consecutione. vi. Quid si quis impediatur alicui consecutionem officii publici, aut Beneficii, aut quod ex araribus publicis debetur pauperibus? vii. Divertens fluvium cum alterius damno tunc ad restitutionem tenetur, quando id non facit ob propriam utilitatem, sed in damnum proximi. At non tenetur ad restitutionem, si bonis artibus impediat pauperi elemosynam ex odio erga illum. viii. Qui malis artibus impedit, ne fiscus acquirat ius ad partem pecuniariam, non tenetur ad restitutionem.

ARTIC. II. 34

Quinam restituere teneatur ex re accepta?

i. Ex re accepta confurgit onus restitutionis, siue ea exiet post furtum, seu post contrallum iniquum, siue res aliena exiet absque sua culpa penes te. ii. Res inventa num sint danda pauperibus? iii. Thesauri inveni iure natura sunt primi occupantis; leges tamen civiles diversimode de iis disponunt. Num leges istae obligent in conscientia? iv. Quare acquisita per delictum, domino non comparent, retineri non possunt? v. Res bona fide emptas a fure probabiliter ab emptore restitui potest furi, si aliter pretium recuperare non possit restituendo illam domino. At non potest alteri vendi ad pretium recuperandum. vi. Num peccet solum contra charitatem, an etiam

contra iustitiam qui reddit gladium domino furioso, quo ille abusus est adversus vitam innocentis? vii. Res aliena emptas bona fide, si functionem recipiat, domino comparent, non est illi restituenda; nisi forte cum modica propria re sit immixta.

ARTICULUS III. 37

Quid restituere teneatur Possessor malae fidei?

i. Quinam dicatur Possessor mala, aut bona, aut dubiae fidei? ii. Possessor dubiae fidei comparatur possessori mala fidei, si dubium precesserit possessionem rei aliena; at si subsequatur, comparatur possessori bona fidei. iii. Mala fidei possessor restituere debet, praeterrem, etiam damnum secutum domino, ac lucrum, quod cessavit, necnon fructus rei naturales, & mixtos; non tamen quod dominus lucraturus esset ex turpi usu sua rei. iv. Quinam dicantur fructus rei naturales, quinam industriales, quinam mixti? v. Si res furtiva cum rebus propriis miscetur, nec illa sit discernibilis, quid est restituendum domino? vi. Quid restitui debes, si res aliena in manu furis deterioratur? Quid si dominus illam deinde pluris venditurus esset, quam tunc valeret? vii. Potest aliquando fur ex furto lucrum reportare. viii. Qui in navi projecit poculum aureum alienum, quod simul cum navi mox erat submergendum, probabiliter non sonetur quicquam restituere; Secus vero si rapias rem mox ab alio fure rapiendam. ix. Quinam fructus rei furtivae debent a fure domino restitui? Et quid de melioramentis suo necessariis, siue utilibus, siue voluptuariis? x. Restitui debet a fure, praeter rem furtivam, tam interese ordinarium, quam extraordinarium; & quidem etiam si a Creditore de illo non moneatur. xi. Quis restituere debet, & non ex delicto, sed

sed ex mutuo, emptione, &c., & culpabiliter differt solutionem, probabiliter ad interesse extraneo: dinarium non obligatur, si monitio non precedat. XII. Fur, qui per aliquod tempus inculpabiliter non restituit, num teneatur ad interesse illius temporis?

ARTICULUS IV. 45

Quid restituere teneatur Possessor bonae fidei?

1. Possessor bonae fidei si non statim restituat, incipit esse mala fidei possessor. II. Debet se reddere indemnem bonae fidei possessor; At restituere debet rem, ejusque fructus naturales, & mixtos, (demptis expensis) & id in quo factus est diuor, non tamen ex fructibus industrialibus. III. Res, & fructus, si non exsint in se, reddantur in equivalenti. At num dicantur in se exsint, si cum aliis rebus propriis misceantur? IV. Qui rem alienam bona fide inique consumpsit, fornicando, ludendo, &c. ad restitutionem non tenetur, si nihil ex ea sit factus diuor. V. Si rem alienam bona fide donasti, aut vendidisti, teneatne contractum rescindere; sicut tenetur, qui vitrum pro gemma vendidit? VI. Res, & fructus naturales, & mixti restituenda sunt, demptis expensis, affirmatione laboris, & melioramentis etiam volupuariis. Sed quid si hac sint magni valoris? VII. Si in tela aliena pingatur pictura, quae excedat pretium tela, satis est restituere huius tela pretium. Immo etiam si dubitetur an ea pictura tela pretium excedat? VIII. Qui bona fide in agro alieno suum frumentum seminavit, debet totam segetem detractis expensis restituere; Quod si seminasset alienum frumentum in agro proprio, debet solum restituere pretium frumenti. IX. Ex iniusta damnificatione tenetur damnum compensare, qui, verbi gratia, incendit domum Petri sui amici, quamvis

invincibiliter putet illam esse Pauli sui inimici. Quid, si quis occidat Petrum amicum, quem invincibiliter putat esse Paulum inimicum?

ARTIC. V. 49

Quid restituere teneatur Possessor dubiae fidei?

I. Dicitur possessor dubiae fidei, qui rem possidet, quin possit certo affirmare illam esse suam, sive de hoc dubitet, sive etiam id opinetur. II. Multipliciter autem tale dubium sive negativum, sive positivum contingere potest. III. Ad quid tenetur qui bona fide cepit rem possidere, & deinde incipit dubitare, an sit aliena? IV. Qui magis inclinatur ad dicendum, quod res, quam bona fide cepit possidere, sit aliena, num ad aliquam restitutionem faciendam obligetur? V. Regula illa, In dubiis tutior pars eligenda est, quomodo interpretanda sit? VI. Ad quid tenetur, qui possidentem rem bona fide incipit dubitare, an sit aliena, & omittit veritatem indagare? VII. Qui possidet rem mala fide, & deinde incipit dubitare an sit sua, debet ne integram rem restituere, an pro rata dubii? VIII. Ad quid tenetur, qui incipit possidere rem a nemine possessam dubiae fide, dubitando scilicet, siue sua, an aliena? IX. Qui rem ab alio bona fide possessam rapit, dubitans, aut opinans, quod sit sua, tenetur ad integram ejus restitutionem. Sic pariter restituere integre tenetur, qui in ludo per fraudem vincit; quamvis dubitet, num ob fraudem, an casu vicerit. X. Non solum in materia iustitia, sed etiam in materia aliarum virtutum militat axiomata illud, In dubio melior est conditio possidentis. XI. Ad discernendam autem, quando stat in possessione libertas, quando vero praeceptum, Prior regula, quae assignari solet, est, quod in possessione stes id, quod tempore praet-

D d 2 du,

dit, si libertas, libertas; si praeceptum, praeceptum; quod in plurimis exemplis fit perspicuum. XII. Altera regula, quam Doctores assignant, est, Pro eo stare possessionem in utroque foro, pro quo fiat praesumptio; Hac vero fiat pro ea parte, qua ad alteram transfertur onus probandi incertum.

QUAESTIO III. 59

De Cooperantibus ad damnum alterius.

ARTICULUS I. ib.

Quinam dicantur cooperari ad damnum alterius?

I. Ad restitutionem tenentur tampositivae concurrentes ad damnum alterius, quam concurrentes negative; quoniam ad subsidiam memoria celebri disceptatione continentur. II. Tria requiruntur, ut talis obligatio consurgat, & quod damnum secutum sit, & quod illorum cooperatio praecesserit, & quod hac fuerit causa efficax damni citra dubietatem. III. An, & quomodo ad restituendum obligentur, qui concurrunt ad damnificationem proximi, qua cateroqui etiam sine suo concursu fieret? IV. Num teneantur ad restitutionem, qui ad damnum alterius concurrunt solum quoad modum, videlicet ut celerius fiat, & non quoad substantiam? V. Qui suo suffragio cum aliis concurrunt ad sententiam injustam, quandoque a restitutione deobligantur? VI. Qui dubitat, an suo suffragio ad sententiam injustam efficaciter concurrerit, adhuc videtur cum aliis in solidum obligandus: Ego verum sit, quod ad alter non teneatur alere prolem, de qua dubitat, num sit sua, an mariti VII. Deobligatur a restitutione, qui dubitat, an damnum sit secutum, vel an ex aliqua sua actione graviter peccaminosa, vel an ad damnum influxerit; nisi tamen

urgeat praesumptio, unde non habeatur dubium, sed moralis certitudo; ut solet accidere, si consilium deus de damno parando. VIII. Quando damnum est secutum, & dubitatur, num ex actione huius, vel illius, uterque teneatur ad restitutionem.

ARTIC. II. 64

De Mandante damnificationem.

I. Tam explicitum, quam implicitum mandatum de proximo damnificando, secuto effectu, trahit onus restitutionis. II. Mandans, revocato mandato, sive explicito, sive implicito, tamen revocationis notitia ad Mandatarium perveniat, non tenetur ad restitutionem. III. Cur non pariter deobligetur a restitutione Consulens revocato consilio? IV. Si mandatarius in damnificando excedat limites mandati, num, & quando mandans teneatur etiam excessum compensare? V. Non tenetur mandans ad compensanda damna mandatarii, qui sponte, aut accepto pretio mandatum accepit. VI. Ratiobitio damnificationis de se non trahit onus restituendi. Solum relate ad poenas fori exterioris ratiobitio solet equiparari mandato. VII. Irregularitas tamen, qua incurritur a mandante homicidium, non extenditur ad ratiobitum.

ARTIC. III. 67

De Consulente damnum alterius.

I. Nomine Consulents damnificationem venit etiam qui hortatur, dirigit, insinuat, terret minus, &c. Teneatur autem consulens resarcire etiam damnum, quod forte patitur Consiliarius, si hic bona fide procedat. II. Quandoque deobligatur a restitutione consulens? Et quomodo debeat consiliarium monere, ut desistat? III. Ad restitutionem teneatur consulens.

sulens; etiamsi sine suo consilio adhuc damnum a consiliario inferendum esset, dummodo consilium moveat. IV. Si dubitatur, an consilium inflexerit, teneaturne Consiliarius aut integre, aut saltem pro rata dubii restituere, an omnino deobligatur? V. Quando consilium non insinuat in substantiam, sed solum ad circumstantiam damni, adhuc probabilius teneatur consulens ad restitutionem. VI. Probabilis etiam ad restitutionem teneatur, qui suo consilio, vel auxilio cooperatur ad damnum, quod etiam sine tali consilio, vel auxilio fieri omnino. VII. Qui male consulit non ex malitia, sed ex ignorantia graviter culpabilis, num teneatur ad restitutionem damni ex consilio causati? VIII. Si stipendium accipit, qui dat consilium, teneatur de levi culpa iuridica, quamvis non sine gravi theologica. IX. Qui sine gravi culpa dat consilium noxium, teneatur non solum ex charitate, sed probabilius etiam ex iustitia consiliarium monere ad averendum damnum. X. Ad restitutionem non teneatur secundum se, nec peccat, qui dat consilium de inferendo damno minore ei, qui determinatus est ad inferendum damnum majus. XI. Secus vero si quis consilium dei de inferendo minori damno Petro ei, qui determinatus est inferre majus Paulo.

ARTICUL. IV. 71

De reliquis positive cooperantibus ad damnificationem.

1. Positive ad damnificationem concurrunt etiam Consensuens, Adulator, Receptor, & Participans, prater Mandantem, & Consulentem. II. Consensuens, nempe Approbans, favens, aut ferens suffragium in delicto, ad restitutionem teneatur, si sic sit causa damni. At quid in dubio an suffragium inflexerit in damnum? III. Qui ex officio tenetur suffragium ferre, ad restitua-

nem tenetur, si illud omittat, quando ex tali omissione sequitur damnum. IV. Adulator, aut irrisor si sic damnum causet, ad restitutionem obligabitur, si ad id adverteat, quamvis directe illud non intendat. V. Quinam dicatur Recursum praebens, ac Receptans? Et quando hic ad restitutionem teneatur? Etiam si rationabiliter dubitet, quod ex fidei receptione damnum sit securum, adhuc ad restitutionem obligabitur. VI. Campanes, qui charitas, sedulitas, lumen concedunt iis, qui alicui pecunia ludunt, ad restitutionem teneantur; non tamen si permittant illos domi suae palam ludere. VII. Qui furem receptat amicitia causa, ad restitutionem non tenetur, nisi sic sit causa, quod res furto sublata non restituatur, aut quod novum damnum causetur. Quoniam pacto possunt Advocati fures defendere? VIII. Si re non receptante furem, ab aliis facile receptaretur, illum adjuvando ad fugiendum, & non concurrendo ad injuriam retentionem, num teneatur ad restitutionem? IX. Participans nomine venit, qui praestito auxilio formaliter ad damnum cooperatur. X. Excusantur participantes, qui gravi metu adiguntur ad opus non malum intrinsece; ut qui remigant capti a Turcis in irremediis adversus Christianos; aut qui metu mortis praebent furi claves ad furandum. XI. Quid si quis adjuvet furem, qui sine tali auxilio adhuc idem furtum facilius esset? XII. Providens quod furtum, aut homicidium sit impetrandum alteri innocenti, teneatur etiam huic damnum, quod inde reportat, compensare.

AR.

De Cooperantibus negative ad
damnificationem .

1. *Ad restitutionem tenentur Mutui ; Non obstant , Non manifestans , si contra iustitiam peccent non impediendo damnum proximi .* 11. *In his oritur obligatio ex iustitia , non solum ex contractu , sed etiam ex quasi contractu , seu ex officio .* 111. *Qui omittit impedire damnum , quod etiam posito impedimento sequeretur , ad restitutionem non obligatur , nec peccat , quamvis ex iustitia secundum se impedire illud teneatur .* 1v. *Testis legitime interrogatus , qui non detegit veritatem , premit debet ex iustitia legali , non tenetur probabiliter ad restitutionem damni , quod inde sequitur .* v. *Nec tenetur Confessarius , immo probabiliter uti Parochus , qui culpabiliter omittit monere paenitentem de restitutione facienda .* Nec Pater , si filius denegat alimentia , que ex pietate iis debet . vi. *Famuli non tenentur ad restitutionem , si non impediunt furta domesticorum ; secus vero extraneorum .* vii. *Custodes vestigalium , saluum , vinea ad restitutionem damni tenentur , si illud non impediunt ; non tamen ad restitutionem pœne , quam deberet solvere delinquens .* viii. *Judices , & Episcopi si malo suo exemplo alios inducant ad furandum , probabiliter ad restitutionem damni non tenentur .* Sed probabilius est , quod teneantur ; Unde probabilius Episcopi censuras , & irregularitatem incurram , si non impediunt percussorem Clerici , & homicidia . ix. *Qui non tenetur ex iustitia revelare furem , potest ab eo aliquid accipere ne revelet ; dummodo illud non sit pars furti ; nec per hoc fur reddatur animosior ad furandum .* Quid si hic legitime a Iudice interrogetur de fure ?

Quantum singuli restituere teneantur ,
quando plures ad damnificationem
cooperati sunt ?

1. *Si plures ad damnificandum concurrunt , singuli in solidum ad restitutionem tenentur , quando singulis non cooperantibus totum damnum non causaretur .* 21. *Si vero singulis deficientibus adhuc damnum causaretur , tunc singuli tenentur solum ad partem damni pro rata sui influxus .* 111. *Milites Urbem diripientes iniuste , quamvis nonnihil invicem amittunt , non tenentur ad restitutionem , nisi ad id quod singuli diriperunt : At Dux ad restitutionem totius damni ab exercitu causati obligatur ; Sic ut etiam Consilarii , Exploratores , &c .* 2v. *Si tamen sine suo consilio adhuc damnum causaretur , tunc pariter partialiter ad restitutionem obligaris prout influxus .* v. *Quando duo ingrediuntur domum ad furandum centum , ita ut unus sine altero non ingrederetur , tunc uterque tenetur in solidum restituere .* vi. *Videtur diversimode discurrendum , si a pluribus idem damnum causetur , ac si diversum .* Nam si ad idem concurrant , omnes restituere debent in solidum , quamvis singuli sine aliis totum damnum non inferrent : Secus vero si concurrant ad damnum diversum . vii. *Num peccet mortaliter , qui medicum furatur , advertens , quod alii plurimi pariter medicum ab eodem domine furentur , aut furati sint ?* viii. *Si excommunicatio feratur contra hos plurimos , si non restituant medicum illud , quod abstulerunt , talis excommunicatio supponit peccatum mortale , si minus iniustitia propter medicum illud , quod retinetur , scilicet inobedientia .* ix. *Qui per plura furtiva devenit ad materiam gravem , ita ut sub gravi ea restituenda sit , num peccet lethaliter , si addat aliud furtivum ?*

AR.

ARTIC VIL 34

QUÆSTIO IV. 39

Quonam ordine restituere debeant
Concurrentes ad damnificationem,
quando tenentur restituere
in solidum?

Quid, & Quantum restitui debeat.

ARTICULUS I. 90

An accepta ob turpem causam resti-
tuenda sint?

1. *Damnificans principalis tenetur totum damnum rescire, & in eius defectum alii minus principales.* 11. *Principalis damnificator inter omnes damnificantes est Possessor male fidei.* Si tamen res aliena exierit in individuum, quamvis apud possessorem bona fidei, ab eo restituenda est. 111. *Quid si plures sint mala fidei possessores?* 1V. *Post possessorem male fidei inter damnificantes tenentur Mandans, & quidem etiam ante Executorem, aut Inductorem; necnon ante illum, qui consulu alteri, ut damnificationem manderet.* V. *Nomine Mandantis non venit quicunque alteri dicit, ut damnifices, sed qui dicit auctoritative.* VI. *Post mandantem tenentur Executor damni ante Consulentem; nisi hic dederit consilium fraudulenter.* Quid de inducente alterum, ut suo nomine damnum inferas, vel in sui gratiam? VII. *Si plures sint executores, puta in vasa- res, omnes principaliter tenentur, quamvis unus tantum ex illis, verbi gratia, invasum percussit; nisi tamen aliquis sit precipuus, sine quo alii non invaderent.* VIII. *Post Executorem tenentur aque principaliter alia concursa cum positiva, tum negativa in solidum restituere, ita ut una restitente totum, alia hinc debeant pariem suam restituere pro rata influxus.* Alii tamen diversimode opinantur. IX. *Ex prædicta doctrina varia corollaria deducuntur.* X. *Si damnificatus remittat debitum principali, reliqui ad nihil tenentur; Non tamen si remittat debitum minus principali.* Quod si nolit agere contra principalem, non per hoc non potest agere contra minus principalem.

1. *Contractus de re illicita facienda rescindendus est.* Quod si parum sit de re licita, parum de illicita, solum datur obligatio ponendi rem licitam. 11. *Pro scelere patrandi nihil promissi, dari, aut accipi potest, antequam illud patrentur.* Et quod acceptum esset, restituendum dari, nisi datum esset absolute ad alliciendum. 111. *Post sceleris patrationem probabilius est, quod solvi debeas pretium pro illo promissum.* 1V. *Qui post factum accepit pretium promissum pro scelere patrandi, probabilius potest illud retinere, etsi teneatur satisfacere parvi lase.* V. *Ex lege positiva restituendum est pretium simoniacum vel pauperibus, vel Ecclesie in panam delicti.* VI. *Illuc sic acquisita a Filio, Uxore, servo, probabilius non debent restitui Patri, Mat- rito, Domino.*

ARTICUL. II. 92

An restituenda sint accepta ob causam honestam?

1. *Restitui debent accepta ad præstandum opus debitum ex iustitia; necnon pro omissione etiam ex iustitia debita;* Non tamen accepta pro opere honesto, aut pro omissione, qua ex iustitia non debeantur. 11. *Num possit etiam aliquid accipi pro opere debito ex charitate, quod non sit laboriosum, puta pro depouendo odio?* 111. *Si opus ex iustitia debitum Titio ponitur in gratiam Cajo, num possit a Cajo aliquid accipi?* 1V. *Cur in foro externo non datur alio ad re-*

repetendum, quod traditum est pro opere ex iustitia debito? Et simul compellitur ad restitutionem, qui aliquid accepit pro non peccando peccato. v. Non solum pretium, sed etiam munus involuntarie donatum pro opere debito ex iustitia universim restituendum est; non tamen si detur liberaliter. vi. Num possint famuli Iudicis aliquid accipere a Titio, ut hic ante alios introducat, & eius causa prius expediat? vii. Quandoque possint Officiales Iudicis munera sibi donata resimere? viii. Leges civiles si solum prohibeant, & non irritent acceptationem munerum, non obligant ad restitutionem; Sicut nec juramentum de illis non acceptandis. ix. Si lex aliqua irritet donationem munerum, hac restituenda sunt danti, nisi aliter statuat ipsa lex; & tunc requiritur etiam sententia Iudicis, ut a dante tollantur.

ARTICULUS III. 97

An Bona incerta, vacantia, derelicta, & Animalia, quæ piscatione, aut venatione capiuntur, restituenda sint?

1. Bona incerta, si acquisita sint ex delicto, restituenda sunt pauperibus. Quia tamen sine delicto retinentur, probabiliter danda sunt etiam pauperibus, sed probabiliter retineri possunt. ii. Post factam compositionem per Bullam bonorum incertorum, si dominus compareat, probabiliter ea non sunt restituenda. iii. Etiam Episcopus potest in sua Diocesi compositionem facere debitorum incertorum. iv. Bona vacantia, necnon derelicta sunt primo occupantis iure naturalis; iure tamen positivo aliud decretum de bonis vacantibus. v. Animalia, quæ venatione, aut piscatione capiuntur, secundum se sunt etiam primo occupantis. vi. Potest Princeps sibi venationem, ac piscationem reservare, & potest reddere subditos incapaces domini relata ad fo-

ras in suo nemore captas. vii. Ad restitutionem tenentur, qui venantur in loco, ubi a Principe alteri concessum est ius venandi; non quidem restituendo feras captas, sed compensando damnum, quod alteri probabiliter intulit habentis ius venandi. viii. Animal alterius, quod damnum inferre in suo pradio, non potest occidi, nisi aliter grave damnum impediri non possit.

ARTIC. IV. 99

An iterum facienda sit restitutio, quando res furtiva data alteri, ut restituatur, non pervenit ad dominum?

1. Res debita ex delicto, si deferatur per nuncium a debitore electum, perit ipsi debitori, antequam ad dominum perveniat; Sed si nuncius eligatur a Creditore, perit Creditori. ii. Res non debita ex delicto, sed ex contractu, si eadem in individuo debeatur, perit semper Creditori, si non pereat ob culpam debitoris. At si non debeatur eadem in individuo, perit debitori, si per nuncium a se electum transmittatur. iii. Res tamen, quæ solum debetur ex recepta, quamvis transmittatur per nuncium a debitore electum, perit semper Creditori, quamvis non debeatur eadem in individuo, dummodo non pereat ob culpam debitoris. iv. Quid si res debita transmittatur per Parochum, vel Confessarium, & illa ad dominum non perveniat? v. Quid si post conventionem cum Creditore, quod res transmittatur per Petrum, deinde transmittatur per Paulum expertum fidelem, & res ad dominum non perveniat?

An res domino nocitura restituenda sit?

1. Quousque dubitetur, aut probabile sit, rem esse domino nocituram, ut gladius furioso, non est restituenda. 11. Probabilius est, quod peccetur etiam contra iustitiam, si res isthac cum alterius damno restituatur. 111. Negative se habens ad injustam actionem non teneatur ad restitutionem, nisi ex officio debeat illam impedire. At in casu nostro rediens gladium domino furioso positive concurrens ad mortem innocentis, & ideo ad restitutionem obligatur. 1V. Solvens Usurario usuras, quibus abstinere ad novas usuras exigendas, remote ad peccatum concurrens; at in casu nostro proxime. V. Differenda pariter est restitutio rei aliena, etiam quando dominus illa absumptus est ad peccandum contra alias virtutes a iustitia. VI. Non teneatur auferre a domino res suas, quibus ille est absumptus, sed huiusmodi res tenemur non restituere. VII. Coniux illicite petenti debitum num, & quando possit illud negare? VIII. Non videtur improbabilis sententia nonnullorum, quod scilicet cura culpam restitui possit domino res, qua ille absumptus sit contra alias virtutes a iustitia.

QUÆSTIO V. 104

De Persona, cui facienda est Restitutio, ac de reliquis circumstantiis Restitutionis.

ARTICULUS I. 104

Cui facienda est Restitutio.

1. Restitutio ex titulo rei accepta facienda est domino: Ex titulo autem injusta acceptionis facienda est illi, cui daturus.

Part. III.

nummum est irrogatum. 11. Qui eadem actione pluribus damnum intulit, omnibus teneatur illud resarcire; Quid si malis artibus plures quis impederit a Beneficio consequendo? 111. Num differens deferre rem donatam usque ad mortem donantis teneatur non solum donatario, sed etiam heredibus donantis restituere? 1V. Surripienti rem alienam a Cajo bona fide istam possidente, teneatur illam non Cajo, sed domino restituere. Similiter qui rem alienam dono accepit a fure, non furi, sed domino restituere illam debet. Sed quid si a fure illam emerit? V. Qui bona fide in opera pia impendit rem domino restituendam, num teneatur iterum restituere? Et qui rem furtivam bona fide emis, & revendit, ad quid teneatur? VI. Restituitur creditori sui creditoris immunis est a nova restitutione, quando est liquidum debitum creditoris immediati. VII. Circa vim potest amicus Caji accipere centum a Titio auctoritate propria, servatis regulis compensationis, ut ea des Cajo creditori Titii. VIII. Num possit dominus ingredi domum furis, & per vim rem suam recuperare?

ARTICULUS II. 108

Ubi, & cujus expensis facienda sit Restitutio?

1. A Possessore mala fidei restituenda res est domino propriis expensis, reponendo illam, ubi dominus illam possessorus esset, si non fuisset furto sublata. 11. Qui restituere non potest sine expensis majoribus, quam res ipsa valeat, ad quid teneatur? Num possit iuri beneficio Bulla compositionis? 111. Possessor bona fidei non teneatur suis expensis rem domino restituere, aut illum monere, ut rem suam sibi capiat: Quod si sine magnis expensis id fieri nequit, nec speratur, quod dominus velis amplius sibi rem accipere, potest dari pauperibus, ac potest etiam ipse

Ec

fibi

sibi eam retinere. IV. Qua debentur ex contractu, vel quasi contractu, restitui debent in loco, ubi res accepta fuit: Si tamen aliter sit conveniunt, compensanda sunt expensae. V. Si contractus cedat in bonum debitoris, expensis ipsius facienda est restitutio; Sic ut si cedat in bonum creditoris, hic debet solvere expensas; Et si in bonum utriusque, uterque. VI. Utinam restituenda sint res ex testamento donatae, aut commodata, vel pensiones &c. ? VII. Res ex contractu debita, qua sine magnis expensis non potest domino restitui, vel potest dari pauperibus, vel retineri a debitore, si forte dominus compareat.

potest restituere privatis. At qui publice alios fraudavit, teneatur ex charitate publice restituere ad scandalum vitandum. IV. Potest debitor ad infamiam vitandam fingere, quod debitori donec id, quod debet restituere. Quod si hoc intumit aliquid redonatum est, restitui debet. V. Num satisfaciatur, qui debens centum Titio, immemor talis debiti ei donec centum? Aut Beneficiarius, qui post horarum omissionem elemosinas erogas ignorans, an non advertens, quod debeat restituere fructus Beneficii?

ARTIC. V. 113

ARTICULUS III. 111

Quando facienda est Restitutio?

1. Restitutio fieri debet statim, non physice, sed moraliter, & humano modo; praesertim si non fiat ex delicto, nec grave damnum afferat brevis dilatio. II. Consumm solutio non solet fieri sine prava creditoris monitione; si tamen hac non fiat ob verecundiam, aut timorem, peccat, qui diu solutionem differt. III. Qui culpabiliter solutionem debitam differt, nec vult solvere, nisi cogatur a iudice, teneatur compensare damnum, quod patitur creditor. IV. In nonnullis casibus potest creditor petere, ut ante praefixum terminum reddantur res sua.

ARTIC. IV. 112

Quomodo facienda sit Restitutio?

I. Potest restitutio fieri per alium. At quid, si ad dominum non perveniat, quando sit per Confessarium? II. Quod ex delicto debetur, totum simul restitui debet; Et in qualibet pecunia fieri potest restitutio, nisi aliter sit conveniunt. III. Debitor ad infamiam declinandam

Quo ordine facienda est Restitutio Creditoribus?

1. Praeter ordinem servandum inter Personas, qua debent restituere, attendendus est ordo servandus inter Personas, quibus fieri debet restitutio, quando bona debitoris non sufficiunt ad integre solvendum omnibus. II. Quid sit ius in re, quod habent Creditores Reales, quid vero ius ad rem, quod habent Creditores Personales, & Chirographarii III. In quo differat Pignus ab Hypotheca, qua multiplex est? IV. Debitor habens rem alienam in individuo restituere illam debet, antequam aliis Creditoribus satisfaciatur; etiamsi dominus ignoretur, dando tunc illam pauperibus. V. Si adhuc extans apud emptorem sit creditio vendita, praefertendus est venditor aliis Creditoribus: Non tamen si ab emptore sit revendita alteri. VI. Debita certa praefertenda sunt incertis. VII. Probabilius neque debita ex delicto praefertenda sunt debitis ex contractu, neque ista illis, sed pro rata utriusque satisfaciendum. VIII. Debita ex contractu oneroso praefertenda sunt debitis ex contractu gratuito. Quid tamen de legatis, de expensis funeris, aut factis causa testamenti? IX. Credi-

moribus realibus habentibus hypothecam, vel pignus prius satisfaciendum, quam Chirographariis. Et prior hypotheca preferenda posteriori, exceptis nonnullis casibus. x. Prior emptor preferendus est secundo, nisi res sit huic tradita, exceptis etiam nonnullis casibus. xi. Creditores Chirographarii priores probabilis non sunt preferendi posterioribus, xii. Inter aequales creditores videtur preferendus petens, etiam extra iudicium, aliis non petentibus. Peccat tamen contra iustitiam debitor, si preferat creditorem, qui non est preferendus. xiii. Num Creditor, qui iniuste a debitore preferitur aliis, possit sibi retinere, quod sibi debetur? xiv. Num possit Creditor pauper ex solo titulo paupertatis aliis preferri? xv. Qui titulo aut gratuito, aut oneroso, sive bona, sive mala fide accepit aliquid ab eo, qui non est solvendo suis creditoribus, ad quid tenetur? xvi. Debitor, qui suis creditoribus non est solvendo, peccat contra iustitiam, si repudiet donationem, aut hereditatem, qua possit satisfacere.

QUÆSTIO VI. 120

De Causis, ob quas omitti, vel differri possit Restitutio.

ARTICULUS I. ib.

De Causis, ob quas differri potest Restitutio.

1. Differri potest restitutio, si debitor restituendo patitur damnum duplo maius, quam patitur creditor ex tali dilatione; vel si pati deberet iacturam fama, aut alterius damni notabilis. 11. Potest etiam differri, si deberet aliter vendere centum aureis rem valentem biscentum, aut si deberet vendere instrumenta sua artis, aut si deberet vir nobilis artem manuales exercere. 111. Sicut etiam si

deberet cadere de proprio statu iuste acquisito, quamvis debita ex delictis contracta sint. At si per usuras status sublimior acquisitus sit, etiam baredes cum mutatione status tenentur restituere; Sicut etiam si res in individuo restituenda sit. 1v. Nequit restitutio differri, ne quis magno lucro privetur. v. Differenda est restitutio, si ex ea grave damnum alteri sequatur. vi. Quanam impotentia dilationem restitutionis permittat? vii. Num licite differens restitutionem teneatur ad interesse? viii. In gravi necessitate licitum est restitutionem differre, non tamen furari. In extrema necessitate dives tenetur ex charitate offerre pauperi res necessarias; & ex iustitia tenetur non impedire, ne illas sibi accipiat. 1x. Cessio bonorum, seclusa impotentia, non excusat a statim restituendo. Quid ea ferat pro foro exteriori? Nequit Clericus cedere bonis cum ignominia sui status. x. Qui cedit bonis, quantum possit occultare ad honeste vivendum? xi. Aritex, qui bonis cessit, tenetur exercere, sicut prius, artem suam, ut possit suis creditoribus satisfacere quantum potest. Quid si religionem ingrediat? 1

ARTIC. II. 126

De Debiti remissione, quæ excusat a restitutione.

1. Condonatio creditoris tunc excusat debitorem a restituendo, quando ea est plene libera, & a iure non irritatur. 11. Remissio facta debitori fingenti se pauperem est invalida, nupie facta per dolum circa causam finalem. 111. Si condonetur pars debiti ob merum iniustum, ne scilicet totum creditum amittatur ob culpam debitoris, talis condonatio est invalida; sed vero si fiat ob merum iustum, ne scilicet totum creditum amittatur ob debitoris inopiam. 1v. Est etiam invalida, si merus a iuria
E c 2 per.

persona incurritur ad remissionem extorquendam. v. Debitor, qui sine fraude se composuit cum creditoribus, non tenetur deinde partem debiti sibi remissam restituere, si deveniat ad pinguiorem fortunam; secus si sese in Ecclesiam recipiat, ut pars debiti sibi remittatur. vi. Excusatur a restitutione debitor, cui constat de voluntate sive formali, sive presumpta creditoris debuit remittere; secus vero si de ea dubitet.

ARTICULUS III. 128

De occulta compensatione excusante debitorem a restituendo.

1. Ut a restitutione reddat immunem, Compensatio occulta fieri debet cum suis requisitis. ii. Debet quippe esse moraliter certum debitum compensandum, & non dubium, aut probabile. iii. Debitum istud debet esse ex iustitia, non ex alia virtute, puta ex promissione, aut voto, vel ex gratitudine. iv. Res, qua fiat compensatio, debet esse ipsius debitoris, non deposita, aut alteri hypothecata. v. Requiritur etiam, ut debitum non possit aliter recuperari sine gravi incommodo. Num sit mortale, cessante scandalo, hanc conditionem omittere? vi. Debet vitari grave damnum alteri, qui forte infamaretur, ac ipsius debitoris, qui forte iterum restituet. vii. Num possit cum equivocatione iuratus negare, quod aliquid acceperit, qui accepit aliquid in compensationem? viii. In quibus casibus possunt famuli sibi compensare ab heris suis, quod sibi iudicio prudentium propter famularum debetur? ix. Si Sacerdos nequeat recuperare decem carolenos debitos a Titio, & hic det illi totidem carolenos pro decem missis celebrandis, poteritne ob compensationem omittere missarum celebrationem? x. Num filius laborans pro Patre possit pro tali labore aliquid sibi occulte compensare? xi. Num possit fieri

compensatio in delictis, non restituendo, verbi gratia, famam illi, qui se infamavit? Et num possit infamia compensari pecunia? xii. Possitne aliquando ob debitum probabile fieri compensatio? Praesertim si probabilitate veretur circa ius, non circa factum?

ARTICULUS IV. 133

De Compositione, & Iudicis auctoritate excusantibus a restituendo.

1. Liberas a restitutione debitorem compositione, qua fiat a Pontifice, vel ab Episcopo in propria Diacesi pro debitis dumtaxat incertis. Et probabiliter si deinde dominus compareat, nihil ei debetur. ii. Quid requiratur, ut possit Pontifex pro debitis certis compensationem, aut dispensationem concedere? Sicut potest Pontifex in penam privare reum bonis temporalibus, ita potest deobligare debitorem a restitutione facienda alicui criminoso. iii. Multipliciter potest Iudex eximere debitorem ab onere restituendi, praesertim in penam delicti a creditore patrati; Vel si ex aequitate aliquid alicui adjudicet, quod ex rigore iustitiae illi non debetur.

ARTICULUS V. 134

De Prescriptione, quatenus a restituendo excusat.

1. Prescriptio legitima etiam pro foro interno a restituendo deobligat; conceditur tamen locus pauci, & minoribus restitutio in integrum. ii. Lex praescriptionis non est infirma in penam negligentiae creditoris, sed ad lites innumeras vitandas; Nec nititur in falsa praesumptione culpe illius. iii. Quinguae sunt Praescriptionis conditiones, Possessio continuata, Capacitas possidendi, Bona fides, Titulus probabiliter praesumptus, & La-

psus

plus temporis a lege definiti. xv. Ad prescriptionem requiruntur, & sufficit possessio civilis rei, quamvis sit sine naturali possessione. v. Prescribere non potest Laicus res Ecclesiasticas. Nec religiosus aliquod prescribere potest. Quid de pupillo? vi. Homo liber prescribi nequit. Nec res furtiva; At si bona fide hac ematur, vel accipiat, post annos triginta prescribi potest. Neque prescribi possunt res, quae alienari non possunt, ut res Ecclesiastica, nisi spatio triginta annorum. vii. Si bona fide per annos triginta possideatur ius non solvendi debitum, prescribitur. Non prescribit tamen, qui dubia fide capis possidere, aut qui bonam fidem interrumpit per malam fidem: Dubium tamen superveniens bonam fidem non interrumpit. viii. Num possint haeres, & legatarius prescribere, si bona fide habeant res, quas testatur, qui mala fide eas possidebat? ix. Num possit prodesse ad prescribendum bona fides orta ex ignorantia iuris clari, saltem post spatium triginta annorum? x. Ignorantia iuris, quae non prodest ad prescribendam rem inalienabilem, prodest ad prescribendos fructus talis rei, relate ad quos ignorantia est potius facilis. xi. Titulus probabiliter praesumptus non eodem modo requiritur ad prescribendum, quam bona fides; sine illo quippe prescribitur spatio triginta annorum, vel quadraginta contra Ecclesiam, aut centum contra Ecclesiam Romanam: Et si ius commune repugnet ad prescribendum, adhuc sufficit tempus immemorabile, in quo titulus praesumitur: Nunquam tamen sine bona fide legitime prescribitur. xii. Usucapio praeter titulum, & bonam fidem, requirit triennium inter praesentes, & quadriennium inter absentes; Sine titulo autem requirit spatium triginta annorum. Prescriptio vero exigit decem annos inter praesentes, viginti inter absentes, & sine titulo triginta. At contra Ecclesiam quadraginta, & contra Ecclesiam Romanam centum. xiii. Ut con-

suetudo contra legem praescribat, satis est, vel quod passim fiat contra legem consensio Superiore, vel quod inscio Superiore contra legem fiat per decennium.

ARTIC. VI. 139

Num interitus rei alienae, aut ingressus in Religionem a restituendo excusent?

1. Interitus rei alienae in specie restituenda a restituendo excusatur, si pereat citra culpam debitoris, nec aliter sit conveniunt. 11. Probabilius videtur posse secundum se a re alieno gravatum ingredi Religionem, & sic a restituendo debent obligari, si alia via non possit. 111. Sic sponsus post sponsalia iurata potest ingredi Religionem. 1v. Num teneatur hic Religiosus laborare iuxta suum statum de licentia Superioris, ut debitis satisfacias? v. Num pariter teneatur accipere donationes, aut hereditatem, quae datur Creditibus? vi. Religiosus, qui post professionem alios damnificavit, praesertim si sit Praelatus, ad quid teneatur, ut damnum resarciatur?

QUAESTIO VII. 143

De Restitutione in particulari.

ARTICULUS I.

De restitutione propter homicidium, & mutilationem.

1. Provocatus ad pugnam, si alium occidat, non tenetur quicquam restituere, quamvis nonnihil excesserit. Qui tamen invaditur ab altero, ad restitutionem obligabitur, si notabiliter excedat occidendo invasorem. 11. Num peccet contra iustitiam Clericus, qui potest fugere invasorem, sed non fugit, sed illum occidit cum moderamine debito? 111. Qui artificem occidit, teneatur etiam lu-

crum

erunt illi cessans ex sua artis exercitio restituere; Sed debetne astimationem laboris detrabere? Debetne quicquam restituere Creditoribus occisus? *IV.* Num pro vita, pro mutilatione, pro cicatrice, pro fama iniuste sublata aliquid restituendum sit? Et quid pro vita servi, aut animalis alterius? Quid pro homicidio, quod fecit situm? *V.* Qui collocat cadaver occisi ante domum Titii, praevident, aut etiam intendens, ut Titius tanquam homicida puniatur, num teneatur ad restitutionem? *VI.* Tam ex homicidio casuali, quam ex indirecto, non secus ac ex voluntario oritur obligatio restitutionis, supposita in iis gravi culpa contra iustitiam. *VII.* Num sitvens homicidii vulnerans graviter Petrum, qui deinde ex Medicorum culpa decedat? Aut qui volens occidere Titium, casu occidat Cajum? Aut qui alium occidit in ebrietate? *VIII.* Propter damnum illatum occiso in curatione vulnere, & ob lucrum, quod illi ante mortem cessavit, facienda est restitutio heredi, & hoc deficiente, pauperibus: Propter damnum vero, quod aliis ex homicidio confurgit, facienda est restitutio solum heredibus necessariis, non aliis. *IX.* In quibusdam casibus licitum est homini se ipsum occidere, aut mutilare? Num licito pueri castrantur ad vocem conservandam? *X.* Num possis aliquando indirecte innocens occidi? Num Saraceni innocentes occidi possint, ne fiant deinde hostes Christianorum? Num possis dari pharmacum pregnantium cum periculo occidendi scitum animatum? *XI.* Quid requirunt, ne licite possimus invajorem occidere in propriam, aut proximi defensionem? Plures theses hac de re proscripta recensentur.

ARTICULUS II 152

De Restitutione propter detractionem.

I. In quo differat detrahitio a consummatione, susurrations, & derisione? *II.* Detrahit directe imponens, Augens, Manifestans, in mala vertens; Indirecte vero Qui negat, aut. minuit, reticet, laudatque remisit. *III.* Quanam in detractione dicatur materia gravis? *IV.* Num liceat uni, vel alteri viro praedemi verum crimen alterius manifestare citra mortale? Quod si ab eo deinde aliis manifestetur tale crimen, quid faciendum a primo detractore? *V.* Num sit mortale citra asseverantiam referre alterius crimina audita? *VI.* Ad vitandum grave damnum innocentis occulta crimina delinquentis detegi possunt. *VII.* Num citra mortale possis delictum Petri publicum in uno loco, aut tempore publicari ubi, & quando ignoratur. *VIII.* Infamatus in uno genere num possis citra mortale in alio genere infamari? *IX.* Regulariter non est mortale seipsum infamare. Nec est de se mortale imponere sibi falsum crimen citra perjurium ad vitanda gravia tormenta. Verum autem alterius crimen occultum detegere possumus ad vitandum grave damnum. Numquam tamen citra mortale potest grave crimen alteri imponere ad se defendendum. *X.* Ad quid tenetur qui audit detrahentem? *XI.* Quoniam paucio fama restituenda sit; praeterea si famosis libellis sit sublata? *XII.* Odo de causis potest quis a restitutione fama excusari, nempe si dures impotentia physica, si moralis, si compensatio, si Condonatio, si crimen sit oblitum, si infamia sublata, si crimen factum est publicum, si detrahitio fuit inefficax. *XIII.* Impotens famam restituere non tenetur illam pecunia compensare; quamvis probabiliter possit infamatus clamo accipere aliquod ab illo in compensationem.

AR-

ARTIC. III.

159

De Restitutione facienda ob contumeliā, derisionem, suffragationem, iudicium temerarium, & suspicionem.

1. Contumelia de se fert positivam inhonorationem, unde non opponitur Observantia, sed Iustitia commutativa, & ex suo genere est mortale. II. Compensatur universum dehonoriatio isthac per petitionem venia. III. Derisio fert dehonorationem cum animo confundendi derisum, & fieri solet verbis irrisoriis: Subfannatio vero sit signis derisorii. Utraque fert culpam mortalem, si praevidetur derisus graviter contristandus. IV. Suffragatio ordinatur ad seminandas discordias inter amicos, manifestando eorum defectus; De se est mortalis, & fert onus restitutionis. V. Iudicium, & Suspicio temeraria reducuntur ad detractionem tanquam alius internus ad externum: cum inducant malam opinionem, & contemptum proximi, ferunt de se mortalem culpam, & onus restitutionis. VI. Facilius a mortali excusatur suspicio, seu opinio temeraria, quam iudicium certum temerarium. Si indicia sint probabilia, opinio non esset temeraria, sed ea nequit sine causa aliis communicari. VII. In dubiis regulariter possumus licite assensum suspendere, quin teneamur bene opinari, sed solum teneamur non male opinari de proximo. VIII. Si tamen agitur de damno vitando, possumus dubia in deteriore pariter interpretari solum conditionate, & sic damnum praecavere. IX. Superiores ob indicia dubia possunt aliqualem poenā subditos punire, eo quod non absterneant a specie mali.

ARTIC. IV.

161

De Restitutione facienda ob secreti violationem.

1. Peccat contra iustitiam commutativam, qui revelat, quae sub sigillo naturali accepit. II. Num sit gravis culpa ea uni, vel alteri viro prudenti revelare? III. Violans sigillum naturale tenetur compensare damna, quae inde sequuntur, etiam si cum pallo iacito secretum committatur. IV. Num, & quando gravius peccet, qui aperit literas sigillo munitas? V. Non peccat, qui ad vitanda gravia tormenta secretum revelat; nisi id cedat in damnum publicum, aut ex officio ad sigillum teneatur. VI. Licitum est arcana etiam iurata sponso pandere, si illa vergant in grave damnum Communitatis, aut innocentis. Sigillum Sacramentale dimittaxat in nullo casu referari potest.

ARTIC. V.

163

De Restitutione facienda ob furtum, rapinam, necnon ob spiritualia damna alteri illata.

1. Furtum specie differt a Rapina; habet enim superaddit furti violentiam, & injuriam personalem. II. Excusatur a mortali, qui rem alienam accipit, quando dominus est solum invitus quoad modum, non quoad substantiam. III. Raptus habitio de furtivo, seu licentia praesumpta excusatur a furtivo, & Religiosum a vitio proprietatis; Sed ea non sufficit ad sacramentaliter absolvendum, aut ad dispensandum. IV. Porum pauperitatis comparatur cum licentia, tanquam cum conditione; lex vero comparatur cum dispensatione, tanquam cum eius destrutivo. V. Quantitas requisita ad furtum mortale varia est pro varietate Personarum, quae damnificantur. Aliquando

ACUS

acus a fariore oblatum fert damnificationem gravem, esto furtulum istud in ratione furti non sit grave, nec trahat excommunicationem latam contra furantes. vi. Num peccet mortaliter, qui post completam materiam notabilem, parum aliquid iterum furatur? vii. Num teneatur ad restitutionem sub gravi, qui advertit se per plurima furtula venialia pervenisse ad materiam notabilem, quin sit factus diutius? viii. Quid si plures modicum quid surripiendo damnum notabile eidem inferant, advertendo dumtaxat, sed non concurrendo ad aliorum furtula? Si adversus istos feratur excommunicatio, quare sub gravi teneantur restituere modicum, quod surripuerunt? ix. In gravi necessitate differri probabiliter potest restitutio, sed non licet furari, nisi necessitas sit extrema, aut valde gravis, seu extrema affinis. x. Famuli, alique inservientes non possunt occulte ab Heris suis surripere, quod ipsi iudicant deberi ultra salarium, nisi id sit manifestum, & citra controversiam. xi. Quid possint filii a Parentibus occulte surripere citra mortale tam de bonis Profectis, quam de Adventitiis? Etenim Castrensis, seu quasi Castrensis ad filios spectant. xii. Uxor quandocumque mortaliter peccat surripiendo aliquid de bonis mariti, aut de bonis communibus, qua scilicet percipiuntur de fructibus dotis, & Arrharum? xiii. Qui sine vi, & fraude induxit aliquem ad culpam, aut retraxit illum ab ingressu in Religionem, peccavit dumtaxat contra charitatem; at peccat contra iustitiam, & ad restitutionem damnorum tenetur, si id faciat per vim, aut fraudulenter, aut si quomodoque inducat alium ad damnificandum.

ARTICULUS VI. 171

De Restitutione facienda ob stuprum, & adulterium.

i. Ad quid teneatur deflorator Virginis, qua in suprum sponte consensit? Et quid, si per vim, aut fraudem illam defloravit? ii. Qui Virginem defloravit filie matrimonium promittendo, teneatur illam ducere, quin satis sit illam docere, secusa disparitate inter illos. iii. Adulter ob injuriam personalem marito interrogatus teneatur petitione venia, aut alii signis satisfacere. Prolem suam teneatur alere post tertium annum. iv. Si nothi inter legitimos a Matre supponantur, teneatur adulter compensare damnum, quod legitimi patiuntur. v. Adultera tenetur compensare damnum, quod ex prole illegitima patiuntur legitimi, non tamen se infamando.

ARTICULUS VII. 173

De Restitutione facienda ob fraudatam vectigalia.

i. Lex de solvendis vectigalibus iuste impositis ad Principis sustentationem, & Regni defensionem verius non est pure panalis. Quid si imponantur in rebus usualibus? ii. Num detur obligatio solvendi vectigalia, si dubitetur negative num iuste imponantur? iii. Etiam exteri tenentur solvere vectigalia iusta. iv. Num sponte aperienda sint custodibus merces, pro quibus vectigal solvendum est? v. Custodes non obstantes fraudibus, prout ex iustitia tenentur, probabiliter non tenentur ad restitutionem pena, quam fraudatores vectigalium solvissent, si manifestarentur, licet teneantur compensare damnum, quod domini subeunt. vi. Ecclesiastici quandocumque tenentur vectigalia solvere? vii. Clerici conjugati, quamvis

vis

vis gaudeant privilegio Canonis, si Virginitatem duxerint. & gestent habitum, ac tonsuram, non eximantur tamen a solutione vtilitatum: Nec Clerici relati ad bona, quae advehunt ad negotiandum. viii. Si custodibus non constet, quod bona sint Ecclesiasticorum, iuramento istorum standum est.

ARTICULUS VIII. 176

De Restitutione ob simoniam facienda.

i. Simonia habetur per studiosam voluntatem emendi, vendendi, aut permutandi pretio temporali rem spirituales, aut spirituales annexam, siue pretium sit a manu, siue a lingua, siue ab obsequio. ii. Ad simoniam requiritur pactum saltem implicitum, seu animus obligandi alium ad conferendam rem sacram propter temporalem, aut econtra. iii. Dividitur Simonia in Mentalem, Conventionalem, & Realem. Mentalis autem requirit actionem externam positam animo simoniaci. Simonia Confidentialis in Beneficiis potest esse siue Mentalis, siue Conventionalis, siue Realis. Qualibet istarum est casus reservatus, sed poena Simoniacorum incurritur solum a Simonia reali in Beneficiis. iv. Simonia prohibetur tam iure Divino, ac Naturali, quam Humano. Aliqua tamen simonia est solum iuris Ecclesiastici, & in hac dumtaxat dari potest materia parvitas. v. Materia Simonia est res sacra, seu quomodocumque Spiritualis, ac supernaturalis, puta Sacramenta, Reliquia, Beneficia, Praesimonia, Sacramentalia, &c. vi. Quid de Cappellaniis, de Commendis, de Vicariis Episcopis, de Recloribus Hospitalium, de labore in administrandis Sacramentis, & de rebus consecratis? vii. Quid de alliciente alium rebus temporalibus ad conferendas res spirituales? Quid de reportante stipendium propter concionem, aut pro decan-

Fars III.

da Theologia? viii. Quid de transigente ius patronatus siue reale, siue personale propter pretium? Quid de resignante similiter Beneficium? Quid de commutante res spirituales lucrum afferentes? ix. Quanam Penso sit materia Simonia? Quanam etiam Resignatio Beneficiorum? Quanam redemptio vexationis licita est in Beneficiis? Quanam etiam transactio inter litigantes? x. Pro altribus jurisdictionis Ecclesiastica nihil accipi potest. Quomodo pro dispensationibus a Curia Romana aliquid accipiat? xi. Num Pontifex possit simoniam incurrrere etiam iuris Ecclesiastici? xii. Excusanturne a Simonia iuris humani, qui illam scienter, & dissimulante Pontifice exercent? xiii. Sex de causis, seu simulis excusari potest a simonia, qui dat temporale occasione spiritualis; nempe iurilo sustentationis, liberalitatis, laboris extrinseci, privationis alicujus lucris, redemptionis vexationis iniusta, & ratione consuetudinis. xiv. Qui, verbi gratia, celebrat, si detur stipendium, aliter eo die non celebraturus, non habet pro motivo secundario preste dicto stipendium, sed solum pro motivo excitante, & occasionali; aliter esset simoniacus. xv. Quanam redemptio iniusta vexationis licita sit? xvi. Simoniaci datur pecunia intercessori immediate ad Beneficium obtinendum. Sed quid si detur intercessori mediat? xvii. Beneficii collatio falsa Titio ignorans Simoniam ab alio commissam ad tale Beneficium obtinendum est irrita, nisi in fraudem simonia committatur, aut nisi electus resistat. Gaudet tamen hic beneficio triennalis possessionis. xviii. Quanam censura ferantur in Simoniacos? Quanam altus simoniaci sint invalidi? & quanam restitutio iis imponatur? xix. Pretium simoniace acceptum dari ne, an pauperibus restituendum est? xx. Pretii huius restitutio facienda est, etiam si non detur obligatio ex iustitia ponendi rem sacram, qua venditur. xxi. Quid si conferens rem sacram prius se in gra-

F i tiam

tiam alterius commodo aliquo sive temporali, sive spiritali? xxii. Qui rem sacram emis, illam non tenetur restituere, quamvis vendens teneatur restituere pretium, quod pro illa accepit. xxiii. De Restitutione ob usuram faciendam remissa fuit.

ARTIC. IX. 196

De Restitutione faciendam ob Horarum, & Residentiæ omissionem.

1. Beneficarii post sex menses a Beneficii possessione, si Horas non recitent, tenentur ante sententiam iudicis fructus restituere pro rata omissionis, erogando illos aut in fabricam Beneficii, aut in pauperes. Explicavit Pius V. quid sonet 17 pro rata omissionis. 11. Probabiliter non tenetur ad restitutionem, qui inculpabiliter Horas omisit. 111. Datum ob causam restituendum est causa non subsecuta, nisi aliud constet ex voluntate dantis. 1v. Omissens partem aliquam minorem, quam sit Hora parva, probabiliter nihil restituere debet. v. Qui recitat quidem Horas, sed sine attentione debita, sicut peccat graviter, ita ad restitutionem fructuum obligatur. vi. Pariter Canonici recitantes in Choro sine debita attentione distributiones retinere non possunt. vii. Beneficiarius in excommunicationem lapsus, si recitet Horas, &

munus suum praestet, potest fructus Beneficii retinere. Quid de excommunicato vitando? viii. Sicut infirmus, ita iniuste detrusus in carcerem, aut excommunicatus potest distributiones lucrari, quamvis absit a Choro; cum non debeat innocens hanc poenam subire. ix. Qui iuste est excommunicatus, non potest distributiones lucrari, quamvis per ipsum non stet, quominus absolvaatur. x. Beneficiarius post sex menses omissis officium, si monitus non respiciat, Beneficio privandus est. xi. Restitutio potest fieri non solum pauperibus, aut in utilitatem fabricae Ecclesiae, sed etiam in utilitatem fabricae domus Beneficii, aut in meliorandis agris; Et potest etiam fieri offerendo suffragia pro defunctis; Quod si ipse Beneficiarius sit pauper, potest sibi applicare fructus restituendos. xii. Pauper, antequam sibi tradantur in elemosinam fructus restituendi, non potest eos Beneficiario ipsi donare; Nec salis donatio est valida, si sit coacta. xiii. Restituendi sunt dumtaxat fructus respondentes oneri Horarum, non vero respondentes aliis oneribus, quibus sit satis. Sed quomodo sit ea pars? xiv. Quinam teneantur in Choro officium recitare? xv. Perstringuntur, quae spectant ad restitutionem faciendam a Beneficariis non residenti-

FINIS.

I N D E X

RERUM NOTABILIVM,

Quæ in hoc Tertio Traſſatu de Reſtitutione
continentur.

Prior numerus Quæſtionem; Alter Articulum; Tertius
numerum marginalem designat.

A

- A** Cceptio Perſonarum eſt vitium op-
pofitum Juſtitiz diſtributivæ, qua
bona communia diſtribuuntur juxta
proportionem Geometricam merito-
rum, & perſonarum. 1. 1. 4
- Actiões præcipuæ injuſtiz, quæ pa-
riunt onus reſtitutionis, recensentur.
2. 1. 2.
- Actus *noſtri* non interrumpantur mora-
liter per actus contrarios dumtaxat,
ſed etiam aliis viis. 1. 2. 8
- Adjuvans furem num teneatur ad reſti-
tutionem, quando ſine ſuo auxilio ad-
huc damnum fieret? 3. 4. 12
- Adulator, ſeu Palpo, quando ad reſti-
tutionem obligatur? 3. 4. 5
- Adulter dubitans num proles ſit ſua, an
mariti, ad quid tenetur? 3. 1. 6
- Adulter quænam damna tenetur com-
penſare, & quomodo pro injuria per-
ſonali debeat marito ſatiſfacere? 7. 6.
3. Quid ſi nothus reputetur legitimus?
7. 6. 4. Ad quid tenetur Adultera? 7.
6. 5. Si hæc in articulo mortis prodai
ſuum adulterium in præjudicium fi-
lii, iſte non tenetur ei fidem adhibe-
re. ibid.
- Advocatus quomodo poſſit furem defen-
dere? 3. 4. 8
- Arcana etiam jurata pandere licet, ſi
vergant in grave damnum Communi-
tatis, aut Innocentis. 7. 4. 6. Sigillum
dumtaxat Sacramentale nunquam li-
cet referare. ibid. V. Sigillum natu-
rale.

B

- B**eneficarii omittentes recitationem
Horarum, quando, & ad quam
reſtitutionem teneantur? 7. 9. 1. Non
teneantur reſtituere, ſi inculpabiliter
Horas omittant. 7. 9. 2. Quid ſi reſci-
tant ſine attentione debita? 7. 9. 5.
- Reſtituendi ſunt fructus reſpondentes
oneri Horarum, non vero aliis on-
eribus Beneficarii. 7. 9. 13. Quinam
in Choro recitare teneantur? 7. 9. 14.
- Quid de diſtributionibus debitis reci-
tantibus in Choro? 7. 9. 6
- Beneficarii non reſidentes ad quam re-
ſtitutionem teneantur? 7. 9. 15
- Beneficii reſignatio in confidentiam qua-
tuor modis contingere poteſt. 7. 8. 3.
- Quælibet pactio in re Beneficaria eſt
ſimoniaca. 7. 8. 8. Num veniant nomi-
ne Beneficii Superioratus Religionis?
ibid. Non eſt licitum offerre pecuniam
competitoribus, ne concurrant ad Be-
neficium. 7. 8. 16
- Beneficiorum reſignatio quando ſit ſi-
moniaca? 7. 8. 9. Num ſimoniacæ de-
tur pretium interceſſori mediato ad
obtinendum Beneficium? 7. 8. 16.
- Beneficii collatio facta cum ignorantia
ſimoniæ ab alio commiſſe, quando
ſit irrita? 7. 8. 17. Actus ſimoniaci qui-
nam ſint invalidi? 7. 8. 18
- Bona conjugum alia ſunt mariti, alia
uxoris, alia communia: Quænam iſta
ſint? 7. 5. 12
- Bona filiorum alia ſunt Caſtrenſia, &
Quaſi-Caſtrenſia; alia Proſecticia, &
Adven-

Adventitia. 7. 5. 11. In dubio num sint Profectitia, an Adventitia, an Censura, judicandum in favorem possidentis. *ibid.*
 Bona incerta, si non sint acquisita ex delicto, num possint retineri? 4. 3. 1. Episcopus facere potest compositionem debitorum incertorum. 4. 3. 3
 Bona vacantia, ac derelicta jure naturæ sunt primi occupantis, sed quid jure positivo? 4. 3. 4. Quid de animalibus, quæ venatione, aut piscatione capiuntur? 4. 3. 5. Animal, quod tibi damnum inferi, secundum se nequit occidi. 4. 3. 8

C

Canonici recitans in Choro sine debita attentione num possit distributiones lucrari? 7. 9. 6. Infirmitas, & injuste excommunicatus, aut injuste detrusus in carcerem potest distributiones lucrari, quamvis à Choro absit. 7. 9. 8. Non tamen qui justè est excommunicatus, quamvis per ipsum non stet quominus absolvetur. 7. 9. 9
 Cappellanæ, & Commendæ quænam sint simoniæ materia? 7. 8. 6
 Cappellanus, qui non celebravit tempore debito, tenetur statim vel per se, vel per alios supplere; at si non recitavit Horas diebus suis, non tenetur illarum recitationem supplere. 8. 9. 2
 Castrare pueros num liceat ad vocem conservandam? 7. 1. 9
 Casuale homicidium graviter culpabile quodnam dicatur? Et quodnam homicidium indirectum? 7. 1. 5. Si Petrus collocet cadaver occisi ante fores Pauli, & hic tanquam homicida interficiatur, num dicatur homicida respectu Pauli? *ibid.* Quid si Titius pro Cajo inadvertenter occidatur? 7. 1. 7
 Caupones, qui dant chartas, sedilia, lumen ludentibus aliena pecunia, num ad restitutionem teneantur? 3. 4. 7
 Censura non incurritur propter culpam internè gravem, & externè levem; sicut nec irregularitas, & reservatio, aut onus restitutionis. 1. 4. 11. Nec si quis delinquit cum ignorantia concomitante. 1. 4. 12
 Cessio bonorum non excusat à restitutione seclusa impotentia, 6. 1. 9. Quid

ea ferat pro foro externo? *ibid.* Clericus non potest cedere bonis cum ignominia sui status. *ibid.* Cedens bonis quantum possit occultare ad honestè vivendum? 6. 1. 10. Artifex si bonis cedat, tenetur suam artem exercere, ut creditoribus satisfaciatur. 6. 1. 11. Quid si Religionem ingrediatur? *ibid.*
 Choro quinam debeant interesse, & officium recitare? 7. 9. 14. Quando iis debeantur distributiones, quamvis absint à Choro? 7. 9. 8
 Clerici, qui ex Tridentino gaudent privilegio fori, quinam sint? 6. 1. 9. Clericus non potest cum ignominia sui status bonis cedere. 6. 1. 9
 Clerici quodnam vœdical solvere teneantur? 7. 7. 6. Quid si advehant merces ad negotiandum? 7. 7. 2. Quid de Clericis conjugatis? *ibid.*
 Clericus invasus, si non fugiat, prout potest, & invasorem occidat, num teneatur ad restitutionem? 7. 1. 2
 Clericus vacans venationi prohibita, si inadvertenter allum occidat, non tenetur ad restitutionem. 1. 3. 6
 Compensatio num possit fieri citra vim ab amico creditoris, ut huic fiat satis? 5. 1. 7. Num etiam possit per vim dominus ingredi domum furis, ut sibi rem suam accipiat. 5. 1. 8
 Compensatio occulta quomodo licite fieri possit? 6. 3. 1. Debitum debet esse moraliter certum, & ex justitia, atque ita ut non possit aliter recuperari. 6. 3. 5. Num sit mortale hanc ultimam conditionem negligere? *ibid.* Famuli quando possunt hac compensatione uti? 6. 3. 8. Num possit Sacerdos in compensationem decem carolendorum omittere celebrationem totidem Missarum? 6. 3. 9. Num possit filius pro suo labore imperato à Patre quicquam sibi compensare? 6. 3. 10. Num possit fieri compensatio in delictis? Num famam pecunia compensare liceat? 6. 3. 11. Quid si debitum sit probabile, & potior probabilitas sit circa jus, non circa factum? 6. 3. 12
 Compositio pro debitis incertis facta a Pontifice, vel proprio Episcopo liberat a restitutione, etiam si dominus deinde compareat. 6. 4. 1. Quando potest Pontifex pro debitis certis compensari?

positionem, aut dispensationem concedere? **6. 4. 2.** Quid possit hac in re Princeps secularis, aut Iudex? **6. 4. 3.**
 Concurrens materialiter ad damnificandum num teneatur restituere? **3. 3. 6.**
 Concurrentes ad damnificandum qualiter ad restitutionem teneantur? **3. 1. 1.**
 Dicuntur positive concurrere Mandans, Consulens, Consentiens, Palpo, Receptans, Participans: negative vero Mutus, non Obstant, non Manifestans. ibid. Tria requiruntur, ut Cooperantes ad restitutionem teneantur. **3. 1. 2.**
 Quid si damnum inferendum esset etiam sine Cooperante? **3. 1. 3.** Quid si cooperatio ad damnum sit solum quoad modum, non quoad substantiam? **3. 1. 4.** Quid si dubitetur de concursu, aut de damno secuto? **3. 1. 7.**
 Concurrentibus pluribus ad damnificandum, ad quid singuli teneantur? **3. 6. 1.** Quid de militibus Urbem diripientibus? Et quid de duce imperante damnificationem? **3. 6. 3.** Quid si plures concurrant non ad idem, sed ad diversum damnum? **3. 6. 6.**
 Condonatio debitis qualis debet esse, ut debitum extinguat? **6. 2. 1.** Qui certus est de voluntate saltem præsumpta creditoris de debito remittendo, excusatur a restitutione; non tamen si de ea dubitet. **6. 2. 6.**
 Confessarius omittens monere penitentem de restitutione facienda, num ipse teneatur restituere? **1. 1. 11.**
 Confessarius quomodo se gerat cum obligato ad restituendum? **1. 5. 1.** Quando potest permittere dilationem? **1. 5. 2.** Num in articulo mortis possit aegrotum absolvere, antequam restituat? **1. 5. 3.** Num ipse ad restitutionem teneatur, si omisit culpabiliter monere penitentem de restitutione facienda? **1. 5. 7.** & **2. 1. 5.** Num possit absolvere illum, qui promisit restituere, & non stetit promissis? **1. 5. 6.** Debet se accomodare opinioni probabili penitentis. **1. 5. 3.**
 Consentiens in damnificationem quando teneatur restituere? **3. 4. 2.**
 Consuetudo ut præscribat contra legem, quid requiritur? **6. 5. 13.**
 Consulens damnum num teneatur restituere damna consiliiarii? **3. 3. 1.** Quinam veniant sub nomine consulentis? ibid.

Quid requiritur, ut revocato consilio ad restitutionem non teneatur? **3. 3. 1.**
 Quid si dubitetur an consilium infuixerit? **3. 3. 4.** Quid si damnum etiam fieret sine tali consilio? **3. 3. 6.** Quid si consilium datur non ex malitia, sed ex ignorantia graviter culpabili? **3. 3. 7.** Bona fide consulens damnum probabilius etiam ex iustitia teneatur damnum impedire, si potest. **3. 3. 9.**
 Consulens minus malum parato inferre majus, num peccet, & ad restitutionem teneatur? **3. 3. 10.** Quid si datur consilium de inferendo malo minori Petro ei, qui determinatus est inferre malum majus Paulo? **3. 3. 11.**
 Contumelia de se fert positivam inhonorationem non oppositam Observantiæ, sed iustitiæ commutativæ. **7. 3. 1.** Compensatur universim per petitionem venire. **7. 3. 2.**
 Contumeliis atrocibus affectus quid possit ad se defendendum? **7. 1. 10.**
 Creditores hypothecarii præferendi sunt Chirographariis. **5. 5. 2.** Num possit creditor per hoc quod petat, præferri non petenti? **5. 5. 12.** Num pauper diviti? **5. 5. 14.** Qui iniuste præferatur, poteritne retinere quod sibi debetur? **5. 5. 13.** Creditores reales habent jus in re, & actionem ad rem debitoris: Creditores vero Personales habent jus ad rem, & actionem in personam debitoris, non in ejus bona. ibid.
 Creditori creditoris an fiat restitutio a debitore, num hic satisfecerit? **5. 1. 6.**
 Culpa interne gravis, si sit externe levis, non satis est ad incurrendam censuram, irregularitatem, reservationem, sicut neque onus restitutionis. **1. 4. 11.** Sicut nec culpa interne levis ex imperfecta deliberatione, quamvis sit externe gravis. **1. 4. 3.** Ad quid teneatur Dominus, si absque sua culpa servus ejus, aut animal damnum intulit? **1. 4. 4.** Damnificans graviter ex negligentia leviter culpabili, ad quid teneatur? **1. 4. 8.**
 Culpa Theologica requiritur ad contrahendam obligationem restituendi. **1. 4. 2.** Levis culpa juridica non semper excusat Commodatariū, aut Locatarium; licet excuset Depositarium, quia fere semper in iis conjungitur cum gravi culpa. **pa**

pa Theologica. 1. 4. 9. Culpa levis Theologica ex imperfecto consensu excusat a restitutione etiam in materia gravi. 1. 4. 3. Sicut si culpa sit interne gravis, & externe levis. 1. 4. 11. Quid si dubitetur num culpa fuerit gravis, an levis? ibid. Non obligant in conscientia leges civiles præsumptivæ, si non supponant culpam. At dispositivæ obligant post sententiam Judicis. 1. 4. 5. Num detur aliquando obligatio gravis restituendi, præsupposita culpa dumtaxat levi? 1. 4. 6. Qui volens leviter damnificare, graviter casu damnificet, ad quid tenetur? 1. 4. 8. Quid si grave damnum inferatur cum ignoranti concomitante? 1. 4. 12. Ad restitutionem tenetur, qui volens comburere agrum inimici, per accidens comburit agrum amici. 1. 4. 13. Quid si amicum pro inimico occidat? ibid. Custodes vectigalium, saltuum, &c., ad restitutionem damni tenentur, non vero ad restitutionem poenæ, quam subiret damnificans. 3. 5. 7

D

Debita certa præferenda sunt incertis. 5. 5. 6. Num etiam debita ex delicto debitis ex contractu? 5. 5. 7. V. *Ordo servandus*. Debitor non solvens tempore suo num teneatur ad interesse, quamvis non moneatur? 2. 2. 10. Debitor, qui non est solvendo, non potest donationem, aut hæreditatem repudiare. 5. 5. 16. Detractio in quo differt a contumelia, susurratone, & derisione? 7. 2. 1. Quatuor modis habetur directæ detractio, & totidem indirectæ. 7. 2. 2. Quænam sit materia gravis in detractio? 7. 2. 3. Num sit mortale manifestare uni, vel alteri viro prudenti verum crimen alterius? 7. 2. 4. Aut citra asseverantiam crimina audita referre? 7. 2. 5. Aut crimen in uno loco, aut tempore publicum manifestare ubi, & quando est occultum? 7. 2. 7. Aut infamatum in uno genere infamare in alio? 7. 2. 8. Quid si quis seipsum infamet? 7. 2. 9. Detrahentem audiens ad quid tenetur? 7. 2. 10. Quonam pacto fama restituen-

da sit? 7. 2. 11. Odo de causis potest quis a restitutione famæ excusari. 7. 2. 12. Si fama restitui nequit, non datur onus compensandi illam pecunia. 7. 2. 13. Num tamen possit infamatus aliquid clam accipere ab infamante in compensationem? ibid. Num peccet mortaliter, qui sibi falsum crimen imponit, ut liberet a morte patrem, aut amicum? 7. 2. 9. Derisio fert inhonorationem cum animo confundendi derisum, & de se fert mortalis, si prævidetur derisus graviter contristandus. 7. 1. 3. Derisio fit verbis irrisoriis, Sublannatio vero signis derisoriiis. ibid. Dilatio restitutionis quando potest a mortali excusari? 5. 3. 3. Quando est licita? 6. 1. 1. Non potest differri, ne debitor magno lucro privetur. 6. 1. 4. Quænam impotentia dilationem permittat? 6. 1. 6. Num differens licite restituere teneatur ad interesse? 6. 1. 7. Sola cessio bonorum sine impotentia non excusat. 6. 1. 9. Differre potest restitutionem, qui est in gravi necessitate, non tamen furari. 6. 1. 5. Distributiones potest lucrari infirmus, & detrusus in carcerem injuste, aut injuste excommunicatus, quamvis absit a Choro. 7. 2. 8. V. *Canonici*. Dominium rerum quomodo acquiratur? 1. 1. 6. In quo differt ab Usu, & Usufructu? ibid. Dubitans num bona filii sint Castrensia, an Adventitia, aut Profecitia, quomodo se gerat? 7. 1. 11. In dubio an vectigalia sint iusta, num sint solvenda? 7. 2. 2. Dubitans num possessio stet pro libertate, an pro lege, quomodo se gerere debet? 2. 5. 11. Quid si quis dubitet an horas recitaverit, ita ut satisfecerit? An votum emiseric? An sit elapsa media nox in ordine ad jejunium? An debito satisfecerit? An iurisdicção expiravit? An illam habuerit? An votum emiseric ante septennium? An comederit post mediam noctem? An Beneficium sit tenue? An peccatum sit reservatum? An censuram incurrit? An teneatur gabellam solvere? An teneatur sine æquivocatione respondere iudici interroganti? An infuxerit suo consilio in homicidium? An dispensatio obten-

obtentā sit valida? *ibid.* Quid si dubitas de valore actus, puta Matrimonii, Professionis, Dispensationis, &c. *2. 5. 13.* Adulter dubitans num proles sit sua, an mariti, ad quid tenetur? *3. 1. 6.* Quid si Iudex dubitet an suo iustitragio concurrat ad sententiam injustam? *3. 1. 5.* An sua actione influxerit in damnum tecutum? *3. 1. 7.* Dubitans num ex gravi, an ex levi culpa damnificaverit, ad quid tenetur? *1. 4. 10.* Quid si certus sit de culpa gravi, sed dubitet an ex illa damnum fecutum sit? *ibid.* Dubius rei possessor. V. *Possessor dubie fidei.*

E

Eleemosynæ magnæ a ficto paupere acceptæ culinam restituendæ sint? *2. 1. 3.* Emens rem bona fide a fure, domino comparente, ad quid tenetur? *2. 2. 5.* Quid si res aliena bona fide emptafunctionem recipiat, & sit immixta cum propria? *2. 2. 7.* Num teneatur contractum rescindere, qui bona fide rem emptam a fure vendidit alteri, ubi deprehendit rem esse furtivam? *2. 4. 5.* Episcopus conferens Beneficia minus dignis, omiſſis dignioribus, num teneatur ad restitutionem? *1. 1. 8.* Num peccet mortaliter conferendo Beneficia simplicia minus dignis? *1. 1. 9.* Episcopi, & Iudices, si suo malo exemplo inducant alios ad furandum, num teneantur ad restitutionem? *3. 5. 8.* Num contrahant censuras, & irregularitatem, si non impediunt homicidium? *ibid.* Episcopus relate ad debita incerta facere potest compositionem in sua Diœcesi. *4. 3. 3.* Excommunicatio lata contra furantes non incurritur ab eo, qui furando rem leviem infert damnum grave. *7. 5. 5.* Excommunicatio lata contra plures, qui modicum ab eodem abstulerunt, si non restituant, non incurritur ob peccatum mortale injustitiæ, sed inobedientiæ. *3. 6. 8., & 7. 5. 8.* Excommunicatus toleratus non privatur fructibus Beneficii, si præſtet munus suum. *7. 9. 7.* Quid de excommunicatione vitando? *ibid.*

Fama quonam pacto restituenda sit? *7. 2. 10.* Quid si quis confecerit libellos famulos? *7. 2. 11.* Præter famam restituendum est lucrum cessans infamato propter infamiam. *7. 2. 10.* Quid de audiente detractiones? *ibid.* V. *Detractionis.* Plurimæ causæ excusant a restitutione famæ. *7. 4. 12.* Famæ læsio num debeat pecunia compensari, si aliter refarciri non possit? *7. 1. 4.* Famam restituere tenetur, qui alium inadvertenter infamavit, ubi id advertit. *1. 3. 7.* Num ad id teneatur ex injusta acceptione? *ibid.* Famuli ex iustitia non tenentur impedire furtâ domesticorum, sed extraneorum. *3. 5. 6.* Famuli, & alii inservientes quandonam possint aliquid occulte surripere ab Heris suis. *7. 5. 10.* Filii quid possint quotannis occulte a parentibus citra mortale surripere de bonis profectitiis, ac de adventitiis? *7. 5. 11.* Filius laborans pro patre num possit sibi clamaccipere id, quod daretur externo pro tali labore? *7. 5. 11.* Fructus rei quinquam dicantur Naturales, quinquam Industriales, aut Mixti? *2. 3. 4.* Fictus non habet jus ad pœnam ante sententiam, & ideo non tenetur ad restitutionem, qui impedit, ne tale jus acquiratur. *2. 1. 8.* Fur, qui per aliquod tempus inculpabiliter non restituit, num teneatur ad interesse? *2. 3. 12.* Quid de furto rei mox demergendæ? *2. 5. 8.* Quid de melioramenti rei alienæ, si ve necessariis, si ve utilibus, si ve voluptuariis? *2. 5. 9.* Fur prævidens, quod damnum sit alteri imputandum, tenetur huic etiam damnum compensare. *3. 4. 13.* Furtula quandonam pariant gravem obligationem restituendi? *1. 4. 6., & 3. 6. 7., & 7. 5. 7.* Furtula repetita sæpius citra mortale num trahant onus grave restitutionis ex titulo injustitæ acceptionis? *7. 5. 7.* Fur potest aliquando ex furto lucrari. *2. 3. 7.* Furtivæ rei fructus quinquam restitui

ſtitui debent? 2. 3. 9. Fur fugiens num poſſit occidi? 7. 1. 10
 Furtum ſpecie differt a Rapina, quæ vim inferit, & iniuriam perſonalem. 7. 1. 1. Excuſatur a mortali, qui rem accipit domino invito quoad modum, non quoad ſubſtantiam. 7. 5. 2. Licentia præſumpta, ſeu ratiſhabito de futuro hac in re excuſat etiam a mortali. 7. 5. 3. Quantitas notabilis in materia furti quænam ſit? 7. 5. 5. Quid ſi plures concurrant ad damnum grave ſinguli furando rem levem? 7. 5. 8. Quid poſſint filii a ſuis parentibus, & uxor a marito occulte ſurripere citra mortale quotannis? 7. 5. 11. Num peccet contra juſtitiam, & ad aliquam reſtitutionem teneatur, qui retrahit aliquem ab ingreſſu Religionis; aut qui alium inducit ad peccandum? 7. 5. 13
 Fur tenetur ſolum reſtituere; ſed Raptor tenetur etiam ſatisfacere. 1. 1. 3

H

Homicidium tam caſuale, & indire-
 ctum, quam voluntarium obligat ad reſarcienda damna illata, ſuppoſita gravi culpa contra juſtitiam. 7. 1. 6. Provocatus ad pugnam, & inſaſus ab altero, ſi illum occidat cum exceſſu aliquali moderaminis debiti, ad quid tenetur? 7. 1. 1. Clericus potens fugere, ſi alium occidat cum modera-
 mine debito, num peccet contra juſti-
 tiam? 7. 1. 2. Artiſcem occidens quid debet reſtituere pro lucro teſſante, ex exercitio ſuæ artis; necnon creditoribus occiſi? 7. 1. 3. Quid reſtitui debet pro vita, pro vulnere, pro cicatrice, pro fama, pro occiſione ſervi, aut animalis alterius, & pro homicidio perpetrato a filio? 7. 1. 4. Quid de collo-
 cante cadaver occiſi ante fores alterius, cui homicidium tribuatur, ſi id prævideat, ſed non intendat? 7. 1. 5. Quid de occidente alium in ebrietate? Quid de volente occidere Petrum, ſi caſu occidat Paulum? Quid de vulne-
 rante Petrum, qui deinde ex oſcitan-
 tia Medicorum pereat? 7. 1. 7. Num ſit compenſandum damnum illatum aliis ex homicidio, præſertim hæredibus neceſſariis? 7. 1. 8. Num liceat aliquan-
 do ſeipſum occidere, aut mutilare?

Et num liceat pueros caſtrare ad vo-
 cem conſervandam? 7. 1. 9. Num poſ-
 ſit innocens aliquando occidi indire-
 cte? Num poſſit dari pharmacum præ-
 gnanti cum periculo occidendi foetum?
 Quando, & quomodo licite poſſit in-
 vaſor occidi? 7. 1. 10
 Hypothecarii creditores an ſint præſe-
 rendi Chirographariis? 5. 5. 9. Quid
 ſit Hypotheca, quid Pignus? 5. 5. 3

I

Ignorantia concomitans num excuſet
 a reſtitutione graviter damnifican-
 tem? 1. 4. 2
 Impediens aliquem a conſecutione bo-
 ni debiti ex juſtitia tenetur ad reſti-
 tutionem; Sicut etiam ſi malis artibus
 impediat illum ab alterius boni con-
 ſecutione. 2. 1. 5. Quid ſi impediat a
 conſecutione Beneficii, aut Officii pu-
 blici? 2. 1. 6. Quid ſi ex odio imp-
 diat pauperi eleemoſynam? 2. 1. 7.
 Impediens malis artibus, ne fiſcus ac-
 quirat juſ ad poenam, num teneatur
 reſtituere? 2. 1. 8
 Indicia dubia ſatis ſunt, ut aliquid
 ſubditus a Superiore puniatur, quæ-
 tenus non abſtinet aſpecie mali. 7. 3. 9
 Infans baptizatus an poſſit conculari a
 fugiente ad ſalvandam propriam vi-
 tam? 7. 1. 10. Non baptizatus concu-
 cari non poteſt. ibid.
 Innocentem indirecè occidere quando-
 nam liceat? 7. 1. 10. Innocentes pueri
 Saracenorum num poſſint occidi, ne
 deinde ſiant hoſtes Chriſtianorum? ibid.
 Interſeſse extraordinarium num ſit reſti-
 tuendum, ſi monitio creditoris non
 præcedat? 2. 3. 11
 Interitus rei alienæ mox apud dominum
 interituræ num excuſet a reſtitutio-
 ne? 6. 6. 1
 Interruptio moralis actuum noſtrorum
 quomodo habeatur? 1. 2. 8
 Invaſor quando, & quo pacto occidi
 poſſit? 7. 1. 11
 Inventæ res an ſint dandæ pauperibus?
 2. 2. 2. Inventi theſauri cui debeantur?
 2. 2. 3
 Irregularitas, & Cenſura non incurritur
 propter culpam interne gravem, ſed
 externe levem. 1. 4. 11.

Judex

Judex dubicans an suo suffragio induxerit in sententiam injustam, ad quid tenetur? [3.1.5](#). Si omittat ferre suffragium, ex quo sententia injusta declinaretur, tenetur restituere. [3.4.4](#)

Judex tenetur restituere id, quod accipit pro ferenda sententia justa; non tamen pro injusta, patrato scelere. [1.3.8](#). Si blandis verbis, aliisque modis contra charitatem a reo confessionem extorqueat, non tenetur ad restitutionem, si ille damnetur. [1.3.6](#)

Judices, & Episcopi, qui malo suo exemplo inducunt alios ad damnificandum, num teneantur ad restitutionem? [3.5.8](#)

Judicis famuli num possint aliquid accipere a Titio, ut illum prius introducant, & expediant? [4.2.6](#)

Judicium, & Suspicio temeraria. *V. suspicio.*

Juramento Ecclesiasticorum, aut eorum nuntii stare debent custodes vedigalium, si illi jurent res esse suas, atque adeo non subiectas vedigalibus. [7.7.8](#)

Jus in re, & jus ad rem in quo differant? Et quid sit dominium, Usus, & Ususfructus? [1.1.6.](#), & [3.5.2](#)

Jus patronatus citra Simoniam vendi non potest. [7.8.6](#). Quomodo transferatur tam jus patronatus reale, quam personale? [7.8.8](#)

Justitiæ distributiæ, Vindicatiæ, aut Legalis læsio non trahit onus restitutionis, si non lædatur simul justitia commutativa. [1.1.7](#)

L

Labor in administrandis Sacramentis quinam sit materia Simonie? [7.8.6](#)

Num labor Concionatoris, & docentis Theologiam sit hujusmodi? [7.8.7](#)

Legatum relictum in testamento minus solemniter num debeat in foro conscientie? [6.3.12](#). Quid de hærede ab intestato adversus eum, qui bona defuncti possidet ex testamento minus solemniter? *ibid.*

Leges civiles de compensando damno obligant in conscientia post sententiam Judicis, si sint dispositivæ, non tamen si sint præsumptivæ, quando abest culpa. [1.4.4](#). Leges circa thesauros inventos an obligent in conscientia? [2.2.](#)

Part III.

Notabilium.

3. Quid de legibus vetantibus Judici, ne munera accipiat? [4.1.8](#)

M

Mandans damnificationem revocato mandato ad restitutionem non obligatur. [3.2.2](#). Quid si mandatarius excedat limites mandati? [3.2.4](#). Quando ratihabitio æquiparatur mandato? [3.2.6](#). Num teneatur mandans compensare damna mandatarii? [3.2.5](#)

Mater tenetur prolem alere usque ad tertium ætatis annum inclusive; deinde tenetur pater, quousque possit filius sibi de alimentis providere. [7.6.3](#)

Medicus si nullum salarium accipiat, peccat solum contra charitatem negligendo curam ægroti, qui propterea moritur. [1.3.6](#). Si ægrotum occidat ex negligentia leviter culpabili contra justitiam, ad quid tenetur? [1.4.8](#)

Metus mortis num excuset remigantes in irremis Turcarum adversus Christianos? [3.4.11](#). Num etiam custodes, qui præbent furi claves ad furandum? *ibid.*

Misse stipendium num possit citra Simoniam in pactum deduci? [7.8.6](#). Num pariter dari congrua sustentatio pro ingressu in Religionem? [7.7.7](#)

Moniales absentes a Choro num teneantur privatim horas recitare? [7.9.14](#)

Monopolium committens emendo simul omnes merces, ut eas carius vendat, num teneatur ad restitutionem? [1.1.13](#)

Monitio creditoris num debeat præcedere, ut debitor teneatur ad interesse extraordinarium? [2.3.11](#). Sine prævia monitione non solet fieri census solutio. [5.3.2](#). Nisi obo verecundiam, aut timorem omittatur. *ibid.*

Munera donata Judicibus, eorumque officialibus, & famulis num possint retineri? [4.2.6](#). Quid de legibus id vetantibus? *ibid.*, & [2.2.3](#)

Mutus, non obfians, non manifestans, quando ad restitutionem obligatur? [3.5.1](#). Quid si taceant, quando damnum impediri non potest? [3.5.3](#). Qui non tenetur ex officio furem revelare, num possit a fure aliquid accipere, ne revelet? [3.5.9](#)

N

Necessitas gravis permittit dilationem restitutionis, si creditor non sit in pari necessitate; sed non permittit furtum. 2. 5. 2

O

Ordo servandus inter personas, quæ debent restituere, quando plures fuerunt causa damni. 3. 6. 1. Ordo servandus inter personas, quibus fieri debet restitutio, quando non potest debitor omnibus satisfacere. 5. 5. 1. Res debita in individuo, si dominus ignoretur, danda pauperibus, antequam aliis creditoribus satisfiat. 5. 5. 4. Si sit vendita credito, præferendus est venditor aliis. 5. 5. 5. Debita certa incertis præferenda. 5. 5. 6. Pro rata satisfaciendum debitis ex delicto, ac debitis ex contractu absque ulla prælatione. 5. 5. 7. At debita ex contractu oneroso præferenda sunt debitis ex contractu gratuito. 5. 5. 8. Quid de Creditoribus hypothecariis, & Chirographariis? 5. 5. 9. Num creditor petens præferri possit non petentibus? 5. 5. 12. Num pauper diviti præferri possit? 5. 5. 14. Qui aliquid recepit ab eo, qui non est solvendo, ad quid tenetur? 5. 5. 15

P

Palpo. V. Adulator.

Participans cum fure num possit ratione gravis metus aliquando excusari? 3. 4. 11

Pater ad restitutionem non tenetur, si denegat filiis alimenta, quæ eis debet ex pietate. 3. 5. 5

Pectatum veniale num possit aliquando trahere onus grave restituendi? 1. 4. 6

Pensio num sit materia Simoniz? 7. 8. 9

Pluribus damnum inferentibus, ad quid teneantur singuli? 3. 6. 1

Pontifex num possit incurrere Simoniam juris Ecclesiastici? 7. 8. 11

Possessor bonæ fidei quinam dicatur? 2. 3. 1

Possessor dubiæ fidei quando comparatur possessori bonæ, quando malæ fidei? 2. 3. 2. Quid restituere debeat possessor malæ fidei? 2. 3. 3. Quid pos-

seffor bonæ fidei? 2. 4. 2. Quid si res aliena bona fide sit consumpta? 2. 4. 4. Quid si in tela aliena bona fide fiat pictura excedens pretium telæ? 2. 4. 7. Aut si in agro alieno seratur frumentum proprium, vel frumentum alienum in agro proprio? 2. 4. 8

Possessor dubiæ fidei quinam dicatur? 2. 5. 1. Ad quid tenetur? 2. 5. 3. Qui in ludo per fraudem vicit, & dubitat, num ob fraudem, an casu vicerit, ad quid tenetur? 2. 5. 9. Ad quid tenetur, qui possidens rem bona fide incipit dubitare, an sit aliena? 2. 5. 6. Et qui possidens rem mala fide incipit dubitare, an sit sua? 2. 5. 7. Qui rapit rem ab alio bona fide possessam dubitans, aut opinans, quod sit sua, tenetur integrè illam restituere. 2. 5. 9. Quomodo conciliantur illæ duæ regulæ, In dubiis melior est conditio possidentis, & In dubio tutior pars est eligenda? 2. 5. 10. & 2. 5. 10. Duplex assignatur regula ad dignoscendum, num stet in possessione libertas, an præceptum? 2. 5. 11

Possessor malæ fidei quo loco debeat respondere id, quod debet? 5. 2. 1. Quomodo vero loco possessor bonæ fidei, & cuius expensis? 5. 2. 3. Quo loco ea, quæ debentur ex contractu? 5. 2. 4. Ubi res donatur ex testamento, res commodatur, & pensiones? 5. 2. 6. Quid si sine magnis expensis res restitui non possit? 5. 2. 7

Præceptum restituendi diversum est a præcepto non furandi. 1. 2. 5. Affirmativumne sit, an negativum præceptum restituendi? 1. 2. 4

Pregnanti num possit pharmacum dari cum periculo occidendi foetum? 7. 1. 10.

Praelatus, & quisvis Superior, qui ex officio tenetur custodire famam subditorum, si detractiones non impedit, num peccet contra iustitiam, & teneatur ad restitutionem? 7. 5. 10

Præscriptio legitima, & Usucapio liberant a restitutione facienda. 6. 1. 1. Quinque sunt præscriptionis conditiones. 6. 1. 3. Quænam res præscribi non possunt? 6. 5. 5. Bona fides orta ex ignorantia juris num proficiat ad præscribendum? 6. 5. 9. Titulus probabiliter præsumptus non est adeo requisitus, quam sit bona fides. 6. 5. 10. Usucapio quantum

tum temporis requirat ad præscribendum sine titulo? **6.5.12.** Quid requiritur, ut consuetudo contra legem præscribat? **6.5.13**

Præstimoniam sunt materia Simoniz. **7.8.5**

Princeps conferendo officia Gubernatoris, & Judicis minus dignis, num teneatur ad aliquam restitutionem? **1.1.12.**

Probabile debitum probabilitate potiori juris, num possit in aliquibus casibus occulte compensari? **6.3.12**

Proximi bona non tenemur defendere, si si renuat; secus vero vitam. **7.1.11**

Pueri num licite castrentur ad conferendam vocem? **7.1.2**

Pupillus num teneatur solvere, quæ debet ob contractum onerosum? **2.1.3**

R

Radix, ex qua provenit obligatio restitutionis, est duplex, videlicet injusta acceptio, & res accepta. **1.3.1.** In quo differant? **1.3.2.** Citra culpam Theologicam non habetur obligatio restitutionis. **1.4.2.** Culpæ venialis ex imperfecta deliberatione nullam trahit obligationem restituendi in materia gravi. **1.4.3.** Num leges præcipientes compensationem damni obligent in conscientia? **1.4.4.** Num aliquando ex culpa veniali oriatur grave onus restituendi? **1.4.6.** Quid si plures ab eodem modicum quid furentur? **1.4.7.** Quid si dubiterur, num res perierit ex culpa gravi, an levi? **1.4.10.** V. *Culpæ Theologica.*

Rapina superaddit furto violentiam, & injuriam personalem. **7.5.1.** Hinc specie differt a furto. **ibid.**

Raptor tenetur restituere simul, & satisfacere; fur vero solum tenetur restituere. **1.1.3**

Ratihabitio de futuro, seu licentia præsumpta num excuset a furto, & Religiosum a vicio proprietatis? **7.1.3.** Ea non sufficit ad Sacramentaliter absolvendum, & ad dispensandum. **ibid.** Restitutio facienda ob vitiolum fraudationem. V. *Peccigalia.* Ob Simoniam. V. *Simoniam.* Ob Horarum omissionem. V. *Horarum Canonica.*

Ratihabitio quando æquiparatur mandato de damno inferendo? **3.2.6**

Recursum præbens, seu receptans furem quando ad restitutionem obligatur? **3.4.6.**

Regula illa *In dubiis minor pars eligenda* est quomodo est interpretanda? **2.5.5.** Et quomodo illa alia *In dubiis melior est conditio possidentis*? **2.5.12**

Regalæ, quæ a Doctoribus assignantur ad dignoscendum, num possessio stet pro lege, an pro libertate, exponuntur. **2.5.11**

Religionem ingredi num possit ære alieno gravatus? **6.6.2.** Num teneatur hic in Religionem laborare, ut creditoribus satisfaciat? **6.6.3.** Num acceptare legata, & donationes? **6.6.4**

Religiosus præsertim Prælati, qui alios damnificavit, ad quid tenetur, ut satisfaciatur? **6.6.5**

Remissione debiti facta principali, minus principalis ad nihil tenetur, sed non e converso. **3.6.10.** At remissa actione in iudicio adversus Principalem, potest creditor agere adversus minus principalem. **ibid.**

Res domino nocitura num sit restituenda, aut etiam a domino auferenda? **4.5.6.** Num possit ea res restitui, quando dominus est abusus contra alias virtutes a iustitia? **4.5.8., & 5.4.2.**

Res restituenda si pereat, antequam perveniat ad dominum, num debeat fieri iterata restitutio? **4.4.3.** Quid si transmittatur per Confessarium? **4.4.4**

Restituendane sint accepta ob turpem causam? **4.1.1.** Num pretium sic acceptum a filio, uxore, servo spectet ad patrem, maritum, dominum? **4.1.5.**

Restituere qualiter teneantur concurrentes ad damnificationem, sive positive, sive negative. **3.1.1.** V. *Concurrentes.*

Restituere quinam teneantur? **2.1.1.** Recensentur præcipuæ actiones injustæ, quæ pariunt onus restitutionis. **2.1.2.** De impediante aliquem a consecutione alicujus boni, V. *Impediens.* V. *Possessor bona fidei.* Ad restitutionem tenetur, qui comburit agrum amici, invincibiliter putans illum esse sui inimici. **2.4.2.** Quid si occidat Petrum amicum, quem putat esse Paulum inimicum? **ibid.**

Restituere quonam ordine debent, quando plures concurrunt ad damnificandum?

- dum? **3. 6. 1.** Quamvis ordo servandus inter Personas, quibus facienda est restitutio, quando bona debitoris non sufficiunt? **5. 1. 1.** Qui possidet rem alienam in individuo, ante omnes restituere debet; deinde possessor malæ fidei. **3. 6. 2.** Postea mandans ante executorem, & consulentem. **3. 6. 3.** Post executorem æque principaliter tenentur alie concausæ tum positivæ, tum negativæ in solidum. **3. 6. 8.**
- Restitui debet, quod acceptum est pro opere debito ex iustitia, non vero pro alio opere honesto. **4. 2. 1.**
- Restituere aliquid debeat pro vita, pro mutilatione, pro cicatrice, pro fama? Et quid de occisione servi, aut animalis alterius? Quid pro homicidio facto a filio? **7. 1. 4.**
- Restitutio cui facienda est? **5. 1. 1.** Differens dare rem donatam Cajo usque ad mortem donantis, num teneatur ad integram restitutionem tum Cajo donatario, tum hæredibus donantis? **5. 1. 3.** Qui bona fide rem restituendam impendit in opera pia, ad quid tenetur si dominus compareat? **5. 1. 5.** Num res restituenda Titio restitui possit creditoribus Titii? **5. 1. 6.**
- Restitutio facienda a Beneficiariis non residentibus. **7. 9. 15.**
- Restitutio facienda a Beneficiariis propter omissionem horarum quænam sit? **7. 9. 1. V. Beneficarii.**
- Restitutio dilatio. **V. Dilatio.**
- Restitutio facienda ob homicidium. **V. Homicidium.** Ob detractionem. **V. Detractio.** Ob contumeliam. **V. Contumelia.** Ob violationem secreti. **V. Secretum.** Ob furtum. **V. Furtum.** Ob stuprum. **V. Stuprum.** Ob adulterium. **V. Adulterium.**
- Restitutio ob usuras, & ob ludum facienda. **7. 8. 13.**
- Restitutio non est ad salutem necessariam necessitate mediæ, sed præcepti. **1. 2. 2.** Num præceptum restituendi sit affirmativum, an negativum? **1. 2. 4.** Quot peccata committit, qui oblata opportunitate restituendi non restituit? **1. 2. 7.** Quomodo actus moraliter interrumpantur? **1. 2. 8.**
- Restitutio præse dicta est actus iustitiæ commutativæ. **1. 1. 1.** In quo differat iustitia commutativa a distributiva, vindicativa, & legali? **1. 1. 4.** Si distributiva violatur sine violatione commutativæ, non datur onus restitutionis. **1. 1. 5.** Num ad restitutionem teneatur Episcopus conferens Beneficia minus dignis? Et Princeps sic conferendo officia Gubernatoris, aut Judicis? **1. 1. 8.** Quid si testis in iudicio negat veritatem cum alterius damno? Quid de Confessario, qui omittit monere poenitentem de restitutione facienda? Quid de Advocato, Gubernatore, & similibus? **1. 1. 12.** Num restituere teneatur, qui emit omnes merces, ut eas caris vendat? **1. 1. 13.**
- Restitutio pretii Simoniaci dantæ, an pauperibus facienda est? **7. 8. 19.** Quid si conferens rem sacram privet se in gratiam alterius commodo aliquo sive temporalis, sive spiritalis? **7. 8. 21.** Emens rem Sacram Simoniacæ non tenetur illam restituere, quamvis vendens teneatur pretium restituere, quod pro illa accepit. **7. 8. 23.**
- Restitutio ubi fieri debet? **V. Possessor mala fidei.** Ea statim facienda. **5. 4. 1.** Non solet fieri censum solutio sine prævia monitione. **5. 4. 2.** Num possit restitutio fieri per alium? **5. 4. 1.** Quid si fiat per Parochum, & res non perveniat ad dominum? *ibid.*, & **4. 5. 8.** Ad infamiam declinandam num fingi possit, quod res restituenda donetur? **5. 4. 4.** Num satisfaciatur, qui immemor debiti donet tantundem creditori? **5. 4. 5.**

Satisfactio in quo differat a restitutione? **1. 1. 3.** Fur solum tenetur restituere, sed raptor tenetur etiam satisfacere. *ibid.*

Sigillum naturale secundum se non violatur citra mortale. **7. 4. 1.** Quid si uni, vel alteri viro prudenti res revoletur? **7. 4. 2.** Compendanda sunt damna, quæ ex tali violatione proveniunt. **7. 4. 3.** Num graviter peccet, qui aperit literas sigillo munitas? **5. 4. 4.** Quid si sigillum vergat in grave damnum Communitatis, aut innocentis? **7. 3. 6.** Num possit secretum revelari ad vitanda gravia tormenta? **7. 3. 5.**

Simoniaci quid sit? Quid munus a manu,

a lingua, ab obsequio? **7. 8. 1.** Requiritur ad Simoniam pactum silem implicitum. **7. 8. 2.** Dividitur in Realem, Conventionalem, & Mentalem, quæ requirit actionem externam positam animo Simoniaci. **7. 8. 3.** Simonia confidentialis in Beneficiis ad quod genus reducatur? Et quas pœnas trahat? *ibid.* Solum Simonia juris Ecclesiastici patitur materie parvitatem. **7. 8. 4.** Quenam sit materia Simonie? **7. 8. 5.** Quid de Cappellaniis, de Commendis, de Vicariatu Episcopi, de Rectoriis Hospitalium? **7. 8. 6.** Num possumus aliquem rebus temporalibus allicere ad conferendas res spirituales? **7. 8. 7.** Num pro concione, aut pro Theologia docenda possit quicquam accipi? *ibid.* Quid de trāsferente jus patronatus pro pretio? Quid de resignante similiter Beneficium? Quid de commutante res spirituales lucrum afferentes? **7. 8. 8.** Num sit materia Simonie pensio? Num resignatio Beneficiorum? Num redemptio vexationis in Beneficiis? **7. 8. 9.** Pro actibus Jurisdictionis Ecclesiasticæ nihil accipi potest. Quomodo Curia Romana aliquid accipiat pro dispensationibus? **7. 8. 10.** Simoniam juris Ecclesiastici num possit Pontifex incurere? **7. 8. 11.** Quid si quis illam exerceat sciente, & dissimulante Pontifice? **7. 8. 12.** Simonia sex de causis declinari potest dando temporale occasione spiritualis. **7. 8. 13.** Quid si quis celebret occasione stipendii, aliter non celebraturus? **7. 8. 14.** Quid si quis det aliquid intercessori mediato ad obtinendum Beneficium? **7. 8. 16.** De actibus Simoniacis irritis. **7. 8. 17.** De Censuris in Simoniacos. **7. 8. 18.** De restitutione facienda propter Simoniam. **7. 8. 19.** Simonia ficta num sit quoad pœnas Simonia? **7. 8. 3.** Simoniacum pretium cui restituendum? **2. 1. 3., & 4. 1. 5.** Stuprator ad quid tenetur, si non promisit Virgini matrimonium? **7. 6. 1.** Quando Virgo consentit sponte, tunc non dicitur ituprum, sed fornicatio. *ibid.* Quid si fictæ stuprator matrimonium promisit? **7. 6. 2.** Subfannatio fit signis derisorii; derisio vero verbis irrisoriis; Utraque est mor-

talitatis, si ferat gravem animi conturbationem. **7. 1. 3.** Suspicio, & Judicium temerarium reducuntur ad detraktionem tanquam actus internus ad externum trahuntque onus restitutionis; & de se sunt mortale; inducunt quippe contemptum proximi. **7. 2. 5.** Facilius a mortali excusatur suspicio, quam judicium temerarium. Quando indicia sunt probabilia, suspicio, ac opinio non dici debet temeraria. **7. 1. 6.** In dubiis non possumus male opinari de proximo, sed tenemur assensum suspendere. **7. 3. 7.** Quando tamen agitur de damno evitando, possumus indicia dubia in detriorem partem interpretari solum conditionate. **7. 3. 8.** Ob indicia dubia possunt Superiores alicuius subditum punire quatenus non abstinuit a specie mali. **7. 3. 9.** Suffragatio ordinatur ad seminandas discordias inter amicos; Est de se mortalis, trahitque onus restitutionis. **7. 1. 4.**

T

Aciturnitas, & tolerantia Principis non semper arguit consensum. **7. 8. 12.** Temporale spirituali annexum quando est materia Simonie? **7. 8. 1.** Trifariam annexi potest temporale spirituali, antecedenter, concomitanter, & consequenter. *ibid.* Testamentum minus solemne. **V. Legatum.** Testis, qui in iudicio veritatem negavit cum damno alterius, num teneatur restituere? **1. 1. 12., & 3. 5. 4.** Thesauri inventi cui debentur? **2. 2. 3.** Titulus probabiliter præsumptus qualiter requiratur ad præscribendum? **6. 5. 11.** Sine tali titulo potest haberi præscriptio, sed non sine bona fide. *ibid.* Transactio in re beneficiaria num sit Simoniaci? **7. 8. 2.**

V

Væctigalium lex num sit pure poenalis? **7. 7. 1.** Quid si in rebus usualibus imponantur? *ibid.* In dubio num sint iusta, darumne obligatio ea solvendi? **7. 7. 2.** Etiam exteri ad solutionem vecti-

- vedigalium obligantur. *7. 7. 3.* Ecclesiastici quandonam tenentur vedigalia solvere? *7. 7. 6.* Quid de Clericis conjugatis? *7. 7. 2.* Si custodibus non constet, quod bona sint Ecclesiasticorum, juramento istorum debent stare. *7. 7. 8.* Custodes, qui ex iustitia tenentur ob stare fraudibus, ad restitutionem tenentur, non tamen ad restitutionem poenæ, quam fraudantes solverent, si manifestarentur. *7. 7. 5.* Num debeant sponte Custodibus aperiri merces subiectæ vedigali? *7. 7. 4.*
- Venationem, & piscationem potest Princeps sibi reservare. *4. 3. 6.* Qui habenti jus venandi damnum intulit, tenetur compensare, quin teneatur feras captas restituere. *4. 3. 7.* Quid si Princeps reddat incapaces dominii subditos relate ad feras captas in nemore suo? *4. 3. 6.*
- Vicariatus Episcopi num sit materia Simonie? *7. 8. 6.*
- Votum paupertatis num violetur a Religioso per licentiam præsumptam, seu per ratihabitionem de futuro? *7. 5. 3.*
- Votum comparatur cum licentia tanquam cum conditione; at cum dispensatione comparatur tanquam cum ejus destructivo, aut vulnerativo. *7. 5. 4.*
- Ufucapio, V. *Prescriptio.* Sine titulo ad præcibendas res mobiles requiritur præter bonam fidem spatium triginta annorum; at cum titulo satis est triennium inter præsentēs, & quadriennium inter absentes. *6. 5. 12.*
- Uxor quid possit quotannis occulte surripere de bonis mariti citra mortale? *7. 5. 12.*

F I N I S.

ANT 1742154